

*Handwritten notes on the spine:*  
11  
cd  
11



BIBLIOTHECA  
UNIV. JAGELLE  
GRACOVENSIS

kałkomp

36190

I Mag. St. Dr. P



THEOLOGIA.

N. 1033.

In Bibliotheca  
Alma Universitatis  
Austriacae, quod  
nunc in Facultate  
Theologiae  
Religione existens,  
donat.



36190

I

Wzór grzebienny  
M. Jacobo Radlinski, Vitae apostolicae Pars II, Lublin 1732  
BJ St. Dr. 36190/I

N O R M A  
PROBATIONIS APOSTOLICÆ  
activè sumptæ

Seu

V I T Æ  
APOSTOLICÆ  
P A R S II.

*In qua ostenduntur modi & industriæ probandi  
instruendi, ac instituendi quoscunque Novitios ad  
imitationem & methodum CHRISTI Domini probā-  
tis, instruētis, ac instituētis Apostolos,  
Discipulos, ac Novitios suos.*

à

M. JACOBO RADLINSKI,  
Sacrae Theol: Doct: Canonico Regu-  
lari Sacrosancti Hierosolymitani Sepul-  
chri CHRISTI Dñi, Præposito Lezays:

L U B L I N I

Typis Collegii Soc: JESU Annò 1732.

In Stemmā.  
*PERILLUSTRIS*  
*REVERENDISSIMI*  
*DOMINI.*



36. 190. J

Quos gravib9 bellis profert CRUX ista triūphos

Hos Cæli Superis mox TUBA clara canit.

PERILLUSTRI  
&  
REVERENDISSIMO D.  
D STANISLAO  
STEPKOWSKI

Ordinis CANONICORUM RE-  
GULARIUM CUSTODUM Sacro-  
fancti Hierosolymitani SEPULCHRI  
CHRISTI DOMINI  
PRÆPOSITO GENERALI

Domino & Benefactori Singu-  
larissimo.



*Post litatas DEO opti-  
mo Maximo hostias,  
post exhibitū Illustris-  
simæ* CRUCI PO-  
TOCCIANÆ & CAPITI LE-

SZCZY-

SZCZYNIANO homagium, Tuæ  
tandem CRUCI, filialis gratitu-  
dinis tributum offero. Perillustris  
& Reverendissime PRÆLATE.  
Cui enim potius Norma Probatio-  
nis debebatur, quàm PRÆLATO  
ex omni parte probatissimo? cui Vi-  
tæ Apostolicæ exemplar justius com-  
petebat, quàm Tibi Vitæ Apostolicæ in  
Ordine nostro Observatori; imò ve-  
rius FUNDATORI.

Prima Vitæ Apostolicæ nota est,  
homines piscari & Oves CHRISTI  
pascere, non tantum verbi, sed e-  
tiam operis exhibiti exempló. Et hoc  
muneris Apostolici obsequiũ exactis-  
simè; implevisti; quorũcũq; enim Cõ-  
ventuũ, & Ecclesiarũ regimen te-  
nuisti, ubiq; fertilissima, amplissima  
& suavissima pascua Ovibus  
Tuis providisti. Et hæc pascua tua,

in

in tres quasdam classes divisisti :  
prima erant pascua charitatis; se-  
cunda lenitatis; tertia prudentis &  
moderatissimæ liberalitatis. Exhi-  
buiisti primo pascua charitatis; quia  
quidquid in tota vita tua, ac per to-  
tum Religiosæ Professionis tempus  
egisti, omnia non ex vanæ gloriæ  
stimulo; sed ex charitate DEI &  
proximi perfecisti: unde ex chari-  
tate suscepisti munus Magistri No-  
vitiarum, ex charitate regimen Ec-  
clesiæ Grodziscensis, tum Chetmensis  
acceptasti; ex charitate pariter cla-  
vum Conventus Gnesnensis, & stal-  
lum Ecclesiæ Metropolitanae ador-  
nasti, ex charitate tandem onus Cu-  
stodis Generalis in tot & tam dif-  
ficillimis in Ordine nostro revoluti-  
onibus, felicissime administrasti. Ex-  
piravit Tibi primò Præfectura Cu-

stodis Generalis, eam penitus resignasti, sed charitate coactus iterum suscepisti; exspiravit secundo, iterum liberè cessisti honori, sed non cessere vota Patrum, iterum Tuæ charitati se submiserunt; exspiravit tertio, quarto, quinto, &c. sed non exspiravit Tua Charitas, quæ in aliis refriguerat: omnes enim libenter consulebant, dextrè, animum & stimulos regendi addebant, sed singuli, pericula, sumptum, labores & discrimina, quæ per hoc regiminis & præsentis revolutionis circa jura Ordinis, tempus, sperabantur & evenerunt, à longè cavebant. Tu solus, & anxietates regendi, & incommoda viarum & scrutinia jurium privilegiorumq; & sumptum notabilem pro tam diuturno & memorabili negotio impendisti, illis

lis ad totam communitatem frequenter utens verbis : Ut jumentum factus sum apud Te. Exhibuisti præterea pascua lenitatis; quia tam longum regiminis tui spatium ita suaviter, benignè, & affabiliter disposuisti, ut Te nemo senserit nimis severum, nemo nimis clementem, sed utrumq; hoc, prudentissimè componentem & exequentem. Veniebant ad Te partim deficientes variisq; infirmitatibus delinquentes, partim proficientes, exactèq; Regulam, & statuta Ordinis adimplentes: sed hos omnes ita prudenter exaudisti, ut nec defectibus patrocinium daves, nec proficientibus stimulū ulteriorem adimeres. Timebant plerumq; delati, & sua quæque conscientia accusabat; sed dum Tuum subivere judicium, letati

(b) sunt.

sunt supra modum, quòd & peccatis  
suis penam, & suæ fragilitati di-  
scretionem proportionatissimam a-  
gnoverint. Exhibuisti tandem præ-  
fatis ovibus tuis pascua liberalita-  
tis, siquidem eleemosynis implevisti  
hospitalia, dotibus & provisionibus  
Cathebumenos ac Neophytos, Stipē-  
diis Orphanos, extrema necessitate  
laborantes omni abundantia, satiasti  
Cū tamē tot & tāta præstares, nolui-  
sti canere TUBA gētilitiā ante Te sed  
omnē vocē ac tenuē etiā sonū popu-  
laris auræ obtrusisti, suffocasti, sup-  
pressisti; contentus hōc, quòd supe-  
ros non lateret Tua effusa munificē-  
tia. Quid dicam de cōtinua circa Fi-  
lios Ordinis ac Tuos, providentiā?  
plura deberem volumina implere si  
hoc describere vellem, qui horum  
ignarus est, me testem oculatum re-  
qui-

quirat, per cujus manuseffusa in plurimos, ac in me ipsum fluxere beneficia.

Alteravita Apostolicae nota seu indicium est, fundare ac edificare Ecclesiam, sic Petrus Apostolus Romanam & Antiochenam; Jacobus Minor Patriarcha & primū Caput Ordinis nostri, Hierosolymitanam, Andreas Scythiae, Epiri, Thraciae, & Achaiae; Bartholomaeus Indiae interioris, & alii alias fundarunt Ecclesias. Et hoc Vitae Apostolicae specimen Tu sapientissimè implevisti, quia Ecclesiam Bithoniensem a fundamentis de latere cocto fundavisti, alias verò uti Miechoviensem, Gnesnēsē, Cracoviēsē, Charzoviēsē, tū quoq; Conventū Generalem Miechoviensem post ferale incendium, variis structuris, edificiis, turribus

būs ac pretiosissimīs apparatibūs ad-  
dornāsti & dotāsti. Quis horum o-  
mnium expensas & registra compu-  
tabit? multa pro his omnibus mil-  
lia impensa sunt, milleno circa com-  
putationem opus esset labore & in-  
dustriā; maximè ex eo, quòd Tu  
**FUNDATOR** liberalissime tan-  
tum studeas grandia opera Tua la-  
tere, quantum & facere. Non pos-  
sum tacere parem Ecclesiis funda-  
tionem studii Cracoviensis Tua au-  
thoritate, Studio ac sumptu erecti,  
stabiliti, & confirmati: verè ibi  
tot templa & Ecclesias, quot Theo-  
logos & Philosophos fundāsti: quan-  
do enim hi omnes in eodem studio suf-  
ficienter edocti, dividuntur in varias  
partes Regni & Provincias, defacto  
ubiq; comparebunt tanquam tem-  
pla DEI & Ecclesiæ; & deinde illi  
alias

alias supra se ipsos ædificabunt, fū-  
dabunt, ac erigent Ecclesias: con-  
sequenter dum unum studium Cra-  
coviense fundâsti, eo ipso innume-  
ras Ecclesias erexisti, & non tan-  
tum unum Conventum Cracovien-  
sem, sed alios quoscunq; Ordinis  
nostri Conventus, hac ratione &  
modo perenniter decorâsti. Ex illo e-  
nim Conventu & studio Cracoviensi,  
dum educata in bonis religiosiq;  
moribus, exercitata in scientiis in-  
genia prodibunt, tunc sine dubio aliis  
inservient vel præsidebunt partim  
Conventibus partim Ecclesiis: tali-  
ter autem præsidebūt & taliter præ-  
fulgebūt, qualiter edocti fuerint. Hoc  
verò totum à Te, tanquam à fonte  
& capite dimanat. Nec satis Ti-  
bi erat studium ipsum erigere, etiam  
sumptuosissimum pro Theologis  
&

— & Philosophis Athenæum exstruxi-  
sti, ut ostenderes eos dignos esse ho-  
nestis & commodis domiciliis, qui po-  
stea Regis Regū palatia, Cathedras  
& rostra suis sciētīis sūt exornaturi.

Tertia Vitæ Apostolicæ nota  
est, nolle possidere aurum & argen-  
tum, neq; pecuniam in Zonis, neq; pe-  
ram in via, neq; duas tunicas &c.  
&c. Et quis Te promptius tam stri-  
ctissimum muneris Apostolici Offici-  
um executus est? Tu enim quamvis  
aurum & argentum seu proventus  
totius Ordinis communes, regas &  
disponas; quamvis tum ex privata  
industria, tum ex Tuo patrimonio  
sortem notabilem habueris & Ordini  
intuleris, tamen circa hæc omnia  
ita Te geris ac gessisti, ac si nihil ha-  
beres, ac si nihil possideres, imo cum  
tantum pro Ecclesia, indigentibus,  
pau-

pauperibus, orphanis, & extrema  
necessitate laborantibus expendisti  
& quotidie expendis, signum est quod  
nolis possidere aurum & argentum:  
cum pariter tot vestimentis nudos  
cooperuisti, & tot altaria appa-  
ratus exornasti, signum est, quod affe-  
ctivè & in animo, contentus fores  
etiã unã attritã tunicã si hoc ministe-  
rii tui auctoritas pateretur. Et si ve-  
ritatem fatear, aliquando vix pe-  
nes unicam eamq; postremam rema-  
nes tunicam, dum meliores & nobi-  
liores indigentibus distribuis, pa-  
ratus exemplò tot Virorum Aposto-  
licorum, extremum etiam vestimen-  
tum cum pauperibus exdividere.

Quarta eaq; principalis & car-  
dinalis vitæ Apostolicæ nota ab an-  
tiquo & à primis tam Ecclesiæ quàm  
Religionum incunabulis observata  
fuit

fuit hæc: ut Viri Religiosi Institu-  
tum Apostolicum vel quodcunq; ali-  
ud profitentes per suos superiores  
de gremio Religionis ac Professionis,  
liberè electos regerentur; hoc totum  
in Ordine nostro prope per duo sæcu-  
la fuit interruptum, & plane jam  
abolitum? ne autem hoc ipsum fo-  
ret perpetuo sublatum, egisti apud  
S. Sedem Apostolicam summis labo-  
ribus, sollicitudine, sumptibus, &  
tandem evicisti, ut per repetita Sa-  
cræ Congregationis Decreta, libera  
electio **PRÆPOSITI GENERA-**  
**LIS** de gremio Ordinis, firmaretur.  
Et quia Sanctæ Sedi Apostolicæ non  
satis erat decernere, nisi etiam exe-  
queretur: mandavit per tot Decisi-  
ones subsequentes, Bullasq; per ex-  
tensum expeditas, ut tandem Capi-  
tulum Niechoviense ad electionem

**PRÆ-**

PRÆPOSITI GENERALIS  
Claustralis descēderet. Ad hāc dū vi-  
gesimā Octobris, Anni currentis, de-  
uentum est; statim unanimi voce,  
calculō, & suffragiis electus stetisti in  
PRÆPOSITUM GENERA-  
LEM Ordinis Nostri. O quantum  
exultavit protunc uniuersi Ordinis  
facies quando Te ad supremum re-  
gimen feliciter electum audivit! O  
quantum gavisā est tristis per tot  
annos, Religio, quando sub Tuis  
fascibus se militaturam, & trium-  
phaturā cognouit! O quātis letitiæ si-  
gnis repletae sunt singulae Provinciae,  
tam domesticæ, quā finitimæ &  
extraneæ quando Te proportiona-  
tum membrīs suis CAPUT videre  
meruerunt. O quanto nunc supe-  
rabūdaret gaudio Joannes JAXA  
Serbiæ Principum decus, Sacrosan-

*Et Sepulchri Christi strenuissimus ex  
Polonis Propugnator, & primus  
FUNDATOR Ordinis nostri in  
Polonia, si modo revivisceret, & vi-  
deret primam suam foundationem ad  
primum redire Ordinem, & anti-  
quum statum suum. Parî modô ar-  
viderent factumq; approbarent Se-  
renissimi & piissimi Poloniarum RE-  
GES, qui pro libera electione GE-  
NERALIS Præpositi de gremio,  
tot Privilegia & jura dederūt. Quid  
dicam de aliis liberalissimis Funda-  
toribus & Benefactoribus, quorum  
intentiones saltim in aliqua parte  
sui, sunt modo restitutæ ac renova-  
tæ. Gratissimum id fuit etiam Illu-  
strissimo & Excellentissimo Sanctæ  
Sedis Apostolicæ NUNTIO;  
hic enim dum Authoritate Decreto-  
rum, plurium Summorum Pontifi-  
cum,*

um, videlicet CLEMENTIS XI.  
INNOCENTII XIII. BENE-  
DICTI XIII. & CLEMENTIS  
XII. feliciter moderni, præfatam  
electionem omnino effectuantam de-  
mādaret, expressit in aliquot Episto-  
lis suis desiderium suum, se velle &  
cupere Tibi, hanc dignitatem con-  
gratulari. Ita ubiq; est notissima  
meritorum Tuorum amplitudo, ut  
etiam ad Romanos colles & Magnos  
S. Sedis Apostolicæ Nuntios per-  
venerit! O quantum adhuc notior  
esset, si concederes Famæ publicæ,  
ut gentilitia TUBA Tua magnitu-  
dinem operum & virtutum Tuarum  
resonaret. Sed sicut per totam vi-  
tam Tuam prope ad annos octoginta  
extensam nunquam solitus fuisti  
canere TUBA ante Te quidquid  
bene feceris; ita per hoc reliquum,  
Præla-

*Prælatuæ Generalis spatium, non  
admittes hos plausus, sed gentilitiâ  
TUBA uti conaberis, ad resonandam  
DEI gloriam, ad promulgandam S.  
Sedis Apostolicæ gratiam, ad com-  
memorandum Tibi (exemplô S. Hie-  
ronymi) extremi Judicii diem, ad  
excitandam tepidorum (si quos in-  
veneris) ariditatem, ad defendēda,  
manutenenda, & confirmanda Or-  
dinis Nostri jura, cum diuturna &  
pacatissima annorum longitudine.  
Ita precatur.*

Per illustris & Reverendissimæ  
Dominationis Vestræ  
Servus humillimus

M. JACOBUS RADLENSKI Cano-  
nicus Regularis S. Sepulchri,

APPRO-

# A P P R O B A T I O

*Illustrissimi Ordinarii.*

## A N D R E A S

in Prussy

## P R U S K I

Episcopus Tanensis, Archid: Ca-  
thedr: Vicar: in Spiritual: & Offic:  
Generalis Premisliensis.

**L**ibellum præsentem, qui *Normam*  
*Probationis Apostolicæ activè sumptæ*  
pro titulo præferret, ab aliquot  
Theologis ac eruditis Viris revisum & re-  
cognitum, cum omnia in eo contenta San-  
ctum complectantur modum, quo anhe-  
lantes ad Religiosam Vitam ducti, suæ Vo-  
cationis portum faciliùs attingere, & bra-  
vium æternæ beatitudinis consequi vale-  
ant; ideo ad Majorem DEI Gloriam & no-  
varum plantarum in vinea Domini exer-  
citationem, prælo mandandum censemus.  
Premislæ die 3. Maji. 1732.

ANDREAS PRUSKI Ep:  
(L.S.) Tanens: Suffr: Offic: Gene-  
ralis Premisl: mpp.

# APPROBATIO ORDINIS.

**O**pusculum cui titulus: *Norma Pro-  
bationis Apostolicæ activè sum-  
ptæ*: ab Admodum Reverendo  
Patre JACOBO RADLINSKI Sacrae  
Theologiæ Doctore, Canonico Ordinis  
Noſtri; præposito Lezayſcenſi conſcri-  
ptum; cum nihil fidei Catholicæ contra-  
rium habeat; ſed potiùs omnibus Magi-  
ſtris ac Directoribus, Normam ſeu modum  
probandi inſtruendiq; Novitios porrigat;  
ideo Typis dandum eſſe cenſeo, ſi illis  
ad quos pertinet ita videbitur. Datum  
in Conventu Generali Miechoviendi die  
16. Februarii Anno 1732.

STANISLAUS STEPKOWSKI.  
Ord: Canonic: Regular: Custodum S. Hierosolymitani Sepulchri  
Congr: Miechov: Custos Gene-  
ralis. mpp:

(L.S.)

# PRÆFATIO

## *Ad Lectorem.*

**Q**UOD in gravissima olim infirmitate conscripseram Opusculum, hoc in altera pari infirmitate limatum, ac mundatum tibi offero Amice Lector. Quidquid ergo hinc debile, postremum vel infirmum reperies, parce precor simplicitati meæ, quia totum quidquid vides, partus infirmitatis est. Cùm enim stante præfata utraq; infirmitate Theologicis laboribus insufficiens essem; hoc me labore distrahendum & occupandum esse censui, ut sic vel molestias continuò debilis valetudinis

letudinis fallere, vel otium effu-  
gere possem. Porrò primam Par-  
tem Vitæ Apostolicæ de Voca-  
tione Apostolica tractantem, pro-  
posui Anno Dñi 1725. in Opu-  
sculo cui titulus: *Norma Vitæ  
Apostolicæ*: Nunc animus est  
proponere tibi Partem Secundā  
Vitæ Apostolicæ, de Probatio-  
ne Apostolica, deducenda ex  
Apostolis. Sicut autem vocatio,  
ita & Probatio Apostolica duplex  
cogitari potest, una activa, alia  
passiva. Probatio Apostolica a-  
ctiva, sunt omnes actus illi, exer-  
citia & modi, quibûs ipse Christus  
Dominus probavit Apostolos,  
potestq; vocari Probatio tenens  
se ex parte Christi Domini. Pro-  
batio autem passiva, sunt omnes  
actus illi, exercitia, & modi, qui-  
bus

bus Apostoli absolvebant, & sustinebant, Probationem seu Novitiatum sub Magisterio Christi Domini, potestq; vocari Probatio tenens se eo parte ipsorum Apostolorum. In hac ergo Parte secunda agemus de sola Probatione Activa tenente se ex parte ipsius Christi Domini; nimirum ostendemus Normam probandi Novitios, ex Norma illa, methodo, & forma quâ Christus Dominus probavit Apostolos Novitios suos. Quæ doctrina ut sit clarior, adducemus etiam exempla ex Patribus veteris testamenti, quibus præfati Patres probati sunt à DEO Optimo maximo adhuc ante propositam legem Evangelicam. Ex hoc autē utroq; statuemus modos, doctri-

(c)

nas

nas & regulas generales, quali-  
ter omnes Magistri debeant pro-  
bare suos Novitios: hic enim in-  
intentum nostrum non aliud est  
nisi ostendere modum, praxim,  
& Normam, quomodo? quali-  
ter? & quali ratione possint &  
debeant Magistri probare suos  
Novitios.

Quia verò omnis Probatio  
& omnis in universum Novitia-  
tus, diversa in se tempora con-  
tinet, videlicet unum tempus  
ante susceptionem habitus religi-  
osi, alterum tempus post susce-  
ptionem habitus religiosi, ter-  
tium in ulteriori progressu annuarum,  
probationis, quartum tandem ante  
te ipsam Professionem, juxta sta-  
tum incipientium, proficientium  
um, ac perfectorum: ideo hic  
in

in primo capite dabimus modos  
probandi Novitios ante suscepti-  
onem habitûs religiosi: in secun-  
do dabimus modos probandi post  
suscceptionem: in tertio dabimus  
modos probandi in progressu ul-  
teriori annuæ Probationis, in  
quarto, quinto, 6to & 7mo, re-  
liqua huc spectantia adferemus.  
Antequâ autem hæc omnia pro-  
ponemus; in his tribus Lectorem  
præcautum esse volo. *Primum*  
quòd dum hîc trado varios mo-  
dos & industrias probandi No-  
vitios, hos & has omnes non pro-  
pono Magistris perfectis, practi-  
cis, & consummatis, & sub qui-  
bus ego ipse, etiam hodie disci-  
pulus ac Novitius esse pro ma-  
gna felicitate mea ducerem, sed  
potius illis, qui sunt in via ad

(2)

tra-

tractandum, & exercendum supra  
Novitios Magisterium: quanquam  
& hos docere magistraliter non  
intēdo, nec mihi tantum scientiam  
vel capacitatis præsumo, ut illos  
sufficienter docere possim, sed  
tantum modos tanquam instru-  
menta quædam ad probandum  
necessaria propono. *Secundum*  
Quia verò modos & industria  
probandi adfero ex multis sacra-  
scripturæ locis, tū novitū veteris  
testamēti & ex adductis exēplis in-  
fero similiter probandos esse No-  
vitios: ideo præcaveo hanc simi-  
litudinem proportionemq; pro-  
bandi, non esse accipiendam in  
omni ea paritate & modo, sicut  
vg. probavit Deus Patres vete-  
ris testamenti, aut Christus Do-  
minus suos Apostolos, sed tan-  
tum

um, quantum permittit status,  
phæra, & conditio humana, non  
enim omne illud quod licet Deo,  
licet homini; sic v.g. licuit Deo  
probare Abraham per occisionem  
& immolationem filii unigeniti,  
hoc autem non licet Magistro; pa-  
riter licuit Deo probare Job per-  
mittendo in eum sathanam, hoc  
autem nemini hominum licet.  
Quando igitur hic ex modis pro-  
bandi, tum à Deo tum à Christo  
Domino usitatis, concludimus  
regulas, praxes & industrias pro-  
bandorum Novitiorum hæc om-  
nia semper intelligenda sunt non  
absolutè, non omnimodè, sed  
iuxta sphæram & proportionem  
naturæ humanæ.

*Tertium* in quo Lectorem  
præcautum esse volo, est error  
quo-

quorundam Hæreticorum qui  
(ut Divus Augustinus refert) as-  
firmabāt non licere Christianis pro-  
prias opes & facultates possidere  
neq; posse eos salvos fieri qui more  
Apostolorum & Religiosorum pau-  
peres non essent. Itaq; ea quæ Chri-  
sti Ecclesia semper intellexit esse  
consilia, ipsi præcepta esse volue-  
runt, atq; id circo sedatores su-  
os, specioso nomine, Apostolico  
nominaverunt. Ita Bellarminus  
Concione quinta de tribulatione  
pagina 615. Similia habet de eo-  
dem errore Bartholomæus Du-  
rand: in lib. primo, Articulo 63  
pagina. 165. ubi sic refert. Re-  
gnante Severo Imperatore, vide-  
licet Anno 200. & Ecclesiam DE  
regente Victore primo hujus nomi-  
nis Papa, emerferunt (teste D. Au-  
gustino

Augustino lib. de hæresibus cap. 40.)  
quidam viri, qui se dixerunt A-  
postolicos; hocq; nomine appellari  
voluerunt, quia in suam communi-  
onem non recipiebant utentes con-  
jugibus, resq; proprias possidentes,  
& vitam Apostolicam ducere glo-  
riabantur: Erant tamen hæretici,  
quia docebant eos solvari non posse,  
qui non viverent in Celibatu &  
paupertate: credebant enim ea,  
quæ in Evangelio perhibentur esse  
præcepta, nullumq; in lege gratiæ  
esse consilium & sic spem salutis  
tollebant omnibus pecuniam recipi-  
entibus aut aliquid in crastinum  
servantibus. Eandem hæresim su-  
scitavit Anno 1295. Gerardus Sa-  
garellus de Parma, qui hujus er-  
roris convictus vivus tandem exu-  
stus est. Hunc velut discipulus  
Magi-

*Magistrum secutus est Dulcinus Novariensis, qui cum uxore sua Margareta ejusdem criminis conscia & damnata suo auctori similem mortem perpeffus est.*

Hunc errorem hæreticorum qui se Apostolicos vocabant, hoc fine retuli: Quando impressi *Opusculum* meum sub titulo: *Norma Titæ Apostolicæ*: in illoq; *Ordinem Canonicum*, appellavi *Ordinem Apostolicum*; aliqui hunc titulum invidentes dicebant, nomen & titulum Apostolici esse prohibitum, quia damnati sunt hæretici, qui præsumebant vocari Apostolici. His ergo omnibus respondeo, quod Apostolici & eorum doctrina ideo prohibita est, quia illi docebant, quòd non liceat Christianis proprias  
opes

opes possidere , & quòd sal-  
vari non possent, si more Apосто-  
lorum & Religiosorum paupertate-  
m non servarent. Unde illi  
omnia consilia Christi, dicebant  
esse præcepta, ut constat ex E-  
minentissimo Bellarmino; & Bar-  
tholomæo Durand: hujus autem  
doctrinæ, nec unica scintilla re-  
peritur in præfato Opusculo meo  
pariter nec in præsentibus, nec in se-  
quentibus. Ego enim in Norma Vi-  
tæ Apostolicæ, propono & per-  
svadeo imitationem Vitæ Aposto-  
licæ juxta sensum Sanctæ Ro-  
manæ Ecclesiæ non autem ju-  
xta doctrinam hæreticorum, qui  
præsumebant nominari Apосто-  
lici, nulli enim trado hanc do-  
ctrinam, quòd Christianis non li-  
ceat opes proprias possidere, vel  
quod

quòd saluari non possint, nisi  
seruent paupertatem more Apo-  
stolorum & Religiosorum, vel  
quod consilia Christi Domini sint  
præcepta: sed tantum repræsen-  
to & adfero Lectori virtutes A-  
postolorum, ab illis exercitas &  
effectuatas, simulq; excito Le-  
ctorem ad imitationem earundem  
Virtutum Apostolicarum ut per  
præfatam imitationem evadat Vir  
Apostolicus. Quod autem no-  
men & titulus Apostolici non sit  
prohibitus, constat ex eo, quia  
Sancta Sedes Romana, vocatur  
Apostolica, & plurimi Docto-  
res, Pastores, ac Prædicatores,  
Zelum Fidei Apostolicæ promo-  
ventes tuentes & ampliantes, cõ-  
muniter vocantur Viri Aposto-  
lici. Quid ergo mirum si Ordo  
Cano-

Canonici dicatur Ordo Apostolicus? cum & originem suam ducat ab Apostolis, & vitam Apostolicam pro posse conetur imitari?

Addo præterea. Apostolici dupliciter cogitari possunt, alii antonomastice tales, alii non antonomastice tales. *Apostolici Antonomastice tales*, sunt illi, qui per cognomen Apostolicorum simpliciter sine addito prolatum, ordinariè intelliguntur, & tanquam peculiari nomine sic appellantur; sicut *Angelicus* antonomastice talis est ille, qui per hoc nomen *Angelici* simpliciter & sine addito prolatum, ordinariè intelligitur scilicet S. Thomas Aquinas! parimodò hoc nomen: *Subtilis* simpliciter prolatum significat Joannem Scotum; tandem hoc nomen

men *Philosophus*, significat Aristotelem, ex communi consensu Doctorum, licet hoc nomen competat etiam tot aliis multis. Unde communiter Theologi citantes auctoritatem & doctrinam horum Authorum, his verbis simpliciter prolatis, eos exprimunt: : *ita Angelicus: ita subtilis: ita Philosophus.* Apostolici non antonomastice tales sunt illi, qui licet in aliquo sensu sint etiam Apostolici, tamen per hoc nomen Apostolicorum, simpliciter sine addito prolatum non intelliguntur, neque hoc nomine ut suo peculiari appellantur, sed potius alio nomine appellantur: sicut *Angelicus*, non antonomastice talis est ille, qui licet sit in aliquo sensu *Angelicus*, non intelligitur tamen per hoc

hoc nomen Angelici, simpliciter & sine addito prolatum nec appellatur hoc nomine tanquam suo peculiari qualis est v.g. S. Joannes, qui propter innocentiam & virginitatem suam, vocari potest *Angelicus* ac multi alii qui angelicè vixerunt. Apostolici ergo Antonomasticè tales simpliciter & sine addito prolati sunt illi hæretici, qui docebant quòd Christianis non liceat proprias opes possidere, neq; posse eos salvari qui more Apostolorum & Religiosorum non viverent; & iidem hæretici per hoc nomen: *Apostolici* simpliciter & sine addito prolatum intelliguntur & hoc nomine tanquam suo peculiari nominantur. Apostolici autem non Antonomasticè tales, sunt  
in

in universum omnes Servi DEI ,  
qui vitam, mores & institutum  
Apostolicum imitati vel amplexi  
sunt, juxta sensum, doctrinam &  
traditionem S. Romanæ Eccle-  
siæ. Et tali nomine passim ap-  
pellantur Canonici Regulares ,  
tum ex eo, quòd originem suam  
ducant ab Apostolis, ut deduxi  
prima Parte Vitæ Apostolicæ :  
tum ex eo, quòd vitam Aposto-  
lorum pro posse & fragilitate hu-  
mana contentur imitari, cæterùm  
hoc nomen non solis competit  
Canonicis Regularibus, nec illi  
hoc nomine tanquam peculiari u-  
tuntur, sed etiam aliis servis DEI.  
Sic vg. S. Augustinus vocatur  
Vir Apostolicus, quia de eo in  
vita ipsius dicitur & *cepit vivere  
secundum Regulam sub Sanctis A-  
postolis*

*postolis constitutam* : & Regula  
ipsius passim vocatur Apostolica.  
Sic S. Stephanus Rex Hungariæ  
pariter vocatur Vir Apostolicus,  
imò Apostolus, quia Regno suo  
invexit fidem Apostolicam, to-  
tumq; Regnum ipsius vocatur A-  
postolicum propter susceptam e-  
andem fidem, sic S. Franciscus  
Seraphicus vocatur passim Vir A-  
postolicus, quia Apostolos in pau-  
pertate, humilitate, & obedi-  
entia exactissime imitatus est. Idem  
quoq; dicitur & de Sancto Do-  
minico zelosissimo & ardentissi-  
mo fidei Defensore & Hæretico-  
rum Profligatore strenuissimo.  
Tandem Sanctus Franciscus Xa-  
verius vocatur Indiarum Apo-  
stolus, & S. Patricius Hiberniæ;  
quia uterq; plurimos populos per  
labo-

labores Apostolicos Ecclesie ag-  
gregavit. Ex his, ergo tam fu-  
se adductis evidenter patet, quod  
nomen & titulus Viri Apostolici  
non sit prohibitus, sed licitissime  
usitatus: quare nullum est incon-  
veniens etiamsi aliquando Ordo  
Canonicus, vocetur Ordo Apo-  
stolicus propter rationes superi-  
us allatas.



## CAPUT I.



# CAPUT I.

*De Probatione Novitiorum ante  
suceptionem Habitûs Religiosi.*

Quoniam in hoc Capite multa  
se offerunt dicenda, ideo illud  
in aliquot Paragraphos dividem9  
Proinde fit

## § I.

*In quo proponuntur aliquot modi  
probandi Novitios ante susceptio-  
nem Habitûs Religiosi.*

**P**rimus Magister & caput Supre-  
mum Novitiorum in lege gratiæ,  
est ipse Christus Dominus; juxta illud  
scripturæ: *Vos vocatis me Magister, &  
Domine & benedicitis, sum etenim.* Joan 13.  
Primi sub hoc tam excellenti Magistro  
Novitii erant Apostoli, utpote ab illo vo-  
cati, instituti, & probati, juxta illud S.  
Pauli testimonium: *Exhortatio enim no-  
stra non de errore, neq; de immunditia, neq;*

A

*in dola*

2 *De Probatione Novitiorum*  
in dolo, sed sicut probati sumus a DEO,  
ut crederetur nobis, evangelium, ita loqui-  
mur, non quasi hominibus placentes, sed  
DEO, qui probat corda nostra, De hac  
probatione seu Novitiatu Apostolorum  
videtur cecinisse Psalmista dicens: *Quo-  
niam probasti nos Deus: igne nos exami-  
nasti, sicut examinatur argentum: Induxi-  
sti nos in laqueum, posuisti tribulationes  
in dorso nostro: imposuisti homines super  
Capita nostra. Transivimus per ignem &  
aquam, & eduxisti nos in refrigerium.* In  
hoc itaq; fundamento, quod & Chri-  
stus Dominus fuerit Magister probantium  
Apostolorum, & quod Apostoli fuerint  
Novitii sub Magisterio Domini, totum  
exemplar & normam dabimus, quomo-  
do Magister debeat probare Novitios:  
proinde quoscunq; hic modos seu in-  
dustrias probandi adferemus hos &  
has omnes desumemus ex Christo Do-  
mino probante Apostolos: reliqua dedu-  
cemus ex Patribus veteris testamenti,  
quorum plurimi fuerunt figura voca-  
tionis Apostolorum. His præmissis jam  
sequuntur modi probandorum Novitio-  
rum.

Primus

Primus Modus probandi Novitios ante susceptionem Habitus Religiosi, est ferium examen & diligens inquisitio ante susceptionem facienda circa hæc, quæ Apostolico religiosum concernunt statum. Et talî modò probavit Apostolos ipse Christus Dominus, tum ab initio vocationis & aspirationis Apostolorum, ad statum & Ministerium Apostolicum, tum in ulteriori progressu probationis Apostolicæ. De examine & inquisitione facta ab initio vocationis, constat Matthæi 20 Cap; ubi cum Mater Filiorum Zebedæi veniret cum Filiis suis, & peteret eum: ut sederent filii, unus ad dextram, alter ad sinistram in Regno Christi, tunc Christus Dominus audita hac oratione immediate descendit ad examen & apertam inquisitionem, utrum prædicti filii possint ferre hæc onera, quæ professioni Apostolicæ, & ipsi Christo Domino imminebant; quærendo ex ipsis sensum & voluntatem disertis verbis his: *Potestisne bibere calicem, quem ego bibiturus sum?* hoc est: potestisne tanta & talia pati, quanta & qualia ego passurus sum? potestisne ferre præditionem ve-

stram, accusationes, testimonia falsa, iudicia iniqua, virgas, flagella, contemptus, irrisiones, ludibria crucem ac mortem ipsam, quam ego pro salute mundi suscepturus sum? Ad hanc quaestionem & inquisitionem cum affirmative responderent praedicti filij, & offerrent se libenter haec omnia suscepturos passuros, tunc Christus Dominus suscepit eos ad Societatem passionum suarum, & perendam probationem Ministerii Apostolici. De inquisitione facta in ulteriori progressu probationis & Vitae Apostolicae constat ex Ioanni 21 cap: Ubi pariter diligentem inquisitionem fecit Christus Dominus Petro Apostolo, & quidem non tantum semel sed repetitis vicibus, interrogando eum de dilectione & amore erga ipsum; sic primo interrogavit eum verbis. *Simon Ioannis diligis me plus his* responditq; Petrus; *etiam Domine tu scis quia amo te?* & licet tam clare declaraverit suum amorem Petrus in Christum iterum eum interrogavit dicens: *Simon, Ioannis diligis me?* responditq; Petrus sine haesitatione: *etiam Domine, tu scis quia*

quia amo te Neq; hac secunda declaracione amoris contentus est Christus Dominus, sed adhuc tertio interrogavit eum dicens: *Simon Ioannis amas me?* responditq; iterum Petrus: *Domine tu omnia scis! tu scis quia amo te!*

Candide Magister vitæ Apostolicæ tam seria Christi Domini inquisitio, tua est instructio; quod scilicet & tu non debeas cæco impetu suscipere quoscunq; venientes, & aspirantes in gremium Religionis sacræ, nisi pro priori facias serium examen & diligentem inquisitionem, utrum in Religione possint bibere calicem hunc, quem bibit & bibitura est Religio pro nomine Christi; videlicet utrum possint & libenter vident illa omnia pati quæ in Religione, ordinariè patienda sunt? qualia numentur: Vigiliæ media nocte, exercitia humilitatis in culina, refectorio, choro, dormitorio, Ecclesia, disciplinæ, pœnitentiæ publicæ, abstinentiæ diuturnæ, mortificationes, contemptus, confusiones, irrisiones, æmulationes, increpationes, objurgationes, &c. &c. Hoc autem faciendum est non solum ab initio

## 6 De Probatione Novitiorum

vocationis & aspirationis adveniunt  
Novitiorum, sed etiam in ulteriori pro  
gressu probationis & Novitiatus, videli  
cet ante susceptionem & ante actualen  
emissionem votorum & Professionem  
solennem.

Secundo modo probandi & instruendi  
Novitios, est aperta manifestatio Regu  
larum, Statutorum, Constitutionum & piarum  
consuetudinum Ordinis, simulq; dili  
gens advertentia & exacta introspectio  
qualiter Novitii & quo animo præfata  
Regulam, & statuta suscipiant. Et tam  
modo probavit Apostolos Christus Do  
minus, quibus in multis locis, imò per totum  
Evangelium suum manifestavit Regulam  
statuta, & leges ministerii Apostolici.  
Et sic imprimis Matthæi cap: 5to inquit  
*Si oculus tuus dexter scandalizat te, erue  
eum & projice abs te, expedit enim ut pe  
reat unum membrorum tuorum, quam  
totum corpus tuum mittatur, in gehennam  
ignis. Et si dextra manus tua scandaliz  
at te, abscinde eam, & projice abs te, ex  
pedit enim tibi, ut pereat unum membro  
rum tuorum, quam totum corpus tuum eo  
in gehennam: 2do Sit autem sermo vester  
est*

ante susceptionem

7

est, est. non, non, quod autem his abundanti-  
us est, a malo est. 3tio inquit. Si quis te  
percusserit in dexteram maxillam tuam  
præbe illi & alteram: & ei qui vult tecum  
in iudicio contendere & tunicam tollere  
dimitte ei & pallium: & quicumq; te anga-  
riaverit mille passus, vade cum illo &  
alia duo. 4to inquit Christus Dominus  
loco citato. Diligite inimicos vestros, bene-  
facite his, qui oderunt vos, & orate pro per-  
sequentibus & calumniantibus vos: ut  
sitis filii Patris vestri, qui in caelis est, qui  
solem suum oriri facit super bonos & malos,  
& pluit super justos & injustos. Deinde  
Matthæi cap. 10 convocatis Christus Do-  
minus duodecim Discipulis suis dataq;  
eis potestate vocationi eorum congrua,  
dedit eis statuta sequentia: In viam gen-  
tium ne abieritis, & in civitates Samari-  
tanorum ne intraveritis, sed potius ite ad  
oves, quæ perierunt domus Israel. Eun-  
tes autem prædicate, dicentes quia appro-  
pinquavit Regum. Infirmos curate, mor-  
tuos suscite, leprosos mundate, Demo-  
nes ejicite, gratis accepistis, gratis date.  
Nolite possidere aurum, neq; argentum,  
neq; pecuniam in zonis vestris: non peram

A4

in via

8 De Probatione Novitiorum  
in via, non duas tunicas, neq; calceamenta,  
neq; virgam, dignus enim est operarius  
eibo suo. Præterea Matthæi 16 inquit:  
Si quis vult post me venire abneget semet  
ipsum & tollat crucem suam & sequatur  
me, qui enim voluerit animam suam sal-  
vum facere perdet eam: qui autem perdi-  
derit animam suam propter me, inveniet  
eam. Tandem Matthæi 21 inquit: Qui-  
cunq; voluerit inter vos major fieri, sit  
vester minister, & qui voluerit inter vos  
primus esse, erit vester servus. Sicut filius  
hominis non venit ministrari sed ministra-  
re, & dare animam suam redemptionem  
pro multis. Hæ omnes doctrinæ &  
dogmata Christi Domini in Evangelio  
promulgata, in nihil aliud sunt nisi ipsi-  
sima Regula Apostolica quam illi fe-  
quentes vocantem Christum, teneban-  
tur servare: ne autem ab observatione  
ipsius possent se ignorantia excusare,  
manifestavit, promulgavit & aperuit  
eam multis in locis scripturæ, ipse  
Christus Dominus.

Candide Magister, Professor, Direc-  
tor, Instructor, Præceptor, Vitæ Apo-  
stolicæ, si vocatas ad Religionem Apo-  
stolicam.

solitam animas vis rectè & ordinatè probare, ac instruere, talî formâ & methodô tibi procedendum est cum illis, sicut Christus Dominus processit cum Apostolis: nempe debes & graviter teneris ex vi muneris tui, sincerè & candidè docere, magnifestare & demonstrare principalia fundamenta, naturam, & qualitates Instituti tui, hoc est: debes primariò Regulam Ordinis tui præsentare Novitiis, deinde Statuta, Constitutiones, & piò legitimoq; usu introductas observationes & consvetudines Religionis planissimè exhibere. Qui enim ad Sacram Religionem gratiâ Dei vocati veniunt, ordinariè ignari sunt Regulæ, statutorum & piarum consvetudinum illius, proinde ne hac ignorantia detur illis campus, vel occasio alicujus erroris, statim ab initio probationis inchoandæ sive inchoatæ, illa omnia debent ipsis paternè demonstrari, in quibus principaliter consistit vis & natura Religionis.





## § II.

*In quo proponuntur alii duo modi  
probandi Novitios.*

**T**ertius modus probandi & instruendi Novitios, est s̄vavis, benigna, & plana explicatio Regulæ, & Constitutionum Ordinis, in quibus iñdem Novitiũ videntur habere aliquam difficultatem, vel si eas se non sufficienter intelligere demonstrant. Tali modo probavit & instruxit Apostolos adhuc Novitios Christus Dominus Matthæi c. 13. ubi inter cæteras doctrinas proposuit eis Christus Dominus parabolam Zizaniõrum agri, quam cum non intelligerent Apostoli, accesserunt ad Christum Dominum dicentes: *Ediffere nobis parabolam Zizaniõrum:* Non repulit hanc petitionem Apostolicam Christus Dominus; sed omnem obscuritatem, blando & s̄vavi sermone explicavit dicens: *Qui seminat bonum semen, est Filius hominis: Ager autem est mundus: bonum autem semen, hi sunt filii Regni. Zizania autem, filii sunt nequam. Inimicus autem qui semina-*  
navit

navit ea: est Diabolus. Messis verò, consummatio sæculi est. Messores autem, Angeli sunt; sicut ergo colliguntur Zizania & igni comburuntur, sic etiam erit in consummatione sæculi. Mittet Filius hominis Angelos suos, & colligent de regno eorum omnia scandala, & eos qui faciunt iniquitatem: & mittet eos in caminum ignis. Ibi erit fletus & stridor dentium. Ecce habes suavissimam explicationem Christi Domini ad dubium Apostolorum propositam. Deinde Matthæi cap. 17 interrogaverunt Apostoli Christum Dominum dicentes: Quid ergo scribæ dicunt? quod Eliam oportebat primum venire? at ille respondens ait eis: Elias quidem venturus est & restituet omnia: dico autem vobis quia Elias jam venit, & non cognoverunt eum, sed fecerunt in eo quæcumque voluerunt; sic & Filius hominis passurus est ab eis. Tunc intellexerunt Discipuli, quia de Ioanne Baptista dixisset eis Ecce habes alteram suavem explicationem Christi Domini ad dubium Apostolorum traditam. Tandem Matthæi, 19. c. ex occasione cuiusdam adolescentis dedit Christus Dominus Discipulis suis doctrinam hanc.

hanc: *Amen dico vobis quia dives difficile intrabit in Regnum Cælorum. Et iterum dico vobis quia facilius est camelum per foramen acis transire quàm divitem intrare in Regnum Cælorum.* Hanc doctrinam cum audierint Apostoli cæperunt admirari teste scriptura: *Auditis erga hīs Discipuli mirabantur valde dicentes: quis ergo poterit salvus esse? Vix ergo Christus Dominus vidit suæ doctrinæ malam intelligentiam, statim eandem benignè explicavit; aspiciens autem Iesus dixit illis: apud homines hoc impossibile est, apud Deum autem omnia possible sunt.*

Candide Magister vitæ Apostolicæ ex his omnibus discas, quòd sicut Christus Dominus suis Apostolis suaviter & clementer explicavit omnia dubia, & humiles interrogationes ad salutem animæ obtinendam pertinentes; pariter & tu similia dubia in Regula, Statutis, vel ipsis Constitutionibus occurrentia, explicare & dilucidare teneris. Spero enim quòd dum tuis Discipulis svadebis contemptū divitiarum, allicies ad votum paupertatis amplectendum, & repræsenteris: quòd difficile dives intrabit in Regnum cælorum

torum, item, quòd facilius sit camelum transire per foramen acùs, quam divitem intrare in Regnum cælorum, spero inquam: quòd multi Discipuli auditis his mirabuntur, valde & dicent: *quis poterit salvus esse?* quis tantam austeritatem sustinebit? quis tam angustam ingredietur viam &c: Hi ergo omnes taliter interrogantes & dubitantes ex occasione doctrinæ tuæ non sunt in prima fronte confundendi, repellendi, sed benigno vultu suscipiendi. Itaq; omnia eorum dubia explicanda sunt verbis Christi Domini faviter dicendo: *Apud homines hoc impossibile est; apud Deum autem omnia possible sunt*, hominibus sine gratia Dei impossibile est salutariter tantam paupertatem servare, impossibile tantas austeritates sustinere, & tam angustam viam ingredi, qualis est status Religionis, cæterum hominibus cum Deo & gratia Dei adjuvante omnia possible sunt. Taliter cum proposita dubia & alia similia explicabis, puto: quòd nutantes Discipulorum tuorum mentes, timentesq; austeritatem Religiosam quietabis & temperabis.

Quartus

Quartus Modus probandi & instruendi Novitios est vivax & practica manifestatio specialium austeritatum, onerum, difficultatum, persecutionum, & quarumcunq; cogitabilium molestiarum & discriminum, quæ penes professionem religiosam evenire possunt. Et tali modò suos Novitios videlicet Apostolos probavit & instruxit Christus Dominus Matth: cap. 10 ubi postquam remonstraverit Apostolis omnes principales regulas & statuta vocationis Apostolicæ, tandem ibidem remonstrat illis & enumerat omnia pericula, difficultates, molestias, persecutiones, & austeritates, de illisq; omnibus eventuris seriò præcavet illos, dum inquit: *Cavete autem ab hominibus. Tradent enim vos in conciliis & synagogis suis flagellabunt vos, & ad Præsides & ad Reges ducemini propter me, in testimonium illis & gentibus &c. &c. Tradet autem Frater Fratrem in mortem, & Pater Filium, & insurgent filii in Parentes & morte eos afficient, & eritis odio omnibus propter nomen meum, qui autem perseveraverit usq; in finem, hic salvus erit. Cum autem persequentur*

vos in civitate ista; fugite in aliam.  
 Amen dico vobis non consummabitis Civitates Israël, donec veniat Filius hominis  
 Hoc ipsum fecit Christus Dominus & fecisse refertur Lucæ 21 cap. Ubi inquit. Videte ne seducamini, multi enim venient in nomine meo, dicentes quia ego sum, & tempus appropinquavit, nolite ergo ire post eos. Cum autem audieritis prælia & seditiones nolite terreri, oportet primum hæc fieri, sed nondum statim finis. Tunc dicebat illis: surget gens contra gentem, & regnum adversus regnum, & terræ motus magni erunt per loca, & pestilentia, & fames terroresq; de cælo, & signa magna erunt. Sed ante hæc omnia injicient vobis manus suas, & persequentur tradentes in Synagogas & custodias, trahentes ad Reges & Præsides propter nomen meum, continget autem vobis in testimonium &c &c. Trademini autem a Parentibus, & Fratribus & cognatis amicis, & morte afficient ex vobis, & eritis odio omnibus propter nomen meum.

Candide Magister Vitæ Apostolicæ qualiter sibi processit Christus Dominus cum Apostolis, taliter & tu in loco Christi Domini

Domini constitutus, debes tibi cum Novitiis tuis procedere: nimirum postquam vitæ Religiosæ cupidos Novitios docueris principales Regulas, easq; suaviores & leviores, tunc postea debes descendere ad manifestandas omnes graviores austeritates, pericula, difficultates, molestias, onera, mortificationes, & ad representandos omnes labores quicumq; in Religione tam tempore probationis, quàm toto vitæ decursu erunt fubeundi. Et sic debes eis representare vigiliis noctis, obligationem Matutini media nocte, obsequia infima, mortificationes, pænitentias etiam abq; ullo prævio delicto assignandas & suscipiendas, item debes eis remonstrare cæcitatem obedientiæ præstandæ, arduitatem paupertatis sustinendæ, & sublimitatem castitatis fovendæ. Verbò loquendo: quidquid molestum, asperum, grave, austerum, difficile & amarum, cogitari, evenire & contingere potest aut debet in Religione, id totum in particulari debet Magister Novitiorum ostendere, præsentare, & ferio ante oculos cujuslibet incipientis exhibere. Dum

enim

enim probantibus novitiis non aperi-  
untur omnia onera & austeritates Re-  
ligionis, tunc postquam vitam religio-  
sam professi ad onera communia vocan-  
tur non gratè eadem suscipiunt, at dicere  
solent: *Ego de his oneribus nunquam  
audivi tempore probationis, nullibi de ipsis  
doctus aut præcautus sum: Si enim audi-  
vissem & scivissem de illis, nunquam me  
ad hoc institutum amplectendum, tantis  
oneribus obligatum resolvissim.*

Contra hanc doctrinam peccare  
solent Magistri Novitiorum, quando  
ad sanctam Religionem amplectendam  
contingit aliquis Juvenis, Magnæ Domus  
& familiæ, in tali enim casu ordinariè  
optant sibi Magistri, ut Vir tantæ Domus  
profiteatur eorum Institutum sperantes  
primo salutem præfati Juvenis, 2dò au-  
ctionem proventuum Religionis, vel  
promotionè apud aulã Regiã, vel saltem  
aliquam protectionem Religionis aut  
aliquid simile; quod ut obtineant, prædi-  
ctum virum Magnæ Domus blandè su-  
scipiunt, affabiliter tractant, extraordi-  
nariè honorant, locum altiozem præ a-  
liis Novitiis concedunt, primatum etiam

in multis aliis indulgent, onera Ordinis attenuant, imo absolute & consulte cavent, ne eum ab emissione votorum deterrant. Sed quam miserabiles sunt spes, & opiniones talium Magistrorum, profiteretur quidem prædictus vir aut juvenis Institutum; sed dum oneribus postea communibus applicatur, illa erubescit, contra auctoritatem Domus sue putat subire munia Religionis etiam honorifica, multo magis abjecta & infirma; postponit alios & ipse postponitur ab omnibus, Religioni nihil adauget de fortuna sua, quia hæc nec illi sufficit, promotionem nullam ex illius occasione consequitur Ordo, quia ille ipse ambitione inflatus promotione ad Prælaturas, subsellia & insulas minus ordinate indiget: ipsis quoque Magistris suis nullam utilitatem etiam modicam adfert, quia ipse utilitati propriæ & commodis totus immergitur. Tandem his immerfus et aliis similibus vanitatibus, cum ad nulla onera vocationis suæ manus vult apponere sed prætextu Dignitatis & familiæ suæ prætextu esse exemptus, sensim abjicitur, contemnitur, & delitescit

prohincit inglorius cum detrimento Religionis  
& opprobrio Domus suæ, ita ut de illo  
medici possit: *Et senatorem perdidisti, &*  
*Monachum non fecisti.* Et certè talis edu-  
cationis homines, nec Religiosi boni  
sunt nec, senatores esse possunt, & de-  
flendo vicem suam anteriorem, quod  
dignitatem Domus reliquerint, nec re-  
ligiosam assequi possint, in tristitia dies  
suos prætereunt, tandem ipsa tristitiâ  
& consumuntur, & pereunt.

### § III.

*In quo proponitur quintus modus  
probandi Novitios.*

Quintus modus probandi & instru-  
endi Novitios ante susceptionem  
habitus religiosi, est confortatio, con-  
solatio, ac plena certificatio de futura  
omnium periculorum & adversitatum  
victoriâ. Tali modo probavit Aposto-  
los & instruxit Christus Dominus  
Matth: Cap: 10. ubi postquam præ-  
dixerit Apostolis quod sint tradendi in conciliis,  
flagellandi in synagogis, quod sint ad  
Reges & Præsides ducendi, quod futuri

Bz

sint

sint odio omnibus propter nomen eius, &  
 statim immediatè eos confortat, confortatur,  
 latur, & certificat de futura omnium  
 periculis & hostium victoriis. *Quis autem perseveraverit  
 usq; in finem hic salvus erit.* Et post  
 pauca deinde sub iungit ibidem. *Nolite  
 timere eos, qui occidunt corpus, animam  
 autem non possunt occidere, sed  
 potius timete eum, qui potest & animam  
 & corpus perdere in gehennam. Nonne  
 duo passeris asse veneunt: & unus ex illis  
 non cadet super terram sine Patre vestro. Vobis  
 autem capilli capitis vestri numerati sunt.  
 Nolite ergo timere, multis passeribus merito  
 liores estis vos.* Pariter Lucæ 22. Capite  
 postquam enumeratæ fuerint omnes  
 perfecutiones, pericula, invidiæ, odia  
 & prodiciones, tandem immediatè sub  
 iungitur: *Ponite ergo in cordibus vestris  
 non premeditari quemadmodum respondeatis?  
 ego enim dabo vobis os & sapientiam: cui non  
 poterunt resistere & contra  
 dicere omnes adversarii vestri.* Deinde  
 infra additur. *& capillus de capite vestro  
 non peribit, in patetia vestra possidebitis  
 animas vestras: tandem eodem capite*

infra

infra additur: *his autem fieri incipientibus, respicite & levate capita vestra quoniam appropinquavit redemptio vestra.* Certum ergo quod Christus Dominus probaturus Apostolos, nullam persecutionem, periculum nullum, difficultatem nullam illis eventuram subticuit, sed omnes & singulas remonstravit: sed etiam hæc referendo ac prædicando statim Apostolos confortare, consolari, & reasscurare de victoria & ita certificare solebat, ut nec capillus de capite eorum revellendus esset sine voluntate Dei: & *capillus de capite vestro non peribit.* Quia vero Apostoli conscii erant infirmitatis & debilitatis suæ, ideo ne hanc respiciendo de viribus suis & consequenter de victoria mundi desperarent, mandavit eis, ut non cogitent, quid illi sint responsuri persecutoribus suis & simul promissit, quod ipse Christus Dominus daturus esset eis sapientiam & virtutem, cui nulla virtus & sapientia humana resistere possit. Tandem Matthæi 27 cap: imponit Christus Dominus satis grande onus super humeros Apostolorum. *Euntes ergo docete omnes gentes, baptizantes eos in nomi-*

ne Patris & Filii & Spiritus Sancti docentem eos servare omnia quaecumque mandavi vobis. Sed postquam tantum onus illi remonstraverit & imposuerit, immediate subdit. *Et ecce ego vobiscum sum omnibus diebus usque ad consummationem seculi.* Cuius in exhausta Bonitas & clemetia Christi Domini! modo primum innuit onerum vocationis Apostolicæ, modo primum remonstrat eis & præsentat quid sint acturi, passuri, & toleraturi propter Christum, & statim eos sine mora confortat & consolatur efficacissimè. *Ecce ego vobiscum sum usque ad consummationem seculi.*

Candide Magister vitæ Apostolicæ, si vis ad normam Christi Domini probare & instruere novitios, tunc post remonstratas austeritates Religionis, debes eos confortare, consolari, & securos facere de victoria omnium difficultatum & austeritatum Religionis. Omnis enim remonstratio difficultatum & periculorum præsertim vivida & exacta, in prima fronte grandem sui apprehensionem conciliat, timorem notabilem incutit, & tale iudicium de prædictis difficultatibus

ibus imprimit, ut videatur nulla ratione  
aut modo attingi vel superari posse.  
Quare si Magister novitiorum tantum  
curabit facere vividam remonstrationem  
difficultatum & laborum in Religione  
evenientium, confortationem autem &  
consolationem nullam præbebit tyroni-  
bus, sed illis solam apprehensionem, ti-  
morem, & iudicium de gravitate diffi-  
cultatum imprimet, ad illas autem supe-  
randas non accendet, tunc potius mul-  
tos à proposito religioso continuando  
deterrebit. Sicut Dux exercituum in-  
cantè faceret, si adducendo ad vexilla sua  
tyrones milites, tantum illis pericula,  
mortem, clades & incommoda remon-  
straret, de certitudine autem victoriæ  
& triumpho nunquam consolaretur: ita  
Magister Novitiorum minus rectè pro-  
cederet, si tyronibus militiæ religiosæ  
solas tantum austeritates & misérias re-  
monstraret, de securitate autem vincen-  
darum harum miseriarum & periculo-  
rum, nunquam confortaret. Novit hoc  
optimè piissimus, prudentissimus, &  
fortissimus Israëlitiæ militiæ Dux Judas  
Machabæus, quod non solum tyrones

24 De Probatione Novitiorum.

sed etiam veterani milites indigent confortatione & saltem aliquâ consolatione, undè quando milites ejus viso hostili exercitu exterriti sunt & venientes

1. Machabeorum. 3. ad Iudam dixerunt ei, *Quomodo poterimus pugnare contra multitudinem tantam, & tam fortem, & nos fatigati sumus jejuni.* Tunc Iudas videns eos urgente & præseñte periculò consternatos illicò verbis svavissimis confortavit dicens.

*Ibi dem* *Facile est concludi multos in manu paucorum; & non est differentia in conspectu Dei cæli, liberare in multis & in paucis, quoniam non in multitudine exercitus, victoria belli, sed de cælo fortitudo est. Ipsi veniunt ad nos in multitudine contumaci & superbi ut disperdant nos, & uxores nostras & filios nostros & ut spolient nos, nos verò pugnabimus pro animabus nostris & legibus nostris, & ipse Dominus conteret eos ante faciem nostram, vos autem ne timueritis eos. Quod huic fortissimo Duci, idem cuilibet Magistro Novitiorum evenire solet, multi imò plurimi ingrediuntur aciem probationis cupientes vitam & mores suos melius componere & fervidius DEO inservire, & postquam*

in acie probationis steterint, & remon-  
 stratas difficultates, labores, & ærumnas  
 vitæ religiosæ intellexerint, præsentēs  
 innumeros hostes sibi in eadem acie in-  
 sidiantes conspexerint, statim eo instanti  
 ingenti concutiuntur timore, venien-  
 tesq; ad suos Duces spirituales dicunt.  
*Quomodo poterimus pauci pugnare contra  
 multitudinem tantam, & tam fortem, &  
 nos fatigati sumus jejuniis? imò multis  
 aliis laboribus vigiliis & oneribus pro-  
 bationis; hic ergo omnibus dicendum  
 & respondendum est verbis Machabæi;  
 facile est concludi multos in manu pauco-  
 rum, & non est differentia, in conspectu  
 Dei cæli, liberare in multis & in paucis  
 &c. unde licet vobis multi insidientur  
 hostes, licet vobis multæ tentatio-  
 nes, persecutiones & austeritates vin-  
 cendæ restant, tamen hæc omnia facilè  
 vincere potestis; quoniam non in mul-  
 titudine exercitûs victoria belli, sed de-  
 cælo fortitudo est; hostes vestri empe-  
 caro, mudus, Dæmon, veniunt ad vos  
 in multitudine contumaci, & superbi,  
 ut disperdant vos & spolient his lucris  
 & dotibus, quas jam in Religione acqui-  
 sivistis,*

fiviffis, vos verò pugnate pro animabus  
 veftris, & legibus veftris, & ipfe Domi-  
 nus conteret omnes hoftes veftros, ante  
 faciem veftram. Quod fi opus fuerit  
 adferenda funt exempla antiquiora eo-  
 rû, qui antecedenter fimiles difficultates,  
 probârunt, & tamen easdem superârunt:  
 & taliter (ultra jam dicta) confortabat  
 fuos milites Iudas Machabæus dicendo:

1. Ma-  
 chabæ-  
 orum 4.

*Mementote qualiter falvi facti funt Pa-  
 tres veftri in mari rubro, cum fequeretur  
 eos Pharao cum exercitu multo. Et nunc  
 clamemus in cælum & mifereretur noftri  
 Dominus, & memor erit testamenti Patrum  
 noftrorum, & conteret exercitum iftum  
 ante faciem veftram hodiè; & fcient omnes  
 gentes, quia eft qui redimat Ifrael. Si-  
 milia dicenda & adferenda funt Novi-  
 tiis, multitudinem hoftium & difficul-  
 tatum timentibus, nempe ad majorem  
 confortationem, & efficaciorum confo-  
 lationem internam dicendum eft eis:  
 Mementote qualiter falvi facti funt Pa-  
 tres noftri in mari rubro, nempe in hoc  
 mundo & in hoc ftatu, in quo vos mo-  
 do eftis, cum fequeretur eos Pharao cum  
 exercitu multo; hoc eft cum perfequere-  
 tur*

tur illos dæmon, capitalis animarum hostis, cum assistentia suorum, imò totius inferni, & tamen hanc persecutionem, insidias, tentationem, & insultus, cum gratiâ Dei vicerunt, & triumphârunt. Et nunc clamemus in cælum, hoc est, oremus, confiteamur, doleamus, pænitentiam agamus, humiliemur, submittamur iudicio superiorum &c &c. & miserbitur nostri Dominus, exaudiet preces nostras, respiciet lachrymas & pænitentiam nostram, tandem conteret exercitum istorum hostium animabus nostris insidiantium.

### § I V.

*Cum qua cautione diligentia, & discretione suscipiebant Novitios antiqui Patres.*

Sicut Dux belli suscepturus milites ad exercitum, debet esse valde cautus, discretus, ac providus in hoc, qualiter & cum quibus circumstantiis debeat illos suscipe-

Parte  
3tia c. 21.

fufcipere; ita & Magifter novitiorum, multò majorem in hoc debet fervare cautionem, prudentiam, & diligentiam. Ut autem hoc ipfum meliùs exequatur, confentaneum duxi, adferre hìc modum & cautionem, quã antiqui Patres fufcipiebant ad fua Monafteria Novitios. Modus autem hìc erat talis, ut habetur in vitis Patrum ubi dicitur. *Cum igitur quis renunciaturus feculi negotiis, in Monafterium fe fufcipi rogaverit, non ante admittitur, quàm diebus decem vel eo amplius præ foribus monafterii exuberans iudicium perfeverantiæ fuæ, pariter humilitatis & patientiæ demonftraverit. Cumq; omnium Fratrum prætereuntium genibus provoluit, & ab univerfis, refutatus atq; deſpectus fit, quaſi qui non cauſã Religionis, ſed neceſſitatis obtentu Monafterium optat intrare; injurijs quoq; multis affectus experimennum dederit conſtantiæ fuæ, & qualis futurus fit intentionibus, opprobrii, tolerantia declaraverit; atq; ita poſtmodum ſuſceptus, diligentia ſummã perquiratur, ne de facultatibus ſuis in hæſerit ei vel unius nummi contagio; ſciunt enim eum ſub Monafterii diſciplina diuturnum*

num esse non posse, sed nec humilitatem aut obedientiam obtinere, si in conscientia ejus quantumcunq; pecunie latitaverit. Quamobrem ita nudatur unusquisq; cum receptus fuerit omni pristina facultate, ut nec ipsum quidem vestimentum quo indutus est habere permittatur ulterius, sed in conventu Fratrum productus in medium, exiit propriis indumentis, ac per manus Abbatis induitur monasterii indumentis, ut per hoc non solum se universis rebus antiquis noverit spoliatum, sed etiam omni mundiali fastu deposito, ad Christi paupertatem & inopiam se descendisse cognoscat. Illa verò quæ posuit vestimenta, tam diu reservant in monasterio, donec perfectus evadat & conversationis ejus ac tolerantie virtutem evidenter agnoscant. Et si posse eum perdurare ibi perspexerint, tunc indigentibus eadem vestimenta largiuntur; si verò in quadam illum murmuratione, vel qualibet inobedientia deprehenderint, exuentes eum monasterii quibus erat indutus vestimentis, & revestitum antiquis quæ servata fuerant, expellunt de congregatione. Cùm igitur quis susceptus & hâc perseverantia (qua diximus) fue-

fuerit comprobatus, ac depositis propriis indumentis, habitu Monasteriali fuerit, accinctus, non statim congregationi fratrum commisceri permittitur, sed deputatur alicui seniori, qui seorsim non longe à vestibulo monasterii manens, curam habet peregrinorum atq; advenientium deputatam, eisq; omnem diligentiam susceptionis & humanitatis impendit; cumq; ibidem cum ipso integro anno deserviens, absq; ulla querela suum circa peregrinos exhibuerit famulatum, doctus per hæc primam institutionem humilitatis, admiscetur postea Congregationi Fratrum, ac demum docetur primitus suas vincere voluntates, & illi ea sæpius imperare student, quæ senserint animo ejus esse contraria. Pronuntiant enim nullatenus monachum (quod de omni alio Religioso dicendum) prevalere iram vel tristitiam vel spiritum fornicationis posse, nisi prius didicerit mortificare per obedientiam suas voluntates; sed nec humilitatem cordis veram, nec cum Fratribus concordiam firmam posse retinere, nec in monasterio diutius permanere eum, qui voluntates suas non didicerit superare. Ex vitis Patrum Parte 3. cap. 21.

Candide

Candide Magister vitæ Apostolicæ  
ex hac methodo antiquorum Patrum in  
susciendis novitiis servata, habes for-  
mam & exemplar, quomodo te gerere  
debeas in susciendis novitiis: Primo  
igitur in illis susciendis hoc tibi ser-  
vandam erit, ut ad primam requisitio-  
nem & petitionem ipsorum non facias  
quidquam neq; admittas ullatenus, sed  
per decem aut plures dies declaratio-  
nem susceptionis differas. Secundum  
hoc tibi servandum erit, per hos decem  
dies diligenter advertas quâ humilitate,  
submissione, & patientiâ petent, & ex-  
pectabunt futuram de susceptione de-  
clarationem, an provoluti genibus, an  
superbâ & erectâ fronte? Tertium Sub-  
ordinari potest, ut hic qui petit susce-  
ptionem ab aliquo despiciatur, pertur-  
betur, vel aliquo disgustu afficiatur: si  
ergo hoc totum patienter sustinerit,  
tunc habebitur bonum iudicium de ul-  
teriori patientiâ ipsius. Quartum. Quan-  
do jam ipso facto susciendus erit no-  
vitiis. hoc exactissimè custodiendum  
est, ut penes illum nihil de rebus ejus  
maneant, sed omnia sua utensilia, uti sunt  
vestes,

vestes, cinguli, calceamenta, pecuniæ, & alia quæcunq; ad manus superioris vel Magistri ad commune promptuarium reddat, tamdiu conservanda, quamdiu patientia novitii probata non fuerit. Si enim novitio non recipiantur omnia utensilia ejus, sed penes eum servanda concedantur, tunc eo ipso dabitur ipsi potestas utendi propriâ voluntate, & disponendi de illis quando voluerit: hoc autem non est congruum, imò observantiæ religiosæ disconvenientissimum. Novitio enim statim à prima fronte susceptionis ac probationis interdicenda est propria voluntas ac dispositio. Deinde quid prodest vestimenta deponere in publico, & post depositionem illorum, reportare illa iterum ad cellam novitii vel sub clavim ejus? talis depositio est ridicula & ceremonialis absolutè: vestimenta autem & alia omnia utensilia non solum ad oculum, non solum in publico, non solum ad ceremoniam, sed realiter & ipso facto deponi debent ita, ut amplius à novitio non videantur: ipsa enim præfatorum vestimentorum & aliarum sæcularium rerum

visto

visio revolvit ac repetit Novitio sæculi  
recordationem, ornamentorum compla-  
centiam, amoremq; rerum temporalium.  
Cum autem hæc non videt, potest faci-  
lius etiam speciebus impressis horum  
objectorum carere. Quintum si antiqui  
Patres tanto conatu & diligentia hoc  
observabant in Novitiis, ut eis ne unius  
quidem nummi adhereret conta-  
gio; quanto magis observandum  
& cavendum est, ne iidem Novitii re-  
center suscepti, audeant in die susce-  
ptionis suæ, aliquas refectioes, collatio-  
nes, tractamenta; convivia, vel aliquid  
simile Fratribus comparare de pecunia  
sibi reservata, hæc enim omnia sicut  
proprietas sapiunt, ita sunt magnæ  
dissolutionis occasio. Hic itaq; perni-  
ciosissimus abusus totis viribus per su-  
periores & Magistrum (si alicubi fuerit)  
omnino est eliminandus, excludendus,  
& tollendus. Sextum postquam Novi-  
tius vel aliquot Novitii suscepti fuerint  
non statim sunt permiscendi congrega-  
tioni Fratrum, scilicet Professorum ac  
Presbyterorum, sed in seorsivo loco sci-  
licet in Novitiatu, tam diu detineantur

G

quam

quamdiu sufficientis probationis signa  
 non dederint. O quam felices essent  
 Religiones! si hanc normam in suscipiendis  
 Novitiis servarent! O quam felices essent  
 Novitii, si tali methodo susciperentur!  
 & statim in primo limine frangerentur;  
 sed quia passim suscipiuntur sine delectu,  
 sine discrimine, sine discretionem, & debita  
 humilatione eorum, & quidem ad primam  
 requisitionem eorum; idè frequenter &  
 Religiones nullam habent consolationem de  
 Novitiis, & Novitii nullum profectum in  
 Religione.

§ V.

*Quomodò antiqui Patres exhortabantur  
 Novitios post susceptionem eorum?*

**P**ro demonstratione hujus rei, quomodò  
 antiqui Patres exhortari soleant suos  
 Novitios, non adduco multa sed unicum  
 Abbatis Pinuphii exemplum, qui susceptò  
 Novitiò, exhortatus est cum verbis presentibus.  
*Nosti Filii quot*

ante susceptionem.

33

signos diebus præ foribus excubans, hodie  
receptus. Cujus difficultatis causam  
in susceptione debes agnoscere; poterit enim  
Oportet in hac via, quam ingredi concupiscis,  
ultimam conferre, si ratione ejus agnita,  
servitium Christi, sicut oportet accesseris.  
pervenit namq; immensa gloria fideliter ser-  
vientiis Deo, ac secundum institutiones  
ejus Regule coherentibus repromittitur  
futurum, ita pene gravissime præpa-  
nantur his, qui tepidè eam negligenterq;  
Noverint executi: & secundum hoc quod  
professi sunt, vel quod ab hominibus esse  
reduntur fructus etiam congruos Sancti-  
tatis eidem exhibere neglexerint. Melius  
nim est non vovere, quàm vovere & non  
reddere: & maledictus qui facit opus Do-  
mini negligenter. Igitur ideò à nobis di-  
vissime refutatus es, non quia tuam vel  
minium salutem, non toto desiderio cupia-  
mus amplecti, sed ne temerè receptus &  
quos apud Deum levitatis, & te veum gra-  
tioris supplicii fecerimus, si ad præsens  
facile susceptus, nec pondus professionis  
ejus intelligeres, vel destitutor post hæc,  
vel tepidus extitisses. Noveris ergò hodie-  
ra die te huic mundo & actibus ejus esse  
desunt.

Ge

desunt

defunctum; teq; secundum Apostolum mudo huic esse crucifixum, tibiq; hunc mundum. Sed forte dicis quomodo quis vivens possit esse crucifixus? audi brevem rationem. Crux nostra timer Domini est sicut enim qui est crucifixus, jam non per animi sui motu membra sua quocumq; movendi vel convertendi habet potestatem ita & nos voluntates nostras, ac desideria non secundum id, quod nos delectat ad presens, sed secundum præceptum Domini quo nos constrinxit, applicare debemus. Et sicut ille, qui patibulo crucis affigitur, jam non presentia contemplatur, nec suis affectionibus cogitat, nullâ jam per dendi concupiscentiâ permoveretur, sed adhuc spirat in corpore, cunctis momentis credit se esse defunctum: ita nos quoq; in amore Domini oportet esse crucifixos omnibus carnalibus vitiis, & illuc semper habere oculos mentis nostræ defixos, quo sperare debemus momentis singulis migraturos. Cavendum est ergo, nè quid quando eorum præsumamus, quæ renuntiantes abjecimus. Non enim qui caput hanc, sed qui perseveraverit in his, usque in fine, hic salvus erit. Versutus enim se pens

ante susceptionem

ns calcaneum nostrum semper observat,  
est insidiatur exitui nostro, & usque ad  
nem vite, nos supplantare conatur; &  
circo bene capisse, nihil proderit, si bene  
insummatum non fuerit. Quapropter  
cundum scripturae sententiam, ingressus  
d servendum Domino, sita in timore  
omni & prepara animam tuam non ad  
quiem; non ad delicias; sed ad tentatio-  
es & angustias; per multas enim tribula-  
ones oportet nos introire Regnum Dei.  
angusta namq; est porta, & arcta via, quae  
ducit ad vitam, & pauci sunt qui inve-  
unt eam: principium enim salutis nostrae  
amor Domini est; per hoc enim & initium  
conversionis, & virtutum custodia acqui-  
ritur. Qui cum penetraverit hominis  
mentem, contemptum omnium rerum rapit,  
mundi gignit horrorem: contemptu  
utem ac privatione Omnium faculta-  
um humilitas vera acquiritur: humilitas  
utem his indiciis comprobatur: Primò si  
verificatas in se Monachus omnes habeat  
voluntates. Secundo. Si actus & cogita-  
ones non celaverit seniore. Tertio si  
nihil suae discretionis, sed iudicio ejus uni-  
versa committat. Quarto si in omnibus

C3

praece-

38 De Probatione Novitiorum  
preceptis servet obedientiam, mansuetudinem, & patientiam constantiam. Quinto: Ut nulli inferat injuriam, sed & illata sibi; patienter toberet. Sexto: Si nihil agat præter Regulæ exempla. Septimo. Si omnia quæ sibi imperantur velut operarium malum se judicaverit & indignum. Octavo si semetipsum cunctis inferioribus pronuntiet: Nono. Si linguam suam contineat & non sit clamorosus in voce. Decimo. Si non sit facilis ac promptus in risu. Talibus namq; indicium humilitas vera agnoscitur. Sed & hæc quoq; tibi in Congregatione necessariò custodienda sunt, scilicet secundam Psalmistæ sententiam, sicut si quis tanquam surdus non audiens, & sicut si quis mutus non aperiens os suum: nihil auferens, nihil dijudicans ex his, quæ tibi fuerint imperata. Ergò patientiam tuam non debes de aliorum sperare virtute, id est: tunc eam, tantummodò possideas cum nemine fueris irritatus: sicut jam dictum est, timor Domini est. De timore Domini nascitur compunctio salutaris; a compunctione cordis, procedit contemptus omnium facultatum, ac nuditas; de nuditate humilitas procreatur; de humilitate genera-

generatur mortificatio voluntatum: de mor-  
 tificatione voluntatum extirpantur univer-  
 sa vitia; expulsionem vitiorum virtutes fru-  
 stificant; pullulatione virtutum puritas  
 cordis acquiritur; & puritate cordis  
 Apostolicæ charitatis perfectio possidetur.  
 Hactenus Abbas Pinuphius; & habetur  
 in Vitis PP. Parte 3. cap. 31.

Candide Magister vitæ Apostolicæ  
 ex hac tam fusè adducta exhortatione,  
 habes sufficientem doctrinam circa quæ  
 debeas informare Novitios, post susce-  
 ptionem eorum; sed & Novitii habent  
 vivum exemplar, in quibus se post præ-  
 fatam susceptionem probare & exerce-  
 re debent: proindè id, quod dictum est  
 in prædicta exhortatione, non repeto;  
 sed eam frequenter relegendam censeo,  
 ut hac relectione memoriæ imprimatur,  
 & animus ad eam exequendam frequen-  
 tius accendatur.



## CAPUT II.

*In quo proponitur norma probandi  
Novitios post investituram, seu  
susceptionem Habitûs Religiosi.*

**I**N puncto præcedenti dedimus normam & modos probandorum Novitiorum ante concessionem & susceptionem Habitûs religiosi: modò conaturaliter sequitur, ut demus similem normam, post præfatam susceptionem Habitûs Religiosi: Quoniam autem vota substantialia Religionis, sunt principale fundamentum & basis totius vitæ ad perfectionem Religiosæ, ideò hic dabimus normam & modos probandi novitios, in votis substantialibus Religionis. Quia verò vota substantialia Religionis tria sunt, videlicet Paupertas, Obedientia, & Castitas, ideò præsens caput in tria puncta dividemus, Sectiones autem in paragraphos.

**PUN.**



# PUNCTUM I.

*In quo proponitur norma probandi  
Novitios in profectu & perfe-  
ctione Obedientiae.*

Sicut Obedientia est virtus præ-  
stantissima; ita plurimi sunt modi & in-  
dustriæ probandi Novitios in illa. Pro-  
indè ut hos modos & industrias clariùs  
referamus, Punctum præsens, distinctis  
paragraphis expediemus.

## § I.

*In quo proponantur aliquot modi  
seu industriæ probandi Novi-  
tios, in profectu Obedientiae.*

**P**rimus modus, seu industria probandi  
Novitios in profectu Obedientiae, est:  
constituere illos in aliquo loco libero,  
recreationis & voluptatum honestarum  
plenissi-

pleniſſimo; ſicq; conſtitutis concedere uſum omnium rerum, mentem humanam recreantium, excipere tamen & interdiceret uſum unius alicuius rei, etiam indifferentis, vel etiam plurium, ſed pariter omnino indifferentium: Et tali modo in proſectu Obedientiæ probavit Apoſtolos Chriſtus Dominus Matth: Cap: 10, ubi convocatis duodecim Apoſtoliſ conſtituit eos in loco omnis libertatis pleno, nempe in orbe univerſo; ſiquidem eos miſit ad prædicandum, in univerſum orbem; taliterq; miſſis & ordinatis, prohibuit multas res abſolutè indifferentes, hoc eſt: neq; bonas, neq; malas moraliter ex natura ſua: nam cum præfatos Apoſtolos mittebat in orbem univerſum, inter alia præcepta, dedit illis etiam hoc: *Nolite poſſidere aurum, neque argentum, neq; pecuniam in Zonis veſtris, non peram in via, neq; duas tunicas, neq; calceamenta, neque Virgam.* Porrò aurum, argentum, pecunia, & cætera huiusmodi, neq; ſunt mala moraliter ex natura ſua, neq; bona ſed penitèſ indifferentia. Et certè, quid mali, in ſe continebat pera, ſi eam Apoſtoli

stoli portassent? quid inhonesti præferebant duæ tunicæ si eas Apostoli pro necessitatibus itineris providissent? quid vitiosi habebant calceamenta, si ea Apostoli pro tam longo & arduo tractu totius orbis induissent? quid tandem legi Divinæ contrarium habebat in se virga? si eam Apostoli usi fuissent, eamque secum deportassent? defacto nihil mali hæc omnia continebant. Quare ergo omnia Christus Dominus prohibuit Apostolis? ecce sine dubio ad probandam eorum obedientiam; qui enim rem ex natura sua indifferentem ad bonum vel malum non tangit, propter amorem & reverentiam Obedientiæ, à fortiori non audebit tangere alias res ex natura sua malas, vel inhonestas. In eodem Capite iomo dedit Christus Dominus Apostolis etiam hoc præceptum: *Cum autem tradent vos, nolite cogitare quomodo aut quid loquamini*: Porro cogitatio Apostolorum de eo, quomodo aut quid locuturi essent, quando à Tyrannis traderentur, quantum ex se non erat mala; & tamen eam Christus Dominus prohibuit, ut doceret Apostolos obedient-

obedientiam præstandam esse, non tantum in factis sed etiam in cogitationibus indifferentibus. Præterea in eodem Capite iomo dedit etiam Apostolis hoc præceptum: *Nolite timere eos, qui occidunt corpus*: Et quis o Bone JESU non ex timesceret eos, qui occidunt corpus? utiq; timor iste, est ita connaturalis homini, sicut est connaturale & ipsum corpus? ad quid ergò Magister sapientissime rem ita connaturalem & homini congenitam prohibes? quæ etiamsi fiat & subsequatur ante instantem occisionem Corporis, non est mala ex natura sua? respondet Sapientissimus Magister, Christus JESUS: Optimè scio timorem ex instante occisione corporis subsequentem, non esse rem malam ex natura sua; cæterum ut Apostolorum & discipulorum meorum perfectior virtus obedientiæ appareret, etiam sic probare illos mihi placuit. Tandem cum Christus Dominus esset proximus Passioni suæ, descendit in hortum oraturus ut constat Matth: Cap: 26. Post factam autem orationem, venit ad Discipulos, & invenit eos dormientes, dicit Petro:

Sic

*Sic, non potuistis unâ horâ vigilare mecum?* dormitio & somnus ille Apostolorum, adhuc debiliū in fide, pariter ex natura sua non fuit malus, nec exitialis; & tamen pro illo arguit Christus Dominus Apostolos? ut illis & nobis inculcarent virtutem obedientiæ exerceri & probari posse, etiam circa res & actus indifferentes.

Tali tandem modô probavit DEUS Optimus maximus primos Parentes Nostros Adam & Evam: quam primū enim illos creavit, constituit illos in Paradiso amænissimo omnium voluptatum, & deliciarum plenissimo, concessitq; eis usum omnium arborum eximiarum in Paradiso creatarum, exceptô lignô, seu arbore scientiæ boni & mali ut constat Genes: Cap: 2do. *Plantaverat autem Dominus DEUS Paradisum voluptatis à principio, in quo posuit hominem, quem formaverat. Produxitq; Dominus DEUS de humo omne lignum pulchrum visu & ad vescendum soave, lignum etiam vitæ in medio Paradisi, lignum scientiæ boni & mali. Et fluvius egrediebatur de loco voluptatis, ad irrigandum Paradi-*

Paradisum quæ inde dividebatur in quatuor capita &c. Tuli ergo Dominus DEUS hominem & posuit eum in Paradiso voluptatis, ut operaretur & custodiret illum, præcepitq; ei dicens: Ex omni ligno Paradisi comedes; de ligno autem scientie boni & mali ne comedas, in quocunq; enim die comederis ex eo, morte morieris & hæc est doctrina expressa S. Augustini, qui libro 8vo de Genes: ad literam Capi. 13. inquit: Nec potuit (inquit) Melius & diligentius commendari, quantum malum sit, sola inobedientia, cum ideò reus iniquitatis factus est homo, quia eãrẽ tetigit cõtra prohibitionem, quam si non prohibitus tetigisset non utiq; peccasset. Nam qui dicit verbi gratiã: noli tangere hanc herbam, si fortè venenosa est, mortemq; prænuntiat, si tetigerit, sequitur quidem mors contemptorem præcepti: sed etiam si nemo prohibuisset, atq; ille tetigisset, nihilominus utiq; moreretur. Illa quippe res contraria saluti vitæq; ejus esset, sive illa vetaretur sive non vetaretur. Item, cùm quisquam prohibet illam rem tangi, quæ non quidem tangenti, sed illi, qui prohibuerit obesset,

obesset, velut si quaquam in alienam pecuniam misisset manum, prohibetur ab eo, cuius erat pecunia illa; ideo esset prohibito peccatum; quia prohibenti poterat esse damnosum. Cum verò illud tangitur, quod nec tangenti obesset, si non prohiberetur; nec cuiquam alteri quamlibet tangeretur, quare prohibitum est, nisi ut ipsius per se bonum obedientiæ, & ipsius per se malum inobedienciæ monstraretur. Deinde à peccante nihil aliud appetitum est, nisi non esse sub dominatione DEI, quando illud admissum est, in quo, ne admitteretur, sola deberet iussio dominantis attendi, quæ si sola attenderetur, quid aliud, quam Dei voluntas amaretur? quid aliud quam Dei voluntas humanæ voluntati præponeretur, Dominus quidem cur jusserit, viderit: faciendum est à serviente, quod iussit, & tunc fortè videndum est à promerente, cur jusserit. Sed tamen ut causam iussionis hujus non diutiùs requiramus, hæc ipsa magna est utilitas homini, quod Deo servit. jubendo Deus, utile facit, quidquid jubere voluerit; de quo metuendum non est, nè jubere, quod inutile est, possit. Nec fieri potest, ut voluntas propria non granai  
ruinæ

ruine pondere super hominem cadet, si eam voluntati superioris extollendo preponat. Hoc expertus est homo contemnens preceptum Dei, & hoc experimento didicit, quid quid interest inter bonum & malum; bonum scilicet obedientie; malum autem inobedientie, idest superbie & contumaciae perversae imitationis Dei, & noxiae libertatis.

Ejusdem sententiae est & S. Gregorius lib: 25 Cap. 10 de obedientia dicens: Sciendum est, quod nunquam per obedientiam malum fieri, aliquando autem debet per obedientiam, bonum, quod agitur, intermitteri, neq; enim mala in Paradiso arbor exstitit, quam Deus homini, ne contingeret, interdixit. Sed ut per melius obedientiae meritum, homo bene conditus à bono prohiberet, quatenus tantò verius hoc, quod ageret, virtus esset, quantò & à bono cessans, auctori suo se subditum humilius exhiberet.

Quicumq; ergo Magister volet probare suos Novitios; hanc industriam modò primùm deductam & ostensam, poterit eos probare: nimirum constituat illos

os in aliquo loco libertatis, recreationis, distractionis & voluptatum honorarum pleno; in eòq; loco concedat illis usum omnium rerum, humanum usum, recreantium; & præterea interdicat illis, unum aliquid etiam indifferens, hoc est tale: quod ex natura sua neque est malum, neq; bonum, quod dum faciet facile assequetur & penetrabit genus & indolem unius cuiusq; Novitii. Hac praxi probandi, usi sunt plurimi viri Apostolici, qui discipulis suis res etiam indifferentissimas, quales sunt: heræ vulgares, fructus, olera, aquæ & c. prohibebant, hoc tantum fine, ut probarent Obedientiam eorum.

Secundus modus seu industria probandi novitios in profectu obedientiæ est, de loco libertatis, recreationis voluptatisq; pleno, educere eos in locum laboris, tribulationis, & amaritudinis, vel saltem præfatam amaritudinem illis longè remonstrare. Tali modo probavit suos Novitios, nempe Apostolos Christus Dominus, Matth: Cap. 17. ubi volens illos accendere & omni modo ellicere ad sequendam perfectionis E-

D

vangeli-

50 De Probatione Novitiorum.

vangelicæ viam, duxit eos ad montem  
excelsum, & transfiguratus est ante eos.  
Et resplenduit facies ejus sicut sol, & ve-  
stimenta ejus facta sunt alba sicut ni-  
vis. Hunc splendorem & gloriam Christi  
cùm videret Petrus Apostolus, exela-  
mavit ad Iesum: Domine bonum est nos  
hic esse. Et certè quis mons, quis hor-  
tus, quod viridarium, possit esse amæ-  
narius, quam ille locus, in quo tam glo-  
riosè transfiguratus est JESUS? sed hunc  
locum ex sua præsentia ita gloriosum,  
& splendidum, non diu concessit Apo-  
stolis JESUS, sed statim in eodem ca-  
pite apud Matth: descendens de eodem  
monte, cùm ipsum Apostoli interro-  
garent de Elia, tunc JESUS innuit eis  
futuram Passionem suam, dicens: Elia  
jam venit; & non cognoverunt eum, sed  
fecerunt in eo, quæcunq; voluerunt: Sic &  
Filius hominis passurus est ab eis. Deinde  
cùm in eodem Capite prædiceret ite-  
ratò, suã Passionē, Apostoli hac prædica-  
tione facti sunt tristes, ut constat Matth:  
Cap. 17. ubi dicitur. Conversantibus  
autem eis in Galilea, dixit illis JESUS,  
Filius hominis tradendus est in manus  
hominum & occident eum & tertia die

*resurget. Et contristati sunt vehementer.*

Tali insuper modò probavit eosdem Apostolos Christus Dominus, quando illos ex Cænaculo eduxit in hortum Gethsemani; Cænaculum enim erat locus omnis libertatis, voluptatis, & deliciarum plenissimus, utpote Mysteriò corporis, & sanguinis Christi consecratus: hortus autem Gethsemani erat locus captivitatis Christi, & initium cruentissimæ Passionis ejus. Tali præterea modò probavit DEUS primos Parentes nostros, qui postquam in Paradiso constituti, probationem Dei non intelligerent, nec illà bene usi fuerint, ejecit eos Deus & eduxit in terram carentem simili commoditate, ut constat Genes. Cap. 3. *Multiplicabo ærumnas tuas & conceptus tuos: in dolore paries filios, & sub viri potestate eris, & ipse dominabitur tui. Adæ verò dixit: quia audisti vocem uxoris tuæ, & comedisti de ligno de quo præceperam tibi, ne comederes; maledicta terra in opere tuo: in laboribus comedes ex ea, cunctis diebùs vitæ tuæ spinas & tribulos germinabit tibi, & comedes herbas terræ. In sudore vultus tui vesceris*

pane tuo &c. Eadem totâ methodo procedat sibi Magister cum Novitiis videlicet post prægustatam in aliquo loco voluptatem & lætitiâ educat eos in locum pænitentiae, mortificationis, & patientiae.

Tertius modus seu industria probandi Novitios est; respicere, laudare & approbare munera officia, actione aliquorum; aliorum autem non respicere nec laudare, nec approbare. Tali modo probavit suos Apostolos Christus Dominus, videlicet Petrum & Iudam; ambobus enim hi Apostoli ministeriô Apostolico præditi, varia officia & obsequia exhibebant Christo Domino; tamen illi unius obsequia approbavit, alterius reproboavit. Tali modô probavit Deus duos illos fratres Cain & Abel, qui ambo dum offerrent Deo munera, Deus respexit ad munera Abel, ad Cain autem non respexit. *Factum est autem post multos dies ut offerret Cain de fructibus terræ munera Domino. Abel quoque tulit a primogenitis gregis sui &c. & respexit Dominus ad Abel & ad munera eius: ad Cain autem & ad munera illius non respexit.*

spexit. Et quale precor in hoc myste-  
 rium? ecce istud: ut virtus, & incoles  
 atrijsq; probaretur. Abel quia bonæ  
 indolis erat, approbatione munerum  
 suorum à Deo, nec superbivit, nec elat-  
 us est: Cain verò invidiâ motus, fra-  
 trem eduxit in agrum, & occidit. O  
 quàm contrarii unius ejusdemq; pro-  
 bationis Divinæ effectus! Hoc contin-  
 get in Novitiis, si pari modo proba-  
 buntur à Magistro, quicumq; enim re-  
 spicientur à Magistro, & quorum mu-  
 nera, officia, labores, & applicatio lau-  
 dabitur, hi plerumq; proficient; qui  
 verò non respicientur & quorum officia  
 non laudabuntur, nec approbabuntur;  
 hi vehementer irati & invidiâ accensi,  
 connovitios suos persequentur, calu-  
 mniabuntur, & licet non in corpore,  
 tamen in bona fama occident, Hæc  
 autem omnia spectando Magister, sin-  
 gula singulis adhibebit mediâ, & exacti-  
 bus eorum desumet indicia spiritûs eo-  
 rum.





## § I I.

*In quo proponuntur alii modi probandi Novitios in profectu obedientiæ.*

**Q**uartus Modus probandi Novitios in profectu Obedientiæ est quædam fabricatio Arcæ. Per fabricationem Arcæ in sensu Mystico, probavit Christus Dominus Apostolos, ut infra deducitur: jam autem in sensu literalis, probavit DEUS virum justum Nòè, cui Mandavit fabricationem Arcæ dicens: *Finitis universæ carnis venit coram me: repleta est terra iniquitate à facie eorum, & ego disperdam eos cum terra. Fac tibi Arcam de lignis levigatis &c.* Cum enim fabricatio Arcæ fuerit opus notabile, grande, extraordinarium, ac multis Mysteriorum plenum; proinde, siquidem illud fabricandum injunxit DEUS Nòè, nunquam talem structuram practicantem aut videntem, signum est quòd hoc DEUS fecerit ad probandam fidem, obedier-

tiam.

tiam, & justitiam ejus; obedientia enim bene probatur talibus operibus quæ ab hominibus aut nunquam videntur, aut nunquam practicantur.

Si ergo & Magister vult probare obedientiam Novitiorum, demandet illis fabricationem Arcæ: Arca autem quam debent fabricare Novitii, est corpus proprium cujuslibet Novitii: per Arcam enim Nôé significatur corpus humanum, juxta Sanctum Ambrosium Cap: 6. de arca Nôé discurrentem, ubi inquit: *Arcam Nôé si quis velit impensius considerare, inveniet in ejus edificatione, descriptam humani figuram corporis. Fac, inquit DEUS, tibi Arcam de lignis quadratis. Quadratum appellamus, quod suis omnibus bene consistat partibus, & conveniat sibi. Quadrata autem hominis membra esse evidens ratio ostendit: si consideres pectus hominis, consideres ventrem parâ mensurâ longitudinis, latitudinis: nisi cum voluptatibus & epulis ventre distento, mensura naturalis exceditur. Iam pedes & manus, brachia, femora & crura quadripartita quis non ipso usu advertat? sunt autem pleraque eorum, etsi non ejusdem*

eiusdem longitudinis, aut latitudinis, tamen quæ analogiam ita servant, ut in quoque congrua mensura ratioque concurrat, longitudo prolixior quam latitudo sit, latitudo quam altitudo. Et sicut ligna Arca trina distantia est; siquidem trecentorum cubitorum longitudinem, & quinquaginta latitudinem, & triginta cubitorum altitudinem servandam esse præscriptum. Ita & in nostro Corpore summa est & maxima, & minima distantia. Summa secundum longitudinem; media secundum latitudinem; minima secundum altitudinem; totum tamen corpus attextum est singulis membris, quadratum videtur. Nam & in usu ita est, ut eos quadrato dicamus, quos nec enormes proceritate, & validos robusti qualitate corporis, aestimamus.

Præterea, si idem Magister vel probare suos Novitios, demandet illi iterum fabricationem alterius Arce nempe animæ, quæ juxta Hugonem S. Victore in libro Allegoriarum in Genesim Cap: 18. per Arcam Significatur ubi sic inquit: Anima nostra est velut arca Noë. In Arca salvari debemus, &

in ipsam mirantes & in ipsa manentes, sicut scriptum est: Redite praevaricatores ad cor: Hujus arcae longitudo fides est, quae credit omnia quae fecit DEUS ab initio seculi, vel facturus est, usq; ad finem ejus, per se vel per Angelos, vel per homines: Altitudo spes est: quae erigitur ad speranda bona, quae in caelis sunt preparata diligentibus Deum: latitudo caritas est, quae extenditur ad septemtrionalem plagam, per dilectionem inimicorum; & ad plagam australem, per dilectionem amicorum. In hac Arca est Noë, id est intellectus rationalis, & sensus spiritalis, & quae ex his nascuntur: recta consilia, justa desideria, piaq; vota, tanquam filii & cognati Noë. Animalia, opera sunt, quae circa res terrenas afficiuntur. Volucres, cogitationes sunt in rebus excelsis & caelestibus versantes. Inundatio aquarum, impetus est tentationum. Montes Armeniae in quibus requiescit Arca, quies est anime in contemplatione rerum Divinarum. Corvus emissus nec reversus, significat falsos Christianos, qui dum aliquando ad exteriora necessitatis causam mittuntur, foris remanent visibilibus

*hilibus inhaerentes, neq; ad interiorem quietem revertentes, sed foris fluctuatione temporalium letantes. Columba verò extra Arcam missa, sed ad eam reversa, bonos Christianos significat, qui dum pro utilitate proximorum ad exteriora procedunt, redeunt; cum foris quietem non inveniunt, & afferunt ramum olivæ, quia peregerunt opera misericordie.*

Ultra dicta, si idem Magister vult probare obedientiam suorum Novitiorum, demandet illis fabricationem Arcæ juxta doctrinam & Monitum Origenis Homil: 2da in Caput 6. Genes. dicentis: *Si quis est, qui crescentibus malis & inundantibus vitiis, convertere se potest à rebus fluxis & caducis, & audire verbum Dei ac præcepta caelestia custodire, hic intra cor suum arcam salutis aedificat, & ut ita dicam, bibliothecam Divini consecrat Verbi; longitudinem in ea, latitudinem & altitudinem, fidem dico, spem, & charitatem collocans. Fide Trinitatis ad longitudinem vitæ, immortalitatemq; descendit, Latitudine charitatis, indulgentiæ benignitatisq; fundat affectum. Altitudine spei, ad caelestia erigit animum,*

& in terris ambulans, in caelis habet  
 conversationem. Summam verò actuum  
 suorum refert ad unum; Scit enim, quia  
 omnes quidem currunt, sed unus accipit  
 palmam, scilicet qui cogitationum varietate,  
 & mentis instabilitate, non fuerit  
 multiplex. Sed hanc arcam & bibliothecam  
 non ex agrestibus & impolitis, sed ex  
 quadratis & secundum equitatis lineam  
 directis construit lignis, id est non secularium  
 authorum, sed ex prophetis & Apostolicis  
 voluminibus, Ipsi enim sunt, qui  
 diversis tentationibus delati, recisis omnibus  
 vitis, quadratam continent vitam, &  
 ex omni parte libratam. Nam auctores  
 secularium librorum, possunt dici ligna  
 excelsa & umbrosa, (sub omni enim ligno  
 excelsa & nemoroso accusatur fornicatus  
 esse Israël) quia illa loquuntur quidem  
 excelsa, & floridâ utuntur eloquentiâ;  
 non tamen ita faciunt, ut loquuntur, &  
 ideo non possunt ligna quadrata nominari,  
 quia non in iis sermo, & vita collibrant.  
 Tu ergò si facis arcam, ex prophetis &  
 Apostolicis sermonibus confice, & bicameratam  
 ac tricameratam eam facito; ex  
 ipsa narrationes historicas disce: ex ipsa,  
 , latentia

latentia rerum mysteria & Sacramenta  
 agnosce: ex ipsa quoq; mores emendare,  
 refecare vitia, purgare animam, atq; exfol-  
 vere omni vitio captivitatis, enitere.  
 Nidos in ea diversarum virtutum & pro-  
 fectuum colloca, intus & foris eam bitu-  
 mina, corde fidem gerens, ore confessionem  
 præferens. Intus scientiam, foris opera-  
 tionem habens; Intus corde mundus, foris  
 castus corpore incedens.

Tandem si idem Magister vult  
 probare suos novitos, demandet illis fa-  
 bricationem arcæ mysticæ videlicet  
 Sanctæ & universalis Ecclesiæ Dei; per  
 arcam enim à Nòé fabricatam, figura-  
 batur Ecclesia Dei juxta doctrinam S:  
 Augustini, lib: 15. de Civitate Dei dicen-  
 tis: *Iam verò quòd Nòé homini justo im-  
 perat DEUS, quòd Arcam faciat, in qua  
 cum suis & cum animalibus liberaretur  
 à diluvii vastitate, procul dubio figura est  
 peregrinationis in hoc sæculo civitatis Dei,  
 hoc est Ecclesiæ, quæ sit salva per lignum  
 in quo pependit Mediator Dei, & homi-  
 num, Homo Christus IESUS. Et cætera  
 quæ in ejusdem Arcæ constructione dicun-  
 tur, Ecclesiasticarum signa sunt rerum.*

Et

Et tali Modò, nempe per fabricationem Arcæ mysticæ probavit Apostolos Christus Dominus, quando dixit: *Euntes predicare dicentes: quia appropinquavit Regnum celorum:* prædicare enim per orbem universum, quid est aliud? nisi fabricare quandam grandem & admirandam Arcam, nempe Ecclesiam Dei. Hoc pariter significare voluit Christus Dominus quando dixit. *Tu es Petrus & super hanc petram ædificabo Ecclesiam meam, & portæ inferi non prævalebunt adversus eam. & tibi dabo claves Regni celorum, & quodcumq; ligaveris super terram, erit ligatum & in cælis, & quodcumq; solveris super terram, erit solutum & in cælis:* ligare enim & solvere super terram, quid est aliud? nisi ædificare Arcam Ecclesiæ, tum militantis, tum triumphantis. Probavit item eosdem Apostolos per fabricationem arcæ, significantis figuram Corporis humani, quando in multis Sancti Evangelii locis, monuit & docuit Apostolos, ut corpus suum componant, regant, & custodiant, juxta regulam rationis, illudq; spiritui subjiciant. Probavit item eosdem Apostolos  
per

per fabricationem Arcæ significantis animam, quando dixit: *Qui invenit animam suam perdet illam, & qui perdidit animam suam propter me, inveniet eam.* Probavit tandem Apostolos Christus Dominus per fabricationem Arcæ moralis in corde Apostolorum, quando dixit. *Sic nos decet implere omnem justitiam,* item quando eosdem Apostolos allexit, excitavit, & erudit ad omnia virtutum genera exercenda.

Quintus modus probandi Novitios, est mandatum ingrediendi in Arcam. Tali modò probavit DEUS Optimus maximus virum justum Nòè cui post fabricationem Arcæ, demandavit ingredi eandem arcam dicens: *Ingredere tu & omnis Domus tua in arcam, te enim vidi justum coram me, in omni generatione hac &c.* Utiq; Domine DEUS jam sufficienter probâsti fidem, justitiam & obedientiam Nòè? præcepisti illi ut faceret arcam, fecit & perfecit; mandâsti ut in ea faceret mansiunculas, & bitumine liniret intrinsecus & extrinsecus, explevit mandatum: Ordinâsti ut longitudo arcæ, sit trecentorum cubito-

*De Probatione Novitiorum.* 63

cubitorum, quinquaginta latitudo, & triginta altitudo, hoc totum, & alia multa sibi injuncta executus est Nòe juxta illud scripturæ: *Fecit igitur Nòe omnia, quæ præceperat illi DEUS.* Ad quid ergò amplius oneras seruum tuum & præcipis, ut ingrediatur in arcam? *Ingrederere tu & omnis Domus tua in arcam:* responsum ergo in promptu est: Satis quidem probata est Obedientia Nòe per fabricationem arcæ; Sed propter Exemplum totius Orbis, & majus experimentum ac excellentiam obedientiæ futuris sæculis, commendandæ, adhuc probanda erat per ingressum in arcam; in arca enim multò plura & majora erant patiendæ, quàm in ipsa fabricatione arcæ, ibi enim patiendæ erant àëris intemperies, Societas cum diversæ speciei animalibus; nox & tenebræ continuæ, ac ipsa magnitudo diluvii, totum orbem ac universam terram ipsosq; Montes, inundantis, quæ omnia postquam aspexerit Nòe, & in se expertus fuerit, tunc eo ipso probata est illius fortitudo, obedientia, & patientia, longè magis & amplius, quàm ex fabricatione

tione arcæ, licet per centum annos protracta.

Hoc totum considerans S. Chry-  
 stomus, quantis incommodis, molestiis,  
 & ærumnis, totò eò annò, quo fuit in  
 arca obteffus, & conflictatus fit Nòè,  
 excellentem ejus viri fidem cum incre-  
 dibili patientia, & constantia conjun-  
 ctam vehementer admiratur. Neq; hu-  
 manis viribus, sed Divinæ gratiæ attri-  
 buit, quâ ille adjutus, tot & tanta mala  
 superavit; nam si illa confirmâffet ejus  
 mentem, & quæ valde difficilia erant  
 feciffet levia, quomodò ille vivere tam-  
 diu inclûsus, tanquam in carcere & cu-  
 stodia & adversus tantos fluctuum im-  
 petus obfistere potiuffet: nam qui in  
 navi sunt, & velis utuntur, & gurber-  
 natorem ad clavum sedentem vident,  
 & suâ arte ventorum viribus obniten-  
 tem, si quando fluctuum vident insa-  
 niam, salutis suæ timentes, propemodum  
 exanimantur metu. Quid igitur de  
 Nòè dicemus, qui velut detrusus in  
 carcerem, huc illuc jactabatur, neq; cæ-  
 lum videre poterat, neq; aliquid, quod  
 afferret consolationem? Quod si vel  
 ferrea

ferrea vel adamantina illis hominibus fuissent corpora, vix tamdiu potuissent durare; quippe quæ neq; àère fruebantur, neq; ventò, qui non minùs quàm àèr ad refocilianda corpora nostra factus est, neq; oculos pascere poterant, aut cæli, aut terræ spectaculo aliquo. Quomodò non excæcati sunt oculi eorum, in illo tam tetro carcere? quomodò conversationem cum feris earumq; factorem ferre poterant? quomodò ipsa bruta non perièrunt, quæ neq; àèrem trahere neq; locò sese commovere poterant? Hactenus Perevius ex S. Chrysostomo.

Sicut autem in ingressu in arcam ita pariter in egressu de arca probata est Nòèmi obedientia, sicut enim non est ingressus in arcam nisi jubente Deo, ita non est egressus de arca, nisi post mandatum Dei. Unde scribens supra de illa verba Perevius. *Egredere de arca.* Instituit quæstionem sequentem. *Quid Lib. 13. opus erat novò Dei mandatò ad egredien- Diff. 11. dum? jam finitum erat diluvium: terraq; in Gene- venit exsiccata nullum supererat perisim. calum; nihil deniq; erat, quod ad manendū*

E

diutiùs

diutius in Arca invitaret, vel ab egredien-  
do tardaret præsertim cum mansio homi-  
num vel animalium in Arca, propter di-  
luvii periculum necessaria fuerit: quæ  
transacta, nulla ratio fuerat cur ulterius  
in ea manere deberet aut vellet Nôé; Cui  
igitur non statim sua sponte egressus est  
verùm hic mirificè lucet excellens & per-  
fecta Nôé obedientia, quippe, qui arcam  
nisi iubente Deo, nec ingredi nec egre-  
deretur. Recedente aquâ (inquit Am-  
brosius) & siccata terrâ exire potuit Nôé  
de Arca; sed iusto nihil sibi arrogat, sed totum  
se Divino committit imperio. Et Maximus  
qui caelesti fuerat ingressus oraculo, caelesti  
debit, ut egrederetur, expectare respon-  
sum, Verecunda enim justitia est, qui  
inverecunda iniquitas, quæ usurpat inde-  
bita, nec reveretur auctorem.

Quod DEUS Optimus maximus  
fecit cum Nôé; hoc totum Christus  
Dominus, complevit in Apostolis; vi-  
delicet & ille probavit Apostolos, de  
mandando illis, ut ingrediantur in Ar-  
cam, nempe in ecclesiam suam à se con-  
ditam, fabricatam, erectam, & institutam  
juxta

Lib. de  
Nôé &  
Arca c.  
21.

Iuxta illud scripturæ: *Hos duodecim mi-*  
*lit JESUS, præcipiens & dicens eis: in viam*  
*entium ne abieritis, sed potius ite ad*  
*ves quæ perierunt domûs Israël. Et*  
*infra: Ecce ego mitto vos sicut oves in*  
*medio luporum*— Sicut autem Nôé post  
ingressum in Arcam passus est universa  
diluvii pericula; ita Apostoli post in-  
gressum in arcam mysticâ ecclesiæ, planè  
generale periculorum diluvium experi-  
unt, sicut ingrediente arcam Nôé rupta  
sunt omnes fontes, abyssi magnæ, &  
cataractæ cæli apertæ sunt, & facta est  
pluvia super terram quadraginta diebûs  
& quadraginta noctibûs: ita intrantibus  
in arcam ecclesiæ Apostolis, eruperunt  
subitò omnes fontes Tyrannorum, qui  
tanquam abyssi quædam magna, conati  
sunt devorare & absorbere Apostolos.  
Apertæ sunt cataractæ Regnorum, Pro-  
vinciarum, & urbium, contra Apostolos,  
& facta est ingens pluvia persecutionis,  
non tantum quadraginta diebûs vel  
noctibûs, sed per totum tempus vitæ  
Apostolicæ. Sicut ingrediente Arcam  
Nôé ingressum est omne animal secun-  
dum genus suum, universaq; jumenta

in genere suo, cunctumq; volatile secu-  
dum genus suum: ita ingredientibus  
arcam Ecclesiæ Apostolis, ingressæ sunt  
in eam omnes gentes ex omni natione  
quæ sub cælo est. Sicut ingredientibus  
arcam Nòé factum est diluvium, et aquæ  
elevaverunt arcam in sublime à terra  
ita ingredientibus arcam Ecclesiæ Apo-  
stolis, factum est diluvium persecutio-  
nis magnæ, & aquæ persecutionis ele-  
vaverunt Ecclesiam Christi, usq; ad ca-  
elos. Sicut ingrediente Arcam Nòé, con-  
sumpta est omnis caro super terram  
ita ingredientibus arcam Ecclesiæ Apo-  
stolis, consumpta sunt omnia simulacra  
& idola gentium per totum orbem  
tandem sicut protunc remansit solum  
Nòé super terram, & qui cum eo erat  
in Arca; ita sub tempus diluvii hostilis  
contra Ecclesiam, remansit solus Chri-  
stus ac omnes Apostoli & Discipuli, qui  
cum eo perseverârunt in Arca Ecclesiæ  
Ad extremum sicut per diluvium & per  
severantiam in Arca, probatus est Nòé  
tum obedientia ac patientia ipsius, ita  
per omnes fluctus & procellas persecu-  
tionum, probati sunt Apostoli, eorumq;  
obedien-

obedientia, ac patientia in Arca Eccle-

Quælibet in particulari Religio  
quid est aliud? nisi arca quædam alterius  
dæ, videlicet Christi Domini, ab illo  
non de vulgaribus lignis, sed de ligno  
vucis facta, ac proprio ejus sanguine,  
nquam bitumine intrinsecus & ex-  
insecus linita. Quicumq; ergo Novitii  
veniunt ad Institutum Religiosum am-  
lectendum, hos si vult probare magi-  
ter, dicat sigillatim unicuiq; *Ingrederere*  
*& omnis Domus tua in arcam:* hoc  
est ingrederere in arcam Religionis non  
tantum solo corpore, sed etiam animâ  
spiritu, actoto: corde tuo quo autem  
sæ & intuitu? non alio, nisi ut in hac arca  
experiaris omnia pericula, tentationes,  
incommoda, ita ut si etiam grande  
generale diluvium persecutionum ac  
tribulationum veniat super te, id totum  
inimè abhorreas, sed tanquam alter  
dæ, vel tanquam unus esses ex Apo-  
colis, omnia fortiter sustineas. Et certè  
volunt novitii faciliùs annum pro-  
bationis expedire, svaderem illis, ut  
religionem suam repræsentent sibi ante

Ej

oculos

oculos tanquam arcam Nòé à fluctibus diluvii agitatam, & undiq; jactatam, & mulq; ipsum Nòé ac Apostolos tremenda pericula in hac arca sustinentes horumq; omnium contemplatione à memoriâ ut excitentur & provocentur ad sustinendas austeritates Religionis si enim semel viva fide conspexerimus quantum sit passus Nòé in arca à se fabricata, & quantum Apostoli in Arca Ecclesiæ à Christo condita? impossibile est ut non provocemur ad sequendum eorum patientiæ, obedientiæ, ac probationis vestigia.

Sextus modus seu industria probandi Novitios, in profectu obedientiæ est investigare utrû egressi fuerint de terra sua de cognatione sua & domo Parentum suorum? Multi enim cû veniunt ad Religionem, videntur deseruisse terram suam cognationem suam, & domum Patris sui, sed postquam contraxerint aliquod domicilium intra portam, corpore manent in Religione, spiritu autem in terra cognatione, & domo Parentum. Proinde ut hæc hypocrisis non prævaleat in Religionibus, tempestivè, investigandi

grandi & probandi Novitii, utrum perfectè terram, cognationem & domos Parentum deseruerint? Tali modò probavit Apostolos ipse Christus Dominus, ut constat ex verbis ipsius Matth 10 ubi inquit. *qui amat Patrem aut matrem, plus quàm me, non est me dignus: & qui amat filium aut filiam super me, non est me dignus:* hīs enim verbis nihil aliud inculcat Christus Dominus, nisi hoc, ut imitatores ejus non diligant plus Patrem aut Matrem, item filium vel filiam, consequenter svadet ut egrediantur de terra sua, de cognatione sua, & de domo Parentum suorum. Hoc ipsum innuit Lucæ 14 dum inquit: *Si quis venit ad me, & non odit Patrem suum, & Matrem, & Uxorem, & filios, & fratres, & sorores, adhuc autem & animam suam, non potest meus esse discipulus.*

Tali etiam modò probavit DEUS Abraham Genes: C. 12. ubi inquit ad eum: *Egredere de domo tua & de cognatione tua & de domo Patris tui, & veni in terram, quam Monstravero tibi.* Super quæ verba scribens Pererius, instituit quæstionem, quare DEUS distinctè singula tria posuerit:

fuerit: imo egredere de domo tua; 2do  
 de cognatione tua, 3tio de domo Patri-  
 tui? Sed cur distinctè & separatim po-  
 suit DEUS, egressum ex terra, & ex cogna-  
 tione, & ex Domo Paterna, cum in primo  
 contineantur duo posteriora: derelicta  
 enim Patria, necesse erat derelinquere, co-  
 gnatos, & Paternam familiam, quæ inibi  
 sedem habebat. An propterea DEUS  
 distinctè illa tria posuit, quod in singulis  
 illorum trium, inerant præcipua & pro-  
 pria quedam mala, omninò vitanda &  
 fugienda Abrahæ, ut probitati ac pietati  
 ejus plane contraria? An potius illa distin-  
 ctè commemoravit DEUS, quo vehemen-  
 tius commoveret naturalem penitus infi-  
 xum animo Abrahæ erga illa tria affe-  
 ctum & amorem? etenim singula illa ma-  
 ximam habent vim & potentiam in homi-  
 nis animum, ut non illa non tantò studio  
 amare possit, nec ab illis, nisi quàm eger-  
 rimè ac violentissimè abstrahi patitur?  
 quid enim jucundius consuetudine & con-  
 victu cognatorum? quid dulcius natali solò?  
 quid paterna domo suavius, & ad retinen-  
 dum hominem efficacius? Hec igitur tria  
 separatim DEUS proposuit, quo magis  
 tentaret

tentaret per singula animum & affectum  
Abrabæ, atq; ea ratione magis exerceret  
probaretq; fidem & fiduciam atq; obedi-  
entiam Abrabæ. Etenim magnæ fidei &  
excellenti obedientiæ fuit iis que nota  
certa & carissima erant posthabitis, ex-  
tranea & ignota. atq; si humana ratione  
& prudentia æstimentur, etiam nimis ar-  
dua & incerta ac periculosa consuetari.  
Ad hoc spectasse videtur Sanctus Ambro-  
sius, ad hunc modum scribens: satis fue-  
rat dixisse egredere de terra tua; ibi enim  
erat exire de cognatione & exire de do-  
mo paterna. Sed ideo addit & singula,  
ut ejus affectum probaret, ne fortè aut  
imprudenter cepisse videretur, aut fraus  
aliqua mandatis cælestibus pararetur. Sed  
sicut cocervanda fuerunt præcepta, ne  
aliquid lateret, ita etiam proponenda præ-  
mia, ne fortè desperaret. Tentatur, ut  
fortis, incitatur, ut fidelis, probatur, ut justus.  
Hoc est quod pro magno, inter septem sa-  
pientum dicta celebratur: Sequere DEUM.  
Ita profectò prævenit Abram dicta sa-  
pientum, & secutus DEUM, exiit de  
terra sua.

Ex hoc toto progressu, quo DEUS  
probavit.

probavit Abram, debet quilibet magister desumere normam probandi suos novitios ad perfectionem Evangelicam & Apostolicam properantes, utrum videlicet terram suam perfectè deseruerint, utrum libenter cognationi renuntiaverint? utrum tandem domum paternam promptè abdicaverint? Abram enim & factum est ipsius, erat figura vocationis eorum omnium, qui ad perfectionem vitæ Evangelicæ & Apostolicæ tendunt, ut expressè docet citatus Pererius, dicens: *Factum Abrahæ*

*Peregrinam promptè & alacriter is rebus omnibus sese abdicantis, quas habebat ipse cap. 12. carissimas & jucundissimas, insigne fuit fol. 8. quasi specimen quoddam & exemplar, futuræ olim tempore legis Evangelicæ abdicacionis, & renuntiationis omnium rerum temporalium, quam plurimi facturi erant, propter ardentissimum studium adipiscendæ perfectionis virtutum omnium, & imitandi Christi Domini nostri qui eam renuntiationem exemplò suò firmavit, & gratissimè verbis docuit, atq; commendavit, cum dixit: si vis perfectus esse, vade, vende omnia que habes & sequere*

*sequere me; & Qui non renuntiat omnibus quæ possidet, non potest meus esse discipulus. Ejusdemq; renuntiationis quasi speciem & formam, multò ante adumbraverat & præscripserat David illis verbis, quæ ad Ecclesiam Christi pertinent ex in fidelibus Gentibus collectam. audi filia, & vide, & inclina aurem tuam, & obliviscere populum tuum, & domum patris tui, & concupiscet Rex decorem tuum.*

*Psal.*  
44.

Si ergo Abraham tantum figura & umbra omnium vocandorum ad perfectionem Evangelicam, tam strictè & exactè probatus fuit à Deo, quanto magis probandi sunt, quibus promulgata est lex Evangelica? Si Abraham nondum audiens legem Evangelicam, tam promptè, tam libenter, & alacriter deseruit terram, cognationem, & domum Patris sui, quanto magis & perfectius tenentur hæc omnia deserere Novitii, legis Evangelicæ notitiam habentes? Hoc autem ut exequantur novitii, ad magistrum eorum pertinet ut continuò ingeminet, repetat, & clamet ad unumquemq; *Egredere de terra tua, & de cognatione tua, & de Domo Patris tui.*

§ III.



## § III.

*In quo proponuntur alii modi probandi Novitios in profectu obedientiæ.*

**S**eptimus modus probandi Novitios in profectu obedientiæ, est præcipere ipsis ingredi, & arripere aliquod iter, non tamen illis expressè nominare, quo, & ad quem determinatè locum ituri sint. Tali modò probavit Apostolos Christus Dominus Matth: Cap. 10, ubi mittens illos ad prædicandum Evangelium, non determinavit illis certum aliquem locum v: g: civitatem, oppidum, villam, aut castellum, vel Provinciam, sed indeterminatè dixit: *Euntes autem prædicate dicentes, quia appropinquavit Regnum celorum.* Simile quid habetur Matth: 24. Ubi inquit Christus: *Data est mihi omnis potestas in celo & in terra: euntes ergo docete omnes gentes &c:* in quo scripturæ textu, neq; gens, neq; natio ulla, vel locus nationis nominatur  
aut

aut specificè exprimitur, sed indeterminatè dicitur: *docete omnes gentes.* Hujus rei documentum & in aliis S. Evangelii locis facillè reperies.

Tali etiam modò probavit DEUS Abram, postquam enim illi dixit DEUS: *Egredere de terra tua, & de cognatione tua, & de domo Patris tui;* non determinavit ipsi, nec expressè nominavit terram ad quam se convertere deberet, sed ad quandam terram indeterminatè talem, jussit eum venire dicendo: *Et veni in terram quam monstravero tibi.* In quæ verba scribens Pererius inquit. *Cùm DEUS jussit Abræ egredi ex chaldaea, non indicavit ei nomen, proprium terræ ad quam venire eum, jubebat, postquam autem se ad iter accinxit aut egressus est, nomen proprium ejus terræ declaravit, idq; fecit, quò magis fidem, fiduciamq; atq; obedientiam Abræ exerceret, probaretq;.*

Sed fortè dicet aliquis, licet DEUS, probaverit Abræ obedientiam hâc industriâ, quod eum jussit egredi de terra, cognatione, & domo patris sui, non

osten-

ostendendo ei nec indicando ad quam terram se convertere deberet, tamen ei postea hanc terram, postquam iter esset aggressus indicavit, vel per revelationem, vel per aliquem instinctum, sive internum sive externum. Magister autem non potest quidquam indicare per revelationem, vel instinctum internum, imò nec externum si fuerit absens, consequenter non potest probare novitios ita, ut subdiceat coram illis denominationem loci aut itineris quod aggressuri sunt? Respondeo certum esse quod (ordinariè loquendo) magister per revelationem aut instinctum internum vel externum consistentem in aliqua qualitate externa supernaturali, non potest indicare id quod coram novitiis subdicit: potest tamen id facere vel per subordinatas Personas, vel per aliquid simile, adeoq; potest illos hac industria probare, ut non determinet illis, nec nominet illum locum ad quem ire debeant.

Octavus modus probandi novitios, est illis offerre vel permittere talia, quæ ad illos non spectant, vel quibus illi  
ipfi

ipſi ſe ſponte exuerunt per arreptam & ſuſceptam vocationem Dei. Taliſſi modò probavit Apoſtolos Chriſtus Dominus: quamvis enim Apoſtoli exuerint ſe omnibùs bonis temporalibùs, tamen illis eadem bona ſponte dabantur & offerebantur ut conſtat Actorum Cap.

4. *Quotquot enim poſſeſſores agrorum & domorum erant, vendentes offerebant pretia eorum quæ vendebant, & ponebant ante pedes Apoſtolorum diſtribuebatur autem ſingulis prout cuiq; opus erat.* Porro per oblationem hanc pretiorum, & diſtributionem eorundem per Apoſtolos, ſufficientiſſimè probata eſt virtus Apoſtolorum, in contemnendis bonis temporalibus. Taliter DEUS probavit Abram per Regem Sodomorum, cum enim Abram vindicàret ab hoſtibus. Fratrem ſuum Loth cum univerſa ſubſtantia ejus, mulieres quoq; & populum ac totam fortunam Regis Sodomorum captam ſimul ab hoſtibus cum ſubſtantia Loth tunc cum Abram rediret cum victoria egreſſus eſt Rex Sodomorum in occurſum ejus, & dixit ad Abram: *Da mihi animas, cætera tolle tibi;*

hoc


hoc est redde mihi meum populum  
salvum, illæsum, & integrum, & vivum.  
reliqua autem omnia aurum, argentum,  
& quamcunq; substantiam ac divitias  
mei populi, tibi in vim prædæ accipe.  
Quid ad hæc respondit Abram? ecce  
inquit: *Levo manum meam ad Dominum  
meum excelsum, possessorem cæli & terræ,  
quod à filo subtegmis usq; ad corrigia  
caligæ, non accipiam quæ tua sunt, ne di-  
cas: Ego ditavi, Abram.* Quid præcor  
fortius erat ad vincendum capiendumq;  
cor Abræ, quàm tota substantia & for-  
tuna populi alieni vindicati ab hosti-  
bus? & tamen nihil de ea etiam præ-  
textu prædæ participavit Abram, ideo  
autem nihil participavit: quia Abram  
(ut loquitur Pererius) *infectaturus illos*

*Pererius* quatuor Reges, qui fratrem ejus Loth Ca-  
*in Genes* ptivum abduxerant, prius ardentem ora-  
*c. 14. fol.* tionem ad Dominum, fudit, quòd si ei  
*204.* DEUS victoriam concederet, jure jurando

obstrinxit, nihil se de bonis eorum acce-  
pturum, sed homines tantùm ab hostibus  
captos à servitute erepturum. Quoniam  
igitur jurejurando se obstrinxit Abram  
se nihil de bonis populi per se liberandi

accepturū, quare ergo permisit DEUS  
n ipsum, ut Rex Sodomorum offerret  
illi omnia bona sui populi? respondit  
Pererius, quod per hoc voluerit eum  
DEUS probare; dicit enim præfatus  
Author. *Probavit eum* (id est Abraham)  
*cum fidei titulo fretus, liberavit nepotem,*  
*cum de præda nihil attigit.*

Sicut ergo Abraham etiam in his  
probatuſ est, circa quæ se ipsum jure-  
jurando obstrinxit, ita Novitii, multò  
magis Professi probari possunt in illis,  
ad quæ se votis vel aliqua promissione  
obligârunt: probari autem possunt tali  
modo, sicut probatus est Abraham, videli-  
cet permittendo illis ea; ad quæ relin-  
quenda illi seipſos vel per purâ promissi-  
onem, vel per aliquod votum obligâ-  
runt: si hæc suscipiant, quæ per vota re-  
signârunt, signum erit, quod suæ vo-  
cationis & professionis sint immemores:  
ad Magistrum ergo pertinebit ut ac-  
quisitâ notitiâ de spiritu eorum, per  
immediatum modum probandi, occur-  
rat malis imminentibus.



## § I V.

*In quo proponuntur alii modi probandi Novitios in profectu obedientiæ.*

**N**onus modus probandi novitios, est illis adimere nomen antiquum & novum imponere. Taliter DEUS probavit Abraham Genes: 17. *Postquam vero nonaginta & novem annorum esse ceperat apparuit ei Dominus dixitq; ad eum: ego sum Dominus omnipotens; ambula coram me & esto perfectus. Ponamq; fœdus meum inter me & te, & multiplicabo te vehementer nimis. Cecidit Abram pronus in faciem. Dixitq; ei DEUS: ego sum & ponam pactum meum tecum, erisq; Pater multarum gentium. Nec ultra vocabitur nomen tuum Abram, sed appellaberis Abraham qui Pater multarum gentium constitui te. Ubi notandum est, quod postquam DEUS moneret Abram ut ambulare coram eo, & esset perfectus, post hæc etiam nomen ejus, mutandum esse censuit; nec ultra nomen tuum vocabitur Abram, sed appellaberis Abraham.* U

nos doceret quod qui vult ambulare coram Deo & esse perfectus, non tantum vitam, sed etiam nomen antiquum mutare debeat. Simile mandatum dedit DEUS circa nomen uxoris Abraham: *Dixit quoque DEUS ad Abraham, Sarai uxorem tuam, non vocabis Sarai sed Saram.*

Neque ista mutatio nominis est otiosa, sed aliquando mysteriosa, ut contigit in præfato Abraham, qui inter alias rationes hoc sine mutatum nomen accepit, ut esset Pater spiritualis multarum gentium, & ut ex homine cæli fieret homo Dei. Audiamus hac in parte Philonem, qui scribens super hunc locum scripturæ inquit: *Abram qui diu hærebat in terra, & opinionibus Chaldeorum, & nondum mutato nomine vocabatur, Abram homo cæli erat, sublimis & æthereæ naturæ scrutator, in effectibus, eorumque, causis philosophando, ex quo studio etiam appellationem sibi quaesivit, ut Abram diceretur, quippe id nominis significat Patrem sublimem; appellatione scilicet homini consideranti sublimia & cælestia; perquam accommodata. Verum*

Philo. in quando jam seipso melior, nomen era  
 libr: de mutaturus, ex homine cæli, factus est homo  
 Giganti Dei, juxta redditum sibi Oraculum; Ege  
 by lib: de sum DEUS tuus, da operam ut te mibi  
 Abramo. probes, & esto inculpabilis. Quodsi unu  
 totus mundi DEUS, singulariter dictus  
 est DEUS Abraham; necesse quoq; est,  
 præcipua quedam & propria ratione, ho  
 minem Dei fuisse ipsum Abram. Neq;  
 id nosse indicavit mutatum ejus nomen, ap  
 pellatus est enim Abraham, quod inter  
 prætetur Pater electus soni, seu vocis.  
 Id autem est intellectus probi viri, est  
 enim electus, purgatus, & pater vocis, quâ  
 & Dei voces personamus, eiq; in omni  
 vita, dictis, factisq; nostris, quo ad ejus  
 fieri potest, consonamus.

Parî modô quamdiu novitii hære  
 bant in terra & in opinionibus amato  
 rum sæculi hujus, vocabantur & quod  
 dam modo erant homines cæli,  
 homines sublimes opibus, divitiis, &  
 superbiâ plane innatâ, cælum tangentes,  
 despicientes intueri terram, sed nonnisi  
 cælum spectantes: sed postquam sæcu  
 lum deseruerunt & incipiunt fieri me  
 liores seipsis, nomen eis mutandum, ut

ex hominibus cæli, fiant homines Dei: quod quemlibet enim novitium clamat & intonat DEUS: *Ego sum Dominus DEUS tuus, da operam ut te mihi probes, & esto inculpabilis.* Ubi autem se ipsum probare debeat novitius, vel probari ab aliquo, si non in anno probationis, sufficienter autem se ipsum probabit, si ex homine cæli, id est ex homine solos cælos & sidera ex curiositate sciendi spectante, fiet præcipua & propria quadam ratione homo Dei, si mutato antiquo nomine fiet Pater electus, purgatus, & Pater vocis talis, qua Dei laudes continuo personabit, eidemq; Deo in tota vita sua, dictis, factisq; quantum fieri potest, exactè consonabit. Mutatio nominis ex Abram in Abraham, significavit fuisse eum mutatum ex homine Philosofo, in virum sapientem & plane Divinum, ut docet Philo: eâdem ratione vel simili, mutatio nominis in Novitiis, quid aliud significat, & ad quem finem practicatur in Religionibus? nisi ut Novitii ex hominibus Philosophis, sola terrena & mundana speculantibus mutantur in viros sapientes &

plane Divinos? Homini Meteoro Iogico [inquit Philo] nihil majus videtur mundò, quem etiam supremum existimat rerum Authorem. At vir sapiens certioribus oculis videns illum perfectiorem mundi Rectorem ac Principem, cujus Dominium agnoscunt cætera & imperata faciunt; sæpe antea actam vitam suam inculsat, in qua velut cæcus tenebras palps nitebatur, rebus sensibilibus suapte natura infirmis atq; caducis. Quoniam igitur nomina novitiorum hoc fine mutantur, ut evadant sapientes, proinde ad illorum sapientiam spectabit, ut certioribus oculis videntes perfectiorem rerum Rectorem ac Principem, nempe Deum ipsum, frequenter antea actam vitam suam inculsent, de malefactis, doleant & tenebras illas in quibus antea versabantur totaliter deserant, sicq; fiant homines Divini.

Decimus modus probandi novitios est, illis etiam provectis ac ætate maturis imponere, talia opera ad exequendum, quæ juniore ætati competunt. Taliter probavit DEUS Abraham, cum illi plus quam nonagenario præceptum  
circum-

circumcisionis daret, ut constat Genesis  
 12. Dixit iterum DEUS ad Abraham:  
 & tu ergo custodies pactum meum, &  
 semen tuum post te in generationibus suis.  
 Hoc est pactum meum quod observabitis  
 inter me & vos; & semen tuum post te:  
 Circumcidetur ex vobis omne masculi-  
 num; & circumcidetis carnem preputii  
 vestri, ut sit in signum fœderis inter me  
 & vos. Infans octo dierum circumcide-  
 tur in vobis; omne masculinum in genera-  
 tionibus vestris, tam vernaculus quàm  
 emprobitus circumcidetur; & quicumq;  
 non fuerit de stirpe vestra, eritq; pactum me-  
 um in carne vestra, in fœdus æternam. &c.  
 &c. Licet autem circumcisio sit magis  
 propria, facilior infantibus, quàm pro-  
 vectis & senibus; tamen etiam Abraham  
 licet esset proventus ætate, iustus est  
 circumcidi, & defacto eadm die qua præ-  
 ceptum recepit à Deo circumcisus est;  
 Abraham nonaginta erat & novem anno-  
 rum, quando circumcidit carnem preputii  
 sui. O rem admirandam & factum  
 stupendum! Abraham nonaginta novem  
 annorum implevit præceptum Circum-  
 cisionis, & nos adhuc juvenuli, minora

præcepta superiorum implere non possumus.

Quod itaque fecit DEUS cum Abraham, hoc faciat magister cum suis Novitiis, qui licet plus quam nonagenarii essent, tamen illis plerumq; etiam hæc injungenda ac imponenda sunt, quæ infantibus vel pueris ac nondum maturis imponi deberent. Et sic inter alia deberet illis imponi præceptum circumcisionis non jam carnalis, sed spiritalis, consistentis in abscissione vitiorum, & connaturalium passionum. Et hac circumcisione spiritali probavit Apostolos Christus Dominus, ut constat ex toto evangelio, & specialiter Matth. Cap: 5. ubi inquit: *Si oculus tuus dexter scandalizat te, erue eum, & projice abs te &c. Et si dextra manus tua scandalizat te abscinde eam & projice abs te &c.* De hac circumcisione spiritali multa essent dicenda, sed quia hoc ipsum, recurrit, alibi tractandum, nempe in 3tia Parte, ideo illuc Lectorem remittimus.





## § V.

*In quo proponuntur alii modi, probandi Novitios in profectu obedientiae.*

Undecimus modus seu industria probandi Novitios est, promittere ipsis aliquam gratiam, quando protunc & eo tempore, non est ordinariè vel moraliter sperabilis. Sic DEUS probavit Abraham quando ei promisit tunc Filium nasciturum, quando ille erat centenarius, & Sara uxor ejus nonagenaria: porro centenarii, & nonagenarii, non est ordinariè vel moraliter sperabile, ut pariant. Probatio hæc Abrahami constat ex Genesis Cap: 17. Ubi dicitur. *Dixit quoq; DEUS ad Abraham: Sarai Uxorem tuam non vocabis Sarai, sed Saram. Et benedicam ei, & ex illa dabo tibi filium, cui benedicturus sum, eritq; in nationes; & Reges populorum, nascentur ex eo: cecidit Abraham in faciem suam,*

III De Probatione Novitiorum

suam, & risit in corde suo dicens; Putas  
ne centenario nascetur filius? & Sara  
nonagenaria pariet? Quod autem hoc  
loco probaverit DEUS Abrahamum sen-  
tentia est Pererii dicentis: *Probavit eum*  
*Pererius* (id est Abrahamum) *cum promisit sen-*  
*super* *filium, & quamvis esset centum annorum*  
*Genes. c.* *& Saræ vulvam, consideraret emortuam*  
*22. fol.* *tamen credidit, nec fide hæsitavit, qui hæsi-*  
*575.* *tare posset ratione sterilitatis & senectu-*  
*tis.*

Ex hoc progressu Dei cum Abra-  
ham & Magistri habent doctrinam, quòd  
scilicet possint probare novitios pro-  
mittendo illis ea, quæ non sunt ordi-  
narie moraliter sperabilia: Et noviti-  
ut credant promissis suorum Magistro-  
rum, sicut credidit Abraham.

Duodecimus modus, seu industria  
probandi novitios est, illis prohibere  
res etiam parvas & minutissimas. Tali  
modo probavit Apostolos Christus  
Dominus, quibus inter alias doctrinas  
dedit etiam hanc. *Nolite putare quo-*  
*niam veni solvere legem aut Prophetas;*  
*non veni solvere sed adimplere. Amen.*  
*quippe dico vobis, donec transeat cælum*  
*& terra,*

Et terra, jota unum, Et unus apex non præteribit à lege, donec omnia fiant. Qui ergo solverit de mandatis istis minimis, Et docuerit sic homines, minimus vocabitur in Regno celorum; qui autem fecerit Et docuerit, hic magnus vocabitur in Regno celorum. Quoniam ergo in immediato textu, præcepit Christus Dominus etiam minima præcepta servari ab Apostolis, consequens est quod illos per observationem etiam minimorum mandatorum probare voluerit.

Tali modò probavit DEUS Lot Fratrem Abrahæ, prohibendo ipsi ne respiceret retro, videlicet ad civitatem Sodomam, de qua Angelorum ministerio eductus fuerat. *Salva animam tuam, Genes. noli respicere retro, nec stes in omni circa regione. c. 19.* Super quæ verba scribens Pererius quærit: Cur DEUS tam severè ac rigidè vetuit Loth, quæ retro erant aspicere? hujusq; ipsius rationem dat, quod hoc fecerit DEUS ad probandam & exercendam obedientiam Lot, id ei præceptum est: *Obedientia enim in iis quæ parva Et levia videtur, exploratig probatur. Sic DEUS probare voluit obedientiã*

*Adæ*

*Adæ, prohibens unius arboris fructum edere. Similiter probare voluit DEUS obedientiam ejus Prophætæ, quem misit ad increpandum Ieroboam, mandans ei: Non comedes panem, neq; bibes aquam ibi, nec reverteris per viam qua ivisti. Nimirum non magna laus obedientiæ est, nec satis efficax probatio, in maximis & gravissimis mandatis Dei exequendis impigrum & strenuum esse.*

## § VI.

*In quo proponuntur alii modi probandi Novitios, in profectu obedientiæ.*

**D**ecimus tertius modus seu industria probandi Novitios est, illis adimere hoc quod maxime diligunt afficiuntur, & ad quam rem maxime propensi sunt. Tali modo probavit Christus Dominus Apostolos; illi enim ante vocationem suam, maximè diligebant retia, ex quibus victum & amictum habebant & hæc ademit eis Christus; Apostoli  
item

item maxime diligebant, temporalia uti uxores, fratres, sorores, & alia his similia; sed etiam ab his separavit eos Christus Dominus: Apostoli item pari modo diligebant voluntatem propriam, & hanc ademit eis Christus, cum dixit Petro; Joan. 21. *Cum esses junior cingebas te, & ambulabas ubi volebas; cum autem senueris, extends manus tuas, & alius te cinget, & ducet quo tu non vis* Tandem quid magis poterant diligere Apostoli, quam vitam ipsam? & tamen etiam hanc pro Christo perdiderunt. Tali item modo probavit DEUS Adam, cui Abel filius maximè dilectus, per Cain ablatuſ est, & Jacob cui filius Joseph præ cæteris dilectus, per fratres germanos Jsmâélitis venditus est, & David Regem, cui etiam flenti, pænitenti, ac deprecanti, filius ex Uria natus, mortuus est. Tali modo probavit DEUS Job, cujus corpus. (quod maximè homines diligunt) à planta pedis usq; ad verticem Capitis ulcere pessimo percussuſ est, & Thobiam cui oculi ex membris omnibus maxime necessarii permittente Deo caligaverunt.

Tali

Tali ad exteremum modo probavit DEUS Patriarcham Abraham ut constat Genesis Capite 22. *Quæ postquam gesta sunt, tentavit DEUS Abraham & dixit ad eum: Abraham Abraham; & ille respondit: adsum: ait illi: Tolle filium tuum unigenitum quem diligis Isaac, & vade in terram visiopis, atq; ibi offeres eum in holocaustum, super unum montium quem monstravero tibi.* Quid magis diligant homines quàm filios unigenitos? cui rei maxime afficiuntur, & ad quid sunt maximè propensi, quàm ad proprios liberos? DEUS ergo Optimus Maximus, ut probaret obedientiam Abrahæ, etiam filium unigenitum, quem maximè diligebat Abraham, jubet sibi offerri in holocaustum. De hac probatione Abrahæ, Sanctus Ambrosius lib. 1. de Abraham cap. 8 inquit: *Aliter DEUS tentat, aliter diabolus: diabolus tentat ut subruat, DEUS tentat ut coronet. Deniq; probatos sibi tentat DEUS, unde David dixit: Proba me DEUS, & tenta me, & Sanctum Abraham probavit ante, & sic tantavit, ne sic ante tentaret, quàm probasset, gravaret. Probavit eum, cum*  
*exire*

exire de terra iussit, & reperit obedientem. Probavit cum fidei titulo fretus, liberavit nepotem, cum de præda nihil attingit, cum promisit seni filium, & quamvis esset centum annorum & Saræ vulvam consideraret æmortuam, tamen credidit, nec fide hæsitavit, qui hæsitare posset ratione sterilitatis & senectutis. Probavit etiam eum hospitii sedulitate. Probatum igitur, quali fortiore tentandum putavit, & quibusdam imperiis durioribus. Et hoc quidem exemplo docemur, quia, veris probatur quis; tentatur autem sæpe compositis & fictis. Non enim volebat DEUS immolari à Patre filium, nec impleri hoc munus volebat, qui ovem pro filio immolandam obtulit; sed tentabat affectum Patris, si Dei præcepta præferret filio, nec paterne pietatis contemplatione, vim devotionis inflecteret.

Similia habet & Sanctus Augustinus Quæst. 57 in Genes: Tentatur Abraham de immolando dilectissimo filio suo Isaac, ut pia ejus obedientia probaretur, sæculis in notitiam proferenda, non Deo. Neq; enim omnis est culpanda tentatio, quia & gratulanda est, quâ fit probatio.

Tandem

Tandem Pererius expressè agnoscit cap. 22. in Genes: probationem Abrahamæ, dum inquit. *Non est dubium quin illud Dei præceptum de immolando Isaac, non ex Dei absoluta & efficaci voluntate profectum sit, nec eò consiliò datum, ut impleretur; nam & hoc exitus ipse declaravit, prohibente Deo fieri, quod antea fieri præcepisse videbatur. Fuit ergo præceptum illud quasi tentamentum quoddam, & experimentum animi ac virtutis Abrahamæ; quo scilicet præcellens ejus fides & obedientia, notior omnibus atq; illustrior existeret.*

Tandem de hac probatione Abrahamæ, egregiè discurret Didacus de la Vega, Dominicà in Albis; ubi sic inquit. *Quot quantisq; coticulis & bolidibus tentavit DEUS Abrahamæ fidem, ut mundo eniteret ipsius constantia, ac consequenter doceret nos stabilire spem nostram in ipsum. Mandat huic, ut unicum animæ suæ oculum eruat, ut unicam suam scintillam exstinguat. Tolle filium tuum quem diligis Isaac. Respondet: libentissimè Domine. Videbatur id Deo satis esse debere; quippe qui ceu scrutator cordium probè cognoverat,*  
*fictum*

etum minimè esse responsum illud, aut  
 erfunctoriè tantùm prolatum. Sed ideo non  
 mittit eum, intempeste noctis surgat à  
 omni tempore; filium suum quoq; ex-  
 ergiscat, asinum sternat, domo exeat, &  
 rineri se accingat. Hem Domine, suffi-  
 ciat quod omnium difficillimum expletum  
 i; Abraham firmiter statuit mandatis  
 arere tuis; inò jam dictis inceperunt  
 espondere facta: si itineris primus dies  
 lus reliquis, habet laboris in Abraham?  
 erexit eum. Nihilominus neque hoc sa-  
 isfacit mihi: volo ut ulterius extendatur  
 entatio: perrexit itaq; ad montem, ligna  
 ecidit, quibus cremandum erat sacrifi-  
 ium: quæ sanè sufficiebant, ut dolore  
 ccenderent Abrahæ cor, tametsi lapi-  
 eum esset, imposuit ea humeris pueri  
 uarentis: Pater mi en ligna ego defero,  
 u verò ignem in pectore, & in manu  
 ladium: victima autem ubi est? agnum  
 ut vervecem jugulandum non video? O  
 mica, & blanda filii verba, sed Patri  
 ura amaraq; adeo quidem, ut sufficiant  
 axea conterere corda. Domine si cum  
 oc viro dissimulas? quæso aspice quod  
 molesta sit fictio ista; anxietate & merore.

G

confi-

conficietur brevi; eripe eum nunc à tenta-  
 tatis doloribus, & dic non moriturum filium  
 suum Isaac, sed ipsius locò vervecem.  
 Verùm dirioribus doloribus divexari, &  
 ad majores tribulationum angustias eum  
 cogi volo: quò amplior evadat ipsius fides.  
 Ascendit in supercilium montis; altare  
 composuit; deinde filium suum vinculis à  
 tergo manibus, & velatis oculis, super  
 illum extendit. Gladium arripit, vibrat.  
 & invictò animò brachium attollit, ictum  
 mox demittit ensis sui chalybe indurati  
 acie àerem fundens, cumq; inter ipsum  
 & filii morigeram cervicem, vix interce-  
 deret pilus, tunc primum cohibuit bra-  
 chium Angelus, dicens: non progrediatur  
 ulterius probatio o! Abraham! mihi plenè  
 satisfactum ducò: sed ò Domine quam  
 obrem tam serò distulisti? Quia miseri-  
 cordiæ Divinæ, non est serò, neq; citò  
 quæ semper opportuno adest tempore; ut  
 discat mundus, nunquam in dubium vocari  
 auxilium meum, nisi longum tempus  
 differri videatur. Hactenus Didacus.

Ex dictis immediatè jam constat  
 quomodo DEUS in præfato & adducto  
 loco probaverit. Abraham; sed objectum  
 inquo

in quo eum probavit notandum & diligentè spectandum est. Probavit ergo ipsum in tali objecto, quod ille maxime diligebat, nempe in filio unigenito. Proinde & Magister, si vult rectè probare suos novitios, simili formâ cum illis uti debet: nempe adimendo illis, vel eos privando hac re, sive objecto, quod maxime diligunt. Sicut ergo diversæ sunt qualitates & passiones hominum, ita etiam pro diversitate earum, alii hæc, alii illa magis diligunt. Sic v. g. alii diligunt magis pecuniam, quàm punctum honoris: alii punctum honoris, quàm pecuniam: & quæcunq; alia bona etiam innumera: Alii melius æstimant bonam famam & opinionem apud homines, quàm aliquid utile: alii magis Parentes, Consanguineos, amicos familiares, quàm Deum: alii Deum omnibus præferunt. Præterea plus valet apud nonnullos canis venaticus, quàm homo Christianus; & sic eundo per omnes status hominum, singuli ferè habent quod præcipuè diligunt, & ita plerumq; sunt objectis etiam vilibus affecti, ut malint omne aliud detrimen-

tum pati, quàm rem sibi dilectam amittere. Et hoc contingit etiam in his qui ad vitam religiosam deveniunt; h enim postquàm majora deseruerint minoribus valdè immerguntur, & difficilè ab eis retrahuntur, postquàm ergo Magister hunc & alterum novitium viderit alicui rei nimis affectum esse, ac eamq; valde propensum; ab hac illur separet, usum ipsius interdicit, vel penitus rem accipiat, & sic facile patebit obedientia, vel inobedientia cujuslibet Novitii.

Decimus quartus modus probandi Novitios est: illos cohibere, seu retrahere ab aliqua actione, quam illi sive propriò, sive alienò motu inchoaverint. Tali modò probavit Christus Dominus Apostolos, cùm enim Petrus eximeret gladium suum, & percuteret servum Principis Sacerdotum, amputaretq; auriculam ejus; cohibuit eum JESUS ab hoc impetu, dicens: *converte gladium tuum in locum suum; omnes enim qui acceperunt gladium, gladiò peribunt.* Præterea cum Christus Dominus veniret in villam quæ dicitur Gethsemani, ibiq;

ibi; procidens in faciem suam oraret, tunc Apostoli interim obdormierunt. Videns ergo Christus Dominus Apostolos dormientes, venit ad eos, & dicit Petro: *Sic, non potuistis unâ horâ vigilare mecum? Vigilate & erate ut non intretis in tentationem.* Sed cum Apostoli istam cohibitionem non exequerentur, nec à somno desisterent, venit iterum ad illos, & invenit eos dormientes, & relicto illis abiit: tandem cum Apostoli amplius dormirent, tunc venit ad Discipulos suos, & dicit illis: *dormite jam & requiescite; ecce appropinquavit hora. & filius hominis tradetur in manus peccatorum: surgite eamus, ecce appropinquabit qui me tradet.* Tali etiam modo probavit DEUS virum Sanctum Isaac: qui post acquisita à fratre suo primogenita, destinaverat pergere in Ægyptum; sed postquam iter arripuit: *Apparuit ei Dominus & ait: ne descendas in Ægyptum, sed quiesce in terra, quam dixero tibi.* Genes: 26. Cur ergo DDUS Optimus Maximus noluit Isaac ire in Ægyptum, quo tamen ire voluit antea Patrem ejus Abraham, &


postea filium ejus Iacob? Respondet  
 Theodoretus Quæst. 17 in Genes: *Per  
 omnia DEUS demonstrat sapientiam &  
 prudentiam suam. Etenim permisit A-  
 braham ex Chanaanæ propter famem ire  
 in Ægyptum, non quod eum illic non  
 posset alere, sed ut Ægyptiis ostenderet  
 viri pietatem & religionem, eosq; provo-  
 caret ad imitandam ejus virtutem. Fili-  
 um autem ejus illuc ire prohibuit, ei-  
 rerum necessariorum copiam, in terra  
 sterili suppeditavit, demonstrans utiq; quod  
 hæc Patri largiri potuisset, quæ filio abun-  
 dè præbuit. Cum enim omnes ejus Regio-  
 nis incolæ in summa inopia, & rerum  
 necessariorum penuria versarètur, & terra  
 nihil produceret, multiplicem ille fructum  
 accepit. Assentior rationi Theodoreti  
 sed præterea censeo ideo Deum opti-  
 mum maximum prohibuisse: ne Isaac  
 iret in Ægyptum, etiam stante fame in  
 eo loco, in quo protunc degerat, ut  
 ejus virtutem & obedientiam probaret  
 sicut enim probantur homines per hoc  
 quando cohibentur ab inchoanda actio-  
 ne, ita magis probantur, quando ab  
 inchoata retrahuntur, nec tamen re-  
 tractioni*

tractioni pertinaciter resistunt.

Candide Magister Vitæ Apostolicæ, vidisti apertè, quomodo DEUS retraxerit servum suum Isaac ab itinere arrepto, (imò & Patrem ipsius Abraham ab immolando eodem Isaac; ut supra innuimus;) vidisti item, quàm obnixè & diligenter studuerit cohibere Christus Dominus Apostolos ab inchoata actione, videlicet à somno; vides quomodo primò, secundò, & tertio, venerit ad suos discipulos causâ impediendi Somnolentiam eorum. Proinde & tu esto diligens in cohibendis actionibus tuorum Novitiorum, adeoq; non tantùm semel, sed etiam secundò & tertio venias, & visites eos, quidquid autem minùs conveniens repereris, ab hujus inchoatione cohibeas & retardes. Multa novitii incipiunt proprio motu, multa attentant, plurima aggrediuntur: proinde ut pateat intentio, finis, & scopus eorum, insperatè retrahendi sunt à proposito suo, cohibendi ab inceptis, & facillimè virtus & fragilitas eorum elucescet. Non aliter plerumq; probandi sunt homines, ac probantur

militares ac martiales equi; porro illi sic probantur: laxantur illis habenæ, datur campus integer ad currendum, & calcaria applicantur. Sed postquam currere, imò volare inceperint, in ipsi actuali cursu ac motu insperatè cohibentur; qui ergo cohibiti immobiles steterint, & sessori obedièrint, illi probatissimi judicantur; qui autem restiterint, vel in partem oppositam recalcitraverint, tales repudiantur, & campo martiali inepti decernuntur. Homines sæculares, sunt & fiunt frequenter similes jumentis, juxta illud Psalmistæ: *homo cum in honore esset non intellexit, comparatus est jumentis insipientibus, & similis factus est illis*; proinde cum iidem homines ad naturam jumentorum redeunt, more jumentorum probari, cohiberi, & exerceri possunt, maximè tunc, cum aliquid proprio motu, arbitrio & dispositione perficiendum, tractandumq; aggrediuntur.





## § VII.

*In quo proponuntur alii modi, probandi Novitios, in profectu Obedientiæ.*

**D**ecimus quintus modus probandi Novitios, est; illos transferre de loco in locū, seu de cella in cellā, & sic continuo disponere, ut non assuescant nec afficiantur uni omnino loco, sed sint indifferentes ad quemcunq; Tali modo probavit Christus Dominus Apostolos, quos nunquam in eodem loco stare permisit, sed de Civitate in civitatem, de vico in vicum peragrare mandavit, juxta illud: *Euntes autem prædicate*: ubi vides, quod non dixerit Christus: *Sedentes prædicate* [ quam vis hoc sit proprium Doctoribus & Magistris ] sed potius dixit: *Euntes prædicate*, ut significaret Apostolos, in continuo motu esse debere. Tali pariter modo videtur DEUS probasse S. Virum Isaac, Genes. Cap. 26. Cū enim Isaac Vellet ire in Ægy-

in Ægyptum, prohibitus est illuc ire, & mansit in Geraris. Manendo itaq; in Geraris sevit in terra illa, & invenit in illo anno centuplum & benedixit ei Dominus, & locupletatus est homo; & ibat proficiens atq; succrescens, donec magnus vehementer effectus est; habuitq; possessiones ovium, & armentorum & familie plurimum. Quid tandem factum: permansitne perpetuò in hoc loco Isaac: minimè: videntes enim incolæ loci illius, quod Isaac magnus & locuples esset, inviderunt ei, & expulerunt eum de regione sua, teste scripturâ. Ob hoc invidentes ei Palestini, omnes puteos, quos foderant servi Patris illius Abraham, illo tempore obstruxerunt, implentes humò intantum, ut ipse Abimelech diceret ad Isaac: Recede à nobis, quoniam nobis potentior factus es valdè. Non restitit voluntati Palestinorum, ac ipsius Regis Abimelech, Isaac; abiit itaq; ad torrentem Geraræ, ut habitaret ibi, & rursum fodit alios puteos, appellavitq; eos eisdem nominibûs, quibûs ante Pater vocaverat. Diuturnanè fuit ista habitatio Isaac ad torrentem Geraræ? non adeo

adeo diuturna; quam primùm enim ibi locavit sibi habitationem Isaac, tam primum factum est jurgium pastorum Geraræ adversus pastores Isaac, dicentium: *nostra est aqua*; quamobrem nomen putei ex eo, quod acciderat, vocavit calumniam, Non contentus itaq; hoc loco Isaac itèrum jussit fodi alium puteum, sed nec illum pacificè tenere potuit teste scripturâ. *Foderunt quoq; & alium, & pro illo quoq; rixati sunt, appellavitq; eum, inimicitias*. Tandem profectus inde fodit alium puteum, pro quo non contenderunt, itaq; vocavit nomen ejus, *latitudo*: dicens, *nunc dilatavit nos Dominus & fecit crescere super terram*. Neq; tamen adhuc mansit continuo in hoc loco Isaac, sed ascendit in Bersabee, ubi apparuit ei Dominus in ipsa nocte, dicens: *Ego sum DEUS tuus Abraham Patris tui: quia ego tecum sum, benedicam tibi & multiplicabo semen tuum, propter servum meum Abraham*.

Quod permisit fieri DEUS cum Isaac, & Christus Dominus cum Apostolis; ut de loco in locum transferri deberent;

deberent. Hoc cum aliqua proportione faciendum est cum novitiis, & curandum, ut uni non affigantur loco, sed quantum statuta ordinis concedunt, ut etiam mutatione locorum, & cellarum probeatur; multò magis id servandum cum illis, qui jam vitam religiosam actualiter professi sunt. In hoc tantum servanda differentia, quòd Isaac per invidiam Palestinorum ipsiusq; Regis Abimelech, ac propter jurgia pastorum transferri deberet de loco in locum; Novitii autem, ac vitæ religiosæ exacti Professores, non ex invidia sed ex charitate superioribus ingenita, ac debita, transferri debeant. Sicut enim aqua dum in uno loco quiescit, citò sordescit, ita vir religiosus vel ad Religionē aspirans, si in uno loco contrahat domicilium, tepescit, corrumpitur, & penitus deficit; contrahit enim notitiam cum personis prohibitis, ex notitia contracta nascuntur conversationes; ex conversationibus scāndala, ex scāndalis diffamatio, ex diffamatione sequitur publica prostitutio Personæ. Fugiendo hoc periculum benè ordinatæ Religiones, quòli-

quolibet annò ejusmodi mutationem locorum assignant, & quantum exinde fructum percipiant, patet ex profectu & intaminata observantia illarum. Ubi verò ejusmodi non observatur mutatio, videmus plerumq; profectum religiosum non adeo floridum apparere, sed potiùs scandala frequentia evenire.

Decimus sextus modus probandi Noqvitos, est, permittere vel inducere super illos aliquem gravem terrorem, interim tamen eos absolutè non deserere, sed consolari & assistere iisdem, ne deficient ingruente gravi terrore. Tali modò probavit Christus Dominus Apostolos Matth: Cap: 8. Ubi cum ascenderet naviculam cum Discipulis suis, in eadem Navicula obdormivit, & interim super mare permisit grandem ventum. *Et ecce motus magnus factus est in mari, ita; ut navicula operiretur fluctibus, ipse verò dormiebat; cum autem motus maris non cessaret, extimuerunt ac perterrefacti sunt Apostoli, & coàcti sunt excitare Christum Dominum, ut eos salvaret. Et accesserunt ad eum Discipuli ejus, & suscitaverunt*

eum dicentes: Domine, salva nos perimus! Et dicit illis JESUS, Quid timidi estis modice fidei? tunc surgens imperavit ventis & mari, & facta est tranquillitas magna. Quæ fuit necessitas Christo Domino, ut ascendens in naviculam obdormiret, obdormiendo quiesceret, & interim successit motus maris, & tempestas gravissima? inter alia ergo fuit necessitas hæc; ut per insperatam tempestatem motumq; maris subitaneum, terrorem Apostolis incuteret, & hac incussione terroris fides Apostolorum probaret, quantum credant? quantum sint constantes? & utrum credant, quòd præsentem Christo etiam dormiente, nihil contra eos prævalere possit. Vix ergo in præfatos Apostolos terror ille cecidit, apparuit statim adhuc infirma fides eorum, unde & increpati sunt à Christo Domino: *Quid timidi estis modice fidei?* ne tamen totaliter deficerent, sedavit Christus Dominus omnes terrores. *Imperavit ventis & mari, & facta est tranquillitas magna*

Simili quadam ratione procedendum est Magistro cum suis Novitiis permittent-

permittendus est in illos plerumq; timor, danda occasio grandis terroris ve-  
periculi, & ex hoc ipso apparebit  
quantum sint fortes in proposito? quan-  
tum profecerint in vocatione, ac fer-  
vore spiritus?

Genesis 23. Cum Iacob Patriarcha  
perficeret suum iter, quod cæperat,  
fuerant ei obviam Angeli Dei: quos  
cum vidisset ait: *Castra Dei sunt hæc,  
& appellavit nomen loci illud manahim,  
id est, Castra:* Post hæc idem Iacob  
misit nuntios ad fratrem suum Esau, ut  
inveniret gratiam in conspectu ejus, &  
ut illum sibi olim iratum ac offensum  
modò reconciliaret. Reverſiq; sunt  
nuntii ad Iacob, dicentes: *Venimus ad  
Esau fratrem tuum, & ecce properat in  
occursum tuum cum quadringentis viris.*  
Qualem se (precor) ad hanc relationem  
nuntiorum suorum exhibuit Iacob? ecce  
valdè exterritus est, & perturbatus, ut  
colligi potest ex sacra scriptura dicente.  
*Timuit Iacob valdè & perterritus, divisit  
populum, qui secum erat, greges quoq;  
& oves, & boves & camelos, in duas  
turmas, dicens: si venerit Esau ad unam*  
*turmam*

turmam & percussisset eam, alia turma  
 quæ reliqua est, salvabitur. Dixitq[ue]  
 Iacob; DEUS Patris mei Abraham, &  
 DEUS Patris mei Isaac, Domine qui  
 dixisti mihi: revertere in terram tuam.  
 & in locum nativitatis tue, & benefa-  
 ciam tibi: minor sum cunctis miseratio-  
 nibus tuis, & veritate tua quam exple-  
 visti servo tuo. &c. erue me de manu  
 fratris mei Esau, quia valdè eum timeo,  
 ne fortè veniens percutiat matrem cum  
 filiis: &c.

Hic jam quærendum restat, quòd  
 cum Iacob non propriâ voluntate, sed  
 ex mandato Dei, rediret in terram ac  
 in locum nativitatis suæ, quare ergo  
 DEUS Optimus maximus permisit in  
 Iacob tam gravem & inopinatum timo-  
 rem? & multæ hujus ipsius possint dari  
 rationes, quibûs omisissis censeo hoc  
 totum; ideo Deum Optimum fecisse,  
 ut Iacob fidem & fortitudinem pro-  
 baret: cum enim Iacob esset in actuali,  
 itinere, misit illi DEUS Angelos obvios  
 & post illorum occursum statim per-  
 misit timorem in Iacob, ut nimirû appa-  
 reret, utrum Iacob crederet promissis.

Dei

Dei, utrum recordaretur visionis Angelicæ, utrum fuerit constans & certus, quodd ipsi nihil possit nocere, ulla res creata, sine Deo ejusq; permissione. Licet autem DEUS ad probandam fidem & constantiam Jacob tantum terrorem in illum permiserit, tamen eum in hoc terrore perire non permisit, sed eum à manibus fratris Esau eripuit, & astitit illi in omnibus viis ejus, ut constat ex Genesi.

Tali etiam modò probavit DEUS populum Israëliticum: quando enim dabat Moyfi decem præcepta, ita hoc totum negotium ordinavit, ut illud totus populus audiret, audiendo autem tremefactus est, ut constat ex scriptura dicente. *Cunctus autem populus videbat vocem & lampades, & sonitum buccinæ, montemq; fumantem, & perterriti ac pavore confusi steterunt procul, dicentes Moyfi. Loquere tū nobis & audiemus, non loquatur nobis Dominus, ne moriamur.* Porro hoc fine ita ordinavit DEUS, ut cunctus populus audiret vocem ejus, & lampades, & buccinam montemq; fumantem videret, ut hīs omni-

bûs perterritus, probari possit, quid valeat, ut colligi potest ex subsequen-  
tibus verbis: cum enim totus populus incomparabiliter timeret, tunc ait Moyses ad populum: *Nolite timere: ut enim probet vos, venit Dominus; & ut terror illius esset in Vobis, & non peccaretis.*

## § VIII.

*In quo proponuntur alii modi probandi Novitios in profectu Obedientiæ.*

**D**ecimus 7mus modus seu industri-  
probandi Novitios, est; permittere in eos, ut ab illis persecutionem vel aliquam, mortificationem patiantur; quæ eis sunt vel proximè cognati, vel vicini vel specialiter familiares. Talem probationem prædixit Apostolis Christus Dominus Matth: Cap. 10. *Tradet autem frater fratrem, & Pater Filium, & insurgent filii in Parentes, & morte eo. afficient; & eritis odio omnibus hominibus*  
Ec. Tali

*Sc.* Tali etiam modo Gene: 31. probavit DEUS, Iacob Patriarcham, & filium ejus Ioseph; hunc cum Pater suus Iacob præ cæteris amaret, & quodam tempore mitteret eum ad Fratres suos pascentes gregem, ut videret si cuncta prospera sint, tam fratribus illius quam pecoribus? tunc fratres quam primum vidissent eum à longè, cogitaverunt illum occidere, & mutuo loquebantur: *Ecce somniator venit, venite occidamus eum, & mittamus in cisternam veterem, dicemusq; fera pessima devoravit eum, & tunc apparebit quid illi profunt somnia sua.* Sed cum hoc facinus Ruben unus ex fratribus ejus negaret, miserunt eum in cisternam veterem quæ non habebat aquam, & prætereuntibus Madianitis extrahentes eum de cisterna, vendiderunt eum Ismâelitis triginta argenteis. Quis poterat esse propior Iacob Patriarchæ quam ejus filii? quis potuit esse vicinior, intimior & magis cohærens Iosepho, quam ejus fratres? & tamen ex dictis immediatè constat, quomodo tam Iacob à filiis, quam Ioseph à fratribus probatus & mortificatus fuerit

H2

quare.

quare pariter optima erit industria probandi Novitios, si ab his aliquando mortificentur, quos sibi putant maximè familiares & amicos; mortificentur inquam & probentur non ex invidiæ stimulo [ut fecerunt fratres cum Ioseph] sed ex intentione probandi spiritum eorum.

Decimus 8vus Modus seu industria probandi novitios, est præferre unum novitium alteri, concedendo v.g. plus uni, & minus alteri. Tali modò videtur probâsse Apostolos Christus Dominus, quando in conspectu omnium prætulit Petrum aliis Apostolis dicens, Matth: 16: *Beatus es Simon Bariona, quia caro & sanguis non revelavit tibi, sed Pater meus, qui in celis est; & ego dico tibi, quia tu es Petrus, & super hanc petram edificabo Ecclesiam meam, & portæ inferi non prævalebunt adversus eam. Et tibi dabo claves Regni cælorum. Et quodcumq; ligaveris super terram, erit ligatum & in celis, & quodcumq; solveris super terram, erit solutum & in celis.* Sic probavit Fratres suos Ioseph protunc Dominus Ægypti; cum enim venirent

venirent ad eum fratres sui, & tractarent  
 eos liberaliter in convivio, tunc licet  
 omnes ad unam eandemq; sederent  
 mensam, tamen fratri Benjamin major  
 pars contigit, quàm aliis fratribus, & qui-  
 dem pars data Benjamin, quinque partes  
 excedebat partes oblatas aliis fratribus,  
 ut manifestè patet ex scriptura dicente.  
*Rursumq; lotà facie egressus, continuit  
 se, & ait: Ponite panes: Quibus appositis  
 seorsum Ioseph, & seorsum fratribus  
 sederunt coram eo, primogenitus juxta  
 primogenita sua, & minimus juxta  
 etatem suam, & mirabantur nimis sur-  
 ptis partibus, quas ab eo acceperant.  
 Majorq; pars venit Benjamin, ita, ut  
 quinque partibus excederet.* Consideratis  
 hunc locum scripturæ Lyranus, & plures  
 alii putant, id factum esse à Ioseph  
 ut tentaret animos fratrum suorum ex-  
 ploraretq; num invidiant sibi, præ-  
 tum esse in convivio, sicut inviderant  
 sibi quòd plus ipsi diligeretur à Patre.





## § I X.

*In quo proponuntur alii modi pro  
bandi Novitios in profectu  
Obedientiæ.*

**D**ecimus nonus modus seu industri-  
probandi novitios, est, illos ordinari  
ad aliquod officium obeundum & exe-  
quendum, etiam si illi incapaces esse  
sibi videantur, & quamvis se tanquam  
incapaces & ineptos ad præfatum offi-  
cium judicaverint. Tali modo proba-  
vit Apostolos Christus Dominus, qui  
ad docendum instruendumque totum  
orbem, indoctos, rudes, simplices, &  
quantum ex se incapaces vocavit Apo-  
stolos. Ne autem hac incapacitate &  
ruditate sua excusarent se ipsos, à su-  
scipiendo munere Apostolatûs, præmo-  
nuit eos ipse Christus Dominus dicens  
*Cum autem tradent, vos, nolite cogitare  
quomodo aut quid loquamini, dabitur  
enim vobis in illa hora, quid loquamini,  
non enim vos estis qui loquamini, sed  
spiritus*

*Spiritus Patris vestri, qui loquitur in vobis.* Talis etiam modo probavit DEUS Moysen, cum enim Rex Ægypti Pharaon, multis ac innumeris oppressio- nibus vexaret populum Israëliticum, decrevit DEUS Optimus maximus mittere Moysen ad liberandum popu- lum suum. Auditâ hac ordinatione Divina Moyses, eo instanti agnovit se tanti muneris incapacem, & dixit: *Quis sum ego ut vadam ad Pharaonem & educam filios Isaaël de Ægypto?* ad hanc excusationem Moysis respondit DEUS appromittendo ei assistentiam suam. *Ego ero tecum, & habebis signum quod miserim te; cum eduxeris populum meum de Ægypto, immolabis Deo super montem istum.* Acceptâ hac promissi- one & aliis subsequentibus, jam quo- dam modo susceperat Moyses impo- sitam sibi legationis functionem, sed iterum ab eadem resilire cepit dicendo: *Obsecro Domine non sum eloquens ab heri & nudius tertius: & ex quo locutus es ad servum tuum impeditioris & tar- dioris lingvæ sum.* Ad hæc respondit DEUS Moysi: *Quis fecit os hominis?*

aut quis fabricatus est mutum & surdum, videntem & cæcum? Perge igitur & ego ero in ore tuo, doceboq; quid loquaris. At ille (nempe Moyſes) Obsecro Domine (inquit) mitte quem miſſurus es. Non contentus hac obsecratione DEUS Optimus Maximus, omnino injunxit Moyſi, ut iter suum, functionemq; arriperet, maluitq; ei dare pro socio fratrem ejus Aaron, quantum eum liberare ab imposito sibi munere & onere, ut constat ex scripturæ contextu.

Quæ igitur erat in hoc, causa, quòd DEUS optimus maximus Moyſen ab imposito sibi semel munere liberare noluerit, etiamsi Moyſes toties se modestè excusaverit, & incapacitatem suam ad tantum munus præsentaverit? credo inter alias etiam hanc fuisse, ut DEUS frangeret proprium judicium Moyſis de incapacitate sua, & ut tali modò probaret obedientiam & submissionem ipsius. Hoc totum faciendum incumbit Magistro; cum suis novitiis; hi enim dum eis aliquid Magister injungit, frequenter dicunt, se ad id esse incapaces, se hoc

se hoc nunquam audivisse, didicisse, nunquam ad praxim reduxisse: cæterum pensatis circumstantiis & adhibito discretionis moderamine, non sunt audiendi, sed omnino fraviter impellendi, ut exequantur, quod illis semel injunctum est, meliusq; est aliquando adungere illis aliquem socium ad munus exequendum (sicut fecit DEUS cum Moyse) quàm eos liberare ab injuncto obedientiæ exercitio: si enim illis semel excusatio succedat audebunt & iterum similes excusationes adferre, & sic paulatim evacuabunt naturam, & meritum obedientiæ.

Hujus probationis documentum patet etiam in Ieremia Propheta, ut constat ex testimonio illius. *Et factum est verbum Domini ad me dicens: Priusquam te formarem in utero novi te, & antequam exires de vulva, Sanctificavi te & Prophetam in gentibus dedi te. Quid ad hæc Ieremias respondit? audiamus eundem: Et dixi A, a, a, Domine DEUS, ecce nescio loqui, quia puer ego sum!* Usq; ad statum pueri rediit Ieremias quando ad magna negotia destinatus

erat;

erat; sed hoc non audivit DEUS, eum  
demq; Ieremiam quod semel destinavit  
ire mandavit. *Et dixit Dominus ad me  
noli dicere puer sum, quoniam ad omnia  
que mittam te, ibis, & universa qua  
cunq; mandavero tibi, loquêris. Ne timea  
à facie eorum, quia tecum ego sum, u  
eruem te, dicit Dominus &c. &c.* Maluit  
ergo Deus esse cum Ieremia, maluit  
eum facere in Civitatem munitam, &  
in columnam ferream, & in murum  
æreum super omnem terram ( ut ita  
testatur scriptura) quam eum dispensari  
ab eo, quod illi semel injunxit, nimi  
rum ut per hoc appareret Omnipoten  
tia Imperantis, & humilitas obedienti  
& obedire obligati. Quando ergo &  
Magister volet probare suos novitios  
tunc ut jam innui, injungat illis tal  
munus, ad quod sibi incapaces viden  
tur; quod si hac incapacitate sua excu  
sabunt se, tunc illis melius est dandun  
adjutorium ad præcepta exequenda  
quam ut suam voluntatem faciant. S  
autem adjutorium suscipere recusave  
rint, & se pertinaciter incapaces re  
monstrare voluerint, tunc erit manife  
stum

stum signum inobedientiæ ac propriæ voluntatis.

Vigésimus modus probandi novitios, est promittere ipsis aliquid indeterminato tempore, & promissionem præfatam non statim, sed tempore sibi bene viso implere. Tali modò in lege gratiæ probavit Christus Dominus Apostolos, Discipulos suos, his enim multa dona & gratias promisit, promissionem tamen suam non statim ad effectum deduxit, sed tunc quando ipsi placuit. Sic Matth: Cap. 5. promisit eis mercedem copiosam in cælis dum inquit. *Beati estis, cum maledixerint vobis homines, & persecuti vos fuerint, & dixerint omne malum adversum vos, mentientes, propter me: gaudete & exultate, quoniam merces vestra copiosa est in cælis.* Cæterùm hanc mercedem copiosam non statim contulit, sed post multos labores Apostolorum. Pariter Matth: Cap. 19. multa promisit Apostolis Christus Dominus, dum inquit: *Et omnis qui reliquerit Domum, vel fratres, aut sorores, aut Patrem, aut matrem, aut, uxorem, aut filios, aut agros, propter*

propter nomen meum: centuplum accipiet  
 & vitam æternam possidebit: hanc tamen  
 satis largam promissionem suam, non  
 statim eò instanti, vel hebdomadâ, vel  
 post mensem adimplevit Christus, sed  
 post sufficientem probationem conver-  
 sationis Apostolicæ. Plura de hoc vi-  
 deri possunt in multis S. Evangelii locis.  
 Tali etiam modò DEUS Optimus ma-  
 ximus probavit Moysem, quando enim  
 illum ordinabat cum legatione expe-  
 dienda ad Regem Pharàonem, tunc ei-  
 dem Moyfi appromisit liberationem po-  
 puli Isràelitici: dum autem Moyse Abiret  
 ad Pharàonē & ipsius nomine Dei requi-  
 reret liberationem populi præfati, tunc  
 DEUS non liberavit statim dictum po-  
 pulum, nec Pharào Rex eundem in in-  
 stanti dimisit, sed potius auxit oppres-  
 siones ipsius, siquidem post auditam  
 legationem Moyse, præcepit Pharào  
 Præfectis operum & exactoribus po-  
 puli, ut nequaquam ultra dent paleas  
 populo ad coficiendos lateres, sicut  
 prius, sed ut ipsi vadant & colligant  
 stipulas mensuramq; laterum, quam  
 prius faciebant, omnino reddant. Huic  
 præce-

præcepto Pharàonis exactissimè obedi-  
erunt Præfecti operum & Exactores,  
detuleruntq; populo mentem Pharào-  
nis, ut irent & colligerent stipulas, si  
alicubi possent. Dispersusq; est popu-  
lus in omnem terram Ægypti ad colli-  
gendas paleas. Præfecti quoq; operum  
instabant, dicentes: *complete opus ve-*  
*strum quotidie, ut priùs facere solebatis,*  
*quando dabantur vobis paleæ.* Flagella-  
tiq; sunt, qui præerant operibus Filiorum  
Isràél, ab Exactoribus Pharàonis dicen-  
tibus: *quare non implèstis mensuram la-*  
*terum, sicut prius, nec heri, nec ho-*  
*die?*

Videntes Filii Isràél tantam op-  
pressionem suam, statuerunt adire ipsum  
Pharàonem, & supplicare, ut ipsis ali-  
quod levamen concedat. Veneruntq;  
Præpositi filiorum Isràél, & vociferati  
sunt ad Pharàonem dicentes: *Cur ita*  
*agis contra servos tuos? Paleæ non dan-*  
*tur nobis & lateres similiter imperantur,*  
*en famuli tui flagellis cedimur, & injustè*  
*agitur contra populum tuum.* Ad hæc  
respondit Pharào: *Vacatis otio, & id-*  
*circo dicitis: Eamus & sacrificemus Do-*  
*mino*

*mino. Ite ergo & operamini, paleæ non dabuntur vobis, & reddetis confvetum numerum laterum. Cum igitur filii Isràël nullibi levamen, nullibi consolationem acciperent, occurrerunt Moyse & Aaron, qui stabant ex adverso egredientes à Pharàóne, & dixerunt ad eos. Videat Dominus & iudicet, quoniam factere fecistis odorem nostrum coram Pharàóne, & servis ejus, & præbuisistis ei gladium, ut occideret nos.*

Quid tunc precor agebatur in corde Moylis? quomodo ille protunc consternatus fuerat, quando ex una parte vidit gravissimam oppressinam filiorum Isràël, ex altera parte memor erat promissionis Divinæ, quâ ipsi promiserat liberare filios Isràël? & hanc promissionem promulgavit toti populo Moyse, ne tamen DEUS liberavit protunc filios Isràël. Dolebant tunc, quod filii Isràël gravissimis premerentur laboribus & flagellis! mirabatur inde & totus obstupescibat, quòd promissio Divina facta esset ad eum, & tamen non impleretur. Unde admirabundus exclamavit ad Dominum: *Domine cur afflixisti populum*

populum istum, quare misisti me? ex eo enim, quod ingressus sum ad Pharaonem, ut loquerer ex nomine tuo; afflixit populum tuum, & non liberaſti eum? ad primum enim mandatum tuum omnino debebat Pharaon dimittere populum tuum, modo autem non tantum non dimittit eundem, sed etiam magis opprimit.

Quoniam igitur certum est, quod DEUS Optimus maximus mittendo Moysen ad Regem Aegypti promiserit eidem liberationem filiorum Israél, quare ergo non liberavit eosdem, quando Moyses satisfecit ordinationi Divinae, & proposuit puncta legationis suae coram Rege Pharaone. Non tantum autem DEUS non liberavit filios Israél protunc, sed etiam, permisit eosdem magis affligi, ac per hoc ipsum magis affligi & ipsum Moysen? Ratio hujus prima est: ut DEUS ostenderet omnipotentiam suam ac prodigia sua, ac ut demonstraret Aegyptiis quod ille sit unus & solus DEUS. 2da: ideo distulit DEUS appromissam liberationem filiorum Israél, ut per hanc dilationem tum filios

filios Israël, tum ipsum probaret Moysen, quanta esset illius fides dictis & promissis Dei. Credere enim promissis tunc, quando illa statim implentur, & ipso effectu confirmantur, est facillimum: credere autem iisdem promissis quando illorum executio differtur, hoc rarum est: & hoc secundò modò probavit DEUS Moysen: non solum enim hac vice distulit DEUS executionem promissionis suæ, sed etiam multis aliis & repetitis vicibus; modò primùm autem tunc eam effectuavit, quando fuit voluntas ejus, & fides Moylis sufficienter probata est. Tali etiam modò procedat sibi Magister cum Novitiis si petunt aliquid, promittat; si requirunt statim executionem promissionis eandem iterum atq; iterum differat, & per hanc dilationem apparebit patientia vel impatientia eorum,





## § X.

*In quo proponuntur alii modi,  
probandi novitios in prospectu  
obedientie.*

Vigésimus primus modus seu industria probandi novitios, est; invertere ordinem officiorum, exercitiorum, & obsequiorum, ad singulos novitios ordinariè & alternatim spectantium. Quod ut in praxi fiat, sciendum est, in qualibet planè Religione officia, exercitia, & obsequia distribuuntur per singulos novitios, alternatim & hebdomadatim, singulisq; assignatur, ut per hebdomadas, vel menses, invigilent suis officiiis & exercitiis: & sic v. g. uni assignatur lectio ad mensam, alteri deportatio portionum ad mensam, alii excitatio omnium pro matutino, alteri assistentia ad missam, alii expurgatio utensilium ad culinam spectantium &c: Suppositâ ergo hac distributione singulorum obsequiorum, singulis novitiis, illi

I

etiam

etiam singuli invigilant suis officiis  
 Ut autem melius probentur novitii  
 injungendum aliquando alicui ex illis  
 ut exequatur hoc officium, ad quod non  
 est destinatus, sed aliquis alius; per  
 hancq; ipsam injunctionem fiet ordini  
 consuetudo: si ergo novitius, etiam  
 illud officium libenter exequetur, ad  
 quod non est in hebdomada destinatus  
 signum erit bonæ indolis & obedien-  
 tiæ; si verò retractabit & excusabit si-  
 pertinaciter, quòd ad illum præfatum  
 officium non spectet, signum erit im-  
 perfectionis, & nondum sufficiente  
 probati spiritûs. Ad quem enim per-  
 tinebat, ordinem officiorum & obsequi-  
 orum distribuere, ad eundem specta-  
 & præfatum ordinem, invertere & im-  
 mutare. Novitii autem si volunt se ex-  
 hibere obedientes ac submissos, non  
 tantùm legem scriptam debent obser-  
 vare, eamq; præterviter defendere, sed  
 ad omnem nutum sui Magistrî debent  
 esse parati: non enim ex registro ( ut  
 dicitur) sed ex voluntate Magistrî, de-  
 bent obire sua officia & exercitia.

Vigésimus secundus modus pro-  
 bandi

bandi novitios, est, injungere alicui ex  
illis pœnitentiam vel mortificationem,  
aliquando levem, aliquando gravem,  
aliquando privatam, aliquando publi-  
cam, etiamsi ille novitius nihil absolute  
deliquerit contra Regulam, constitutio-  
nes, & usitatum ordinem domesticum.  
Cum quidam Monachus graviter in re  
quodam, cujus nullam culpam habebat,  
reprehensus fuisset, & S. Climacus, ejus  
patrocinium suscepisset: respondit ejus  
superior, non me latet illum esse inno-  
centem, & ab hac culpa immunem; cœ-  
terum facti mei intentio fuit hæc, ut  
hac increpatione & mortificatione  
præberem illi materiam meriti. Sicut  
enim crudeliter agit Parens, quia panem  
subtrahit ori sui infantis; sic Prælati  
qui subditis suis, quando capaces sunt,  
reprehensionibus & aliis mortificatio-  
nis generibus; subtrahit promerendi ma-  
teriam. Qualiter itaq; processit libi supra-  
dictus superior cum suo subdito, taliter  
tibi potest procedere & Magister cum  
novitio; nempe potest illum seriò re-  
prehendere in aliquo negotio, vel ali-  
quam pœnitentiam injungere, quàmvis

Novitius nullam culpam contra tale negotium contraxerit; hujusq; reprehensionis aut pænæ assignatæ finem habeat, ut novitium probet, eiq; subministret materiam ulterioris meritæ. Qui ergo novitius nondum erit perfectus, mortificatus statim cum Magistro suo disputabit, contendet, murmurabit inquiretq; rationes quare? pro quo ex qua causa? pro quali defectu vel delicto injungatur ei pænitentia? Quod verò erit perfectus, & verè humiliatus tunc, etiamsi nihil deliquerit, & nullius peccati externi se conscius senserit alacriter suscipiet pænitentiam assignatam, eam implebit sine mora, pro illa gratiasaget, & offeret se ad alias & alias majores & majores suscipiendas & implendas.

Quòd autem novitius nihil delinquens debeat alacriter suscipere pænitentiam à Magistro designatam, motiva sunt hæc. *immo*: peccata sunt duplicia, alia quò ad Deum, alia quò ad nos; seu alia interna, alia externa. Peccata interna sunt, quæ intra nos committimus, de illisq; solus DEUS scit,

scit, vel confessarius. Externa sunt, quæ ad extra fiunt, de illisq; multi homines, vel familiares, vel superiores sciunt. Licet ergo novitius nullius peccati externi sit conscius, & nullum tale commiserit, quod prodeat ad extra, vel de quo sciat Magister vel aliquis alius, tamen sine dubio est conscius multorum peccatorum suorum interiorum quare dum ipsi assignatur pænitentia, licet nullum ad extra delictum commiserit, tunc illam pænitentiam suscipiat, offeratq; eam pro peccatis suis internis coram Deo. Deinde licet hodie vel heri nullius peccati externi sit conscius novitius, tamen antea multa talia peccata externa commisit, proinde se humiliet coram Deo, agnoscat se peccatorem, agatq; pænitentiam pro præteritis peccatis suis externis. *2dum morivum.* Christus Dominus nullum absolutè peccatum commisit, in nullo deliquit, imò absolutè erat impeccabilis; & tamen tot pænas, cruciatus, tormenta, flagella, opprobria, contemptus, & tandem mortem ipsam pro peccatis alienis sustinuit: quid ergo mirum erit,

si novitius nihil ad interim delinquens  
 sustineat pœnitentiam à Magistro sua  
 designatam? *3tium motivum* Beatissimæ  
 Virgo MARIA Verbi Incarnati Matre  
 Pretiosissima, immunis fuit ab omni  
 labe etiam veniali, nihilominus Christo  
 Domino Filio suo, tempore Passioni  
 efficacissimè compassa, omnes dolores  
 & tormenta cum ipso affectivè susti-  
 nuit, quis igitur ex novitiis, imò ex  
 omnibus Christianis ita, frigidus erit,  
 ut cum hac Matre pati nolit, etiam  
 ad extra & coram hominibus nihil de-  
 linquat. *4tum:* Omnes sancti Apostoli  
 ac reliqui innumeri Martyres, quid  
 contra Tyrannos, quid contra Impe-  
 ratores illos antiquos, & Præsides eo-  
 rum sive Præfectos peccarunt? & tamen  
 crudelissimis ignominiosissimis ac acer-  
 bissimis suppliciis destinati fuerunt.  
 Quando ergo alicui novitio assignabi-  
 tur pœnitentia, sine prævio illius pecca-  
 to, tunc respiciat hos omnes & seipsum  
 excitet, ad subeundam pœnitentiam  
*5tum:* Tempus novitiatus, totaq; vita  
 Religiosa est tempus pœnitentiæ, quare  
 dū illa imponitur, est omnino acceptanda,  
 etiam si

etiamsi in nullo deliquerimus; sic enim  
& Magistrum nostrum consolabimur,  
& majus meritum habebimus.

## § X I.

*In quo proponuntur alii modi,  
probandi novitios, in profectu  
obedientiae.*

Vigésimus tertius modus probandi  
novitios, est, alicui ex illis injungere  
aliquod grave onus, vel exercitium vir-  
tutis; ab impositione autem similis one-  
ris reliquos novitios præscindere, vel  
in aliud tempus tacitè differre. Et  
taliter Christus Dominus probavit Pe-  
trum Apostolum Ioann. 21. Cap. ubi  
Petro prædixit, quâ morte erat mori-  
turus, & clarificaturus Deum, sed quia  
hoc ipsum non prædixit Ioanni, qui  
recubuit super pectus JESU in cæna  
Domini, ideo Petrus statim cepit in-  
vestigare, quid futurum esset cum Ioan-  
ne? an ille etiam taliter moriturus esset  
pro Deo, sicut & Petrus. *Hunc*

ergo cum vidisset Petrus, dicit JESU: Domine hic autem quid? Dicit ei JESUS: Sic enim volo manere donec veniam, quid ad te? Tali modo procedendum est cum novitiis: imponendum ( ut jam dixi ) aliquod grave onus alicui ex illis & hoc ipsum alteri non imponere: illi qui impositum sibi soli onus audiet statim se injuriatum, & gravatum reputabit, & apprehensione hujus gravaminis prætensi vel murmurabit, vel de alio interrogabit, quid cum illis faciat Magister? vel quare etiam illis hoc onus non imponat? Quàm primùm autem in has quaestiones prorumpet præfatus novitius, statim ex eo signum erit, quid in ipso lateat? quo spiritu præditus sit? Qui autem tacebit & impositum sibi, onus suscipiet, non respiciendo alios nec illis invidendo, de hoc signum erit, quod sit perfectior, & in spiritu fervidior. Qui ergo sibi soli impositum onus sicciter suscipit, ab illo est dispensandus, qui autem retractat, ille omnino est frangendus, ut hoc omnino adimpleat, quod ipsi injunctum est: protervus enim spiritus, nunquam efficacius proba-

Do probari & convinci potest, quam dum  
adigitur ad id omnino exequendum,  
quod exequi retractat, si autem in ali-  
quo, crassa, dura, & inflexibilis sit per-  
tinacia, tunc ad hoc opus est pruden-  
tia Magistri, aliquando enim melius ta-  
libus consulitur, si expediantur, quam  
frangantur. Aliquando autem prodest  
illis multum, si omnino frangantur, cum  
autem fracti fuerint, ipsi resipiscunt &  
errorem suum agnoscent. Ad pruden-  
tiam ergo Magistri pertinebit qualiter  
cum his, qualiter cum aliis proceden-  
dum erit.

Vigésimus quartus modus pro-  
bandi novitios est, permittere vel præ-  
bere illis occasionem, alicujus contro-  
versie inter eosdem ipsos novitios: quæ  
controversia postquam inter illos orta  
fuerit: statim in actu illius apparebit,  
ad quid unus quisque ex illis propen-  
sus fuerit? an ad iram, an ad rixas, an  
ad pertinaciam? an ad superbiam? an ad  
diuturna odia, an ad vindictam, an ad  
humiliationem, an ad vilipensionem  
sui & contemptum? protractâ enim  
præfatâ controversiâ etiam moderatâ,  
hoc

hoc quisq; loquetur, quod intra fovebat. Magister autem hæc omnia à lateri spectando, faciliè de singulis feret iudicium; & singulis proportionata adhibebit media, ut in spiritu proficiant.

Vigefimus quintus modus probandi novitios, est, permittere illis, ut proponant coram suo Magistro aliqua quæstiones & dubia, ab eodem Magistro resolvenda. Quas quæstiones & dubia postquam proposuerint, ex illi patebit, ad quid collimabunt: qui de redivit in mundum cogitabunt, mundana proponent, vel connexa cum mundanis qui honorem prætendunt vel honorem sperant, de primatu dubia in medium proferent, qui erunt laxi, laxa promovebunt, qui spirituales, qui in bonis moribus compositi, ac in omni genere virtutum mortificati, & bene morigerati erunt, spiritualia investigabunt qui scrupulosi, scrupulos suos & angustias ex illis provenientes aperient. Et Tali modò videtur probasse Christus Dominus Apostolos Matth. 13, ubi permisit illis per quæstionem aliquid proponere: proposuerunt itaq; illam quæstionem,

*Quis*

*Quis putas major est in Regno caelorum?*  
 Et ex hac ipsa quaestione, patuit ambitio Apostolorum nondum perfecte humiliatorum.

Vigésimus sextus modus probandi novitios est, ut ipse Magister proponat aliquas quaestiones à novitiis resolvendas, ex hacq; pariter resolutione eorum, prodibit spiritus ipsorum; taliter enim quilibet quaestionem Magistri resolvet, qualiter de aliquo objecto sentiet. Et taliter probasse videtur Apostolos Christus Dominus, cum eos interrogavit dicens: *Quem dicunt homines esse Filium hominis? at illi dixerunt: alii Joannem Baptistam, alii autem Eliam, alii autem Jeremiam, aut unum ex Prophetis.* Dicit illis *JESUS, vos autem quem me esse dicitis? respondens Simo Petrus dixit: Tu es Christus Filius Dei vivi.* Ecce vides quam bene ad quaestionem Christi responderit Petrus, & quam bene se se prodiderit, quidquid in illo latuerit, nimirum prodiit vera fides Divinitatis Christi. Si ergo & Magister novitiorum, proportionatas officio suo proponet suis discipulis qua-


quæstiones, eveniet plerumq; quod bene & accommodatè respondebunt aliquando etiam malè; ex bona autem & mala responsione, habebit, quid in singulis laudare & corrigere debeat. Hunc modum probandi per quæstiones, & interrogationes ordinatas ac novitios, innuit Psalmista cum inquit

*Psal.*  
138.

*Proba me DEUS, & scito cor meum; interroga me, cognosce semitas meas.* Ubi adverte, quod simul juncta sit ista duo. *interroga & cognosce:* ut pateat, quod ex interrogatione & subsequente responsione ad illam, sequatur cognitio semitarum, quas aliquis intendit, vel quibus incedit. Idem ipsum velle videtur aliò loco Psalmista, cum inquit. *Oculi ejus in*

*Psalmo*  
10.

*pauperes respiciunt, palpebræ ejus interrogant filios hominum, Dominus interrogat justum, & impium.* Ad quid precor Dominus interrogat justum & impium? ad quid palpebræ ejus interrogant filios hominum? nisi ut cognoscatur horum justitia & illorum iniquitas; unde ibi immediatè additur: *qui autem diligit iniquitatem, odit animam suam.*



## § XII.

*In quo proponuntur alii modi probandi novitios, in profectu obedientie.*

Vigésimus septimus modus probandi novitios est, permittere aliquem etiam extraneum in illos, qui eos tentet, affligat, & varis modis mortificet. Cùm enim Magister per seipsum tentat probatq; novitios; contingit frequenter, quòd non possit facilè devenire, ad cognitionem perfectam, quid in uno quoq; lateat, & cujus spiritus sit? cùm quilibet eorum caveat Magistrum suum, estq; circumspectus in omni occasione & circumstantia, ne à Magistro in aliquo defectu notetur; dum autem Magister ordinat & permittit aliquem, ut probet suos novitios, hunc ita sub ordinatum non adeo cavent, quia non sperant, nec sciunt eum habere facultatem probandi, adeoq; coram eo faciliùs ea aperiunt, quæ intrà sentiunt.

Et

Et tali modò probavit Christus Dominus omnes Apostolos: quocunq; enim conversi sunt Apostoli, & ubicunq; comparuerunt, in omni loco semper habuerunt tales, à quibus affligebantur, mortificabantur, & variis modis vexabantur: sic post Ascensionem Christi Domini comparuerunt primò in Ierusalem, repletiq; spiritu Sancto loquebantur variis lingvis Magnalia Dei: hoc autem cum viderent & audirent plurimi de variis nationibus, aliis quidem stupebant, alii autem Apostolos irridebant. Cum autem Apostoli irrifionem hanc minimè curarent, sed Resurrectioni Christi Domini testimonium ubiq; darent, captivati sunt à Magistratibus, positi multoties sub custodia, incarcerati, cæsi, & flagellati ac innumeris aliis injuriis affecti. Legantur acta Apostolorum, revolvatur tota vita eorum, habebitur compertum, quòd nunquam fuèrint, ab omni adversario liberi, sed in qua cunq; civitate, oppido vel plàtea cæperunt prædicare verbum Dei, semper eo instanti, inventi sunt hostes fidei, à quibus affligerentur & macerarentur.

Tali

Talî modò probavit DEUS Optimus maximus, Virum, secundum cor suum, nempe Regem David; in quem permisit primò Regem Saul, qui eum variis modis & infidis continuïs persequabatur, necem ejus moliebatur, per varia oppida, Civitates, villas, cum exercitu quærebat, ut eum tandem aliquando supprimeret, & tanquam capitalem hostem suum deleteret, ac extingueret. Secundò permisit etiam hoc: ut ei proprius filius suus, bellum indiceret, exercitum & arma contra illum sumeret; totum populum & Regnum adversùs Patrem suum ita commoveret & exitaret, ut Rex David proprium Filium suum fugere, ac de Ierusalem pedes cedere cogeretur. 3tò permisit etiam hoc, ut ei proprius subditus nempe Semei malediceret, ac multas calumnias improperearet, ut constat 2. Reg. 16. *Venit ergo Rex David usq; Baharim, & ecce egrediebatur inde vir de cognatione Domùs Saul, nomine Semei filius Gera, procedebatq; egrediens & maledicebat: mittebatq; lapides contra David, & contra universos servos Regis*

Regis David, omnis autem populus & universi bellatores à dextro & à sinistro latere regis incedebant. Ita autem loquebatur Semei, cum malediceret Regi. Egredere, egredere vir sanguinum, vir Belila reddidit tibi Dominus unversum, sanguinem Domus Saul; quem invasisti Regnum pro eo, & dedit Dominus Regnum in manu Absalon filii tui: & ecce premunt te mala tua, quoniam vir sanguinum es. Dixit autem Abisai. Filius Sarvia Regi, quare maledicit canis hic mortuus Domino meo Regi? vadam & amputabo caput ejus. Et ait Rex: Quid mihi & vobis est, filii Sarviae? dimittite eum ut maledicat. Dominus enim præcepit ei ut malediceret David; & quis est qui audeat dicere, quare sic fecerit. Et ait Rex Abisai & universis servis suis; ecce filius meus, qui egressus est de utero meo querit animam meam, quanto magis hic filius Iemini maledicet mihi: dimittite eum, ut maledicat, juxta præceptum Domini, si forte respiciat Dominus afflictionem meam, & reddat mihi Dominus bonum pro maledictione hac hodiernâ. Tali præterea modo probavit DEUS virum

Et irum justum Job: nam primò dum  
 quadam die filii & filia ejus comede-  
 rent ac biberent vinum in domo fra-  
 tris sui primogeniti, instinctu sathanæ  
 ruerunt Sabæi & tulerunt omnia, &  
 ueros percusserunt gladiò. 2dò ignis  
 ei cecidit è cælo, & oves puerosq;  
 consumpsit. 3tiò Chaldæi fecerunt tres  
 irmas, & inuaserunt camelos & tule-  
 runt eos, nec non & pueros percusse-  
 runt gladiò. 4tò filiis & filiabus Job  
 escentibus & bibentibus vinum in  
 domo fratris sui primogeniti, repente  
 ventus vehemens irruit à regione de-  
 rti & concussit quatuor angulos do-  
 us, quæ corruens, oppressit liberos  
 Job, & mortui sunt. Sed cum in his  
 omnibus non peccasset Job, nec stul-  
 tum aliquid contra Deum locutus esset,  
 destineretq; patienter hanc probatio-  
 nem sui ipsius, iterum sathan ex pura  
 permissione Divina exeruit omnes vires  
 suas, percussitq; Job ulcere pessimo à plan-  
 tu pedis usq; ad verticem ejus, qui  
 stâ saniem radebat, sedens in sterquil-  
 to. Neq; hac probatione & afflictione  
 contentus est sathan, sed præterea con-

K

tra Job

tra Job concitavit uxorem ejus, ut eum  
 tentaret & commoveret contra Deum  
 Dixit autem illi Uxor sua: adhuc tu peccas  
 manes in simplicitate tua? benedic Deo  
 & morere, sed patientissimus Job sic  
 tentationem sathanæ, ita & uxoris fugit.  
 refutavit, dicens ad uxorem quasi unum  
 de stultis mulieribus locuta es. Si bonum  
 suscepimus de manu Dei, mala quare  
 non sustineamus? in omnibus his ne ex  
 peccavit Job labiis suis. Talem tandem  
 modò probavit DEUS Danielem irem  
 quem permisit, Principes & Satrapas  
 qui eum coram Dario Rege accusarunt  
 tanquam prævaricatorem Decreti Regii  
 & contra eundem Danielem ita pertinaciter  
 instigârunt, ut Rex cogere-  
 tur eum in lacum leonum mittere. Talem  
 ad extremum modò, probati sunt omnes  
 Sancti Martyres, ac in uniuersum omnes  
 servi, & imitatores Christi Domini.  
 Præterea allata immediatè doctrina  
 & industria probandi, confirmatur  
 sequenti exemplò: In certo monasterio  
 (ut refertur in libr. sen. P. P. §. 207)  
 fuit quidam adolescens natione Græcus  
 qui nullâ abstinentiâ, nullâ multitudinem  
 laborum,

borum, concupiscentiam carnis extin-  
guere potuit. Cùm igitur ad Patrem  
superiorem Monasterii hæc ipsius  
destantio deferretur, tali eum stratage-  
licitate, seu industriâ à tentatione libera-  
vit. Injunxit uni gravi Religioso, ut  
eum variis modis vexaret, increparet,  
confunderet, mortificaret, & plurimis mo-  
lestiis afficeret: his autem molestiis, &  
vexationibus ei inflictis, ut adhuc eum  
superiorem tanquam delinquen-  
tem accusaret, testesq; contra eum pro-  
puleret. Dum igitur præfatus adole-  
scens tot injuriis & vexationibus con-  
tingentibus afficeretur, cepit flere, & illa  
testimonia contra se producta admira-  
retur; nulla igitur dies transiit, apud ipsum  
sine lachrymis. Sedebat igitur solita-  
rius, doloris amaritudine undiq; reple-  
tus, & cum à nemine haberet consola-  
tionem & auxilium, ad pedes Domini  
JESU prostratus jacebat, breviter lo-  
quendo, in hac amaritudine dolorum  
per totum perseveravit annum. Postea  
dum interrogaretur, utrum adhuc sen-  
tiret illas cogitationes carnales? respon-  
dit. Ah vivere amplius quomodo  
possim?

possim? ignoro: qualiter ergo devotitate carnis cogitare possim? sic igitur per hanc artem & industriam Patris spiritualis, adolescens ille tantatione carnis superavit, & liber evasit. Eadem arte, eadem industriam utatur Magister cum suis novitiis, videlicet quando non habet certitudinem de spiritu ipsorum tunc sibi eligat aliquem virum gravem ei; injungat, ut præfatos novitios etiam nihil delinquentes vexet, affligat mortificet, aliasq; varias molestias illi inferat, tandem eos accuset, & si opus fuerit testes producat. Dum sic etiam innocentes vexabuntur novitii, facile patebit spiritus natura & indoles eorum, præsertim illorum, qui veniunt ad Religionem in vestimentis ovium, intrinsecus autem sunt lupi rapaces.

Vigésimus octavus modus probandi novitios est, ordinare illos recreationis vel distractionis gratiam in aliquem locum remotiorem à Monasterio vel collegio, ut ibi tamdiu maneant, quam diu superiori placuerit. Talis modus probavit suum novitium Paulum B. Antonius Eremita, qui cum eundem Paulum

Paulum plenè qualiter in singulis agere  
& sibi procedere deberet, instruxit:  
illi in vicino, hoc est, in tribus à se  
milliaribus cellam constituit, ibiq; eum  
exercere quæ didicerat jussit, ipse autem  
frequenter eum visitans, gratulabatur  
sibi, quando eum deprehendit in his,  
quæ sibi tradita fuerant, tota intentio-  
ne & omni sollicitudine permanentem.  
Tali pariter modò probare solet suos  
novitios Sacerrima Societas JESU, quæ  
certò anni mense, singulos novitios  
ternos in varia loca, Civitates, & op-  
pida extra Collegia dimittit, ibiq; per  
aliquod tempus, commorari permittit.  
Et hujus Probationis multi frequenter  
eveniunt fructus: imus bonum exem-  
plum hominibus sæcularibus, quando  
enim novitii adhuc puberes & planè  
infantes, huc & illuc transeunt, & se  
ubiq; modestos, sedatos, humiles, so-  
brios & ex omni parte compositos o-  
stendunt, homines sæculares, videntes  
in Tyronibus ejusmodi compositio-  
nem, admirantur, æstimant, ac ædifican-  
tur. 2dus fructus est ipsis novitiis, qui  
enim sunt cauti & religiosi, profectûs

avidi, hi quocunq; in decursu itineris  
 veniunt, ex omnibus sibi occasione  
 meriti bonorumq; operum accipiunt  
 si verò alicubi calamitates, miserias,  
 pericula hujus mundi advertunt, per  
 hoc ad compunctionem redeunt & ad  
 meliorem cognitionem, quantum valeat  
 mundi vanitas. Igitur fructus est  
 ipsi Religioni; dum enim extra Colle  
 gium vel Conventum novitii remittuntur,  
 ibiq; aliquo tempore commorantur,  
 tunc qui sunt morigerati, sedati ac  
 bene educati, hi adhuc meliores redeunt,  
 qui verò sunt laxi ac de mundo cogitant,  
 hi redeunt laxiores, & ad mundum  
 dum promptiores: sicut autem redeunt  
 laxiores, ita citius se ipsos produunt  
 quid in ipsis latet ex hoc autem ipso habet  
 Religio emolumentum quod possit  
 cognoscere naturam & indolem eorum.  
 Quoniam igitur ordinatio novitiorum  
 ad aliquem locum remotiorem à Collegio  
 vel conventu tot fructus afferat  
 ideo non erit incongruum, si aliquando  
 hac intentione ordinentur aliquò, ut  
 tali stratagemate probentur.



## § XIII.

*In quo proponuntur alii modi probandi Novitios in profectu Obedientie.*

Vigésimus nonus modus probandi novitios est, proponere illis duo contraria, & dare optinẽm libertatemq; ad aligendum, quod voluerint: v.g. proponere illis bonum & malum, vel bonum majus, & minus, si elegerint bonum absolute, vel bonum majus, signum est bonæ indolis & veræ vocationis; si verò malum absolute, vel minus bonum, signum est vel imperfectionis, vel insufficientis educationis, vel nutantis vocationis. Et talĩ modò probavit DEUS angelos in primo instanti creationis suæ, quos posuit inter bonum & malum, ut eligerent quod vellent; qui elegerunt bonum possederunt Regna cælestia, qui, elegerunt malum, & adhæserunt Lucifero, detrusi sunt in infernum. Talĩ præterea modò

probavit DEUS primos parentes nos-  
 tros Adam & Evam: sed quia hi omni-  
 bono elegerunt malum, ideo de Para-  
 diso expulsi sunt. Tali modò proba-  
 vit DEUS Regem David per Prophetam  
 Gad 2. Regum Cap. 29. *Vade & loque-  
 re ad David. Hec dicit Dominus; trium  
 tibi datur optio, elige unum, quod volue-  
 ris; ex his ut faciam tibi. Cùmq; venisse  
 Gad ad David nuntiavit ei dicens: aut se-  
 ptem annis veniet tibi fames in terra tua  
 aut tribus mensibus fugies adversario-  
 tuos, & illi te persequentur; aut certi  
 tribus diebus erit pestilentia in terra tua  
 Nunc ergo delibera & vide, quem respon-  
 deam ei qui me misit, sermonem? Dixit  
 autem David ad Gad; Coarctor nimis,  
 sed melius est ut incidam in manus Do-  
 mini (multæ enim misericordie ejus sunt)  
 quàm in manus hominum. Simili ratione  
 probavit DEUS filium ejusdem David  
 Salomonem 3. Regum Cap; 3. Apparuit  
 autem Dominus Salomoni per somnium  
 nocte dicens; postula quod vis, ut dem tibi.  
 & ait Salomon: dabis ergo servo tuo cor  
 docile, ut populum tuum judicare possit,  
 & discernere inter bonum & malum &c.*

Tali

Talis tandem modò probat DEUS omnem hominem, relinquendo ei libertatem ad bonum & malum ut eligat, quod velit, ut constat Ecclesiastici 15: ubi dicitur. *DEUS ab initio constituit hominem & reliquit eum in manu consilii sui, adiecit mandata & præcepta sua. Si valueris mandata servare conservabunt te, & in perpetuum fidem placitam servare.* Apposuit tibi aquam & ignem, ad quod volueris porrigere manum tuam: ante hominem vita & mors, bonum, & malum; quod placuerit ei, dabitur illi. Ejusmodi probatio per propositionem duorum contrariorum habet suum fundamentum ex praxi etiam ipsius Christi Domini, hic enim Sanctæ Catharinæ Senensi propter turpes calumnias contra se excoGITatas, sese affligenti, quodam tempore visibiliter apparuit, una manu coronam auream gemmîs ornatam, alteram ex acutissimis spinis contextam portans, ut eligeret alterutram. Si auream appeteret, experiretur spineam post mortem; si spineam, aurea conservabitur in altera vita. Sancta Catharina visa hac propositione duarum coronarum spineam elegit

elegit & capiti suo impressit. Similiter probavit Christus Dominus Sanctam Gertrudem, cui offerendo sanitatem vel morbum, concedebat, ut eligeret quòd vellet.

Simile quid fecit Edvardus Rex Angliæ cum sua Edburga trium annorum filia; nam volens illam probare iussit ex una parte omnia vestimenta pretiosa ante illam poni. Ex altera evangelium Christi, Calicem, ut eligeret quod vallet? Illa torvò oculò omnia vestimenta pretiosa aspexit, Evangelium autem & calicem libenter arripuit, illisq; magnam reverentiam exhibuit. Carolus V Galliarum Rex volens filii sui indolem probare ac explorare, in mensa collocari fecit coronam auream & sceptrum in una, gladium & galeam in altera parte; Filio alterutrum ad electionem proponens. Tum Filius Caroli, prudentia singulari annos pueriles excedente, ad gladium accurrit, galeamq; prensavit, causam rogatus, sapienter respondit: *Per hæc ad illa pervenir.* Nicolaus Causinus 2da parte aulæ Sanctæ scribit, de Imperatore Anastasio quòd

quòd cum hic vires suas deficientes adverteret, intendebat alicui suum Regnum resignare, cum autem non haberet hæredes, cogitabat suos tres nepotes substituere, & cum esset dubius qui deberet succedere, dubium per sortem resolvere decrevit: iussit itaq; apparare tres lectos, & uni Cæsaream coronam introrsum appendit, eundem fore Imperatorem, qui casu eo se poneret. Vocatis nepotibus dedit optionem, ut quisque ex illis posset se ponere in lecto, quo vellet. Igitur primò, & secundò genitus nepos, posuerunt se ad lectos ubi nulla fuerat corona: supererat tertius lectus quo se junior natu poni noluit, rogando ut possit apud alium quærere quietem; ut remaneret tertius lectus liber.

Simili quadam ratione magister potest probare novitios, proponendo illis aliqua duò contraria, v.g. commodum & incommodum, vigilantiam & somnum, orationem & quietem vel distractionem, abstinentiam & refectio- nem, quidquid ergo ex duobus contrariis elegerint novitii, manifestum erit indicium

indiciū, ad quod unusquisq; ex illis promptus & inclinatus sit?

Trigesimus modus probandi novitios, est, subtrahere illis hoc, quòd est nobilius,, præstantius, honorificentius, & applicare id quod est ignobilius, vilius, & contemptibilius: v. g. subtrahere vestes nobiliores, & dare ignobiliores; amovere portiones delicatiores, & applicare inspidiores; celam commodiorem recipere & incommodam vel minus lucidam assignare. Et ita DEUS probavit Heraclium Imperatorem, qui dum recuperatam à Persis crucem aurò gemmîsq; ornatus portaret, & transferre conaretur in eum montem, quo eam Salvator tulerat, subitò subsistere còactus est in porta, quæ ad Calvariæ montem ducebat. Quò enim magis progredi conabatur, eò magis retineri videbatur. Cumq; ea re & ipse Heraclius & reliqui omnes obstupescerent, tum Zacharias Ierosolymorum Antistes: vide (inquit) Imperator ne isto triumphali ornatu in cruce ferenda, parum JESU Chrsti paupertatem & humilitatem imiteris. Tum

Here-

Heraclius abjectò amplissimò vestitu de tractisq; calcæis, ac plebeio amictu indutus, reliquum viæ facile confecit, & in eodem calvaria loco Crucem statuit, unde fuerat à Persis asportata, Oquàm multi sunt qui ad imitationem Heraclii Imperatoris crucem Christi portare volunt, sed aurò gemmîsq; vel saltem splendidis exactis, & exquisitis vestibûs ornati; sed in ipso actu dum Crucem Christi ferunt & amplectuntur, subsistere coguntur, vel ipsi eandem abjiciunt, dicentes: quod tanto oneri non sufficiant: quomodo ergo illis succurrendum. Ecce ita, sicut Zacharias Ierosolymorum Antistes Heraclio Imperatori succurrit, nempe subtrahendæ illis splendidæ, exquisitæ, pomposæ, tumidæ vestes: jam autem viles; abjectæ & contemptibiles applicandæ, similiter deponenda illis præstantia ac nova calceamenta, antiqua verò & attrita concedenda; quæ omnia si gratè suscipient sicut suscepit Heraclius Imperator, evadent sufficientes ad portandam crucem, ascendentq; cum illa in montem perfectionis. Nec sit mirum alicui, quòd

quòd dixerim etiam calceamenta nova  
 vel exquisita novitiis amovenda esse,  
 & per hanc amotionem eosdem novi-  
 tios esse probandos; contingit enim,  
 quòd homines sæculares, etiam in mi-  
 nutis rebus viros Religiosos observent,  
 eisq; censuram appingant. Nobilis  
 quidam deprædatus est quoddam mona-  
 sterium in Gallia. Visum est Abbati  
 totiq; Capitulo, unum de medio sui  
 mittere ad Regem Galliar. Designatus  
 est igitur unus quidam juvenis mona-  
 chus nobili de stirpe natus, eo prætextu  
 & intuitu, quasi apud Regem utpote  
 nobilis plus esset evicturus per promo-  
 tionem suorum consanguineorum no-  
 bilium, quàm alii. Cum igitur admit-  
 teretur ad Regem dixit: Serenissime  
 Rex nobilis hic & ille injustissime  
 Monasterium nostrum vexat, varia da-  
 mna & injurias nobis inferendo, sup-  
 plicat itaq; Majestati vestræ conventus  
 noster quatenus propter Deum digne-  
 tur cohibere præfatum nobilem, simulq;  
 eum cogere ad compensanda damna  
 nobis illata, ipsum Rex intuendo & bene  
 attendendo sæculares gestus, vestitumq;  
 Monachi

*Cæsario*  
 14 c. 12.

Monachi splendidum dixit: Domine, unde & quis es? Respondit ille sum Filius certi nobilis de Gallia. Respondit Rex: Bene quod sis nobilis, & nescio quid ultra sis? Adjecit ille, Monachus: verè Serenissime Rex omnia nobis ille nobilis eripuit, & planè nihil reliquit: Respondit Rex; verum est totum quod dicitis, & bene in calceamentis vestris hoc ipsum apparet, si enim vobis saltem aliquid de cutibus reliquisset calceamenta vestra non essent ita angusta & exquisita. Quo ergo alii, estis nobiliores eò magis estote humiliores. In isto Monacho splendide ornato & jactante nobilitatem suam, observavit Rex Galliae etiam calceamenta & de illis irrisit, arguitq; Monachum. Proinde ne similibus censuris subjaceamus hominum saecularium, etià in calceamentis probandi sunt novitii, qui dum tempore probationis assuescent inveterata & attrita portare, non curabunt in decursu ulteriori exquisitis uti.





## § XIV.

*In quo proponuntur alii modi,  
probandi Novitios in profectu  
Obedientiæ.*

**T**rigesimus primus modus probandi novitios in profectu obedientiæ, est, illis multa, difficilia, gravia, ac etiam arduissima præcipere, mandare & imperare; nec tamen adferre rationes eorum, quæ imperata ac demandata fuerint. Hâc normâ probavit Apostolos Christus Dominus statim à prima vocatione eorum, quando enim illos vocavit, nullam rationem vocationis suæ, ut eum sequerentur, dedit: ut constat Matth 4. Cap. *Ambulans autem JESUS juxta mare Galileæ, vidit duos fratres, Simonem, qui vocatur Petrus, & Andream fratrem ejus, mittentes rete in mare, erant enim Piscatores, & ait illis: venite post me, & faciam vos fieri piscatores, & procedens inde vidit alios duos fratres, Iacobum Zebedæi & Joannem fratrem eju*s

in mari cum Zebedæo Patre eorum, resistentes retia sua & vocavit eos, illi autem relictiis retibus & Patre, secuti sunt eum. Manifestum itaq; est, quòd in hac utraq; vocatione, non adhibuerit Christus rationem quare vocaverit, sed absolutè dixit: *venite post me*; per hunc autem absolutum vocandi modum, statim ab initio probavit obedientiam Apostolorum, Hoc ipsum fecit Christus Dominus in vocatione Matthæi teste scripturâ: *Et cum transfiret inde JESUS, vidit hominem sedentem in telonio Matthæum nomine; & ait illi: sequere me.* Ubi vides, quòd non dixerit sequere me, quia in telonio nihil lucraberis, quia animam perdes, quia jam satis peccatorum tuorum, sed absolutè sine ulla prævia vel subsequente ratione dixit: *sequere me*: præterea hoc ipsum fecit Christus Dominus in vocatione Sauli, nunc Pauli Apostoli; hic enim dum virtute Christi prostratus caderet in terram, & interrogaret JESUM cum tremore & stupore: *Domine quid me vis facere?* & responsum accepit. *Surge & ingredere Civitatem & ibi dicetur tibi,*

tibi, quid te oporteat facere? Ad quid precor suspendit responsionē suam JESUS, ad interrogationē Sauli, cum jam illum efficaciter vocare statuerat; ad quid nullam rationem dedit suspensionis suæ, sed absolutè pronuntiavit: *ibi dicitur tibi, quid te oporteat facere?* Ecce ideo hoc totum fecit, ut tali methodò statim in primo limine vocationis suæ probaret obedientiam Sauli. Simili modò, scilicet non adferendo ullam rationem Mandatorum suorum, probavit Apostolos Christus Dominus Matth. C. 8: ubi dicitur: *Videns autem JESUS turbas multas circum se, jussit Apostolos ire trans fretum.* Solum ergo scriptura commemorat, quòd jusserit Discipulos ire trans fretum, quare autem, & propter quam causam, vel rationem, nihil de hoc innuit. Tandem Matthæ. Cap: 10. dat Christus Dominus Apostolis sequens præceptum: *Infirmos curate, mortuos suscite, leprosos mundate, Dæmones ejicite &c.* Quid potest esse difficilius, quàm infirmos curare, mortuos suscitare, leprosos mundare Dæmones ejicere? & tamen Christus Dominus præcipiendo tot & tam diffi-

cilia munia, nullam immediatè sub-  
 junxit rationem, quare hæc omnia præ-  
 ciperet, sed absolutè dixit: *Infirmos*  
*curate, mortuos suscite* &c. quis finis  
 hujus aboleti imperii in rebus tam  
 arduis? non alius, nisi hic, ut per sub-  
 tractionem rationum, & causarum, pro-  
 baret obedientiam Apostolorum, qui si  
 ad primum nutum non obedissent,  
 sed rationes præceptorum investigas-  
 sent, multum sibi de perfectione obe-  
 dientiæ detraxissent. Tali præterea  
 modò probavit DEUS Abraham, cui  
 mandavit offerre in holocaustum filium  
 Unigenitum, dicendo: *Tolle filium tuum*  
*unigenitum, quem diligis Isaac, & vade*  
*in terram visionis; atq; ibi offeres eum in*  
*holocaustum super unum montium, quem*  
*monstravero tibi: ubi vides, quod DEUS*  
 tantum nudè præceperit Abrahamo im-  
 molationem filii unigeniti, hujus autem  
 præcepti sui tam ardui, nullam adjecit  
 rationem, ut constare potest legenti  
 Caput 22. Genes: Simili modò potest  
 probare suos Novitios Magister, abso-  
 lutè ejs imperando aliqua munia etiam  
 difficiliora & graviora, dicendo unicuiq;

absolutè: fac hoc, vel illud; item prohibendo absolutè, & non subjungendo quidquam: quare hoc, vel illud præcipiat aut prohibeat; Magister enim (imo quilibet Superior) gerit quodammodo Personam Legislatoris seu conditoris legum, quando Tyrones docet, quid sequi & fugere debeant. Certè conditores Legum absolutè imperant, absolutè statuunt, decernunt, præcipiunt, prohibent, nullam legum statutorumque suorum adferentes rationem, ut patet inductione Canonum & Juris Civilis, unde illud crevit commune axioma: *Lex jubet, non disputat.*

Trigesimus secundus modus probandi Novitios est: proponere illis aliqua permodum ænigmatum, & demandare, ut exequantur, etiamsi rem propositam totaliter non intelligant. Tali modò probavit sapientiam Salomonis, Regina Saba, ut constat 3. Regum C. 10. *Sed & Regina Saba auditâ fama Salomonis, in Nomine Domini venturâ tentare eum in ænigmatibus.* Simili modò potest probare ac tentare suos Magister, nempe proponendo illis aliqua ænigmata, qualia v.g. videntur non

nullis esse ista: Si oculus tuus scandalizat te, erue, eum, & projice abs te; expedit enim tibi, ut pereat unum membrorum tuorum, quàm totum corpus tuum mittatur in gehennam ignis. Et si dextra manus tua scandalizat te, abscinde eam & projice abs te, expedit enim tibi, ut pereat unum membrorum tuorum, quàm totum corpus tuum eat in gehennam. Item: si quis te percusserit in dexteram maxillam tuam, præbe illi & alteram: & ei qui vult tecum in iudicio contendere & tunicam tuam tollere, dimitte ei & pallium, & quicumq; te angariaverit mille passus vade cum illo & alia duo: Item: diligite inimicos vestros, & benefacite eis qui oderunt vos: & orate pro persequentibus & calumniantibus vos. Item illud. Qui invenit animam suam, perdit illam, & qui perdiderit animam suam propter me, invenit eam. Hæc & alia proponendo novitiis, videntur multis esse ænigmata, quare si ad illa bene respondeant, & in singulis bene exercent se, signum erit notabilis profectus eorum. Si verò hæc vel similia non intelligant vel intelligere nolint, vel adimplere, signum

Matt:  
10,

erit debilis & infirmi spiritus. Venerunt quidam Fratres ad Abbatem Antonium (ut retuli parte prima) & petierunt ut illos doceret, quomodo salvari possint: quibus respondit Antonius: ecce scripturas audistis, sufficiat vobis. Illi responderunt; nos etiam & à te volumus aliquid audire. Tunc Antonius respondit dicens: audistis Dominum dicentem: *Si quis te percusserit in sinistram maxillam præbe illi & alteram.* Tunc præfati Fratres responderunt: Hoc implere non possumus. Respondit Antonius: Si ergo alteram præbere non potestis, Saltem in una percussi, ferte patienter. Responderunt illi: nec hoc possumus. Dixit eis senex: Si nec hoc potestis, vultisne percutere magis, quam percuti? Responderunt illi: nec hoc volumus. Tunc Antonius respondit illis, si nec hoc, nec illud potestis, quid faciam vobis? Ecce patet quam egregie Antonius Abbas probavit præfatos fratres proponendo eis doctrinam talem, quæ mundi sectatoribus videtur esse, tanquam aliquod inauditum ænigma. Tales ergo doctrinæ frequenter incul-

inculcandæ sunt novitiis, & facile probabitur, quid in ipsis serveat.

§ X V.

*Proponuntur adhuc alii modi probandi novitios in profectu obedientiæ.*

**T**rigesimus tertius modus probandi novitios est, illis secundum exigentiam & circumstantias temporis, exhibere gratias, favores, & benevolentiam; tandem illos insperatè quasi derelinquere, & negligere. Tali modò probavit DEUS Ezechiam Regem, cui primò multas gratias, beneficia, & favores præstitit teste scripturâ. *Salvavitq; Dominus Ezechiam, & habitatores Ierusalem, de manu Sennacherib Regis Assy-2di Parriorum, & de manu omnium, & præst- alip 32 tit ei quietem per circuitum. Multi etiam deferebant hostias & Sacrificia Domino in Ierusalem, & munera Ezechie Regi Iuda, qui exaltatus est. Pst hac coram curæ gentibus. In diebus ægrotavit Ezechias usq; ad mortem & oravit Dominum, exaudivitq; eum, & dedit ei signum. &c.*

<sup>1</sup>Fuit autem Ezechias dives & inclitus valde, & thesauros sibi plurimos congregavit argenti & auri, & lapidis pretiosi, aromatum & armorum, universi generis & vasorum magni pretii. Apothecas quoque frumenti vini, & olei, & praesepia omnium jumentorum, caulasque pecorum, & urbes sex edificavit sibi: habebat quippe greges ovium & armentorum innumera- rables, eò, quòd dedisset & Dominus substantiam multam nimis. &c. Hæc & tanta beneficia, postquam DEUS præstitisset Ezechiae Regi, tandem quid factum cum illo? Ecce ut eum probaret DEUS, dereliquit, eum, ut testatur scriptura dicens: *In omnibus operibus fecit prosperè quæ voluit (Ezechias Rex) attamen in legatione Principum Babylonis qui missi fuerant ad eum, ut interrogarent de portento, quòd acciderat super terram, dereliquit eum Dominus, ut tentaretur, & nota fierent omnia, quæ erant in corde ejus.*

Hinc generalis infertur doctrina: licet DEUS optimus Maximus tam enixè amaverit Ezechiam Regem, & tot, ac tanta beneficia præstiterit, tamen ulti-

matò

matò dereliquit eum, ut per hanc de-  
relictionem probaretur, & ut nota fie-  
rent omnia, quæ erant in corde ejus;  
proinde & Magister novitiorum licet  
illos amet, licet illis gratias, beneficia, &  
favorẽ specialem non nullis præstet, ta-  
men captato tempore, potest illos de-  
relinquere, tũ diminuendo gratias, quas  
antea præstiterat, tum aversum animum  
ad extra ostendendo, tũ puniendo, qui-  
bus antea pepercerat, tum arguendo,  
quos antea laudaverat, tum eos variis  
modis mortificando, quibus antea dissi-  
mulaverat. Quod dum faciet, nota  
fient omnia, quæcunq; erant, & late-  
bant in corde novitiorum. Hujus Pro-  
bationis documentum habetur etiam  
apud S. Mathæum Cap. 17, ubi con-  
stat, quòd postquam Christus Domi-  
nus dederit Apostolis potestatem eji-  
ciendi Dæmonia, tandem eandem sub-  
traxit pro eo tempore, quando ad Apo-  
stolos adductus est Lunaticus, ut eo-  
rum operâ curaretur à Dæmonio.

Trigesimus quartus modus pro-  
bandi novitios est, ad aliquod temp9 pro-  
ficisci ab illis, & interim concedere illis  
admini-

administrationem vel dispensationem  
 aliquarum rerum, illorum statui propor-  
 tionatarum. Post reditum autem, exa-  
 minare illos, qualiter se in rebus sibi  
 creditis gesserint. Taliter probavit Pa-  
 terfamilias Evangelicus servos suos  
 Matth: 25 ut constat ex verbis scripturæ  
*Homo peregrè proficiscens vocavit servos  
 suos, & tradidit illis bona sua. Et un-  
 dedit quinq; talenta, alii autem duo, alii  
 verò unum, unicuiq; secundum propriam  
 virtutem, & profectus est statim; profe-  
 ctus est (in quam] ideo, ut servis suis  
 libertatem utendi talentis concederet,  
 & per hunc usum talentorum, eosdem  
 probaret. Quando ergo Paterfamilias  
 Evangelicus discessit in vias suas, servi  
 ad usus talentorū suorum conversi sunt.  
 Abiit autem qui quinq; talenta occeperat,  
 & operatus est in eis, & lucratus est alia  
 quinq;. Similiter & qui duo acceperat,  
 lucratus est & alia duo. Qui autem unum  
 acceperat: abiens fodit in terram & ab-  
 scondit pecuniam Domini sui: Dum sic  
 præfati servi utuntur suis talentis, ecce  
 post multum temporis, venit Dominus  
 servorum suorum, & posuit rationem  
 cum*

num eis. Et accedens, qui quinq; talen: a  
 ceperat, obtulit alia quinq; talenta di-  
 ens: Domine quinq; talenta tradidisti  
 mihi, ecce alia quinque superlucratus  
 sum. Ait illi Dominus ejus: euge serve  
 bone & fidelis, quia in pauca fuisti fide-  
 lis, supra multa te constituam, intra in  
 gaudium Domini tui. Accessit autem, &  
 qui duo talenta acceperat, & ait: Domine:  
 duo talenta tradidisti mihi, ecce alia duo  
 superlucratus sum. Ait Dominus ejus:  
 euge serve bone & fidelis, quia super pau-  
 ca fuisti fidelis, super multa te constitu-  
 am, intra in gaudium Domini tui. Acce-  
 dens autem, & qui unum talentum acce-  
 perat ait, Domine scio quia homo durus,  
 es, metis ubi non seminasti, & congregas,  
 ubi non sparsisti, & timens abii, & abscon-  
 di talentum tuum in terra, ecce habes,  
 quod tuum est. Respondens autem Do-  
 minus ejus, dixit illi: serve male & piger,  
 sciebas, quia meto, ubi non semino, &  
 congrego, ubi non sparsi; oportuit ergo  
 te committere pecunia meam nummularis,  
 & veniens ego recepissem utiq; quod me-  
 um est cum usura. Tollite itaq; ab eo  
 talentum & date ei qui habet decem talenta

Et c. Et

Et: & inutilem servum ejicite in tenebras exteriores, illic erit flectus & stridor dentium.

Ex his constat, quàm egregiè homo iste probavit servos suos, quid in eis, ipsis lateat; quare & Magister si vult probare suos novitios simili formâ cum illis procedat, discedat aliquo à novitiis, distribuât inter illos aliqua talenta concedendo illis administrationem vel dispensationem aliquarum rerum, domesticiarum sive ad victum, sive ad portum, sive ad aliquid aliud pertinentium; quàm primum ergo Magister discedet, tam primum novitii facti superiores, accedent ad usum & praxim suam administrationis, vel dispensationis securiùs, & non habendo præsentem Magistrum disponent omnia, sicut eis placebit. Dum illi sic actualiter disponent, interim Magister veniat inspectatè, examen dispensationis & administrationis faciat, & ex illo patebit, quantum quisq; & quomodo operatus, & lucratus fuerit.

Trigesimus quintus modus probandi novitios est, illis prohibere aliquando,

quando, etiam talia opera, actiones, & exercitia, quæ ex se & ex natura sua, bona, honesta, & convenientia sunt: qualia v g. sunt: orationes, Communiones, disciplina, vigilia, & alia his similia. Quando enim homini id, quod bonum est prohibetur, tunc ille statim contrariari solet, & rationes pro suo facto opponere, dicendo: quod nihil mali faciat, sed tantum hoc exequatur, quod ex se, & ex natura sua bonum est. Porro qui verè obediens, & verè pronotatus est, hic etiam si ipsi bonum prohibeatur, eo instanti subsistit, ac obedit superiori, qui autem nondum perfectè obediens est, hic statim ad suas rationes convertitur, & vult defendere voluntatem suam: defendere autem & facere voluntatem suam, tam novitio, quam Religioso non convenit, qui semel pro semper, subdidit se voluntati Superiorum. Quod autem aliquando, etiam bona opera prohiberi impediri, & retardari, differri vel absolutè interdic possint; ratio prima est, quia etiam bona opera plerumq; fiunt ex propria voluntate; 2da, quia fiunt non debita

hora

horâ & tempore. 3tia, quia sunt non  
 debitò modò & ordine: multi nimis  
 sunt, qui jejunare volunt, sed pro hoc  
 licentiam non petunt; alii libenter  
 orant, sed extra horam & tempus con-  
 stitutum: alii libenter disciplinas & mor-  
 tificationes faciunt, sed in his ipsis mo-  
 dum excedunt, seq; ipsos nimis debi-  
 litant: hoc ergo ne eveniat; potest Ma-  
 gister etiam bona opera novitiis pro-  
 hibere, tum propter allatas immediatas  
 rationes, tum propter probandum eo-  
 rum spiritum: ut scilicet videat, si no-  
 vitium ita sint perfectè resignati in vo-  
 luntatem Magistri sui, ut parati sint non  
 tantùm à malis, sed etiam à bonis de-  
 sistere ad primum mandatum, & omni-  
 nutum ipsius.

## § X V I.

*Proponuntur duo universales modi  
 probandorum novitiorum.*

**M**odi probandi duplices cogitari pos-  
 sunt; alii universales, alii particulares

Modi

Modi universales probandi sunt, ex quibus alii modi probandi fluunt, & inferuntur. Modi probandi particulares sunt, qui sub universalibus modis continentur, & ex illis tanquam ex fontibus deducuntur. Modi universales duo sunt, Primus modus universalis probandorum novitiorum est, per contraria, opposita, repugnantia, disconvenientia, seu displicentia naturæ, inclinationi, propensione, & innato appetitui eorundem novitiorum. Ratio est; quia juxta axioma Philosophicum: *opposita, contra se posita, magis elucescunt*: ut ergo natura & indoles novitiorum magis elucescat, contraria ipsis applicanda sunt. Tali modo universalis omnium nostrum Magister Christus Dominus, probavit suos novitios, nempe Apostolos; quidquid enim illis contrarium displicens, & repugnans eorum naturæ, vel inclinationi sciebat, hoc eis semper applicabat, & in hoc continuo eosdem exercebat, ut constat ex toto Sancti Evangelii contextu, sed specialiter Matthæi 18. Cum enim Apostoli humanam & naturalem ambitione ducti, ausi fuerint

fuerint interrogare Christum Dominum: *Quis putas Major est in Regno cælorum?* tunc JESUS statim illis contrarium, nempe oppositam ambitioni humilitatem proposuit: *Et advocans JESUS parvulum, statuit eum in medio eorum, & dixit: Amen dico vobis, nisi conversi fueritis & efficiamini sicut parvuli non intrabitis in Regno cælorum. Quicumq; ergo humiliaverit se, sicut parvulus iste, hic est major in Regno Cælorum.*

O pulchra probandorum Apostolorum industria! illi exaltari, præferri, & excellere aliis volebant, JESUS autem illis humilitatem opposuit, utpotè contrariam, & repugnantem ambitioni. Quando Apostoli interrogabant Christum Dominum: quis sit futurus major in Regno cælorum? poterat illis directè respondere, dicendo: quod ille erit major in Regno cælorum, qui plus pro Deo laboraverit, qui plura bona opera habuerit, qui plura merita & virtutes exercuerit, qui plus, exactius, diligentius, efficacius, intensius Deo servierit, cæterum nihil horum respondit, sed tantum humilitatem solam ejusq; exem-

plum

lum in medium proposuit ut propen-  
 os ad ambitionem, melius probaret  
 apostolos. Hoc ipsum constat Matthæi  
 23. Cap. ubi cum ad JESUM accede-  
 ret mater filiorum Zebedæi, & peteret  
 ab eo, ut filii ipsius sederent in Regno  
 Christi, unus ad dexteram, alter ad  
 sinistram? Respondens autem JESUS di-  
 cit: Nescitis quid petatis. Potestis bibere  
 calicem quem ego bibiturus sum? dicunt  
 illi: possumus: ait illis JESUS. Calicem  
 meum bibetis, sedere autem ad  
 dexteram meam, vel sinistram, non est  
 meum dare vobis: sed quibus paratum est  
 a Patre meo. Et audientes decem, indi-  
 gnati sunt, de duobus fratribus. JESUS  
 autem vocavit eos ad se, & ait: Scitis quia  
 principes gentium dominantur eorum, &  
 qui majores sunt, potestatem exercent in-  
 ter eos. Non ita erit inter vos, sed qui-  
 usque voluerit inter vos major fieri, sit ve-  
 strus Minister; & qui voluerit inter vos  
 primus esse, erit vester servus: Sicut Filius  
 hominis non venit ministrari, sed mini-  
 strare, & dare animam suam in redemptio-  
 nem pro multis. Sperabat puto Mater  
 filiorum Zebedæi, magis accommodatam

fuæ petitioni responsionem, sed qui  
honorem quærebat, & filios suos exal-  
tari volebat, ideo audivit: *Nescitis qui  
petatis: qui verò indignati sunt, et  
per contrarium respondit Christus Do-  
minus dicens: quicumq; voluerit inter  
vos major fieri, sit vester minister, & qui  
voluerit inter vos primus esse, erit vestre  
servus*

Quid magis potest esse contra-  
rium homini quam abnegatio sui ipsius  
& totalis renuntiatio? tamen Christus  
Dominus per hanc abnegationem incli-  
nacioni hominis contrariissimam, pro-  
bavit Apostolos Matthæi 16. ubi inquit  
*Si quis vult post me venire, abneget semetipsum,  
ipsum, & tollat Crucem suam, & sequatur me.* Super quæ verba scribitur  
Sanctus Gregorius Papa Homil: 32 in  
Evan: sic discurret: *Quia Dominus  
Redemptor noster, novus homo venit in  
mundum, nova præcepta dedit mundum  
Vite etenim nostræ veteri in vitiis enutritæ,  
contrarietatem opposuit novitatis sue.*  
*Quid enim vetus, quid carnalis homo  
noverat, nisi sua retinere, aliena rapere  
si posset, concupiscere, si non posset? se  
celestis*

*celestis medicus, singulis quibusq; vitiis, obviantia adhibet medicamenta. Nam sicut arte medicinae calida frigidis, frigida, calidis curantur; ita Dominus noster contraria opposuit medicamenta peccatis, ut lubricis continentiam, tenacibus largi-  
 atem, iracundis mansuetudinem, elatis præciperet humilitatem. Certè cum se sequentibus nova mandata proponeret, dixit: Nisi quis renuntiaverit omnibus, quæ possidet, non potest meus esse discipulus, ac si aperitè dicat. Qui per vitam veterem aliena concupiscitis, per novæ conversationis studium, & vestra largimini. Optima itaq; probandi industria est per contraria, eorumq; applicationem, quæ non tantùm, ad probandum spiritum, sed etiam ad virtutes exercendas, perficiendas, & possidendas plurimùm juvat. Scribit Sophronius Patriarcha Hierosolymitanus in Prato spirituali Cap. 187, quod Abbatem Joannem ex Cyzyco die quadam interrogaverit; quomodo virtutem possidet quispiam? Respondit Senior & ait: qui virtutem possidere voluerit, nisi prius oderit virtuti ex diametro contrariam malitiam, eam acquirere ac possi-*

dere non potest. Si igitur habere vis lucrum, semper odio habeas risum. Si humilitatem habere desideras, superbiam semper execrare, si continens esse cupis, gastrimargiam odi, si pudicus, detestare luxuriam; si nudus, materiam fuge. Qui vult esse Misericors, avaritiam caveat. Qui eremum habitare desiderat civitatis frequentiam odio habeat. Qui cupit invenire quietem, fiduciam oderit. Qui peregrinus esse vult, apparentiam odio habeat. Qui iracundiam continere desiderat multorum consortia fugiat. Qui injurias oblivisci vult, maledicta detestetur. Qui sine distractione esse appetit, solitarius maneat; qui continere vult Linguam, obstruat aures, ne multa audiat. Qui Dei timorem habere cupit, corporalem oderit requiem, diligitq; afflictionem & angustiam. Et hoc totum inculcare debet Magister Novitio, ut scilicet unū ex contrariis odio habeat: proinde si vult ex illo eradicare superbiam, opponat ipsi exercitium humilitatis; si vult extirpare luxuriam, svadeat virtutem continentiae; si vult eliminare avaritiam, plantet in ipso misericordiam: & sic per  
 alia

alia contraria procedendo, facile cognoscet spiritum ipsius, & virtutum incrementum brevi in illo fundabit.

## § XVII.

### *Propōnitur secundus modus universalis probandorū no- vitiōrum.*

Secundus modus universalis probandi Novitios & spiritum ipsorum, est, per svavia, blanda, grata, & jucunda, atq; convenientia naturæ, inclinationi, propensione & innato appetitui eorundem. Sicut enim indoles hominum & natura, elucescit per contraria; ita per svavia, & convenientia inclinationi suæ, magis accenditur ad bonum, & prosecutionem ipsius. Talis modò probavit Christus Dominus Apostolos in prima vocatione eorum, dicens ad illos: *venite post me faciam vos fieri piscatores hominum*: Ubi bene notandum est, quod non dixerit Christus Dominus: *faciam vos abnegare corpus & animam vestram,*

vel, faciam vos deserere uxores, filios  
 & filias vestras; vel, permittam vo  
 tradi in conciliis, & synagogis: vel, per  
 mittam vos flagellari crucifigi & occidi  
 sed potius dixit: *faciam vos fieri pesca  
 tores hominum;* piscatura enim erat re  
 svavis, grata, & conveniens, inclinatio  
 ni vocatorum recenter Apostolorum  
 illi enim in anteaeta vita sua, affvet  
 erant piscaturæ aquatilium, quare ut illo  
 svaviter & blandè ad se perducatur, eo  
 ad piscaturam vocat, postquam autem  
 eos per svavia ad se conduxerit, tunc  
 demum illis etiam contraria & asper  
 proponere cæpit. Deinde cum Mat  
 thæi 19 diceret Petrus ad JESUM, *Ecc  
 nos reliquimus omnia & secuti sumus  
 te quid ergo erit nobis.* tunc JESUS in  
 omni svavitate, clementia, & bonitate  
 respondit Petro & omnibus Apostolis  
*Amen dico vobis, quod vos qui secuti estis  
 me, in regeneratione, cum sederit Filius  
 Hominis in sede majestatis sue, sedebitis  
 & vos super sedes duodecim, judicantes  
 duodecim tribus Israël. Et omnis qui  
 reliquerit domum, vel fratres, aut sero  
 res, aut Patrem, aut Matrem, aut uxore  
 rem,*

rem, aut filios aut agros, propter nomen  
 meum, centuplum accipiet, & vitam eter-  
 nam, possidebit. Quid svavius potest  
 esse hominibus, quam pro una re centu-  
 plum accipere? quid convenientius esse  
 potest naturæ humanæ elevatæ, quam  
 vitæ æternæ possessio; hanc itaq; relin-  
 quentibus omnia promisit Christus Apo-  
 stolis, ut eos tali modò per svavia pro-  
 baret, efficacius ad imitationem vitæ  
 suæ excitaret. Cùm Christus Dominus  
 Matthæi 15. præceptum de dilectione  
 daret, tunc inter alia dixit: *vos Amici  
 mei estis si feceritis, quæ ego præcipio vo-  
 bis. Jam non dicam vos servos; quia  
 servus nescit quid faciat Dominus ejus;  
 vos autem dixi Amicos, quia omnia, quæ-  
 cunq; audivi à Patre meo nota feci vobis.*  
 Ad quid precor tam blandè procedit  
 Christus Dominus cum Apostolis; ad quid  
 tam jucundè appellat eos nomine ami-  
 corum? ecce ideo, ut hac svavitate &  
 clementia, magis eos convincat, & ad  
 observantiam præceptorum suorum fa-  
 ciliùs alliciat.

Patet hoc ipsum etiam Matthæi  
 11 ubi Christus Dominus inquit: *Venite*

*ad me omnes qui laboratis & onerati estis  
 & ego reficiam vos. Tollite jugum me-  
 um super vos, & discite à me quia mitis  
 sum, & humilis corde, & invenietis re-  
 quietem animabus vestris: jugum enim me-  
 um suave est, & onus meum leve. His  
 vel similibus verbis uti debet Magister  
 in docendis, probandis, & instruendis  
 Novitiis: plerumque enim ingenua inge-  
 nia magis ducuntur ad bonum per sva-  
 via media, quam per dura & aspera.  
 Proinde convenientius esse censeo, ut  
 Magister in educatione novitiorum prius  
 svavia, deinde aspera adhibeat media.  
 Et sic DEUS Optimus maximus proces-  
 sit sibi cum primo Parente nostro Adam,  
 postquam enim illum creavit, posuit  
 eum in Paradiso voluptatis, ut operaretur,  
 & custodiret illum: Ad majorem  
 autem eidem homini comparandam  
 svavitatem produxit Dominus DEUS in  
 eodem Paradiso omne lignum pulchrum  
 visu & ad vescendum suave, lignum etiam  
 vite in medio Paradisi lignumque scientie  
 boni & mali. Et fluvius egrediebatur de  
 loco voluptatis ad irrigandum paradysum,  
 qui inde dividitur in quatuor capita: nomen  
 uni*

uni Phison: ipse est, qui circumit omnem terram Hevilath, ubi nascitur aurum, & aurum terræ illius optimum est, ibiq; invenitur bdellium, lapis onychinus. Et nomen fluvii secundi Gehon: ipse est qui circumit omnem terram Æthiopiæ. Nomen verò fluminis Tigris, ipse vadit contra Assyrios. Fluvius autem quartus ipse est Euphrates. In uno ergo Paradiso tot instrumenta lætitiæ, adminicula voluptatis & media svavitatis fuere, tum de arboribus, tum de fructibus, tum de fluviiis placidissimo alveo decurrentibus, quæ omnia DEUS optimus maximus comparaverat, ut Adamum adhuc Novitium & novum hominem mundi per præfata svavitatis & voluptatis principia doceret, probaret, & instrueret, & tandem ad se svaviter attraheret. Postquam verò Adam omnibus istis svavibus mediis uti nesciverit, tunc DEUS modo primum processit ad media aspera, molesta, & rigidiora, ejiciendo eum de Paradiso voluptatis, ut operaretur terram de qua sumptus est. Eandem formam in probando, debet servare Magister Novitiorum, nimirum primò utatur mediis svavibus,

sva vîbûs, tum deinde procedat ad aspera & contraria. Plura de modis probandi in profectu obedientiæ dabuntur Parte 3tia Vitæ Apostolicæ.

## PUNCTUM II.

*In quo proponitur norma probandi Novitios in profectu Paupertatis.*

Expolitîs modis probandi Novitios in profectu obedientiæ, restat pariter exponere modos probandi in profectu paupertatis. Quod ut exequamur, Punctum præfens in aliquot Paragraphos dividemus: proinde sit.

### § I.

*In quo proponitur primus modus probandi novitios in profectu paupertatis.*

**P**rimus modus probandi Novitios in profectu paupertatis est, mittere ac ordina-

ordinare illos in aliquem locum remotum ad aliquod negotium tractandum, v.g. ad Cathechizandum sine ulla subministracione & provisione sumptuum longo itineri & labori convenientium. Tali modò probavit Christus Dominus Apostolos in paupertate, ut constat Matth: Cap: 10. Ubi convocatis duodecim Apostolis, mittit, & ordinat eos, in universum orbem ad prædicandum Evangelium, sed simul cavet ut pro hoc itinere expediendo, neq; aurum, neq; argentum, neq; pecuniam, neq; peram, neque duas tunicas, neque calceamenta, neq; virgam accipiant. Postquam enim dixerit Christus Dominus locò citatò: *Euntes autem prædicate dicentes: Quia appropinquavit Regnum cælorum.* Deinde post pauca immediate subjungit. *Nolite possidere aurum, neq; argentum, neq; pecuniam in zonis vestris, non peram in via, neq; duas tunicas, neq; calceamenta, neq; virgam; dignus est enim operarius cibò suò.* Sapientissimè Magister Christe JESU, quomodo fieri poterit, ut Apostoli à te missi exeant in totum orbem, & tamen nihil


secum

secum auri nihil argenti, nihil pecuniæ accipiant? quo sibi pretio victum, quo potum, quo refectioem corporis comparabunt? venient plerumq; inter homines tanquam inter lupos, qui eos potius malint devorare, quam illis refectioem providere: venient ad tales civitates & oppida, à quibus lapidabuntur, percutientur, expellentur, & ultra fines exterminabuntur: ubi ergo refectioem quærent? quo famem & sitim extingvent? quando secum neq; aurum, neq; argentum, neq; pecuniam, neq; peram, neq; aliud simile habebunt? Venient tandem ad tales magistratus, qui eos carceribus intrudent, custodes, ne fugiant, adhibebunt, omnemq; viam qua Apostoli visitari & refici possint, præcludent: quis ergo Apostolos adjuvabit? quis illis aliquid providebit? quando erunt nudi, & omnî nervô destituti? si aurum, si argentum, si pecuniam haberent, possent ipsi custodes carcerum aurô conciliari, pecuniâ argentôq; placari, illisq; necessaria sui lucri gratiâ providere: quando autem nihil habebunt, à nemine ullum respectum vel providentiam

dentiam habebunt. Scivit hæc omnia Apostolis eventura Christus Dominus, cæterum his non attentis, sine omni provisione sumptuum, sine omni pecunia, auro & argento misit Apostolos in universum orbem, ut hac subtractione omnîs sumptûs & nervi ad viam requisiti probaret Apostolos in paupertate, quomodo illam amarent, quomodo in illa se exerceri vellent, & quantum in illa proficerent.

Candide Magister vitæ Apostolicæ, quando voles tuos novitios probare in paupertate & exercitio illius, sic illos proba, sicut probavit Apostolos Christus Dominus: Quam primum ingressi fuerint Religionem, providenda sunt illis omnia necessaria ad sufficientiam, imò aliquando etiam ad abundantiam, postquam huic sufficientiæ assueti fuerint, putabunt sibi talem semper adfuturam, ne ergo hac opinione præoccupentur, tunc captato apto tempore, subito mittendi sunt in aliquo negotio spirituali expediendo, ad aliquod oblongius iter, pro hoc autem itinere  
confi-

conficiendo, nihil ipsis de sumptu subministrandum, sed omnia subtrahenda, solaq; benedictio pro itinere impertienda. Qui ergo novitii hanc ordinationem suscipient, provisionemq; sumptuum pro itinere non exigent, signum erit, quod in paupertate profecerint, ejusq; amorem & exercitium sibi impesserint: qui verò de sumptu ac provisione itineris disputabunt, qui necessitates, pericula viarum, variosq; eventus ac occasiones afferent, de his signum erit, quòd nondum imbiberint paupertatis amorem, quòd nondum confidant plenæ providentiæ Divinæ. Quia verò non in omnibus, Religionibus est consuetudo mittendi novitios prædicandi, vel alicujus profectûs spiritualis capiendi gratiâ in remotiora loca, ideo probatio paupertatis eorum poterit fieri etiam domi, subtrahendo novitiis ea, quæ antea ordinarie dari solebant: hanc subtractionem postquam senserint, tunc imperfecti murmurabunt, perfecti vel saltem cauti silebunt; magister autem ex murmure & silentio, proportionata de singulis feret judicia.



## § I I.

*In quo proponitur secundus modus probandi novitios in paupertate.*

**S**ecundus modus probandi novitios in paupertate est, denegare illis comitatum, pompam, assistentiam, pretiosa aulæa, exquisita vestimenta, & alia his similia etiam si alias opulentissimi ditissimi fuerint, & ex nobilissimis Parentibus sint progeniti. Tali modo probavit DEUS Sanctum Patriarcham Jacob qui licet fuerit progenitus ex Patre ditissimo, nobilissimo ac celeberrimo, tamen incomitatus, & pedes, ac inops missus est in Mesopotamiam ut constat Genes Cap:28. Considerans hoc factum Pererius inquit: *Mirandum fortasse curiam accidit: Sanctum virum, Jacob opulentissimi Patris filium, & ad ducendam uxorem missum ab eo in longinquam Regionem, non esse missum cum numeroso famulorum servitio, honoratoq; amicorum comitatu*

comitatu, atq; ingenti copia, tum rerum  
 itinere commodè faciendo conducentium,  
 tum etiam pretiosorum munerum, ad La-  
 ban socerum, aliosq; cognatos sibi deme-  
 rendos. *Æstimet lector, quanta cum o-  
 pulentia & magnificentia servus Abrahæ  
 eundem in locum missus sicut inde uxorè du-  
 ceret ad Isaac.* Sic enim supra Genes:  
 24 scriptum est. *Tulit servus Abrahæ  
 decem camelos de grege Domini sui &  
 abiit ex omnibus bonis ejus portans se-  
 cum, profectusq; perrexit in mesopota-  
 miam.* Hujus itaq; quæstionis dat ratio-  
 nem Pererius: *Voluit DEUS id fieri; quò  
 Sancti Jacob in Deum fides, & pietas,  
 & fiducia vehementius excitaretur, & au-  
 gesceret, atq; illustrior apud omnes exi-  
 steret, ut is humanis opibus presiditq;  
 orbatus, ex Divinarum modo promissio-  
 num expectatione ac Divinæ munificen-  
 tiæ fiducia, totus penderet. Et ut ille  
 postea ex pauperrimo factus opulentissimus,  
 maximas Deo gratias perpetuò ageret,  
 cujus solius benignitate, ex tanta rerum  
 omnium inopia, in tantas bonorum co-  
 pias evasisset.*

Hoc igitur S. Patriarchæ Jacob  
 factum

factum proponat frequenter novitiis quilibet Magister, & continuò inculcet, ut etiamsi ex nobilissimis, ditissimis, & celeberrimis Parentibus sint progeneriti, tamen in Religione nullos prætendant comitatus, nullas assistentias, nullas pompas & apparentias, sed ita paupertatem colant, sicut eam coluit Sanctus Patriarcha Jacob, ita sint parati etiam pedester sine omni subsidio longum iter arripere, sicut illud arripuit S. Patriarcha Jacob. Paupertas enim & humilitas prædicti Patriarchæ euntis in Mesopotamiam, nec aliud secum ferentis nisi baculum, figura fuit humilitatis & paupertatis Christi Domini, ac crucis illius, quam pro nobis sustinuit: ut docet S. Doctor Augustinus: *Beatus Isaac quando filium suum mittebat in Mesopotamiam, DEI Patris typum præferebat. Jacob verò Christum Dominum præfigurabat. Isaac neglectis mulieribus Regionis quam ipse incolebat, misit filium suum Jacob ad Regionem longinquam, ut ibi uxorem acciperet: quia DEUS Pater missurus erat Unigenitum suum, qui repudiatâ Synagogâ, de gentibus*

N

*sibi*

sibi Ecclesiam sociaret. Hoc tunc in veritate completum est, quando Judeis Apostoli dixerunt; Vobis quidem oportebat loqui verbum Dei, sed quia vos indignos iudicatis eterne vite, ecce convertemur ad gentes. De Beato Jacob non legimus; quod cum equis aut camelis abiret, sed tantum legimus, quod baculum in manu portaverit. Sic enim ipse cum supplicaret Domino dixit: Minor sum omnibus tribulationibus tuis, cum baculo meo transivi Jordanem istum, & ecce cum duabus turmis regredior. Jacob ergo ad accipiendam uxorem exhibuit baculum, & Christus ad redimendam Ecclesiam, detulit Crucis lignum.

Quoniam igitur Jacob Patriarcha figuram Christi Domini ac Crucis ejus in se præferbat, ergo sicut ipsum Christum Dominum, ita & Patriarcham Jacob in humilitate & paupertate, imitari tenemur, consequenter à Magistris ita possumus probari, sicut fuit probatus à Deo Sanctus Patriarcha Jacob, non attendendo ad hoc, quali genere, Prosapia, Familiâ, Domô, & cognatione unipsumus originem. Horum enim attenden-

attendencia sicut nihil iuvat ad salutem, ita nihil prodest ad probationem, sed eam impedit & de integro tollit. O quot Cæsares, Reges, Duces, Senatores, Herodes, Imperatrices ac Reginae mundum deseruerunt, & tamen pristinam originem, cognationem, Familiam, Domum, minime attenderunt, sed se totos & totas regimini superiorum subiecerunt, rejectaq, omni pompâ, omni probationi Magistrorum humilime obedierunt. Utinam & modò excitet & in nobis DEUS tantum fervorem humilitatis, ut omnium, quæ habuimus obliuiscamur, & quæ acquirenda nobis restant, continuò euremus & ad illa obtinenda tendamus.

### § I I.

*In quo proponitur tertius modus probandi novitios in paupertate.*


Tertius modus probandi novitios in paupertate est, v.g. Subtrahere illis aliquid ex rebus ad usum quotidianum

num spectatibus tale, quod sit minoris momenti, pretii, & æstimationis, ceterum ejusdem naturæ & conditionis, ut sine illo commodè subsistere non possint, sive quo ad victum & potum, sive quo ad amictum. Sic DEUS probavit populum Isràeliticum, cui in solitudinem exeunti & per illam tres dies percurrenti, subtraxit sufficientiam Aquarum, ut constat ex scriptura dicente exodi 15. *Tulit autem Moyses Isràèl de mari rubro, & egressi sunt in desertum Sur, ambulaveruntq; tribus diebus per solitudinem, & non invenerunt aquam. Et venerunt in Mara, nec poterant bibere aquas de Mara, eò, quòd essent amaræ: unde & congruum loco nomen imposuit, vocans illum Mara, id est amaritudinem. Et murmuravit populus contra Moysen dicens: quid bibemus? at ille clamavit ad Dominum: qui ostendit ei lignum: quod cum misisset in aquas, in dulcedinem versæ sunt. Ibi constituit & præcepta atq; judicia & ibi tentavit eum dicens: Si audieris vocem Domini Dei tui, & quod rectum est coram eo feceris, & obedieris mandatis ejus, custodierisq; omnia præcepta illius, cunctis*  
*lingvo-*

*langvorem, quem posui in Ægypto, non inducam super te, ego enim sum Dominus DEUS Sanator tuus.*

Ubi notandum: non pretiosos liquores, non exacta vel opulenta fercula, sed solam puram ac simplicem aquam permisit DEUS subtrahi filiis Jsraël, vel eam non providit, ut potuerat providere, & tamen filii Jsraël murmurârunt: proinde etiamsi novitiis parva vel minuta aliqua subtrahentur, continget frequenter, quòd murmurabunt, & sic facilè patebit qualitas eorum & indoles. Notandum 2do, sicut DEUS non providit filiis Jsraël aquas sapidas & dulces, ita subministravit amaras, ad magis probandum eorum spiritum, quid etiam dicturi essent, postquam gustaverint aquas amaritudinis: parî modò procedendum cum novitiis; non solum ipsis subtrahenda aliquando necessaria vel non providenda, sed etiam amara applicanda, ut per illorum applicationem, fiat palam, quod coquitur intra.





## PUNCTUM III.

*In quo proponitur norma probandi novitios in profectu castitatis.*

Post expedita duo vota substantialia tandem de tertio brevissimè discurremus, nempe de castitate. Proinde sit.

### § I.

*In quo proponuntur modi probandi novitios in profectu Castitatis.*

Sicut Christus Dominus fuit ipsissima & perfectissima castitas, ita Discipulos non alios habere voluit, nisi castissimos. Modi autem, quibus eos probavit, instruxit, & exercuit in castitate sunt sequentes; *Primus*: quàm primum eos vocavit, statim eos induxit ad hoc, ut qui habebant uxores, eas relinquere, eis renunciarent, & nunquam amplius ad easdem, redirent, vel redire præ-

prætenderent, *2dus*: quod permiserit eis etiam medias inter turbas (in quibus aderant etiam mulieres!) conversari, commorari, & degere, nihilominus ita eos custodivit, ac suis gratiis extraordinariis prævenit, ut nullus ex Apostolis quidquam castitati repugnans fecerit, vel deliberatè cogitaverit. *Tertius*: quod eis præcluserit omnia incentiva Castitati repugnancia, qualia sunt: divitiæ, commoditates, & alia his similia: *Quartus*: quod eis adhibuerit omnia extinctiva libidinis, qualia sunt, voluntaria paupertas, voluntaria obedientia, voluntaria castigatio corporis per longa itinera: quis enim majora, periculosiora, & difficiliora itinera subivit, quàm Apostoli? ad quæ subeunda, inter alios fines etiam hoc fine induxit eos Christus Dominus, ut per hoc ipsum Apostoli corpus fatigarent, macerarent, mortificarent, & penitus spiritui subjicerent, & sic ad castitatē exercendam sese disponerent, in illaq; proficerent.

Candide Magister vitæ Apostolicæ his omnibus modis (exceptò 2do) probare potes & exercere tuos novitios, in pro-

fectu castitatis, & præterea sequentes cautelas tibi adjungo. *1ma*: ut postquam novitii se composuerint ad dormiendum, clavesq; in foribus ut debent reliquerint, tunc magister ex sua cella in silentio exeat, hujus & illius cellam cautè ingrediatur, videatq; quomodo se ad dormiendum composuerint? quomodo in suo lecto jaceant? an cooperti an discooperti? an laxè & impudicè an honestè & castè quiescant? an vestimenta & alias res habeat Religiose compositas? quod si aliquid contrarium repererit, statim dormientem excitet, de mala compositione moneat, doceat, instruat, vel si incapacem viderit, hoc ipsum in aliud tempus referat. *2da*: postquam mane surrexerint novitii, videat pariter & custodiat quomodo & quo habitu surrexerint? qualiter per curritoria incedant? an honestè & debitè vestiti &c. &c, ex his enim signis externis apparet internus status hominis: *3tia cautela* probandi novitios in exercitio castitatis, est hæc ut Magister spectet à longe & consideret discursus, jocos, conversationes, familiaria collo-

ia colloquia novitiorum inter se ipsos:  
in his enim qualis quis fuerit? appa-  
rebit: qui erunt casti, pudici, innocen-  
tes, etiam castè, pudice & innocenter  
loquentur, turpesq; vel laxos jocos  
averfabuntur: qui verò erunt laxi, dis-  
soluti impudici, resoluti, aulici, munda-  
dani, etiam laxos, impudicos, munda-  
nosq; jocos proponunt, irridebunt ali-  
os, qui talia erubuerint. Magister itaq;  
hæc spectans, pudicos & innocen-  
tes confirmare debet in suo  
proposito, laxos autem & impudicos  
refrænare, arguere & comprimere, quod  
si non emendaverint, superiori vel Ca-  
pitulo deferre. *Atta cautela est;* ut Ma-  
gister spectet inclinationem naturæ suo-  
rum Novitiorū, ad quid magis propensa  
est: qualis enim est alicujus inclinatio,  
tales plerumq; sunt & effectus, ex effe-  
ctibus autem facillè cognosci potest  
quid intra lateat juxta illud: *ex fructi-  
bus eorum cognoscetis eos:* Et hæc incli-  
natio naturæ non solum in præsentī  
materia, sed etiam in aliis omnibus spe-  
ctanda erit. *ita:* ut Magister novitio-  
rum spectet, si novitii non venerint ad  
novito-

novitiatū cum habitu acquisito & con-  
tracto tali, qui sit contrarius & rep-  
ugnans castitati: cum habitu autem præ-  
fato veniunt omnes illi, qui in vita se-  
culari laxè, dissolutè, impudicè, & lib-  
dinose vixerunt. Si ergo præfatum ha-  
bitum Magister in aliquo adverterit  
multum laborandum erit pro eradicatio-  
ne illius, nullus enim habitus ad erad-  
candum est difficilior, quàm habitus  
carnis: *ita est*: ut Magister spectet, &  
diligenter inquirat; qualibus tentatio-  
nibus aliquis novitius, magis impetatu  
& turbetur: cognita autem qualitate  
tentationum, facillè sciet statum Persona  
& quomodo illius fragilitati succurren-  
dum.

*7ma* ut advertat Magister qualiter  
se gerant novitii, si contingat eis ali-  
quando mulieres alloqui, vel cum illis  
in via, aut quocunq; alio loco concur-  
rere. Testatur Cæsarius lib! 4 Cap: 62  
quòd quidam Præpositus. Steinvelden-  
sis, exeundo de Monasterio in aliqua  
necessitate, non valde libenter accipie-  
bat secum juniores Monachos, sciens  
hoc illis esse periculosum propter ten-  
tationes

tationes Diabolicas. Die autem quadam dum unum juvenem in socium assumere, & ambo iter perficerent, secum colloquentes, & ecce Virgo formosa & eximiè pulchra, occurrit illis. Præpositus ex industria ac deliberatè equum suum detinuit, & illam virginem salutavit. Illa autem subsistens, inclinato capite cum magna reverentia resalutavit Præpositum. Dum autem paulisper ab illa virgine discederent, tunc Præpositus volens probare illum juvenem suum dixit: virgo hæc visa est mihi valdè formosa & egregia? & ille socius respondit: Credite mihi, Pater, & mihi hoc ipsum visum est. Ulterius Præpositus: adjecit: hoc unicum illam deformat, quod sit monocula, seu quod tantum unum oculum habeat: juvenis ille respondit: Credite mihi Pater, quod ambos oculos habeat, quia ego illam diligenter inspexi & observavi. Tunc Præpositus hęc responsò commotus inquit: Et ego bene inspiciam ac observabo dorsum tuum: debuisti fuisse tantæ simplicitatis & mansuetudinis, ut absolute nescires, utrum vir an fœmina fueris?

Rever-

Reversus igitur ad Monasterium: dixit senioribus: Vos Patres aliquando in vitio ducitis, quod Fratres junior nolim accipere mecum pro sociis, præmissâq: illis relatione de hoc, quod via factum fuerat, illum Juvenem valde graviter arguit, & punivit. Quasi industria usus est hic Præpositus in probando suo socio, tali vel simili utantur omnes Magistri in probandis circa castitatem novitiis, & facile deveniant in cognitionem ad quid propensi magis fuerint? Plura de Castitate alibi.

## C A P U T III.

*De Probatione Novitiornm in progressu ulteriori Novitiatûs.*

In Capite præcedenti ostendimus quomodo? & in quibus probandi sint Novitii post susceptionem habitûs religiosi? nunc ostendendum restat, quomodo & in quibus sint probandi in progressu ulteriori novitiatûs? & qui supra jam ostendimus quomodo sint pro-

probandi in votis substantialibus Religionis, ideo hic proponemus quomodo probandi in reliquis virtutibus distinctis à votis; hocq; ordiemur à virtutibus Theologicis, tum deinde descendemus ad alias virtutes Morales. Ut autem de his omnibus distinctius agamus, Caput præsens in duo puncta dividemus.

## PUNCTUM I.

### *De Probatione Novitiorum in Virtutibus Theologicis.*

Virtutes Theologicæ sunt tres: Fides, spes, & Charitas. De his, singulis Paragraphis agemus. Itaq; fit.

#### § I.

*In quo proponuntur aliquot modi probandi novitios in Fide.*

**P**rimus modus probandi novitios in Fide est per exercitia Fidei; proponend.

nendo illis, aliqua ad credendum difficilia, & simul à longe attendendo, utrum dictis firmiter credant? Taliter probavit Apostolos Christus Dominus Matthæi 10 dicendo ad illos. *Quem dicunt homines esse Filium hominis? at illi dixerunt: Alii Ioannem Baptistam, alii autem Eliam, alii vero Ieremiam, aut unum ex Prophetis; Dicit illis IESUS: vos autem quem me esse dicitis? Respondens Simon Petrus dixit: Tu es Christus Filius Dei vivi* Taliter item probavit Christus Martham. Joannis 11, ad quam cum Christus Dominus invitatus Lazarus mortuo veniret, illa dixit ad JESUM; *Domine si fuisses hic, Frater meus non fuisset mortuus, sed & nunc scio quia quodcumque poposceris à Deo, dabit tibi DEUS. Dicit ei JESUS: Resurget Frater tuus. Dicit ei Martha: scio quia resurget in resurrectione in novissimo die: Dixit ei JESUS. Ego sum Resurrectio & vita. Qui credit in me, etiamsi mortuus fuerit vivet: & omnis, qui vivit & credit in me, non morietur in æternum? & adjecit Christus Dominus: *Credis hoc (Ecce probatio in fide) Ait illi (nempe Martha) Utiq; Domine**

credidi, quia tu es Christus Filius  
qui vivi, qui in hunc mundum venisti.

Quando ergo & Magister instruet  
novitios, probet illos etiam in fide,  
probet per actus & exercitia fidei: unde  
quando eis proponet hæc & illa do-  
ctrina, non semel examinandi erunt,  
interrogandi; Creditis hoc? si respon-  
debunt se credere idq; factis osten-  
dent, non dubia spes erit profectus eo-  
rum, si autem hæsitabunt & vacillabunt  
credendo, tandiu confirmandi erunt,  
quandiu plenè non crediderint. Porro  
probatio hæc in fide duplex potest esse,  
una quo ad actus fidei communes omni-  
bus fidelibus, alia quo ad actus fidei  
speciales viris Religiosis: novitii ergo  
non tantum probandi sunt quo ad actus  
fidei communes omnibus fidelibus sed  
etiam quo ad actus & articulos fidei,  
speciales viris Religiosis, nimirum utrū  
credent quantæ sunt virtutis & efficacix  
opera substantialia Religionis? quantam  
elicitatem, pacem, gloriam, & fructum  
conferant? item utrū credant quanta  
illis DEUS, & Christus Dominus pro-  
miserit præmia? item utrū credant quod  
status

status religiosus fit perfectior & tutior quam alii, item utrum credant quod aliter salvari non possint nisi patiantur? item utrum credant superiorem suum esse constitutum in loco Dei, adeoq; utrum illum audiant tanquam Deum & in loco Dei constitutum; item probandi sunt iidem novitii utrum doctrinis, instructionibus, exemplis, conferentiis exhortationibus Magistri, credant reverenter & submisse? & quomodo hæc omnia suscipiant? &c. &c.

Secundus modus probandi novitios in fide, est novitiis aliquo euntibus adungere se incognitò vel aliquem alium ad hoc subordinare, ut illis se insperatè adjungat; postquam autem illis adjunctus fuerit, nec tamen ab eis cognitus, tunc incipiat loqui de his in quibus à Magistro docti, præcauti, & instructi sunt novitii: moveat item discursum de his, quæ accidere solent, vel jam illis acciderunt in novitiatu: innuat præterea de austeritatibus Religionis, de Regula, statutisq; & Constitutionibus Ordinis: commemoret etiam aliquid de ipso Magistro, qualis & quas dotes habeat

habeat &c quantæ prudentiæ & experientiæ sit. &c ad hos sermones cum respondebunt Novitii; & ingerent se discursui, facilè patebit utrum credant doctrinæ, educationi, & instructioni Magistri & quid de ipso Magistro sentiant? Hâc Methodò probavit Christus Dominus illos duos Discipulos euntes in Castellum Emmaus ut constat Lucæ 24. *Duo ex Discipulis JESU ibant ipsa die in Castellum, quod erat in spatio sexaginta stadiorum ab Ierusalem, nomine Emmaus. Et ipsi loquebantur ad invicem, de his omnibus quæ acciderant. Et factum est, dum fabularentur, & secum quærerent. Et ipse JESUS appropinquans ibat cum illis: oculi autem eorum tenebantur, ne eum agnoscerent, Et ait ad illos; qui sunt hi, sermones quos confertis ad invicem ambulantes, & estis tristes: & respondens unus cui nomen Cleophas dixit ei. Tu solus peregrinus es in Ierusalem, & non cognovisti quæ facta sunt in illa, his diebus? Quibus ille dixit, quæ? & dixerunt de JESU Nazareno, qui fuit vir Propheta potens in opere & sermone coram Deo & omni populo.* Quomodo  
eum

*eū tradiderunt summi Sacerdotes & Prin-  
 cipes nostri in damnationem mortis, &  
 crucifixerunt eum, nos autem speraba-  
 mus quia ipse redempturus esset Israel: &  
 nunc super hæc omnia tertia dies est hodie,  
 quod hæc facta sunt. Sed & mulieres  
 quedam ex nostris terruerunt nos, quæ  
 ante lucem fuerunt ad monumentum, &  
 non invento corpore ejus venerunt dicen-  
 tes, se etiam visionem Angelorum vidisse,  
 qui dicunt eum vivere. Et abierunt qui-  
 dam ex nostris ad monumentum, & ita  
 invenerunt, sicut Mulieres dixerunt, ipsum  
 verò non invenerunt.*

Ex hoc toto progressu Christi Do-  
 mini, cum præfatis duobus Discipulis  
 euntibus in Castellum Emmaus, colligi  
 & inferri potest, quàm benè successerit  
 Christo Domino modus probandi hic  
 propositus. Vix enim Christus Domi-  
 nus, appropinquans incognitè Discipu-  
 lis, cum illisq; cæpit loqui de illis quæ  
 facta sunt in Ierusalem, statim præfati  
 Discipuli se ipsos prodiderunt, quid  
 lateret in cordibus eorum, per suumq;  
 discursum manifestè ostenderunt debili-  
 tatem fidei contra ea, quæ illis antea  
 dicta

licita fuerant, dubitabantq; utrum ea  
eventura sint, quæcunq; audierunt à  
Christo & Prophetis: quæ debilitas fidei  
& dubitatio constat ex illis verbis: *nos  
autem sperabamus quia ipse redemptu-  
rus esset Israel, & nunc super hæc omnia,  
tertia dies est hodie, quod hæc facta sunt:  
ac si dicerent: nos sperabamus quod  
ipse esset redempturus Israel, & ecce  
iam tertia dies præterit, & nihil de hac  
redemptione apparet. Si ergo simili  
modò & Magister novitiorum velit  
probare suos novitios, sine dubio facile  
assequetur, quid in illis lateat: quem  
enim absolutè non noscimus, nec co-  
gnoscimus; quis sit & quo nobiscum sine  
loquatur? hunc etiam non vitamus,  
sed in omni securitate coram eo sensum  
nostrum & mentem aperimus, ex hac  
autem apertione sensus nostri, statim  
probatur, & experimentum desumitur  
quid lateat in nobis? quod intendamus?  
quid cogitemus? & quo feramur.*

Tertius modus probandi novitios  
in fide est; tunc dare doctrinam aliquam  
fidei certis & nonnullis novitiis, quan-  
do reliqui sunt absentes, postquam

autem absentes venerint & resciverint datam esse aliquam doctrinam à Magistro, tunc aliqui credent, aliqui non credent, & sic de singulis habebitur sufficiens probatio quid valeant? Tali modò probavit Thomam Christus Dominus in fide, Joan. 20. ubi dicitur. *Cum serò esset die illa, una sabbathorum, & fores essent clausæ, ubi erant Discipuli, congregati propter metum Iudeorum; venit JESUS & stetit in medio & dixit eis: Pax vobis. Et cum hoc dixisset, ostendit eis manus & latus. Gavisí sunt ergo Discipuli visò Dominò. Dixit ergo eis iterum. Pax vobis, sicut misit me Pater, & ego mitto vos. Hæc cum dixisset insufflavit, & dixit eis. Accipite spiritum Sanctum; quorum remiseritis peccata remittuntur eis & quorum retinueritis retenta sunt. Thomas autem unus ex duodecim qui dicitur Didymus, non erat cum eis, quando erat JESUS. Dixerunt ergo illi alii Discipuli: vidimus Dominum. Ille autem dixit eis: nisi videro in Manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam.*

Hinc

Hinc patet quàm pulchrè enituit incredulitas Thomæ, ex eo quod absens fuerit quando Christus Dominus, de sua resurrectione testimonium dedit: proinde si tu absentib9 aliquib9 novitiis doctrinas & præcepta dabis, non omnes & præsertim absentes doctrinæ præceptisq; tuis credent, eo autem ipso quia non credent jam habebis sufficientem probationem & iudicium de illis, qui enim non credit jam iudicatus est. Licet autem plurima alia sed ante omnia, fides est necessaria novitiis: imo ut credant his quæ dicta sunt, per scripturam & Prophetas: 2do ut credant his quæ dicuntur à Magistro: nisi enim crediderint his quæ dicuntur, docentur, et referuntur à Magistro: nullatenus proficere & probationem sustinere poterunt; nemo enim illud libenter audit; quod non credit.


Quartus modus probandi novitios in fide est, ut Magister induat speciem dormientis, & ita se ad actiones novitiorum exhibeat, ac si esset dormiens. Tali modo probavit Apostolos Christus Dominus Matthæi 8.

Cap: cum enim ibidem Christus Dominus dormiret, Apostoli pro tunc hæsitantur in fide, timentesq; periculum maris, ausi sunt suscitare Christum Dominum dormientem, ut constat ex sequenti textu evangelii ubi dicitur. *Et ascendente eo in naviculam, secuti sunt eum Discipuli ejus: Et ecce motus magnus factus est in mari, ita ut navicula operiretur fluctibus: ipse vero dormiebat. Et accesserunt ad eum Discipuli ejus & suscitaverunt eum dicentes Domine salva nos perimus. Et dicit eis JESUS Quid timidi estis modicæ, fidei? Sicut ergo dormiente Christo Domino, patuit infirma fides Apostolorum; ita dormiente Magistro, patebit infirma fides Novitorum.*

Quintus modus probandi novitios in fide, est dare illis potestatem aliquid agendi, operandi, & exercendi, tum deinde illam insperatè subtrahere. Tali modo probavit Apostolos Christus Dominus: illis enim dedit potestatem dæmonia ejiciendi, tandem cum quendam Lunaticum à Dæmone obsessum, deduceret ad Apostolos Pater  
 suus,

suus, tunc Apostoli non potuerunt eum curare, quod illis Christus Dominus datam antea potestatem, ad interim subtraxit & limitavit, ut probaret fidem eorum. Constat hoc totum ex Matth: Cap: 17 ubi dicitur. *Et cum venisset ad turbas accessit ad eum, homo genibus provolutus ante eum dicens. Domine miserere filio meo, quia lunaticus est, & malè patitur, nam sepe cadit in ignem, & crebro in aquam, & obtuli eum discipulis tuis, & non potuerunt curare eum, Respondens autem JESUS ait: ô generatio incredula & perversa, quousq; ero vobiscum? usquequo patiar vos? Afferte huc illum ad me, & increpavit illum JESUS, & exiit ab eo Demonium: & curatus est puer ex illa hora. Tunc accesserunt discipuli ad JESUM secretò, & dixerunt. Quare nos non potuimus eicere illum: Dixit illis JESUS: propter incredulitatem vestram, Amen quippe dico vobis, si habueritis, fidem sicut granum sinapis, dicetis monti huic, transi, hinc, illuc, & transibit, & nihil impossibile erit vobis.*





## § I I.

### *In quo proponuntur aliquot modi probandi novitios in virtute Spei.*

**P**rimus modus probandi novitios in virtute spei, est infirmare, debilitare, & quodammodo destruere illorum spem, repræsentando illis austeritates Religionis, incommoda vitæ religiosæ, rigorem superiorum, gravitatem & frequentiam jejuniorum, vigiliis nocturnas: his repræsentatis dicere huic & illi novitio: dubia est spes de tua perseverantia, fortitudine, & constantia; tua enim complexio est debilis, natura fragilis, educatio in vita sæculari fortè fuit delicatior, proinde vix sperabile est, ut tu tanta onera austeritates & munia, quæ in nostra Religione omnino subeunda sunt, superare valeas. Reflectaris igitur tempestivè, & delibera cito quid factururus sis. Ad hæc vel similia ex intentione spiritus probandi proposta.

sita, si novitius respondebit se timere  
utrum prædicta omnia superabit, tunc  
apparebit in eo defectus spei: Si autem  
dicet, qualescunq; rigores & austeritates  
mihi contingent, has omnes spero in  
Domino me superaturum, tunc in eo  
apparebit profectus spei, consequen-  
ter in eadem spe magis confirmandus,  
& docendus ut utatur frequenter illis  
Psalmistæ verbis: *In te Domine spera-  
vi non confundar in æternum;* vel illis:  
*Quoniam tu Domine singulariter in spe  
constituisti me:* vel illis: *Dominus illumi-  
natio mea & salus mea, quem timebo?  
Dominus protector vitæ meæ, à quo tre-  
pidabo? Dum appropiant super me nocen-  
tes ut edant carnes meas: Qui tribu-  
lant me inimici mei, ipsi infirmati sunt  
& ceciderunt. Si consistant adversum  
me castra non timebit cor meum. Si exur-  
gat adversum me prælium in hoc ego spe-  
rabo. Unam (rem) petii à Domino, hanc  
requiram; ut inhabitem in domo Domini  
(scilicet in domo religiosâ) omnibus die-  
bus vitæ meæ. Ut videam voluptatem  
Domini (quam habent omnes illi qui vi-  
vunt religiose) & visitem templum, ejus  
scili.*

scilicet Regnum Cælorum Viris Religiosis appromissum. His vel similibus verbis, dum utetur novitiis, accendetur magis ad amplectendum statum religiosum, & in profectu spei magis confirmabitur, præsertim si illi Magister benè imprimat, quod DEUS nunquam relinquat sperantes in se, juxta illud: *Multa flagella peccatoris; sperantem autem in Domino Misericordia circumdabit.*

2dus modus probandi novitios in virtute & profectu, spei, est illis multa eaq; grandia & notabilia promittere, effectum tamen promissionis in instanti non ostendere, sed omnia in futurum differre. Tali modo probavit Apostolos Christus Dominus, quibus plurima & maxima promittere solitus fuit, ea tamen stante vita sua illis non exhibuit, sed in futuro exhibenda, exequenda, & concedenda censuit. Sic Matthæi 19. dixit Petrus ad JESUM Magistrum suum, nomine omnium Apostolorum, *Ecce nos reliquimus omnia & secuti sumus te, quid ergo erit nobis?* JESUS autem dixit illis, *Amen dico vobis, quod*

quod vos qui secuti estis me in regeneratione, cum sederit Filius hominis in sede Majestatis sue sedebitis & vos super sedes duodecim judicantes duodecim tribus Israël. Et omnis qui reliquerit domum, vel fratres, aut sorores, aut Patrem, aut Matrem, aut uxorem, aut filios, aut agros, propter nomen meum? centuplum accipiet & vitam eternam possidebit. Multi autem erant primi, novissimi, & novissimi primi.

### § III.

*In quo proponuntur aliquot modi probandi novitios in Charitate.*

**P**rimus modus probendi novitios in Charitate est; frequenter inquirere ex illis, utrum verè, sincerè, & toto corde diligant Deum? quod si repetitis vicibus responderint constanter, quod diligant, tunc in fundamento istius dilectionis imponendum est illis aliquod onus & officium grave, ut illud ex amore & Charitate Dei patienter ferant, & susti-

& sustineant. Tali modò probavit Christus Dominus Petrum Apostolum Joannis 21. Cap: primò enim multis vicibus inquisivit ex Petro, utrum se diligeret? *Cum autem prandisset, dixit Simoni Petro JESUS? Simon Joannis diligis me plus his? Dixit ei: etiam Domine, tu scis quia amo te, Dicit ei: pasce Agnos meos, Dicit ei iterum: Simon Joannis diligis me? ait illi: etiam Domine, tu scis, quia amo te. Dicit ei pasce agnos meos. Dicit ei tertio. Simon Joannis amas me? Contristatus est Petrus quia dixit ei tertio amas me? Et dixit ei: Domine tu omnia nosti, tu scis quia amo te. Postquam ergo Christus Dominus sufficienter examinaverit Petrum de dilectione sui, tum deindè dedit ei potestatem non tantum agnorum, sed etiam omnium universaliter pascendarum ovium: *Pasce oves meas.* Tali modò procedat sibi Magister cum novitiis: imò sufficienter illos examinet, utrum verè diligant Deum, jam autem post sufficiens examen, committat eis aliquid faciendum, propter amorem Dei.*

Habetur in speculo exemplorum  
sub-

sub titulo: de amore Dei, quòd quædam virgo nobilis annorum quatuordecim, erga Beatissimam Virginem Mariam fuerat specialiter devota. Hæc itaq; virgo multis precibus per septem annos exorabat Pretiosissimam Matrem Dei, ut ei Filium suum demonstrare dignaretur. Tandem præfata Virgo in vigilia nativitatis Domini, orationis causâ sola ingressa est quandam Capellam, ubi dum oraret, apparuit virgo pulcherrima tenens filiū in manibꝯ suis, & dixit ad virginem orantem: Accipe Filium meum & consoleris cum eo; & fecit hoc in instanti præfata virgo orans. Cum ergo porrectum Filium accepisset, dixit ei Infans ille. Diligis me? respondit virgo: omnino diligo. Tum dixit Infans: quantum? respondit virgo. Plus quam corpus meum. Ad hæc infans quomodo me diligis? & illa respondit. Plus quam cor meum? Et iterum respondit Infans JESUS: Quomodo plus quam cor tuum diligis me? & illa dixit. Nescio respondere, respondeat ipsum cor meum. Hoc cum dixisset, statim in illa cor ejus ab amore disruptum & apertum

apertum est. Tunc Beatissima virgo MARIA, suscepit animam ipsius cum cantu Angelorum, & reduxit ad cælum. Ad hunc cantum Angelorum familia domestica concurret, virginem mortuam invenit, penes quam odore ineffabili omnes repleti exstiterunt. Fratres autem Ordinis Prædicatorum præsentés, in aperto & disrupto corde, hoc aureis literis reppererunt scriptum. *Diligo te plus quam me, quia me creasti redemisti, & donasti.* Scivit Optime Infans JESUS, quantum & quomodo eum præfata virgo diligeret, & tamen eam repetitis vicibus interrogavit, quantum & quomodo eum diligeret, quod ideo fecit, ut eam melius in amore & charitate probaret, quare licet etiam novitii frequenter asserant se Deum diligere, tamen in hac dilectione sunt frequenter probandi, ut per frequentes actus Charitatis Dei, assvescant, amare DEUM.

2dus modus probandi novitios in charitate est; demandare illis exactam præceptorum Divinorum ac humanorum adimpletionem, quæ si omnia adimpleve-

impleverint, signum erit veræ ac perfectæ charitatis erga Deum. Fundamentum istius doctrinæ constat ex oraculo ipsius Christi Domini Ioannis Cap. 14 dicentis: *Si quis diligit me, sermonem meum servabit, &c, qui non diligit me sermones meos non servat*, super quæ verba scribens S. Gregorius Homil: 30 inquit. *Sed ecce si unus quisq; vestrum requiratur, an diligat Deum? totâ fiduciâ & segura mente respondet: diligo.* In ipso autem lectionis exordio audistis, quid Veritas dicit. *Si quis diligit me sermonem meum servabit.* Probatio ergo dilectionis exhibitio est operis, Hinc in epistola sua idem Ioannes dicit: *Qui dicit, diligo Deum & mandata ejus non custodit, mendax est.* Verè etenim Deum diligimus, & mandata ejus custodimus, si nos à nostris voluptatibus coarctamus. Nam qui adhuc per illicita desideria diffluit, profecto Deum non amat: quia ei in sua voluntate contradicit.

Tertius modus probandi novitios in charitate, sunt omnes adversitates, discrimina, afflictiones, & pericula, hoc est: Si præfata omnia patienter ferant  
novitii

novitii propter amorem Dei, tunc signum est, quod verè diligant Deum; Sicut enim aurum per ignem, ita homo optimè probatur per adversitatem: Unde Nissenus in Dominica 20 inquit. *Qui bene probare vult dispositionem cordis, tangat pulsum in sinistra, ut medici solent; ita & qui vult probare dispositionem dilectionis, tangat & probeb hominem in adversitate, quia certior est probatio; verus enim amor, nonnisi passionibus probatur.*

## CAPUT IV.

### *De Probatione Novitiorum in Virtutibus Moralibus.*

**P**ostquam Magister sufficienter novitios probaverit tum in votis substantialibus Religionis, tum in virtutibus Theologicis, descendere postea debet ad probandos eosdem novitios in Virtutibus moralibus. Cum ergo jam tam de votis substantialibus, quam Virtutibus Theologicis modos probandi attulerimus,

erimus etiam de Virtutibus Moralibus aliquid dicendum est; Et licet sylvarum dicendarum hic occurrat, tamen paucissima & valdè breviter proponemus, idq; tantum adferemus modos probandi in virtutibus moralibus principalioribus, & magis necessariis cuilibet novitio. Cum autem Humilitas, & Patientia, sint principales virtutes morales, novitio necessariæ; ideo primo de his, tum de aliis discurremus brevissimè, maximè ideo, quia alibi seorsivam partem tradituri sumus, de virtutibus moralibus, si DEUS voluerit.

§ I.

*In quo proponuntur aliquot modi probandi novitios in humilitate.*

**P**rimus modus probandi novitios in humilitate est, exemplum humilitatis à Magistro dandum. Et tali modò probavit Apostolos Christus Dominus, cum enim vellet eos docere & instruere in profectu humilitatis, ipse prius dedis-

P

illit

illis in se exemplum humilitatis, tum  
 deinde ad eandem humilitatem exercen-  
 dam, Apostolos hortatus est dicens:  
*Postquam verò lavit pedes eorum, & accepit  
 vestimenta sua; cum recubisset iterum  
 dixit eis; Scitis quid fecerim vobis? vos  
 vocatis me Magister & Domine; & bene-  
 dicitis, sum etenim. Si ergo ego lavi  
 pedes vestros Dominus & Magister; &  
 vos debetis alter alterius lavare pedes.  
 Exemplum enim dedi vobis, ut quemad-  
 modum ego feci, ita & vos faciatis.*

Secundus modus probandi novi-  
 tios in humilitate est, ut cognoscat, & co-  
 gnoscere curet Magister, si aliquis ex  
 novitiis velit esse major alis, habitâ  
 autem hae cognitione, faciat eum Mi-  
 nistrum & servum omnium, juxta do-  
 ctrinam ipsius Christi Domini, Matthæi  
 Cap: 20 datam. *Scitis quia Principes  
 gentium dominantur eorum, & qui majores  
 sunt, potestatem exercent inter eos.  
 Non ita erit inter vos, sed quicumq;  
 voluerit inter vos major fieri, sit vester  
 minister, & qui voluerit inter vos pri-  
 mus esse, erit vester servus sicut Filius  
 hominis non venit ministrari, sed ministrare*  
 &c.

§c. Exemplum istius doctrinæ habetur evidens, Matthæi 18 cum Apostoli accessissent ad JESUM dicentes: *Quis putas major est in Regno cælorum?* tunc JESUS cognitâ mente Apostolorum, quod aliqui ex illis vellent majores esse, advocavit puerum & statuit eum in medio eorum & dixit. *Amen dico vobis, nisi conversi fueritis & efficiamini sicut parvuli, non intrabitis in Regnum cælorum. Quicumq; ergo humiliaverit se sicut parvulus iste, hic est major in Regno cælorum.*

Reliqui modi probandi novitios in humilitate sunt varia exercitia ejusdem humilitatis, quibus antiqui & varii Patres probabant suos novitios: Sic apud antiquos Patres Ægypti, moris erat, (de quo supra jam diximus) quod dum aliquis in monasterium se suscipi rogaverit, non ante ad mittebatur, quam diebus decem & amplius præ foribus Monasterii excubans indicium perseverantiæ suæ, pariter & humilitatis, & patientiæ demonstraverit. Cumq; omnium Fratrum prætereuntium genibus provolutus, & ab universis refutatus atq;

despectus esset injuriis quoq; multis affectus, experimentum dederit constantiæ suæ, & qualis sit futurus in tentationibus, opprobrii tolerantia, declaraverit, tunc demum suscipiebatur & in vita religiosa instruebatur.

Tali præterea modo probant alii varii Patres suos novitios: Sic dum Ioannes Damascenus, vir præclarus ac Dives multisq; honoribus auctus ingressus esset Monasterium, commissus est regimini cujusdam senioris ac Magistri, cui ante omnia visum est, ut in Ioanne Damasceno poneret fundamentum humilitatis, quod ut efficeret varia ipsi exercitia humilitatis assignabat, injungendo ipsi vilissima exequi obsequia, videlicet ollas & lebetes expurgare, quisquillas verrere, loca secreta mundare, & alia his similia expedire; quæ omnia dum Ioannes Damascenus exequeretur, ille senior Ioannem Damascenum tanquam nihil bonifaceret, arguebat increpabat & admonebat.

Tali modò probavit Magister ihu Comitem (dequo Cassianus de Institutis renunc. C. 9.) Præfatus Comes familiâ & clarus

claro opibus & in scientiis eruditio sufficienter, relictis nobilissimis Parentibus & fortunā, ingressus est Monasterium: Magister ad probandum ejus spiritum & fervorem fidei in instanti præcepit ei, ut decem sportas humeris suis impositas per plateas Urbis ad vendendum ferret, cum hac conditione ac præcautione, ut si quis vellet omnes simul emere, id non permetteret, sed ut seorsim, singulas venderet, ut sic diutius exercitium humilitatis, & probationis continuaret. Implevit hoc totum Comes ille cum magna devotione, & contemptu propter amorem Christi Domini. Tali modō probavit ille superior Isidorum primarium Civem Alexandrinum, cui in prima sui susceptione, injunxit ut ante fores Monasterii staret, & cuilibet tam ingredienti quam egredienti pronus ad pedes caderet dicendo. Ora pro me Pater quia peccavi. In hoc itaq; exercitio humilitatis perseverabat continuo septem annis, quod dum videret superior, eum inter alios Fratres annumeravit. Sed Isidorus multis supplicationibus petit per alios

Fratres ac per Joannem Climacum, ut ad prius exercitium standi ante fores rediret innuendo, cautè finem vitæ tuæ imminere Quod dum ei concederet superior, post decem dies cum gloria migravit ad Dominum.

Refert Ioannes Climacus gradu 4to de obedientia, quod dum certo tempore federet ad mensam, magnus ille Prælati & Doctor Isidorus dixit ad eum vis ut in summa Senectute ostendam tibi prudentiam Dei? respondit Climacus: vellem hoc libenter videre. Tum Isidorus vocavit ab altera mensa quendam senem Laurentium nomine ac Presbyterum, qui in Religione transegit 48 annos. Quamprimum venit ille Laurentius Presbyter flexit genibus ante Abbatem petiit benedictionem & accepit, sed postquam surgeret nihil ei dixit Isidorus, sed permittit eum stare ante mensam non tamen comedere, licet tunc fuerit initium refectionis Præfatus ergo Laurentius Presbyter per duas fere horas stabat ante mensam immotus. Quod dum videret Ioannes Climacus, erubescibat (ut ipse refert) nec audebat vultum

ius intueri eo quòd jam ille Laurentius Præsbyter, Seniculus esset habens annos octoginta & sic sine responso stabat ante mensam ad finem refectionis. Dum surgerent à mensa, Abbas Isidorus iussit eundem Laurentium recitare Psalimum 39num. Finitâ mensâ supradditus Ioannes Climacus interrogavit Laurentium Præsbyterum quid tunc cogitaret, dum ante mensam tam diu staret? respondit, in Persona superioris, statui mihi Dominum JESUM nulla ratione credendo quod superior mihi præciperet, sed ipse DEUS: unde non tanquam ante mensam hominum, sed tanquam ante altare Dei stabam, Deum meum & Creatorem meum orando, nullam malam cogitationem contra superiorem meum admittendo ex fidelitate & amore erga illum. De Macedonio Archidiacono testatur Ioannes Climacus, quod dum immineret festum trium Regum, petiit Abbatem suum ut in quibusdam suis negotiis posset adire Alexandriam, rediturus pro festo trium Regum. Sed cum per astutiam Dæmonis pro destinato tempore non rediret,

Abbas privavit Macedoniũm officio Archidiaconatũs seu Diaconatũs & inter postremos novitios annumeravit. Suscepit libenter hanc pœnam Macedonius, tanquam non ille sed tanquam alius effet punitus. Dum in hac pœnitentia quadraginta dies transegisset restituit ipsum Abbas officio suo. Sed Macedonius transacta una solum die in officio suo obnixè petiit Abbatem; ut eum pristino statui privationis ac humiliationis inter postremos novitios restitueret, dando causam quod aliquid gravius in Civitate permiserit. Abbas videns quod Macedonius hoc ipsum ex amore humilitatis peteret, concessit ei quod petiit. Hic Macedonius dum interrogaretur, quare præfato exercitio humiliationis se ipsum spontè subderet? respondit, se nunquam fuisse ita liberum ab omnibus tentationibus & nunquam ita gustasse dulcedinem cœlestis lucis sicut tunc, dum inter postremos novitios locaretur.

Scribitur in vitis Patrum, Parte 2da libro de humilitate, quod venerint aliquando senes ad Abbatem Antonium, & erat

& erat cum eis etiam Abbas Joseph. Volens autem Abbas Antonius probare eos movit sermonem de scripturis Sanctis & cepit interrogare à junioribus quid esset hoc, aut illud verbum? & singuli ei dicebant prout poterant. Ille autem dixit: necdum invenistis. Post omnes verò dixit Abbati Joseph: Tu quomodo dicis esse verbum hoc? ille autem respondit: Nescio: & ait Antonius; Tu solus invenisti humilitatis januam.

Ex hæcenus adductis exemplis constat quibus modis antiqui probaverint suos subditos in virtute humilitatis? His ergo omnibus possunt etiam omnes Magistri probare suos novitios: plura si habere voluerint legentibus ubique patere possunt.

§ I I.

*In quo Proponuntur aliquot modi probandi novitios in virtute patientiæ.*

**P**rimus modus probandi novitios in virtute patientiæ, & per inflictionem  
cujus-

cujuscunq; rei molestæ, asperæ, ingratae, quacunq; ratione hominem irritantis. Tali modo in virtute patientiæ probavit DEUS Optimus maximus Patres & Patriarchas veteris testamenti, uti Abraham, Isaac, Jacob, Joseph, Tobiam, Job, David & alios. Tali modò probavit Apostolos Christus Dominus per totam & universam vitam eorum, siquidem tota vita Apostolorum constabat innumeris persecutionibus, molestiis, invidiis, discriminibus, periculis flagellis, fame, frigore, siti, & aliis similibus quæ omnia ideo permisit Christus Dominus in Apostolos, ut per horum omnium tolerantiam probarentur & darent experimentum patientiæ.

In libro sententiarum Patrum §22 refertur fuisse quosdam duos Monachos in una cella residentes quorum humilitas & patientia à multis Patribus laudabatur. Auditâ hac fama eorum, vir quidam voluit probare & experiri, utrum veram patientiam & humilitatem haberent? venit ad eos visitandi gratiâ dum ab illis, cum magno gaudio susceptus esset & secundum morem celebratis orationi-

orationibus & Psalmis exiit extra cellam eorum & conspexit parvulum hortum in quo olera sua ad usum habebant: accepto igitur utraq; manu baculo, omnia illa olera & herbas destruxit, evertit, & penitus eradicavit ita ut nec minimum aliquid integrum remaneret, Hoc factum videntes illi duo Fratres, ne minimum quidem verbum contra præfatum virum herbas & olera destruentem dixerunt, neq; in vultu suo aliquam tristitiam vel rugam ostenderunt. Postea intrarunt cellam & absolutis vespertinis orationibus, flexis genibus coram illo sene probante illos dixerunt: Jube Domine ut eamus & si aliquos caules brassicæ inveniemus ut præparemus & comedamus, quia jam venit hora ut aliquam refectioem capiamus. Tunc senex cadens in terram veneratus est eos dicens: gratias ago Salvatori nostro Christo quoniam video spiritum Sanctum requiescentem in vobis & propterea pervadeo, exhortor vos fratres charissimi, ut ad finem usq; Sanctæ humilitatis & patientiæ virtutem custodiatis ut illa vos in Regno cælorum magnos

magnos & laudabiles in conspectu Dei ostendat. Hoc vel simili modo procedat sibi Magister cum novitiis hoc est si extra cellam vel in cella videat aliqua opera eorum sive scripta sive alio artificio facta, hæc in instanti etiam nulla data occasione à novitiis, proprio motu destruat evertat vel ejiciat, tunc in eodem momento habebit experimentum patientiæ vel impatientiæ.

Secundus modus probandi novitios in virtute patientiæ est, velle eos expedire de anno Probationis & gremio Religionis quamvis capaces ad omnia videantur, ac nullam notam contra se habeant. Tali modo probavit quidam Episcopus Abbatem Moysem, ut constat in libro doctrinæ Patrum numero 13. Cum enim Abbas Moyse minores Ordines suscipere & dum illi superpelliceum imponeretur dixit ei Episcopus Ordinator ejus. Ecce modo Abbas Moyse factus es Candidatus! & ille respondit: quomodo putat Sanctitas tua, intrum intus an tantum extra? tunc Episcopus volens probare Abbatem Moysem, dixit Clericis: quando  
Abbas

Abbas Moyſes intrabit ad Altare expellite illum & ſtatim ſequimini eum, ut audiatis quid etiam dicet? Dum ergo eum expellerent dicentes. Vade hinc ethiops, tunc ille exeundo dicebat: Bene tibi factum eſt. fordide & denigrate, cum enim eſſes beſtia, auſus es hominibus permifceri. Quando ergo & Magiſter volet probare ſuos novitios & patientiam eorum, utatur pari ſtratagemate nempe, injungat inſtructorī vel cuicumq; alteri vices ſuas gerenti, quatenus hunc vel illum novitium ſcertum faciat, de ſua expeditione ex anno probationis cum declaratione quod ex multis rationibus motivis & documentis ſit incapax ad hoc inſtitutum amplectendum quamvis aliū ille novitius ſit ipſo facto capax & ſufficiens: Dum autem hoc novitio deferretur per Inſtructorem vel quemcumq; alium, tunc ille cautē & prudenter ſubaudiat quid etiam ad talem relationem dicet novitius? videlicet an patienter feret an murmurabit.

Tertius modus probandi novitios in virtute patientiæ poteſt eſſe per inſperatam, extraordinariam & gravem conſuſio-

confusionem humiliationem & mortificationem eorum. Narrat Cassianus quod dum magna multitudo Monachorum sederet ad mensam, (penes quam fuit etiam ipse Cassianus) tunc ipse Abbas cum aliis Fratribus ministravit ad mensam: contigit autem quod unus Frater tardius aliquomodo deferret portionem: Abbas ex hac occasione ita graviter percussit eum ad maxillam, ut sonitus percussiois ad omnium sedentium aures perveniret. Abbas autem ideo hoc totum fecit ut omnibus presentibus patientiam ejus demonstraret eum exemplo admirabilis modestiæ, & quod Abbas cum bona intentione id fecerit, eventus rei ostendit; ille enim stupendæ patientiæ Juvenis, cum tanta alacritate & fortitudine præfatam percussioem suscepit ut non tantum ullum verbulum de ore ipsius prodierit, aut aliqua vel minima in motu labiorum murmuratio apparuerit, sed neq, in vultu ulla ratione mutatus fuerit.

De simili percussioe in novitiis probandis practicanda, non do consilium, sed quid in hac re sentiam aperio, & dico:

dico: ô quam multi præsentis ævi novitii, claustra & Monasteria desererent, si ita à Magistris suis probarentur! quoniã ergo ita graviter non probantur, & tamen gravem esse annum probationis murmurant, ipsi viderint quàm longè distent à primæva antiquorum novitorum perfectione, & zelo spiritûs. Licet ergo Magister allatū immediate modū in probandis novitiis non practicabit, tamē poterit sibi adinvenire alios modos; & industrias humiliandorum novitorum, uti sunt publicæ penitentix in Choro, Refectorio, Oratorio, & aliis locis, item humicubationes & confessiones peccatorum, publicè faciendæ, tum in Capitulis, tum in congressibus publicis: per tales enim confessiones sicut homines confunduntur, erubescunt, & humiliantur; ita optimè probantur. Admirabile in hac re exemplum refert Ioannes Climacus Gradu quarto de obedientia pag: 48 qui in hæc verba ait. Cum in cænobium quoddam devenissem aliquando, animadverti iudicis, pastorisq; optimi terribile iudicium. Nam dum illic moram traherem, contigit quendam ex latronum

ordine, ad monasticæ conversationis gratiam, venire. Quem Optimus ille pastor peritissimusq; medicus, per dies octo quiete omni pefrui iussit, ut Monasterii statum normamq; omnem perspiceret. Post diem verò octavum seorsim accitum pastor interrogat: num sibi censeret optimum, cum illis unà habitare Cum vero illū sibi cum omni sinceritate annuentis voce respondisse cerne- ret: Rursum: quid in sæculo iniquum operatus esset? interrogat? Postquam verò illum sibi promptè & rationabiliter, omnia confessum vidit, iterum ad illum tentandi gratiā dicebat: Volo (inquit) ut hæc omni cætu fratrum adstante confitearis, & detegas. Ille revera sua detestans scelera, omniq; confusione calcata, indubitanter id se facturum pollicitus est, Et si vis (inquit) etiam in Alexandria Civitatis medio id faciam, Deinde collectis in Ecclesia Pastor omnibūs ovibūs suis (erant, autem numero 230) Cū consummarentur Divina Mysteria (erat enim dies Dominicus) lectō Evangelio inferri jam reum illum, nihil contra querentem jubet quibūsdum

dam illum ex fratribus trahentibus, modiceq; verberantibus, vinctum post terga manus, asperrimoq; cilicio amictum, conspersumq; cinere caput, preferentem, adeo ut ex ipso aspectu omnes stupefacti, protinus exorto gemitu ingenti proclamarent, ac mugitum redderent. Neq; enim quisquam illorum, quid fieret, sciebat. Cum vero jam Ecclesie januis appropinquaret magna illum & terribili voce compescuit, sacrum illud caput clementissimi iudicis. sta, ( inquit ) es enim indignus ut huius loci limen attingas. Tunc ille pastoris voce percussus, quae ad illum ex intima veri medici sapientissimaq; ratione sonuerat, videbatur enim sibi, ut nobis postea sub iurejurando firmabat, non vocantis hominis, sed terribilis tonitruui vocem audivisse, tremebundus & omnino pavore turbatus, in faciem protinus corruit. Cum vero jaceret humi, & pavementum madefaceret lachrimis, permittitur ab admirabili medico, qui cuncta ad illius salutem moliebatur formamq; salutis ac certissimae humilitatis omnibus dare cupiebat

cuncta

cuncta quæ gesserat, singulatim & per species dicere. Ille vero cum horrore ingenti omnia, singulatim confessus est, quæ audiens omnis cætus, penitus exhorreret. Non tantum quæ per corpus præter naturam, ac secundum naturam in irrationabilibus, & mutis animantibus deliquerat, verùm etiam veneficia & homicida &c: quæ audire, aut scripturæ tradere fas non est, omnino nihil reticens. Confessum igitur statim tonderi, fratribusq; aggregari permisit. Ego vero Sancti illius admiratus sapientiam, seorsim interrogavi illum secretius; cujus rei gratiâ, tam peregrinam iudicii formam exhibuisset? Ille autem ut verus medicus, duarum rerum gratiâ. Primum quidem ut confitentem, per præsentem temporalemq; confusionem æterna confusione liberarem quod & factum est. Neq; enim ex pavimento surrexit (ò Joannes) quin peccatorum omnium remissione potitus est. Neq; ullo hujus rei scrupulo velim movearis. Nam unus ex fratribus qui illic aderant, mihi procerum quendam ac terribilem se vidisse asseveravit, conscriptam char-

tam

tam ac calami tenentem & cum frater ille humi prostratus, peccatum confitens pronuntiaret, hoc ille calamo debebat, & merito sane dixi, inquit: Pronuntiabo adversum me iniquitatem meam Domino, & tu remisisti impietatem cordis mei. Secundo sane quia habeo non nullos qui peccata quidem necdum confessi sunt. Quo circa jam & illos ad confessionem hoc exemplo provoco, qua sine nullus remissione potietur. Haecenus verba Climaci.

Expendant hic Novitii, qua dexteritate fortitudine ac resolutio animo confessus fuerit publice omnia peccata sua etiam enormissima, praefatus latro paenitens? quare & illi dum per confessionem peccatorum suorum probantur a Magistro, non resistent eidem sed omnia peccata sua saltem minora non jam in facie Ecclesiae sed in privato oratorio vel refectorio realiter & aperte confiteantur: quod si exinde aliquam confusionem coram hominibus patientur, pro hac ipsa confusione remissionem a Domino consequentur.

Quartus modus probandi novitios


Q2

in vir-

in virtute patientiæ est, postulata eorum vel absolutè rejicere vel coram postulantibus se subtrahere. Tali modò probavit Abbas quidam, B. Mennam ut testatur Joannes Climacus Gradu 4to de obedientia dicens: Multas quidem & alias hujus Beatissimi Mennæ virtutes, nobis loci ejusdem Patres referebant. Dicebant vero & istud, quod volens aliquando insignem illius Pater monasteriū probare patientiam, reversum ad Monasterium, prostratumq; Abbatī, & benedictionem secundum consuetudinem suscipere orantem, à vespera usq; ad secundam collectæ horam, ita illum humi jacere prostratum permisit. Tunc vero jam illum benedicens & veluti ostentationis gratiâ cuncta facientem, ac impatientissimum objurgans, erexit tandem. Sciebat enim Sanctus, quam id fortiter ferret, quocirca & istud ad cunctorum ædificationem spectaculum edidit. Hujus vero Sancti Mennæ discipulus, qui Magistri omnia plenissime noverat, & de his certiores nos reddere solebat. Cum illum curiosius interrogarem, an ante Abbatem

tem ita prostratus somno depressus fuisset, asseverabat illum sic humi jacentem Psalterium omne cecinisse.

Quintus modus probandi novitios in virtute patientiæ est illos acriter severè & graviter increpare arguere & objurgare Tali modo probavit Christus Dominus Petrum Apostolum Matthæi 16: ubi cum audiret Petrus à Christo Domino quod oporteret eum ire Jerosolymam & multa à senioribus & scribis & Principibus sacerdotum pati & occidi, ac die tertia resurgere tunc Petrus cæpit increpare JESUM dicens: *Absit à te Domine non erit tibi hoc. JESUS autem conversus ad Petrum dixit. Vade post me sathana, Scandalum es mihi, quia non sapis ea quæ Dei sunt, sed ea quæ hominum.* Pari modò probavit Galatas S. Paulus ad quos scribens inquit. *O insensati Galatæ! quis vos fascinavit non obedire veritati ante quorum oculos JESUS Christus præscriptus est, in vobis crucifixus? Hoc solum à vobis volo discere: Ex operibus legis spiritum accepistis, an ex auditu fidei? Sic stulti estis ut cum spiritu ceperitis, nunc carne consummemini.*



### § III.

*In quo proponuntur aliquot modi  
probandi in reliquis virtutibus  
moralibus per varia exercitia  
earundem virtutum.*

**P**rimus itaq; modus probandi novitios potest esse per exercitia orationis tam mentalis quam vocalis. Praxis probandi per orationem potest fieri multis modis: *1mo* assignando eis longiorem orationem ultra consuetudinem: *2do* injungendo illis orationem quando non speraverint esse orandum. *3tio* examinando quos fructus ex oratione collegerint. *4to* quomodo & quantum affecti sint orationi. *5to* tollendo eis orationes privatas ex proprio placito electas, & destinando eas quæ Magistro placuerint. *6to* attendendo quid potius velint intermittere, an orationis studium an alicujus temporalis negotii necessitatem? *7mo* utrum tantum ex consuetudine

tudine orent, an autem ex fervore? *8<sup>vo</sup>*  
utrum dormire soleant in oratione? *9<sup>no</sup>*  
utrum orationis causa, fugiant conver-  
sationes & fabulas inutiles: *10* utrum  
primi sint ad orationem an ultimi? Hæc  
probatio per orationem sive mentalem  
sive vocalem est summè necessaria: quia  
oratio ( præsertim mentalis ) juxta S.  
Tereffiam est omnium, virtutum com-  
parandarum principium cujus vel uni-  
cus quadrans legitime insumptus ( teste  
S. Ignatio ] sufficit ad hominem brevi  
tempore ad augem perfectionis addu-  
cendum. Cum ergo novitii sint in via  
comparandarum virtutum, & incipient  
tendere ad augem perfectionis, benefi-  
cio orationis id totum acquirere de-  
bent.

Secundus modus probandi novi-  
tios, potest esse per exercitia audiendarū  
missarum. Multi enim in actuali missa-  
rum auditione illustrati, multi cælesti-  
bus visionibus donati, multi variis be-  
neficiis supernis repleti, quare si & no-  
vitii in audiendis missis se quotidie &  
legitimè exercent, magnum exindè  
profectum capient. Praxis probandi

per auditionem missarum simili modo fieri potest sicut per orationem.

Tertius modus probandi per exercitia lectionis spiritualis. Occupatio militis est circa arma, statuarii circa statuas, qui bene pugnat, vir fortis, qui exactè construit statuas, bonus statuarius reputatur: pariter occupatio novitii est circa librum spiritualem, proinde si illi continuo incumbat, & fructuosè attendat, vir spiritualis iudicandus erit. Unde principalis curæ, magistri novitiorum erit, ut attendat super hoc, quatenus illius discipuli, affiduo lectioni spirituali incumbant, quia inter speciales causas, ex quibus frequenter novitii deficiunt, est intermissio lectionis spiritualis.

Quartus modus probandi, potest esse per exercitia ad mensam fieri solita, qualia sunt munus portandi portiones, & inserviendi omnibus ad mensam in ultimo loco: consuetudo culparum ac pænitentiarum tempore refectionis, impositio abstinentiæ aliis manducantibus, propria confessio seu recognitio ordinariorum defectuum omnibus præsentibus

sentibus: & alia his similia quæ pro ratione & Instituto cujuslibet Religionis praticari solent.

Quintus modus probandi potest esse per exercitia Chori quomodo se in illo gerant novitii, qualiter se cantui applicent, quâ diligentia & fervore Horis Canonicis aliisq; devotionibus communibus se applicent? utrum sentiant tædium in Choro, utrum frequenter de illo exeant, utrum primi vel novissimi ad eundem veniant, utrum frequenter sint in illo absentes, utrum fervidè an vero tæpidè in eodem se gerant, ex his enim omnibus, potest probari spiritus unius cujusq; & haberi indicium interioris hominis.

Sextus modus probandi novitios potest esse per exercitia vigiliarum nimirum utrum occurrente sibi hebdomada diligenter vigilant, an vero somnolenti dormiant? utrum munus vigilandi sustinere possint, utrum libenter surgant pro matutino media nocte, utrum pulsum media nocte observent, eiq; obediant, qualiter vestiti pro matutino media nocte veniant? utrum tempore matutini

tutini dormitent, utrum post matutinum redeant directè ad cellas, an verò divagentur per cellas & curritoria &c. &c.

Septimus modus probandi novitios potest esse per exercitia silentii. Taliter probavit quosdam suos Fratres S. Franciscus Seraphicus. Hic dum post initia conversionis suæ, sedendo quodam tempore cum Filiis suis, ex fervore spiritus uni ex illis, mandavit ut in nomine Domini os suum aperiret & loqueretur de Deo, quod illi spiritus Sanctus dictaret. Frater itaq; ille in virtute S. Obedientiæ cæpit loqui mirabilia Dei ex inspiratione sancti spiritus. Sanctus autem Franciscus jussit eum subito tacere & alterum loqui ut pariter de Deo loqueretur, quod spiritus S. dictaret. Et dum ille alter quod jussum fuerat faceret, magnalia de Deo locutus est. Et S. Franciscus pariter & hunc jussit tacere. Tertium tandem Fratrem surgere jussit & ut nihil præcogitando in honorem Domini nostri JESU Christi aliquid loqueretur: & hic exemplo præcedentium humiliter obediendo

diendo abscondita de Deo aperuit. Sicut ergo S. Franciscus suos Fratres fortè volendo probare in silentio, primo loqui iussit, tum deinde tacere: ita Magister si vult suos novitios probare in profectu silentii, primo illos aliqua loqui jubeat, tum deinde etiamsi optima & summa loquantur jubeat tacere; & ex hoc constabit quantum in obedientia & silentio profecerint.

Sunt & alii modi probandi novitios; sed hos ipse Magister poterit sibi adinvenire, spectatâ ratione & circumstantiâ personarum: verbò concludo; quotcunq; possunt numerari virtutes, per harum omnium exercitia possunt probari novitii: quare in quacunq; virtute placebit Magistro probare novitios, illius virtutis proponat illis exercitium & mox habebit experimentum naturæ, qualitatis, sindolis & genii eorum. Quibus autem modis possint probari novitii per singulas reliquas virtutes (de quibus hic non egimus) hoc totum colligi potest ex dictis hætenus.



CAPUT




# CAPUT V.

*Quinam sint fontes, Capita, &  
origines probandi novitios,  
eorumq; spiritum in quacunq;  
virtute?*

Quoniam impossibile est referre hic omnes modos & industrias probandi, ideo conveniens & necessarium duxi, ostendere fontes, ex quibus, quilibet Magister possit sibi formare & invenire modos industriasq; probandi. Fontes itaq; & capita ex quibus possint desumi industriae & occasiones probandi, sunt universaliter omnes res creatae, & quia omnes res creatae quatuor elementis constant: ideo hic dabo industrias probandi, ex occasione eorundem elementorum: ex his autem potest sibi Magister ad quamlibet rem creatam descendere, ex illaq; ad normam hic propositam, industrias probandi adinvenire Proinde fit.

§ I.



## § I.

*De Probatione novitiorum per  
elementum aquæ.*

Quam primum B. Antonius suscepit in gremium suum, Paulum simplicem, tam primum cæpit illum de omnibus instruere, quomodo opere manuum solitudinem discutere deberet, & digitis quidem corporis opus manuale, cogitatione verò mentis & animi intentione, operari teneatur quæ Dei sunt. Tandem inter alias doctrinas addidit etiam hanc, ut cibum usq; in vespera fumeret, & præcipuè in potu continens esset, asserendo non minus per aquæ abundantiam, phantasias animæ fieri, quàm per vinum, calorem corporis incrementum. Insistendo ergo huic doctrinæ B. Antonii, censeo novitios etiam per aquam, vel ex occasione aquæ probari posse modis sequentibus: *imo* negando aliquando etiam aquam novitiis, præsertim dum per æstus solis vel alicujus gravis fatigationis sitim intensissi-

tenfiffimam patiuntur; ex fumptione enim aquæ in fimilibus cafibûs graves eveniunt morbi, & variæ infirmitates corporis, præfertim febres diurnæ &c. 2do probari poffunt, per deportationem aquarum pro ufibus Monafterii: 3tio probari poffunt, fpectando, fi in cafu neceffitatis, fint etiam aquâ purâ contenti? contigit enim præfenti ævo multa Monafteria ita indigentia effe, ut in illis non modo vinum, fed etiam tenuem cereviffiam deeffe fræquentiffimum fit.

Fundamentum probandi per aquam conftat etiam ex Sacra fcriptura Judicum Cap. 7. ubi cum Gedeon & omnis populus ejus veniret ad fontem Harad. *Dixit Dominus ad Gedeon: Multus tecum eft populus nec tradetur Madian in manus ejus, ne gloriatur contra me Ifraël & dicat: meis viribûs liberatus fum. Loquere ad populum, & cunctis audientibus prædica. Qui formidolosus & timidus eft, revertatur Recesserunt de monte Gala ad, & reverfi funt ex populo viginti duo millia virorum, & tantum decem millia remanferunt. Dixitq; Dominus ad Gedeon, adhuc populus multus; eft, duc eos ad aquas*

*aquas, & ibi probabo illos, & de quo dixero tibi ut tecum vadat, ipse pergat, quem ire prohibuero revertatur. Cumq; descendisset populus ad aquas, dixit Dominus ad Gedeon: Qui manu & lingua lambuerint aquas sicut solent canes, lambere, separabis eos seorsim; qui autem curvatis genibus biberint, in altera parte erunt. Fuit itaq; numerus eorum qui manu ad os projiciente lambuerunt aquas, trecenti viri: omnis autem reliqua multitudo flexo poplite biberat. Et ait Dominus ad Gedeon: In trecentis viris qui lambuerunt aquas, liberabo vos, & tradam in manu tua Madian, omnis autem reliqua multitudo revertatur in locum suum, quod & factum est. Ex tam fusè deducto textu scripturæ constat, quod DEUS optimus Maximus probaverit Israëlitas per aquas, & ex occasione aquarum. Duc eos ad aquas & ibi probabo illos. Quare novitii vel quicumq; alii viri Religiosi, non possunt legitime irasci Magistro vel Superiori suo, si eos aliquando probaverit per aquas, vel ex occasione aquarum.*

Qualiter autem DEUS probaverit  
Israéli-

Iſrâélitas per aquas, hoc videamus & at-  
 tendamus quod ibi dicit DEUS. *Qui  
 manu & lingua lambuerint aquas, ſicut  
 ſolent canes lambere ſeparabis eos ſeor-  
 ſim, qui autem curvatis genibus biberint,  
 in altera parte erunt.* Qui ergo manu  
 & lingvâ lambuerunt aquas, hi electi  
 ſunt ad pugnam, & probati milites ju-  
 dicati, qui vero curvatis genibus bibe-  
 bant, hi ſunt à pugna remoti & relictî.  
 Per has aquas intelligunt nonnulli Do-  
 ctiores Baptiſimi gratiam, mihi liceat in-  
 telligere auſteritates annuæ probationis,  
 per Iſrâélitas manu & lingua lambentes  
 aquam, intelligi poſſunt omnes illi qui  
 veniunt ad annum Probationis Religi-  
 oſæ. Qui ergo veniunt ad has aquas  
 nempe ad auſteritates probandas, non  
 debent procidere in terram & flectere  
 vel curvare genua ſua & cedere tenta-  
 tionibus futuris, ſed ſtare firmiter, &  
 conſtanter, juxta illud Prophetæ. *Dimiſ-  
 ſas manus & diſſoluta genua erigite, &  
 gremium rectum facite ſemitis veſtris.* Et  
 juxta illud Pauli Apoſtoli: *State iterum,  
 & nolite jugo ſervitutis inherere.* Per  
 illud autem, quod additur *manu &  
 lingua*

lingva lambebant: intelligitur, quod manu & lingua operari debent milites Christi, & profecti ejus, hoc est opere & verbo, quia, qui docet & facit, hic magnus est in Regno cælorum. Qui ergo opere & verbo operantur, hi sunt probati & electi, qui verò hoc ipsum non faciunt, hi sunt rejiciendi, & revertantur ad sæculum, unde venerunt.

Sed præterea ex occasione & circumstantiis aquæ, possunt desumi aliæ & aliæ industriæ probandi: imo: aquæ virtus exinde probatur, quod sit ita hominis imperio subdita, ut viam eundi, vel fluendi ipsa sibi non eligat, sed quibuscunq; tractibus, vestigiis litoribus dirigitur, his fluit, currit, ac defluit: verbò dicam: *aquà, quà duxeris sequitur*: Sicut præfata aqua, taliter & novitii probari & dignosci possunt, si nimirum ita sint superioris ac Magistri sui subjecti imperio, voluntati, ac dispositioni, ut sibi pro suo placito vias & ascensiones in corde suo non disponant; sed quibuscunq; mediis, itineribus limitibus, ac semitis ordinentur, illis eant, incedant, & ita se in omnibus

R

gerant,

gerant, ut qua ducti fuerint sequantur: sive ad dextram, sive ad sinistram, sive deorsum, sive introrsum, sive infra, sive supra, sive ad honorem sive ad contemptum, sive ad dulcia sive ad amara, sive ad commoda, sive ad incommoda, &c. &c.

2do aquarum virtus exinde dignoscitur, quod illis continuus motus etiam rapidus, etiam violentus, etiam ventis vehementissimis agitatus nihilo noceat, sed potius continuo serventur & conserventur motu. Vis probare & cognoscere indolem novitiorum, efficacias hoc cum illis ut sint ita in continuo motu, sicut aquæ: si ergo tunc continuum motum patienter sustinebunt, etiam aliquando contingat illis motus rapidus vehemens & violentus, tunc signum erit probatæ indolis: si autem motum istum ægre ferunt, & illi ægre ferendi: narranteste S. Laurentio Justiniano *Sicut aqua quæ caret decursu, ac jacet in foveis, putrescit repleturq; animalibus venenatis, & noxiis: ita & corpus tabe confectum* (consequenter & novitius motu & labore carens] *concupiscentiarum carnalium parit insaniam.*

ur,  
ive  
ive  
em-  
ive  
&c  
di-  
tus  
am  
ihil  
tus  
are  
effi-  
nu-  
m  
us  
rit  
um  
nam  
qua  
pu-  
tis,  
tum  
la-  
um

3tio aqua inde probatur, quod eo magis congelascat & firmetur, quo maioris frigoris rigor succedat, unde illi adscriptum est lemma. *Rigore subsistit.* quid frequentius potest esse odiosum homini quam rigor legum, tam Divinarum, quam humanarum? quare si novitii præfatum rigorem amant, observant, & venerantur, si rigorem legum, constitutionum, statutorum, ac ipsius Regulæ magis confirmantur in spiritu, & planè congelascunt, ita fortiter sicut aqua; tunc recensendum est illos esse probatos, vel saltem proximè dispositos ad ulteriorem probationem.


4to aqua è falso mari ad superiorem regionem elevata in nubem concrescit, & per virtutem solis dulcior labitur: unde illi additum est lemma. *Dulcior inde redit* Novitius de sæculo ad Religionem veniens, venit tanquam aqua de falso mari ad superiorem regionem, nempe ad Religionem; si ergo in Religione dulcior est in profectu, dulcior in sermonibus; dulcior in operibus, ac in omni observantia Regulari, signum est probatæ indolis.

5to ex occasione aquarum maris possunt pariter desumi industriæ probandi. Mare agitatione purgatur, sordida pellit, procul ex se ejicit fæces, & sordida vomit. Hoc totum investigandum est in novitio, continuo agitandus, continuo impellendus, continuo variis austeritatum procellis vexandus, quæ omnia si sustineat, ac per hæc ipsa devitiis præteritis purgatur, & omnia noxia evomat, ac ejiciat, sperandum in Domino, quod postea gemmas parturiet.

6to ex occasione aquarum fluminis possunt desumi industriæ probandi. Flumen enim semper crescit eundo, semper abundantius fluit & nunquam retrorsum currit. Hæc tria debet habere novitius, semper debet crescere, eundo de virtute in virtutem, semper debet abundantius & latius proficere, quia *Profectus noster* (inquit S. Bernardus Serm de Pur: B M Virginis) *in eo consistit, ut nunquam arbitremur, nosprehendisse, sed extendamur ad anteriora, incessanter conemur in melius.* Tandem novitius nunquam debet, retrorsum currere,

currere, sed in uno eodemq; proposito stare, quodsi aliquando retrorsum propiciat non est aptus Regno cælorum. Possent & aliæ industriæ probandi ex occasione & circumstantiis aquarum desumi, sed hic brevitatis studio omituntur.

Plura documenta Probationis per aquas qui vult habere, respiciat Noe Genes: C: 7mo ubi ingrediente Arcam eodem Noe, *Factum est diluvium quadraginta diebus super terram & multiplicatae sunt aquæ & elevaverunt aquam in sublime à terra:* in quo casu quid passus fuerit Noe, & quam exactè probatus fuerit, cuilibet constare poterit, expendenti saltem obiter Magnitudinem illarum aquarum & totius diluvii. Respiciat item Moysen & totum populum Israeliticum, quem DEUS sicco pede perduxit per mare rubrum: respiciat tandem Iosue & eundem populum, quem DEUS pariter sicco pede traduxit per aquas Iordanis quæ omnia prodigia & miracula in aquis, fuerunt instrumenta probationis.



## § II.

*De Probatione per elementum  
ignis.*

**Q**uod probatio novitiorum possit esse etiam per ignem, fundamentum hujus constat ex plurimis sacræ scripturæ locis, imo ex lib: numerorum Cap. 31 *Omne quod potest transire per flammam, igne purgabitur.* 2do ex libro Psalmor: *Probasti me DEUS & visitasti nocte, igne me examinasti & non est inventa in me iniquitas.* Item Psal: 65. *Quoniã probasti nos DEUS, igne nos examinasti sicut examinatur argentum &c. Transivimus per ignem & aquam & induxisti nos in refrigerium.* 3tio ex libro Proverbiorum Cap. 17. *Sicut igne probatur argentum & aurum ita corda probat Dominus,* 4to ex lib: Ecclesiastici Cap. 15. *Apposuit tibi aquam & ignem ad quod volueris porrigere manum tuam.* Item alibi. *Et liberasti me à pressura flammæ & in medio ignis non sum aestuatus.* 5to

ex Zacharia Propheta. Et erunt in omni terra dicit Dominus partes due in ea; & tertia pars relinquetur in ea, & ducam tertiam partem per ignem & uram eos, sicut uritur argentum & probabo eos sicut probatur aurum. 6to ex Matthæi Cap: 3 Omnis arbor quæ non facit fructum excidetur & in ignem mittetur. Ego quidem baptizo vos in aqua in penitentiam qui autem post me venturus est, fortior me est &c: ipse vos baptizabit in spiritu Sancto & igni. Cujus ventilabrum in manu sua, & permundabit aream suam & congregabit triticum in horreum suum, paleas autem comburet igni inextinguibili. 7mo ex ima ad Corinth 3. Si quis autem superædificat super fundamento hoc, aurum, argentum, lapides pretiosos, ligna, fœnum, stipulam, unius cuiusq; opus manifestum erit: dies enim Domini declarabit, quia in igne revelabitur & unius cuiusq; opus quale sit? ignis probabit. Si cuius opus manserit quod superædificavit, mercedem accipiet, si cuius opus arserit, detrimentum patietur, ipse autem salvus erit, sic tamen quasi per ignem: 8vo tandem

Probatio per ignem patet ex 2da Petri  
 3. *Cæli autem qui nunc sunt & terra, eodẽ  
 verbo repositi sunt, igni reservati in diem  
 iudicii & perditionis impiorum hominum.*

Hæc omnia adducta testantur  
 quomodo DEUS probet & probare so-  
 leat homines per ignem; & si cæli ina-  
 nimati reservati sunt, igni in diem ju-  
 dicii & per ignem probandi? quare ho-  
 mo rationis capax non deberet probari  
 per eundem ignem adhuc in vita? ne  
 post mortem eodem igne probetur.  
 Et hac praxi probandi per ignem usi  
 sunt nonnulli antiqui Patres instinctu  
 Divino extraordinario impulsı, qui ad  
 probandam veram obedientiam aliquo-  
 rum etiam in apertos accensosq; ignes  
 profilire jusserunt ut constat ex dictis  
 Parte. III Cap: 5 § 2do sed quia hæc pro-  
 batio per ignem erat extraordinaria mira-  
 culosa, ac per specialem inspirationẽ Dei  
 ordinata, ideo ab illa Magistri novitio-  
 rum cavere & abstinere debent. Si ergo  
 Magistri volent aliquos probare novi-  
 tios per ignem, possunt eos probare  
 probatione ordinaria, seu tali quæ non  
 excedat vires naturæ nec indigeat mi-  
 raculo,

raculo, sicut indigebat illa, qua usi sunt antiqui Patres à me citati: Probatio autem ordinaria per ignem potest fieri per obsequia circa ignem tum in culina, tum in aliis locis & circumstantiis, quas sibi ipse Magister suggerere & invenire poterit. Taliter ex occasione ignis se ipsum exercebat & probabat Coccus ille, quem cum peteret S. Joannes Climacus ut ipsi aperiret, unde mereretur gratiam lachrimarum, qua ipsum præditum videbat? tunc ille precibus fatigatus respondit: *nunquam me hominibus servire arbitratus sum sed Deo, & indignum me ipsum omni quiete judicans, ex hujus ignis contemplatione, sempiterni incendii jugi memoriâ compungor.* Quoties igitur & novitii circa ignis Ministeria occupabuntur, toties sempiternum incendium, hoc est infernum contemplantur, & sic facillimè etiam ardentissimos ignes probationis sustinebunt.

Præterea addo. Ignis dupliciter sumi potest vel physice vel moraliter. Ignis physice sumptus nihil aliud est nisi ipsa substantia hujus ignis materialis quem videmus & palparamus & quo calefi-

calefimus. Ignis moraliter sumptus est ignis cujuscunq; tribulationis. Probare ergo per ignem physice sumptum est plerumq; difficile & arduum, ipsisq; novitiis vel grave vel aliquando impossibile; probare autem per ignem tribulationis, est ordinarium & possibile. Et hoc innuit scriptura dum inquit. *In igne probatur aurum & argentum, homines verò receptibiles in camino humiliationis.* Porro caminum humiliationis est caminum cujuscunq; tribulationis, angustia, & mortificationis, & per talem ignem moraliter sumptum, ac in tali camino humiliationis probati sunt omnes sancti Martyres Confessores & Virgines exceptis tribus pueris in fornacem ignis à Tyranno missis; item exceptis nonnullis Martyribus, qui per ignem materialem passi sunt pro Christo, & transierunt in refrigerium.





## § III.

*De Probatione ex occasione & circumstantiis Terræ.*

Sicut caput generis humani Adam fuit primus incola & cultor terræ, ita etiam ille primus probatus est à Deo per terram ut constat Genes: Cap: 8. *Adæ vero dixit: Quia audisti vocem uxoris tuæ & comedisti de ligno ex quo præceperam tibi ne comederes, maledicta terra in opere tuo: in laboribus comedes ex ea cunctis diebus vitæ tuæ, spinas & tribulos germinabit tibi, & comedes herbas terræ. In sudore vultus tui vesceris pane tuo, donec revertaris in terram de qua sumptus es: quia pulvis es & in pulverem reverteris.* Post Adamum omnes illi per terram probati sunt, ad quorum doctrinam, correctionem, admonitionem, ac terrorem, permisit DEUS fieri grandes motus terræ unde Regius Propheta Psal: 17 inquit: *Commota est & contremuit terra: fundamenta montium conturba-*

conturbata sunt & commota sunt, quoniam iratus est eis. Quid fundamenta montium deliquerunt? quid ipsa terra peccavit? quod tam graviter contremuerit & commota fuerit? nihil quidē ipsa terra, nihil montes peccarunt, cæterū hæc DEUS ideo contremiscere & conturbari facit ut homines talia videntes probentur in Dei obsequio, confirmentur in fide erga Deum, ut credant Deum esse, ut sciant gentes quoniam homines sunt. Inferiùs idem Propheta inquit: *Et Apparuerunt fontes aquarum, & revelata sunt fundamenta orbis terrarum, ab increpatione tua Domine, ab inspiratione spiritus iræ tuæ.* Ergone ab increpatione & ira Dei aperiuntur fontes & fundamenta terrarum? ita omnino: ut apertis fundamentis terræ & fontibus, probetur homo & discat timere, amare, & laudare DEum. Sed præter grandes motus ac conturbationes terræ sunt etiam alii faciliores modi probandi homines per terram: & his utebantur antiqui illi Patres Ægypti, qui volentes suos Discipulos probare continuo eisdē terram colere, arare, seminare, & variis laboribus

laboribus circa illam occupari demandabant, ut sibi quisque legere potest in vitis eorundem Patrum. Tandem ipse etiam Christus Dominus Matthæi Cap videtur usus fuisse adminiculo terræ ad probandum spiritum Phariseorum & scribarum, quando enim illi venerunt ad JESUM, & incusarunt mulierem depræhensam in adulterio, tunc JESUS audita relatione eorum nihil dixit, sed inclinans se deorsum scribebat in terra. Et cum in accusatione sua perseverarent Pharisei, tunc iterum JESUS inclinans se pariter scribebat in terra. Videntes hoc Pharisei unus post alterum exhibant, & sic probata est eorum intentio quæ accusaverunt præfatam mulierem, & quo spiritu accesserunt ad JESUM. Quando ergo & novitii accusabunt alios, illi ipsi accusabuntur ab aliis, tunc sibi Magister procedat cum illis more, methodo, & exemplo Christi, videlicet nihil dicens & dissimulanda dissimulans, scribat interim in terra & notet defectus eorum, juxta illud: *scribit in Marmore Iesus:* tunc qui magis nocentes erunt ipsi se prodent,

prodent, quia vel impatientes exhibunt à Magistro; vel contra eum saltim occultè murmurabunt, Magister autem faciat quod suum est, & iudicet quemq; juxta opera ejus, vel etiam pro ratione Personarum dicat huic & illi. Vade & amplius noli peccare.

Quod si quis plures ex occasione terræ voluerit habere modos probandi, tunc hi possunt esse sequentes. *imo* terra probatur esse bona, quod quam primum excolta fuerit & variis frumentis repleta, tamprimum non tantum id offert quod accepit, sed etiam plus & copiosius: unde illi octavius Bordenus hoc inscripsit lemma *Reddit fideliter*. novitii sunt illa terra de qua Psalmista inquit: *Benedixisti Domine terram tuam, avertisti captivitatem Jacob*, qui ergo illos vult probare, probet illos ita sicut terram videlicet, primo excolat genium ipsorum, & multis verbi Divini seminibus repleat; si ergo sic excolti reddent totum fideliter, imo plus & copiosius, tunc eo ipso apparebunt probata & benedicta terra: quod si autem non reddant, tunc excitandi sunt illis

S. Am-

S. Ambrosii verbis. *Imitanda nobis est natura terrarum, quæ susceptum semen multiplicatori solet numero reddere, quam acceperit.* Lib. 1. Off. Cap. 31.

2do terra probatur vel saltem speratur esse bona, quando in illa quamvis interim sterili, enitent signa futuræ fæcunditatis, ita ut de illa dici possit: *excultâ virescet:* pariter & novitii probari & sperari possunt esse boni, qui licet hie & nunc sunt steriles bonorum omnium, tamen curant & conantur ut sint fertiliores exemplô S. Donati qui juxta testimonium Sancti Damiani: *sulcabat terram vomere disciplinae, ut uber segetum proventus erumperet: illucescente gratiæ celestis radiô fertilius germinaret.*

3tio terra exinde probatur esse & cognoscitur bona, quòd quantumcunq: sit scissa & lacerata ferrô, per hoc non corrumpitur, non fit sterilior, sed vulnere virescit, & fauciatâ feracior evadit. Ita novitii possunt probari boni & sufficientes, quod licet sint variis austeritatum vulnerati instrumentis, licet sint innumeris contemptuum fauciatâ aculeis, tamen exinde non despondent

spondent animo, non deficiunt in sancto proposito, sed post inflata vulnera, post sauciatum corpus & famam, virentiores, & feraciores perfectionis religiosæ evadant, memores illius quod dicit S. Leo Papa: *Terra carnis nostræ nisi assiduus fuerit sauciata culturis, cito de segni otio spinas tribulosq; producit: & partu degeneri, dabit fructum, non horreis in ferendum, sed ignibus concremandum.* Serm 4 de Jejun.

4to terra exinde probatur esse bona imò optima, quod in aliquibus locis non solum communes fructus & vulgares, sed etiam aurum argentum aliaq; pretiosa metalla producat, unde pro lemmate inscriptum habet: *auri dat signa latentis.* Quamvis ergo novitii poterint judicari esse boni quando proferunt communes & ordinarios virtutum fructus, sed tunc judicandi optimi, quando auro charitatis excellunt, & æmulantur non tantum inferiores, sed etiam supremas virtutes.

5to terra exinde probatur esse bona in suo genere, quod etiamsi nullū aliud subjectum habeat à quo dependeat

vel

el cui innitatur, tamen stat immota, unde illi inscriptum lemma: *suo se ponere firmat*. Et ex hoc capite novitii probantur esse boni, quod etiamsi aliquando sint soli, etiamsi illorum Magister absit aliquando, cui subesse & a quo dependere debeant; tamen illi in suo proposito manent immoti, tamen suo ponere rationis reguntur, & ita se gerunt, ac in eorum adesset superior.

6to terra exinde probatur esse bona, quod quidquid in illa, circa illam, & penes illam agatur, sive pacificum sive turbidum, hoc totum permittit neq; his perturbatur, propterea ab Academicis Tarvisiensibus habet istud lemma: *Stabilisq; manens dat cuncta moveri*. Hæc virtus debet esse novitiorum, & ex hoc optime dignosci possunt cujus sint indolis, quod etiamsi penes illos ac præsentibus illis, multa fiant turbida, multa minus convenientia, tamen illi stabiles manent, dantq; cuncta moveri & currere ordine suo, nec minime his, quæ extra illos sunt, nec ad illos spectant, perturbantur.

7mo terra exinde probatur esse

S

bona

bona, quod nullas coruscationes, nullas fulmina, nullas tempestates timeat, nec os illis cedit. Et hoc est optimum indicium generosi fortisq; novitii quando nullas adversitates, nulla pericula, nullas fulmina probantis Magistri timet, nec os illis cedit, sed his omnibus impetitus vel tentatus, fortior triumphat.

## § VI.

### *De Probatione per elementum àëris.*

**A**ër quatuor habet proprietates: prima est frigiditas, 2da calor, 3tia lux, 4ta tenebræ: ex occasione & circumstantiis harum quatuor proprietatum, potest sibi Magister desumere industrias probandorum novitiorum. Ex prima proprietate àëris, nimirum frigiditate, potest illos probare ordinando eos tunc in aliquem locum, ad aliquod obsequium vel munus charitatis, quando àër est frigidus, intempestus, pluviosus, & absolute incommodus. Ex 2da proprietate

ullante àëris videlicet caliditate, potest  
neq; eos probare, ordinando illos tunc ad  
liquem locum, quando àër est calidif-  
mus. Ex 3tia proprietate àëris nimirum  
nebrofitate, potest illos probare, quo-  
modo se in tenebris & de nocte gerant.  
Ex quarta proprietate àëris nempe luci-  
tate, potest illos probare quomodo  
gerant de die & quomodo lucis diurnæ  
cruantur usurâ. Ne verò probatio ex  
occasione àëris videatur alicui inusitata,  
deduco in memoriam illos viros piiffi-  
nos, qui per àërem se ipsos probârunt:  
et tales fuerunt illi, qui per totas hye-  
nes sub àëre nudo vixerunt, nullum  
adminiculum ignis requirentes, sed o-  
mnem rigorem tempestatum hyemalium  
sustinentes: talis fuit B. Simeon Eremita,  
qui primò fecit sibi columnam cubito-  
rum quatuor, & stabat in ea quotidie  
sub àëre nudo per annos quatuor.  
Deinde fecit sibi columnam habentem  
cubitos duodecim, & stetit in ea pari-  
ter in àëre nudo per annos duodecim,  
Tertiò facta est ei columna cubitorum  
viginti, stetitq; in ea annos duodecim.  
Quartò facta est ei columna cubitorum

triginta, & super ipsam stetit annos quatuor. Quando autem invidus Diabolus transformavit se in speciem Angeli, & perſuavit B. Simeoni ut ascenderet in cælum, jamq; ad ascendendum elevavit dextrum pedem, sed cum per signum crucis cognovit esse infidias Diaboli, reversus in se dixit pedi suo. *non revertêris retrorsum hinc, sed stabis hic usq; ad obitum meum, donec vocet, me Dominus peccatorem.* Ad extremum facta est ei columna cubitorum quadraginta, & stetit super ipsam annos sexdecem sub àere nudo usq; ad obitum suum, ut constat ex vitis Patrum Parte ima fol 47 & 48. Reduco præterea in memoriam illos viros patientissimos qui per longa itinera propter charitatem proximi instituta, æstum solis etiam in calidissimis regionibus perferebant, nec modicum aquæ, quâ possint reficere sitim, acquirere potuerunt.

Ex dictis infero & concludo generalem doctrinam: sicut ex qualibet creatura potest fieri ascensio ad cognoscendum, amandum, laudandum DEum. juxta illud Apostoli ad Rom: I. C

invisibilia enim ipsius à creatura mundi,  
 et ea quæ facta sunt, intellecta conspi-  
 iuntur, ita pariter ex qualibet creatura  
 potest fieri descensio ad probandum  
 novitium juxta illud ejusdem Apostoli  
 ad Rom: 8 Cap: scimus quoniam dili-  
 gentibus Deum, omnia cõoperantur in bo-  
 num, iis qui secundum propositum vocati  
 sunt sancti. Postquam DEUS optimus  
 Maximus creavit primos Parentes no-  
 stros, subdidit illis omnem creaturam  
 juxta illud Genes: imo Cap: Benedixitq;  
 illis DEUS & ait: Crescite & multiplica-  
 mini & replete terram, & subjicite eam  
 & dominamini piscibus Maris, & volati-  
 libus celi & universis animantibus quæ  
 moventur super terram. Dixitq; DEUS  
 ecce dedi vobis omnem herbam afferen-  
 tem semen super terram, & universa  
 ligna quæ habent in semetipsis, semen-  
 em generis sui; & sint vobis in escam,  
 & cunctis animantibus terræ; omniq;  
 volucris celi, & universis quæ moventur  
 in terra, in quibus est anima vivens, ut  
 habeant ad vescendum. &c. Dedit quoq;  
 DEUS primis Parentibus Paradisum &  
 omnes delicias ejus: ad quid precor tot

creaturas; dedit DEUS primis Paren-  
 tibus, & quo fine? Certè inter alia etiam  
 hòc ut primos Parentes nostros proba-  
 ret, quomodo concessis & subditis sibi  
 creaturis uterentur. Sicut ergo DEUS  
 probavit primos Parentes per omnem  
 creaturam subjectam eorum imperio  
 dominio & usui; ita Magister potest  
 probare novitios simili modo, conce-  
 dendo illis usum licitum cujuslibet  
 creaturæ, & instituendo illos tanquam  
 Rectores cujuslibet creaturæ, & simu-  
 à longe spectando, qualiter his creaturi-  
 utantur, v.g. qualiter utantur cibo, potu  
 vestitu, aqua, vino, & aliis liquoribus;  
 item qualiter utantur hortis, floribus  
 fructibus, qualiter utantur die, nocte  
 sole, stellis, & aliis quibuscunq; in par-  
 ticulari creaturis; quæ omnia si diligen-  
 Magister observabit, infinitas probandi  
 habebit industrias & materias. Sed ha-  
 omnes hic in particulari ego non refe-  
 ro, quia deberem volumina implere  
 cæterum ex his quæ jam dicta sunt po-  
 terit sibi prudens Magister alias & alias  
 industrias, invenire, & per illas spiri-  
 tum novitiorum probare cum illa semper  
 cautela,

cautela, ut in omnibus indispenfabiliter discretionem fervet, de qua hic ad finem agemus.

## CAPUT VI.

*Quomodo magister debeat instruere, plantare, rigare, ædificare, & quodā modo creare novitiū.*

### § I.

**H**actenus egimus de eo, quomodo Magister debeat probare novitium, & quibûs industriis possit cognoscere ac penetrare spiritum cujuslibet novitii; hic ostendendum restat, quomodo debeat instruere, plantare, ædificare, ac quodammodo creare novitium. Magister igitur ita aliquando debet sibi procedere in instruendo, plantando, rigando, ædificando, ac creando novito, sicut sibi DEUS processit in mundo creando. Quomodo autem sibi processerit DEUS in mundo creando & omnibus ad illum spectantibus; constat toto Gene-

fis Cap: imo: nempe creavit illum non uno sed sex diebus; septimo autē requievit, singulisq; diebus singula opera ex nihilo ibidem creata produxit, eundem mundum primo tenebrosū, deinde lucidum, per variarum creaturarum adorationē effecit. Et ita sibi per omnia debet cum novitio procedere Magister.

Principio igitur (ut deducit Pererius ex Hugone lib: 1 in Genes: fol. 161) quemadmodum primus mundi status incompositus, inordinatus, & tenebrosus, significabat statum hominis in peccato permanentis, ita status mundi, pulcherrimis illis operibûs sex dierum dispositus, ornatus, & decoratus, significare potest statum hominis, novitii, convertentis se à sæculo ad Religionem, & obsequium Dei. Primo die creata est lux, & distincta dies à nocte: & primum etiam quod in conversione novitii in eo creari debet, est lumen intellectuale, per quod prævia instructione Magistri verè cognoscat & æstimet, status sui præteriti turpitudinem, miseriam, & periculū, & quodnam sit summum bonum sibi sequendum, quod item verū malum

malum sibi fugiendum. Annotavit Hugo lucem primò die creatam significare rectam mentis intentionem, quam habere debet quicumq; vult benè operari, & hæc prægredi debet omne opus, omnemq; actionem nostram, eamq; Dominus in evangelio appellavit oculum & lumen. *Si oculus tuus inquit fuerit simplex, totum corpus tuum lucidum erit.* Et paulo post. *Si ergo lumen quod in te est tenebræ sunt, ipsæ tenebræ quanta erunt?* Nec tantum dixit DEUS lucem esse bonam, sed etiam singula opera, quæ fecit in luce iudicavit esse bona, siquidem ad bene operandum, [ ut inquit Hugo ) duplici opus est bonitate & rectitudine: una quidem ipsius lucis, id est intentionis, altera ipsius operis, ut ipsum per se bonum sit. Potest enim quispiam bona intentione malum opus facere, ut si quis furetur, & det eleemosynam: & contra, bonum opus facere, sed mala intentione, ut largiri eleemosynam inanis gloriæ causa. Hanc utramq; lucem intentionis debet statim ab initio docere Magister novitium, ut sciat omne opus benè operari.

Sed

Sed de hac intentione agetur parte tertia.

Secundo die potest perfici novitius conversus à sæculo ad Religionem secundum affectum, sicut primo die secundum intellectum, Namq; secundo die aqua, quæ prius circumquaq; operiebat & obruebat terram, divisa est in aquam cælestem & terrestrem, interpositò firmamentò. Et aqua quidem secundum tropologiam significat cupiditatem, amorem & appetitum hominis & novitii, in peccatore autem ac novitio omnis appetitus tam rationalis quàm sensitivus circum terram versatur, idest in amore & cupiditate rerum terrenarum plane defixus est. Verùm cum peccator novitius convertitur à sæculo ad Religionem fit divisio amoris: nam novitius 'ut sensu concupiscit terrena, ita spiritu cælestia, unde oritur intestinum illud & perpetuum dissidium & certamen inter carnem & spiritum, de quo Paulus ad Galatas 5. *Caro concupiscit adversus spiritum; Et ut non quæcumq; vultis illa faciatis.* Et ad Romanos 7. *Condelector legi, Dei secundum*  
*interio-*

interiorem hominem, hæc est aqua cælestis: Video autem aliam legem in membris meis repugnantem legi mentis meæ & captivantem me in lege peccati: hæc est aqua terrestris: & subdit, mente igitur servio legi Dei carne autem legi peccati. Firmamentum vero inter duas istas aquas interpositum, est vigor rationis à Deo illuminatæ, timor Divinæ legis Diviniq; iudicii, quæ non sinunt illas duas aquas, id est illos duos amores in vicem permisceri atq; confundi. Ut autem præfata divisio amoris & reliquæ virtutes hic enumeratæ efficaciter plantentur in novitio, hoc Magistri negotium est.

Tertio die duæ res perfectæ sunt, etenim aqua obruens terram ita unum in locum segregata est, ut remanserit terra partim aquis subjacens, partim illis supereminens. Similiter etiam in novitio converso ad Deum concupiscentia carnalis quæ antea eum obruebat & dominatu suo tenebat oppressum, sic per Dei gratiam & Magistri Ministerium separari debet, ut novitius partim subjaceat concupiscentiis, scilicet quantum

tum ad eorum sensum & primos motus atq; titillationes, quas vix quisquā, mortalē vitā agens effugere potest; partim ei superemineat videlicet quantū ad consensum & deliberatā oblectationē, nec tantū resistat concupiscentiis, sed etiam cogat carnem servire spiritui, servans illud Pauli præceptum: *Non regnet peccatum in vestro mortali corpore ut obediatis concupiscentiis ejus.* Ad Romanos. 6. Et illud ejusdem ad Galatas quinto. *Qui sunt Christi, carnem suam crucifixerunt cum vitiis & concupiscentiis.* Nec verò terra aquis duntaxat tertia illa die detecta & siccata est, sed ex se protulit omnia stirpium & herbarum genera. Similiter quoq; animus novitii à vitiis & cupiditatibus terrenis segregatus atq; purgatus procreare debet bona & sancta opera, etiam corporalia, quæ per corporis membra perficiuntur, uti sunt opera misericordiæ corporalis, & officia virtutum quæ in regendo moderandoq; appetitu tam concupiscibili quàm irascibili veriantur: velut est temperantia & fortitudo. Itaq; compleri debet in novitio id, quod Paulus ad Romanos scripsit

psit Cap; 6 dicens: *Sicut exhibuistis membra vestra servire immunditie & iniquitati ad iniquitatem; ita nunc exhibete membra vestra servire iustitie in sanctificatione.* Et hanc sententiam Sancti Pauli, totamq; doctrinam hic expressam debet insinuare Magister novitio; ut scilicet subiacendo concupiscentiis, sciat illis supereminere, nec tantum illis sed etiam ut sciat carnem cogere ad serviendum spiritui.

Quarto die in caelo creantur & locantur astra: & in novitio sicut per gratiam conversionis purgatur animus a concupiscentiis, sic per eandem gratiam pars novitii suprema, mens videlicet atq; voluntas illuminatur exornatur, ac decoratur, per dona Dei supernaturalia quae spiritualiter id praestant animo nostro, quod astra corporaliter ipsi caelo. Et solem quidem dixerim, animae nostrae charitatem: quemadmodum enim sol est maximum omnium siderum caeterisq; lucem impertitur, ita charitas effecta est ad omnes alias virtutes: Luna quae condita est in solatium noctis & remedium tenebrarum signifi-

cat spem, quæ in rebus arduis & adversis hominem firmat, atq; sustentat. Fides significatur astro veneris quod luciferum, seu Hesperum appellamus. Sicut enim Lucifer solis ortum præcurrit, & post ejus occasum remanet, sic fides & ante ortum Charitatis, & post ejus occasum manere potest. Quatuor alii Planetæ denotant quatuor virtutes morales, non humanas sed divinitus infusas, nec eas quæ sunt in parte sensitiva, sed quæ sunt in parte rationali. Stella Saturni temperantiam, Jovis justitiam, Martis fortitudinem, Mercurii prudentiam: Innumerabiles aliæ quæ in octavo cælo sunt stellæ, denotant innumerabilia Dei dona, & auxilia singularia crebrasq; illuminationes, & inspirationes, quibus hominem DEUS subinde movet, ac promovet, à malo liberat, & in bono confirmat.

Reliquis tribus diebus generata sunt tria genera animalium, pisces, aves, & terrestres animantes, quibus figurantur juxta Pererium tria genera, seu tres gradus Iustorum, qui in Ecclesia Christi versantur, sed etiã illis bene figurari possunt

unt tria genera, seu tres gradus novitiorum, qui in Religionibus reperiri solent. Quidam enim novitii solent esse imperfectissimi, etiam in Religione vitam agentes sæcularem, negotiis curisq; sæcularibus implicati similes nempe piscibus qui in aquas demersi vitam degunt. Hi tamen, quia sensum, motum, & vitam habent, id est rectam fidem, sinceram charitatem, & aliqua bona opera; sunt Dei animalia. Alii sunt velut terrestres animantes, qui licet in Religione viventes, non omnino, nec absolute à terra separati sunt, vitam tamen non agunt terrenam, sed spiritualem, virtutum præstantiâ, & excellentium operum copiâ cæteris præcellentes, quemadmodum terrestres animantes perfectione sensus, vitæ ac motus, piscibus antecellunt. Deniq; nonnulli novitii sunt absolutissimæ virtutis, ac Sanctitatis viri (qualis fuit Sanctus Stanislaus Kostka novitius Societatis JESU) qui contemptis rebus terrenis, omnibusq; mundanarum rerum curis, atq; cogitationibus abstractis, totos se Dei cultui, obsequio & servitio dicarunt, tanquam aves ad sublimia

mia evolantes; quorum scilicet conver-  
fatio in cælis est, & mens animusq; in  
Divinarum rerum meditatione perpe-  
tuò versatur.

Post cæteras animantes, ultimo  
loco creatus est homo, ad imaginem  
DEI, oportet enim novitium tandiu  
in frangendis cupiditatibus, sedandis  
perturbationibus, frænandis; appetitio-  
nibus, deniq; in omnium virtutum offi-  
ciis colendis tractandisq; perseveranter  
versari, quoad totus evadat rationalis  
intellectualis; & imago DEI, quam fla-  
gitiis deformaverat, atq; obscuraverat,  
ad similitudinem ejus, cum qua DEUS  
ab initio eum creaverat, reformetur atq;  
renovetur.

Ex dictis patet; quomodo instrui,  
educari & informari possit novitius:  
licèt autem DEUS Optimus Maximus  
in creatione mundi & omnium operum  
suorum consumpserit sex dies; tamen  
Magister in creatione seu ædificatione  
novitii (qui est quidam mundus parvus)  
potest imponere plures dies ac menses;  
inò totum annum: DEUS enim mun-  
dum hunc magnum creavit modò &  
virtute

virtute Divina, Magister autem debet  
sensu morali creare novitium, modò,  
virtute humanâ. Sufficit igitur ad  
obligationem Magistri, ut primo v.g.  
mense perficiat in novitio lumen in-  
tellectuale, vi cuius novitius cognoscat  
satum suum præteritum esse miserrimum,  
& quodnam sit bonum sibi Se-  
cundum, quod autem malum fugien-  
dum? Secundò mense sufficit ad obli-  
gationem Magistri ut perficiat novitium  
secundum affectum & voluntatem utq;  
in illo efficiat divisionem amoris, vi  
cujus ille spiritu concupiscat cælestia,  
sicut antea sensu concupivit terrena.  
Tertiò mense sufficit, quatenus in no-  
vitiò efficiat, ut concupiscentiæ carnali  
superemineat, nec tantum illi resistat,  
sed carnem etiam cogat servire spiritui.  
Quarto mense sufficit ad obligationem  
Magistri, ut post purgatum animum  
aliter à concupiscentiis terrenis, instruat  
solum, & disponat ad impetranda dona  
supernaturalia DEI quibus voluntas  
solum illuminetur, exornetur, ac deco-  
retur. Reliquis autem mensibus totius  
anni perficiat cætera in novitio, ut ille

T

evadat

evadat rationalis, intellectualis, & vera  
imago DEI.

## § I I.

### *Proponitur doctrina Sancti Bernardi quomodo sint instruendi novitii.*

Sanctus Bernardus in Epistola ad Fratres de monte DEI scribens talem doctrinam de instruendis novitiis tradit. Deinde docendus est animalis incipiens & Christi tyrunculus DEO appropinquare, ut & DEUS appropinquet illi. Sic namque admonet Propheta: Appropinquate DEO, & ipse appropinquabit vobis. Non solum enim faciendus est homo & formandus sed & vivificandus. Primò enim formavit DEUS hominem, deinde inspiravit in eum spiraculum vite, & factus est homo in quo anima vivente. Formatio hominis institutio est moralis; vita ejus, amor DEI. Hunc fides concipit, spes parturit, charitas format & vivificat. Amor enim DEI vel amor DEUS spiritus Sanctus, amori ho-

minis

Quomodo & in quibus 312

minis se infundens, afficit eum sibi. Et  
mans semet ipsum de homine DEUS, se-  
cum unum efficit & spiritum ejus, &  
amorem ejus, sicut enim non habet corpus  
unde vivat, nisi de spiritu suo, sic affectus  
Bominis ( qui amor dicitur ) non vivit  
hoc est non amat Deum, nisi de spiritu  
en Sancto. Amorem ergo Dei in homine ex  
gratia genitum, laetatur lectio, meditatio  
ascit, oratio confortat, illuminat. Ani-  
d F mali vero & novo in Christo homini, ad  
m exercitanda ejus interiora, melius & tutio  
trae proponuntur legenda & meditanda Redem-  
tens toris nostri exteriora: & ostenditur in  
qua is exemplum humilitatis, provocatio cha-  
ritatis, & affectus pietatis: & de scri-  
D pturis sanctis & Sanctorum tractatibus Pa-  
solu siorum moralia quaeq; & planiora. Propo-  
senda sunt ei gesta & Passiones Sancto-  
ma rum, ubi nec laborandum ei sit in plani-  
n erie historiali: & semper aliquid occurrat,  
mo quod novitii animum excitet ad amorem  
omi Dei & contemptum sui. Porro aliae hi-  
r D storiae delectant quidem cum leguntur,  
bari sed non aedificant, quin potius mentem  
El efficiunt: & in tempore orationis vel spi-  
ri ritualis meditationis, inutilia quaeq; vel  
inis

noxia faciunt scaturire de memoria  
 Lectionis quippe modum, similis me-  
 tatio sequi solet. Difficilium etiam lectio-  
 scripturarum, fatigat non reficit teneri-  
 rem animum: frangit intentionem, hebetat  
 sensum & ingenium. Docendus est etiam  
 in oratione sua sursum cor levare, spiri-  
 tualiter orare, à Corporibus vel corporum  
 imaginibus, cum Deum cogitat, quantum  
 potest recedere. Admonendus est, quantum  
 potest puritate cordis intendere in eum  
 cui sacrificium orationis sue offert, se-  
 ipsum attendere qui offert, intelligere  
 quod offert. Quantum enim videt vel  
 intelligit, eum cui offert, tantum ei  
 affectu est, & ei amor ipse est intellectu.  
 Quantumq; ipse ei in affectu est, tantum  
 sapit ei hoc ipsum, si dignum Deo est  
 quod offert, & in eo sibi benè est. Huius  
 modi homini oranti vel meditati melius  
 ac tutius (sicut jam dictum est) proponitur  
 imago Dominice Nativitatis, Passionis &  
 Resurrectionis: ut infirmus animus, qui  
 non novit cogitare, nisi corpora & corpe-  
 ralia, habeat aliquid, cui se afficiat, cui  
 juxta modum suum pietatis intuitu in-  
 hereat.

Innitent-

Innitendo ergo huic doctrinæ  
Sancti Bernardi, primò curet Magister  
& doceat novitium, quomodo possit  
appropinquare Deo, & quomodo possit  
DEUS appropinquari illi. Secundò  
curet, ex Novitio facere hominem ra-  
tionalem ac Religiosum, ac tandem illū  
vivificet; formet inquam illum per in-  
stitutionem moralem tradendo ei omnia  
præcepta vitæ Religiosæ, vivificet au-  
tem per amorem DEI. Tertiò ad exer-  
citanda ejusdem novitii interiora, pro-  
ponat ei legenda & meditanda Redem-  
ptoris nostri exteriora. Quartò de-  
scripturis sacris & Sanctorum volumini-  
bus proponat ei, ea quæ sunt faciliora,  
& captui humano magis convenientia.  
Quintò proponat ei gesta & passiones  
Sanctorum, quomodo illi pro Christo  
laborarunt, quomodo passi sunt, & qua-  
liter in hac ipsa Religione vixerunt.  
Sextò doceat eundem novitium exer-  
citiū orationis mentalis & vocalis, &  
quanta puritate debeat intendere sacri-  
ficio orationis, sic denique eundem no-  
vitium instruat, ut ex illo faciat novum  
hominem & novam creaturā in Christo.



## § III.

*Quid specialiter ante oculos d  
beat habere Magister, in docen-  
do & instruendo perfecte  
novitio?*

**M**ulta sunt, quæ in docendo & in-  
struendo novitio debeat respicere  
Magister, tanquam specula quædam, se-  
specialiter debet respicere Regulam,  
Constitutiones ordinis sui. Et quia regu-  
la ordinis nostri, est Sancti Augustini,  
ideo, sequendo contextum & obloquetur  
tiam ejus, primario & ante omnia in-  
struat magister novitium, in exercen-  
charitate erga Deum & proximum, ju-  
ta illud Regulæ punctum. *Ante omnia  
Fratres charissimi diligatur DEUS deus  
de proximus:* quia ut ait Sanctus Augu-  
stinus Tracta: 5 in Epistol; Joan: *Dile-  
ctio sola discernit inter filios Dei & filios  
Diaboli: Signent se omnes signo Crucis  
Christi, respondeant omnes Amen; cantent  
omnes Alleluia: baptizentur omnes, intren-  
Ecclesias,*

ecclesias, faciant parietes basilicarum,  
non discernuntur filii Dei, à filiis Diaboli,  
nisi charitate, qui habent charitatem,  
deati sunt ex DEO.

Secundò statim ab initio voca-  
tionis instruat novitium ut se in unitate  
& concordia inter alios novitios exer-  
ceat, juxta illud Regulæ: *Primum pro-  
pter quod in unum estis congregati ut una-  
nimes habitetis in domo, & sit vobis anima  
una, & cor unum in Domino.* Et hoc  
ipsum inculcat Apostolus ad Ephesios  
quarto. *Solliciti servare unitatem spi-  
ritus in vinculo pacis.*

Tertiò instruat eundem novitium  
in voto substantiali paupertatis, quid  
sit? quænam sit ejus obligatio effectus  
& proprietates? Si enim novitius nesciet  
naturam, obligationem, statum, effectū,  
& proprietates voti paupertatis, facile  
in crimen proprietatis cadet, etiam  
post vota emissa, præsentem autem cor-  
rupto sæculo planè nihil frequentius  
peccatur, quàm contra votum pauper-  
tatis, *omnes enim quæ sua sunt querunt,  
non quæ JESU Christi,* quod specialiter  
ibi accidere solet, ubi ex abusu intro-

ducto, distribuitur certa pars pecul  
inter Religiosos, pro comparandis ne  
cessariis. Et hanc instructionem in vot  
paupertatis demandat Regula dum in  
quit. *Nec dicatis aliquid propriam, se  
sint vobis omnia communia: & distribu  
tur unicuiq; vestrum, à Præposito suo v  
ctus & tegumentum, non equaliter omni  
bus, quia non equaliter valetis omne.  
sed potius unicuiq; sicut cuiq; opus fuerit.  
Sic enim legitis in actibus Apostolorum  
quia erant illis omnia communia & distribu  
batur unicuiq; sicut cuiq; opus fue  
rat.*

Quartò instruat novitium in exer  
cendo votò Castitatis, & doceat quod  
illud, non solum ipso actu, sed etiam  
ipso affectu vel aspectu & cogitationibus  
immundis deliberatè admissis violatur  
juxta Regulæ textum ubi dicitur. *Oculi  
vestri & si jaciantur in aliquam femina  
rum, in nullam figantur. Neque enim  
quando proceditis, feminas videre probi  
bentini; sed appetere, & ab eis appeti velle  
criminosum est. Nec solo tacito affectu,  
sed affectu & aspectu quoq; appetitur, &  
appetit concupiscentia feminarum. Nec*  
*dicatis*

dicatis vos habere animos pudicos si habe-  
tis oculos impudicos: quia impudicus ocu-  
los impudici cordis est nuntius. Et cum  
se invicem sibimet etiam tacente linguâ  
conspectu mutuo corda nuntiant impudica,  
& secundum concupiscentiam carnis alter-  
utro delectantur ardore, etiam intactis  
ab immunda violatione corporibus, fugit  
castitas ipsa de moribus.

Quintò instruat novitium in exer-  
cendo voto Obedientiæ: juxta illud  
Regulæ: Præposito tanquam Patri obe-  
diatur, multo magis Præsbytero, qui o-  
mnium vestrum curam gerit. Porro non  
sufficit simpliciter obedire, sed requiri-  
tur ut obediatur promptè, hilariter, ve-  
lociter, sine contentionibus, murmura-  
tionibus, litigiis, & sinistris tergiverfa-  
tionibus, & seclusa omnis discretionis,  
vel propriæ voluntatis specie, aut quo-  
cunq; prætextu vel colore. Verbo lo-  
quendo debet exercere Magister novi-  
tium in profectu obedientiæ cæcæ:  
quam ut facilius exequatur novitius,  
ad Magistrum pertinebit docere suos  
discipulos, quid sit obedientia cæca:  
quanta sit illius præstantia, honor, &  
præmia?

Sextò

Sextò instruat & præcaveat novitium ut non de Parentum divitum nobilitate, præstantia, antiquitate, sed potius de communi vita & consortio Fratrum gloriatur, juxta illud Regulæ: *Magis autem studeant non de Parentum divitum dignitate, sed de pauperum Fratrum Societate gloriari.*

Septimò instruat eundem novitium, ut non tunc insistat devotioni orationibus, meditationibus, & aliis piis exercitiis, quando ipsi placuerit, sed tunc quando exposcit usus, Ordo, consuetudo, & statutum tempus à Religione, juxta illud Regulæ: *Orationibus instate horis & temporibus constitutis. Qui enim horas & tempora constituta non observat in orando, hic communem ordinem impedit & magis voluntatem suam quam devotionem perficit.*

Octavò instruat novitium quomodo debeat mortificationi corporis, sensuum, passionum, & primorum motuum insistere, juxta illud Regulæ: *Carnem vestram domate jejuniis, abstinencia escae & potus quantum valetudo permittit.*

Nonò instruat, ipsū ut cū vestibus facu.

sæcularibus exuat complacentiam, in pretioso ornatu, & omnibus superfluis: juxta illud Regulæ? *non sit notabilis habitus vester, nec affectetis vestibus placere, sed moribus.*

Decimò instruat novitium, quomodo debeat cum aliis ambulare, quomodo & quando debeat stare, quomodo se debeat gerere, in gestu capitis manuum pedum & motibus totius corporis, ad internam enim renovationem hominis, multum prodest externa compositio ejusdem: aliqui enim superbè fastuosè & nimium elatis oculis caput gestant, alii manus etiam sine necessitate continuo pervertunt, illisq; frustra àërem verberant, alii motum pedum nimis velocem, alii nimis tardum observant, totum deniq; corpus in progrediendo ita præferunt, ut per hoc quandam Majestatem, auctoritatem, pompam, & æstimationem, sibi conciliare velint. Ex hoc autè procedendi modo multorum aspectum offendunt & eorum gratiam lædunt. Ut ergo novitius quo ad omnia non tantum in anima, sed etiam in corpore sit compositus,

Magi-

Magistri est officium, his omnibus attendere.

Sed quia singula Regulæ puncta, in quibus Magister debet instruere novitium, enumerare non vacat, ideo hæc ab illis referendis supersedeo Sufficiat hoc scire Magistro, quod in omnibus illis, quæ continentur in Regula, debeat informare, erudire, perficere, ac instruere novitium.

Post instructionem contentorum in Regula, debet procedere Magister ad constitutiones, statuta, & consuetudines Ordinis; in illisq; singulis novitium informare tenetur. Specialiter autem illas Constitutiones debet illi representare, inculcare & imprimere, quæ procedunt de voto paupertatis, fugiendaq; proprietate: item de voto castitatis & fugienda conversatione cum mulieribus: tandem de voto obedientiæ & aliis principalioribus. Præterea statim ab initio debet eum instruere, qui nam sint casus reservati in Religione. Porro juxta Bullam Sixti V Pontificis Maximi approbativâ Constitutionū Ordinis nostri, comprehenduntur in casibus

ous reservatis in Ordine nostro, sequentes: videlicet *Apostatae, habentes proprium, seditionem excitantes, susurrantes saltem coram tribus contra Constitutiones, & praecepta Superiorum; audientes confessiones aliorum Fratrum absq; facultate, ebrii, sive ebriosi scandalose, alentes atq; foventes pueros, alloquentes mulieres absq; licentia, & exeuntes domo vel Conventu absq; consensu Superioris.*

Ultra notitiam casuum reservatorum suae Religioni priorum debet instruere Magister novitium circa casus reservatos omnibus Religionibus communes. Porro casus reservati, omnibus communes, ex Decreto Clementis VIII. Pontificis Maximi sunt sequentes.

1mo: *Veneficia, incantationes, sortilegia.* 2do: *Apostasia à Religione sive habitu dimissio, sive retentio: quando eò pervenerit, ut extra septa monasterii, sive conventus fiat.* 3mo: *Nocturna ac furtiva à Monasterio sive Conventu egressio, etiam non animo apostatandi facta.* 4to: *Proprietas contra votum Paupertatis, quae sit peccatum mortale.* 5to: *Furamentum falsum in iudicio regulari seu legitimo.*

6to: Procuratio, auxilium, seu consilium, ad abortum faciendum post animatum factum, etiam effectu non secuto. 7mo Falsificatio sigilli aut manus officialium Monasterii, aut Conventus. 8vo: Furtum de rebus Monasterii aut Conventus in ea quantitate, quæ sit peccatum mortale. 9no Lapsus carnis voluntarius opere consummatus. 10mo Occisio aut vulneratio, seu gravis percussio cujuscunq; persone. 11mo Malitiosum impedimentum aut retardatio, aut apertio literarum à Superioribus ad Inferiores, & ab inferioribus ad Superiores.

Ultra casus reservatos debet etiam Magister instruere novitium de Decretis Summorum Pontificum ad reformationem Regularium editis: & tale Decretum est primò Clementis VIII de largitione munerum unà cum Ejus confirmatione facta ab Urbano VIII. Secundò est Decretum sacræ Congregationis Concilii de celebratione missarum auctoritate Urbini VIII editum. Tertiò est decretum ejusdem Urbani VIII de observantia constitutionum Apostolicarum, ac Decretorum pertinentium,

mentium, ad S. Officium. Quarto, sunt Decreta sacrae Congregationis Concilii iussu Urbani VIII edita, de Regularibus Apostatis & ejectis. Quinto, sunt Decreta Clementis VIII de reformatione Regularium. Sexto sunt Decreta Clementis VIII de receptione, professione ac institutione novitiorum: quæ omnia & planissimè explicat Reverendissimus Ioannes Kery, Prior Generalis Ordinis S. Pauli Primi Eremitæ, ad quem remitto Lectorem; quia præfata Decreta hic referre est operosum.

Tandem brevius concludendo omnia, doceat Magister novitios Alphabetum incipientium, proficientium, & perfectorum, quod Joannes Climacus gradu 26 de discretione hīs terminis tradit: *Optimum in omnibus ac salubre Alphabetum, videlicet obedientia, jejuni-um, cilicium, cinis, lacrimæ, confessio, silentium, humilitas, vigiliæ, fortitudo, frigus, labor, ærumna, contemptus, conceritio, oblivio illatæ contumeliæ, fraternitatis amor, mansuetudo, fides simplex omnique curiositate carens, curarum secularium abjectio, amabile Parentum odium,*  
*totius*

totius rei mortalis repudiatio, simplicitas  
innocentiæ conjuncta, spontanea vilitas.  
Porro finis proficientium ac ratio ista est,  
inanis gloriæ & iracundiæ vacuatio faci-  
lis meliorum spes, quies, discretio, judi-  
cii fixa & solida memoria, misericordia,  
hospitalitas, modestia, correptio omni per-  
turbatione libera, avaritiæ repudiatio.  
Eorum verò spirituum & corporum, quæ  
religiosè ac piè in Deo consummantur hic  
finis, hæc ratio, & lex est. Cor captiva-  
tione superius, consummata & perfecta  
charitas, humilitatis fons, mentis pere-  
grinatio, Christi inhabitatio, lucis & ora-  
tionis inviolabilis thesaurus, divinæ illu-  
strationis copia, mortis desiderium, odium  
vitæ, fuga temporis, mundi intercessor,  
Deo vim inferens, Angelorum in mini-  
strando socius, scientiæ abyssus, mysterio-  
rum domus, arcanorum custos, hominum  
salvator, demonum DEUS, vitiorum  
Dominus, dominatar corporis, nature  
procurator, peccato extraneus, beatæ tran-  
quillitatis domicilium, imitator Domini  
per auxilium Domini. Hoc ergo Al-  
phabetum si doceat Magister suos no-  
vitios & in præfatis omnibus virtutibus

os ita practicè instruat, ut illarum natu-  
am, qualitates, excellentiam, amorem,  
& sublimitatem assequantur, puto satis  
ore ad officium Magistri. Reliqua  
uæ hic dici possent, colligi poterunt  
& dicendis Parte 3<sup>ta</sup>; ibi enim trade-  
mus, in quo se ipsos debent exercere  
& probare novitii? porro in quo se  
debent exercere novitii, in eo debet  
ipsos instruere Magister. Tandem si-  
ut quilibet homo, ita quilibet novitig  
onstat Corpore & animâ tanquam  
artibûs essentialibûs compositi sub-  
stantialis Physici: quidquid ergo perti-  
et ad bonum ordinem, statum, & com-  
ositionem Corporis, & quidquid per-  
inet ad bonum ordinem, statum &  
egimen animæ, in his omnibus abso-  
utè sine ulla exceptione tenetur Ma-  
gister instruere novitium: sicut enim  
DEUS Optimus Maximus in sensu reali  
& Physico ex anima & Corpore de-  
ihilo suo extractis creavit hominem:  
ita Magister ex eadem anima & corpore  
ebet in sensu morali creare novitium,  
ut jam supra diximus. Oret ergo DE-  
UM Optimum Maximum, ut quæ nos

U

his

hic ad instructionem novitiorum necessaria, intermisimus, Ille ipsi ex alto conferat & misericorditer largiatur.

## CAPUT VII.

*In quo proponitur norma seu exemplar munerum, officiorum, & qualitatum ipsius Magistri novitiorum, seu quid pertineat ad Magistrum novitiorum & quibus qualitatibus præditus esse debeat?*

Plurima sunt officia, munera & qualitates ad Magistrum novitiorum spectantes, proinde de his omnibus aliquot Paragraphis tractabimus.

### § I.

*In quo proponitur exemplar officiorum & munerum ad Magistrum novitiorum spectantium.*

**E**x allata hæcenus doctrina, quilibet Magister informari potest quomodo suos

uos novitos probare ac instruere debeat, cæterum ut plenius hac in parte loquamur, adhuc compendiosè adferemus hîc nonnulla officia & munera, ad prædictum Magistrum spectantia.

**P**rimum ita Magistri novitiorum officium & munus est, quod primus ante omnes suos novitios surgere à somno debeat. Hujus tam matutinæ surrectionis, necessitas est multiplex. *1ma* ut videat si omnes novitii in suis cellis dormierint. *2da* ut novitios matutina via surrectione, excitet ad surgendum velociter. *3ta* ut videre possit quò animò, quâ alacritate & fronte surgant sui novitii: *4ta* ut debitus ordo in cæteris muniis obeundis servetur. Magister itaq; novitiorum debet esse tanquam aurora matutina: hæc prima ante omnia sidera surgit quotidie, & soli novo præluceat ad futurum diem; ita & Magister novitiorum debet se gerere: primus ante omnia Religionis sidera à omni delistere & his omnibus ad omnem bonum præluceat tenetur; ut tandem aliquando serenam claramq; accendant diem;

Uz

Secun-

*Secundum muns* Magistri novitiorum est, quod ultimus debeat quiescere, cujus ipsius multiplex necessitas est. *1ma* ut videat si omnes novitii contulerunt se in proprias cellas ad dormiendum. *2da* ut postquam se contulerint ad cellas, videat si juxta statuta ordinis servant silentium. *3ia* ut videat & sciat, quàm citò sui novitii contulerunt se ad quiescendum. *4ta* ut advertat si hi & illi postquam se contulerint ad cellas, non discurrant iterum huc & illuc: multi enim cum vident Magistrum novitiorum, se modestissimè componunt, ad cellas se conferunt, dormitum abeunt, in silentio aliquantulum quiescunt, tamen postquam adverterint Magistrū suum quiescere, ad sua lenocinia surgunt, proprias cellas deserunt, ad alios discurrunt, quiescentes perturbant, & multa alia inconvenientia perpetrant? Quare ut Magister novitiorum his occurrat, ultimus debet quiescere. *5ta necessitas* est ut Magister novitiorum videat, si aliquis tentator, in persona Dæmonis non veniet ad tentandum aliquem ex novitiis, ut Religionem

ligionem deserat, habitum deponat, & inchoatum annum probationis abjiciat. Nox enim, est tempus illud in quo transeunt omnes bestię sylvę, in quo fures merces alienas auferunt, latrones prædantur, raptores vim inferunt, cæteraq; malitiosorum hominum turba, sua scelera exequitur; proinde ne aliquis fur cuicumq; ex novitiis pretiosam vocationis mercem auferat, ne aliquis latro prædari sancta proposita intendat, vel tandem insperatus raptor audeat vim inferre piis desideriis, diligenter vigilandum est, & ultimato post omnes quiescendum. *Sic necessitas est* ut Magister novitiorum ultimus quiescat est interna & externa securitas, dum enim ipse ultimo quiescit, notum habet de omnibus, quando, quomodo & qualiter se composuerint ad quiescendum, & sic de nullo ex illis timet ne cadat in laqueum Diaboli, de nullo suspicionem habet utrum sit præsens nunc in monasterio? consequenter tam intra, quàm extra securus evadit.

*Tertium munus* Magistri novitiorum est, quòd in omni loco, nempe in

Ecclesia Choro, Refectorio, Dormitorio, Porta, oratorio & in omni recreatione debeat illis esse præsens, siue per se siue per alium: ad Magistrum enim novitiorum perinet instruere novitios, quomodo se gerere debeant in Ecclesia, Choro, Dormitorio, Refectorio, Porta, Oratorio, recreatione, cæterisque aliis locis; proinde ut hanc instructionem sufficienter illis præbeat, necessarium est ut in omnibus dictis locis ipsis assistat, eos comitetur, & continuo se præsentem exhibeat. O quam multi ex sæculo ad Religionem veniunt, qui superbè leviterque orare, voraciter & barbaramente comedere, morosè dormire, stulte incedere impudicè recreari didicerunt, & frequenter dum jam statum Religiosum arripuerunt, eandem morosam, turpem & barbaram consuetudinem retinere volunt, ad hæc omnia diligenter debet advertere Magister novitiorum, & sic quemlibet ex illis instruere, ut humiliter orent, modestè se reficiant, pudicè dormiant, honestè recreentur. Quis numerabit quot animæ perierunt? quot viri Sancta sua proposita deseruerunt?

unt; quibus in Portæ receptaculis, absq;  
Magistri assistentia loqui, discurrere, &  
conversari indultum est! Quando invi-  
tabantur ad Portam, erant fervidi; mo-  
lesti, compositi, & omnimodè ex vita  
Religiosa contenti, postquàm verò soli  
ad portam iverunt, postquàm soli cum  
secularibus conversati sunt, redierunt  
frigidi, laxi, & in statu Religioso displi-  
cences, quousq; soli non conversabantur  
in Porta, nullas tentationes senserunt,  
non nutabant in spiritu, non torque-  
bantur ullis anxietatibus, postquàm autem  
illis concessa est solitaria conversatio,  
non habent quietem, ab insultibus ten-  
tationum; continuò illis repræsentantur  
illa objecta, cum quibus loquebantur,  
redeunt personæ in mentem, cum qui-  
bus laxè aut saltem liberè discurrebant;  
ex hac autem variorum repræsentatione  
objectorum consurgunt fuitiles apprehen-  
siones, excitantur species præteri-  
torum negotiorum, & sic mentem mise-  
rorum novitiorum occupant, ut non  
possint facilè ac devotè suis insistere  
muneribus, sed ad hæc fervidè aspirant  
quæ imprudenter ex solitaria conversa-  
tione

tione apprehendunt. Quid dicam de  
 recreationibus sine Magistri præsentia  
 habitis: in his frequentissimè perditur  
 quidquid præsentè Magistro acquiritur.  
 Parum est quod virtutes & perfectio-  
 nes acquisitæ perdantur, etiam nova  
 scelera & nefanda crimina sæpissime  
 perpetrantur. Non adfero hic quantæ  
 vidi fieri inconvenientia in prædictis  
 recreationibus sine præsentia Magistri  
 concessis: quia illa & nominare erubescere  
 & indigna censeo, ut hic referantur.  
 cæterùm ex parte mea ( quantum ex-  
 pertus sum ) optarem singulis Magistris  
 novitiorum, ut suos discipulos nun-  
 quam solos pro recreationibus mittant;  
 sed quandocunq; volunt distractionis  
 causa; concedere illis hanc gratiam, sem-  
 per eis assistant, eos comitentur, & nec  
 uno gradu ab illis recedant. Sicut ibi  
 raro evenire solet sine clade, ubi milites  
 circumcirca hostibus septi, ad distractio-  
 nem, vel quietem capiendam sine  
 Duce excurrunt; ita ibi rarissime con-  
 tingit sine casu peccati, ubi novitii ho-  
 stibus invisibilibus undequaq; obsessi sine  
 magistro suo ad recreandum exeunt.  
 Non dormit tactator noster, non dor-

miunt hostes nostri dum nos recreamur, illi invigilant; ex occasione recreationis majores & majores ad exhilarandum modos porrigunt, in ipsaq; hilaritatis abundantia, mortiferum aliquid suggerunt, tandem ex amore ulterioris hilaritatis capiendæ, etiam ad Deum offendendum inducunt. O infelix talis recreatio quæ Christum offensum contristatur: O detestanda talis distractio quæ hominem a Deo distrahit & infinitè separat. Ut ergo & hilaritatis abundantia temperetur, & debitus ordo recreandi fervetur, Magister novitiorum sit his omnibus præsens, vel saltem à longè prospiciat. Nunquam autem ita à suis removeatur novitiis, ut eorum actus spectare non possit. Fateor quidem in aliquibus sanctis Religionibus esse ita piam & felicem institutionem novitiõrũ, ut etiam si illi mittantur sine Magistri assistentia ad recreandum, tamen se modestè & religiosè gerant. Sed quia in aliis multis Religionibus contrarium aliquando evenisse legimus, ideo melius est prævenire & occurrere peccati periculo etiam remoto, quàm illi se exponere.

*Quar-*

*Quartum munus seu officium* Magistri novitiorum est, ut toto illo tempore quo novitii in cellis suis morantur, custodiat hoc, quatenus libris spiritualibus incumbant, lectioni Sanctorum Patrum, Ascetarum aliorumque piorum virorum insistant. Quod Professor in schola, Doctor in Cathedra, hoc Magister in suo novitiatu; ad eum spectat vitæ regularis lectionem tradere, prima rudimenta Religiosæ observantiæ proponere, & alia his similia remonstrare, ut jam supra diximus; quare nè in cassum hanc lectionem tradat, attendere debet ut ejus discipuli non fabulis, sed lectioni librorum spiritualium se applicent: si quos autem viderit in hoc pio & sancto studio negligentes, tepidos, aut resistentes, talibus ipse librum & quantitatem lectionis assignet, tempus ad perlegendum determinet, quod cum elapsum fuerit inquirat quid? quantum? & cum quo fructu animæ legerunt? imò ut omnes æqualiter tractet, omnibus prædictam lectionem & tempus legendi metiatur, & tandem, ex omnibus simul rationem tam pii laboris exigat. Hujus dili-

Hilientie circa novitios exhibenda  
est multiplex utilitas. *1ma*: est subtra-  
ctio occasionis ad otiaudum & confa-  
bulandum. *2da*: est subtractio coloris  
seu prætexus discurrendi huc & illuc.  
*3tia*: est debita observatio silentii juxta  
Constitutiones Religionis impositi. *4ta*.  
utilitas est hæc quod novitii continuo  
libris spiritualibus incumbentes, firmen-  
tur in spiritu, accendantur in devotio-  
ne, & omnem vitæ regularis formam,  
per continuum in lectione spirituali  
exercitium acquirant. Quod si autem  
non alliciantur nec alligentur novitii  
ad prædictam continuam librorum spi-  
ritualium lectionem, tunc per hoc ipsū,  
datur eis campus divagandi per cellas  
& dormitoria, excurrendi ad culinam,  
hortum, refectorium, & alia similia loca  
minimè utilia, cui divagationi si tem-  
pore novitiatu affvescant, semper tali-  
ter divagari volent, & licet postmodum  
coercebuntur ab aliquo, ut dictam di-  
vagationē relinquunt, non statim ab hoc  
vicio retrahentur. Itaq; devote novi-  
tiorum Magister, principiis obsta, serò  
medicina paratur, statim ab exordio  
proba-

probationis continere & concludere studeas tuos discipulos in cella, ut nullibi extra suum limen exeant, sic enim constricti, & piâ charitatis disciplinâ conclusi, si non otientur, non fabulentur, non puerilibus lenociniis vacent, sed continuo piorum librorum lectioni incumbant, confidendum sperandumq; in Deo, quòd vocationem inchoatam perficient, ac spiritum suum per spatia imaginaria dispersum colligent, soli; Deo contemplando affigentur;

## § II.

*In quo proponitur exemplar quantæ perfectionis debeat esse Magister novitiorum*

Quoniam quilibet novitiorum Magister, est simul quodammodo architectus perfectionis in moribus novitiorum fundandæ, ædificandæ, & stabilendæ, ideo ut hanc perfectionē legitimè fundare, tutè ædificare, prudenter stabilire possit, utilissimū est, ut sciat quantæ perfe-

perfectiois esse debeat. Prædictus itaq;  
Magister novitiorum, præsertim in Re-  
gionibus ab Institutione Apostolica  
immediate descendentibus. *imo debet*  
*esse vir Apostolicus & plenus spiritu*  
*Apostolico:* hoc est debet esse præditus  
Paupertate, obedientia, & Castitate A-  
postolica, debet in omnibus præferre  
charitatem, fidem, spem, patientiam &  
humilitatem Apostolicam, verbò con-  
cludo, debet in illo relucere virtus,  
pietas, & sanctitas Apostolica. Institu-  
tum Monasticū ad erudiendos suos no-  
vitiis, non alium admittit Magistrum,  
nisi virum monasticum seu perfectione  
monasticā plene instructum: Similiter  
institutum eremiticum non alium pati-  
tur Instructorem nisi virum eremiticum,  
solitudini, contemplationi, eremoq;  
totaliter deditum: tandem status mili-  
tariis ad erudiendos belli expeditioni-  
bus Tyrones, neminem eligit nisi virum  
militaribus articulis & stratagematibus  
insignem: eādē per omnia ratione &  
modo, Religio Apostolica ex sua natura  
& professione requirit pro Magistro  
novitiorum, virum Apostolicum.

2do *Magister* novitiorum debet esse plene mortificatus in omnibus passionibus, præsertim iræ gravis, impetuositatis, & furoris subiti, homines etiam sæculares deformantis. Ira enim & impetuusus furor plerumq; hominem extra se rapit, & sui ipsius facit oblivisci, ad dura, barbara & scommatica verba provocat, & multorum aliorum inconvenientium periculo exponit quorum si eveniat aliquid ex occasione iræ præsentibus novitiis, hi utpote pusillanimes scandalizantur, vel si dura verba nunquam audierunt, animo dejiciuntur.

3tio *quilibet novitiorum Magister debet esse perfecte verè ac sincerè charitativus*, id est omnes & singulos suos novitios debet sincerè charitate prosequi; in hac autem ipsa charitate debet fervare istum modum, ut omnes æqualiter amet, vel si amabit aliquos magis præ aliis, propter majores illorum virtutes, non ostendat ad extra hanc inæqualitatem amoris, sed intra plus amet: unde si hunc, quem minus intra amat, arguit vel punit pro aliquo defectu;

etiam

etiam quem plus amat, si deliquerit, pariter arguat & puniat: si parcit illi quem plus amat, etiam pariter parcat illi, quem minus amat. Ratio hujus fundamentalis est hæc: quia Magister novitiorum omni conatu debet satagere, ut inter novitios subtrahat occasiones invidiæ, contentionum, æmulationis, & rixarum, si autem hos plus illos minus amabit, non tam subtrahet, quam subministrabit materiam prædictorum omnium inconvenientium; proinde ne videatur subministrare, omnes & singulos etiam Regiæ, senatoriæ vel Ducalis Prosopiæ filios, æqualiter amet, æqualiter moneat, æqualiter corrigat, æqualiter exhortetur, æqualiter laboribus & oneribus applicet, nisi forte aliqua vera infirmitas, vel alia circumstantia legitima excusaverit. Licet verò aliquos novitios præsertim è Magnis Parentibus & Familiis natos, possit aliquando excusare à ferendis æqualiter oneribus, delicata constitutio corporis, tamen ab exercitiis, humilitatis, & aliorum similibus nullatenus potest excusare, quia ad humiliandum se, non corporis fortitudo,

titudo, sed animi requiritur submissio, & sui ipsius nulla æstimatio. Unde licet v.g. possint aliquando dispensari à Choro nocturno, non tamen ab illo officio, quod ex se parvum quidem & leve est, magnam tamen exigit humilitatem. Quare talibus non est concedendus locus ante alios antiquiores novitios, multò magis ante Professos, sed in ultimo loco secundum suam vocationem sedeant; qui enim ad Religionem suscipiendam candidò animò venit, ille humiliari, contemni, & vilipendi venit, non honorari, proinde si tali priorem ex vano familiæ respectu concedamus locum, impedimus eum ab hoc bono consequendo, quia eum honoramus, licet ille humiliari venerit, ipsiq; eum docemus superbiam, qui ad nos humilitatis addiscendi gratia sese contulit.

4to *Magister* novitiorum debet esse patiens, quia non ad solos novitios nec ad solos quoscunque subditos, sed ad omnes in communi dictum est: *In patientia vestra possidebitis animas vestras.* Unde *Magister* novitiorum, non semper debet suam injuriam vel afflictionem  
 rigorosè

& gerosè vindicare, sed pro temporis, loci  
et personarū circumstantia cum charitate  
trati, quidquid adversi vel molesti con-  
gerit. DEUS noster Optimus maxi-  
mus posset unô momentô & instanti,  
omnes illos conterere & absolutè anni-  
hilare, qui ejus voluntati contraveni-  
unt, præcepta ejus frangunt, vel in con-  
temptum eorum agunt, tamen etiam  
super hos patientiam benignitatemq;  
tam manifestat, tolerat ad tempus eo-  
rum malitiam, expectat pænitentiam  
donec revertantur; in hac patientia de-  
sent Magistri novitiorum imo omnes  
superiores, imitari Deum optimum  
Maximum. Unde licet cum charitate  
possint hunc & illum de gremio suo  
respuere, punire, & serio excludere,  
tamen aliquando consultis prudentiæ  
legibus, patiendum est vel intermitten-  
tum.

*sto Magister novitiorum debet esse*  
*compatiens*, hoc est si veniat aliqua fu-  
ra suos novitios afflictio, infirmitas,  
vel dolor corporis aut spiritûs, tunc  
debet illis compati & condolere, seu  
pati cum patientibus, dolere cum

W

dolenti-

dolentibus, infirmari cum infirmantibus, tritari cum tritantibus. Hoc faciebat Apostolus ut de se ipso testatur dum inquit: *Factus sum Iudeis tanquam Iudeus, ut Iudeos lucrarem, iis qui sub lege sunt, quasi sub lege essem cum ipse non essem sub lege, ut eos qui sub lege erant lucrifacerem: iis qui sine lege erant tanquam sine lege essem cum sine lege Dei non essem, sed in lege essem Christi, ut lucrifacerem eos, qui sine lege erant.* Factus sum infirmus, ut infirmos lucrifacerem, omnibus omnia factus sum ut omnes facerem salvos. Hanc per omnia formam Apostoli, debet induere institutio Apostolici Magister: debet esse cum infirmis infirmus, cum debilibus debilis, cum tritantibus tristis: verbô: debet omnibus omnia fieri, ut omnes Christo lucrificet.

6to Magister debet esse Clemens & severus. ita ut severitatem clementiam & autoritate officii sui temperare sciat, ut in nullo excedat, sed clementiam severitati ita aptet, ut neq; nimis clemens, neq; nimis severus neq; nimis autoritativus; non debet esse nimis

nimis clemens, quia nimia clemetia dissipat subditos, laxos facit, & multum adaces, hi enim dum vident superiorem nimis clementem, in spem ejus clementiæ multa sibi indulgent, & multa licere putant, non agunt quæ illos concernunt, sed confidentes bonitati ejus plura onera ad se spectantia intermittunt quàm perficiunt, imò quidquid mali, perversi, & inordinati cogitari potest, illud stulte audent, respicientes semper nimiam sui superioris clementiam. Hi ordinariè subalternos superiores contemnunt, admonitiones & præcautiones superiorum subalternorum negligunt, & tandem ita vivunt, ut quo major sit superioris clementia, eo major sit eorum malitia & stultitia. Non debet esse nimis severus & nimis rigidus, quia nimia severitas & rigor, illialem apud subditos dissipat affectum, prædictumq; Magistrum odiosum, ingratum & crudū reddit. Qui sunt nimis rigidi & severi, ab omnibus timentur, à nemine amantur. Omnes cum illis agunt pulchrè, sed nullus sincerè; nam quilibet eorum rigorem ad oculum

W<sub>2</sub>

laudat,

laudat, & intra odit. Ubi nimis rigidus comparet superior, ibi omnes quidem suscipiunt hilariter eundem, sed paulatim successively unus post alterum subducitur, ita ut non habeat cum quo ad finem conversari possit; omnes enim cavent sibi & verentur cum ipso loqui, multo magis conversari, ne ipsis in hac ipsa conversatione, aliquē nimium imponat rigorem.

*7mo Magister novitiorum debet esse in omni loco, tempore & circumstantia cautus ut nulli ex novitiis scandalum vel occasionem, scandali præbeat.* Porro in Magistro novitiorum imo in quocunque alio Superiore præcipua & frequentissima scandali occasio est hæc, quando Magister prædictus tradit Regulam, statuta, & consuetudines ordinis remonstrat suis subditis docetq; hoc & illud omnino servandum esse, quia sic Regula & statuta præscribunt, tandem postquam illis hanc doctrinam dederit & ipse videntibus & spectantibus suis subditis contrarium facit, tunc ex talibus factis doctrinæ præfatæ contrariis statim subditi scandalizantur, & connaturaliter

intra

intra se loqui solent: nobis onera importabilia imponit, & ipse digito movere ea non vult, nos jubet hoc & illud facere ideo, quia hoc Constitutiones ordinis præscribunt; ipse vero id quod docet non observat: utiq; & ille non est supra sed infra Constitutiones ordinis? &c: &c: Sive igitur orat, vel meditatur, sive quiescit aut, vigilat, sive stat vel incedit, sive manducat vel bibit, sive laborat vel recreatione fruitur, sive aliquid aliud cogitabile facit; continuo circumspæctus sit coram quo id facit, si coram novitiis & suis subditis, jam cum majori diligentia id operetur; & caveat ne in aliquo operis puncto scandalum præbeat, Si coram illis ubi nullum scandali periculum adest, tunc potest liberius & securius agere, nunquam tamen ita laxè, ut a debita Regula morum, sine ulla ratione vel urgente necessitate recedat: novitii enim suum Magistrum omnesq; subditi superiores suum, in omni actione intuentur, & hoc sibi pro regula vivendi accipiunt, quod eum operari vident.

*quo Magister novitiorum debet esse*

W<sub>3</sub>

*continuo*

*continuo sobrius ita, ut in nullo casu possit se dispensare vel sibi indulgere aliquid in potu ultra mensuram. Quod si per impossibile aliquando sibi indulerit, absolutè non compareat suis discipulis, verùm se ita in aliquo loco abscondat, ut a nemine eorum videri & scripi possit. Ratio est, quia inebriatio etiam unica multorum inconvenientium & scandalorum solet esse causa, & sic aliquos ad furorem extraordinarium & impetuositatem, aliquos ad perturbandam pacem, alios ad contendendum, alios ad vaniloquia aliaq; innumera absurda provocat, unum autem ex his absurdum, in actuali inebriatione præsentibus novitiis committere, satis grande piaculum est. Dum Sanctus Paulus daret præcepta & instructionem sancto Thimotheo Discipulo suo, nimirum ut prædicet verbum, instet opportunè, importunè, ut arguat obsecret, increpet in omni patientia & doctrina, ut vigilet in omnibus laboret, ut opus faciat Evangelistæ & ministerium suum impleat: tandem subiungit expresse dicens ad Thimotheum. *Sobrius esto. Quicumq; ergo Magistri munere**

nunere inquacunq; Religione Apostolica fungeris, utor ad te verbis Apostoli. *Testificor coram Deo & Christo JESU, qui judicaturus est vivos & mortuos per adventum ipsius & Regum ejus; prædica verbum, instæ opportune, importune, argue obscra, increpæ in omni patientia & doctrina. Erit enim tempus cum sanam doctrinam non sustinebunt, sed ad sua desideria coacervabunt sibi Magistros prurientes auribus. Et a veritate quidem auditum avertent; ad fabulas autem convertentur. Tu vero vigila in omnibus, labora, opus fac Evangelistæ (seu Magisteri) ministerium tuum imple. Tandem ad hæc omnia specialiter hanc etiam clausulam addo: sobrius esto.*

*Quo Tandem Magister novitiorum debet habere omnes qualitates illas, quas in Regula sua injungit S. Augustinus cuilibet superiori dum inquit: Ipse vero qui vobis præest, non se existimet potestate dominante, sed charitate serviente felicem. Honore coram vobis Prælatu sit, vobis, timore coram Deo, substratus sit pedibus vestris, circa omnes se ipsum honorum operum præbeat exemplum.*

*Corripiat inquietos, consoletur pusillanimes sustineat infirmos, patiens sit ad omnem disciplinam libens habeat, metuendus imponat: & quamvis utrumq; sit necessarium, tamen à vobis plus amari appetat quam timeri semper cogitans Deo se pro vobis redditurum rationem. Quidquid ergo in hac Regula præscribitur ad rationem boni superioris, id omnino requiritur ad rationem boni Magistri, siquidem hic est superior respectu suorum novitiorum.*

Ultimo tandem debet esse ita perfectus, ut contineat in se omnem omnino illam Religiosam perfectionem, quam communicat, communicare vult, & tenetur suis novitiis. Quilibet enim Magister ita se habet respectu suorum novitiorum, sicut se habet causa aut principium respectu sui effectus. Sicut ergo ad hoc, ut aliqua causa vel principium possit communicare aliquam perfectionem suo effectui, debet illam pro priori saltem aliquomodo continere; ita Magister instruens novitios si vult in eos, refundere perfectiones & qualitates vitæ Religiosæ, debet illas ipse prius habere,

bere, & illis perfectè quantum fieri potest excellere Idem Magister novitorum est quoddam vivum exemplar, ex quo exempla, normam, formam, & methodum vitæ Religiosæ debent sumere novitii; est imago sui Iustituti, in quod assiduo debent convertere oculos plantæ novellæ; est quoddam ærarium gemmarum & clenodiorum spiritualium, ex quo indigentes & pauperes spiritu citari debent, quomodo autem hæc omnia ab illo participabunt, si ille ipse his doctibus caruerit?

### § III.

*Quantæ & qualis scientiæ debeat esse Magister novitorum.*

**D**uo sunt principalia fundamenta, quibus innititur, tota structura disciplinæ regularis, imum est virtus seu pietas consistens in actibus voluntatis. 2dum, scientia consistens in actibus intellectûs. His duobus fundamentis debet insistere, & præluce, quilibet novitorum Magister; qualiter debeat præ-

prælucere primo fundamento? jã ostendimus, quando deduximus quantæ perfectionis debeat esse; qualiter autem debeat prælucere secundò fundamentò, seu scientiã, facilè id ostendemus, quando deducemus qualis & quantæ scientiæ debeat esse:

imo itaq; *Magister novitiorum* præsertim in Religione Apostolica ad dictum officium evectus, debet habere *scientiam Apostolicã*. Porro scientia Apostolica, est illa, quæ habetur non in persuasibilibus humanæ sapientiæ verbis, sed in ostensione spiritûs & virtutis, ut testatur de se ipso Apostolus dicens: *Sermo meus & prædicatio mea, non in persuasibilibus humanæ sapientiæ verbis, sed in ostensione spiritus & virtutis, ut fides vestra non sit in sapientia hominum, sed in virtute Dei. Sapientiam autem loquimur inter perfectos; sapientiam autem non hujus sæculi neq; Principum hujus sæculi, qui destruuntur, sed loquimur Dei sapientiam, in mysterio quæ abscondita est, quam prædestinavit DEUS ante sæcula, in gloriam nostram, quam nemo Principum hujus sæculi cognovit. Qui ergo*

Magi-

1ma ad  
Corinth  
2.

Magistrum novitiorum agit, talem debet habere scientiam: scilicet non in persvasibilibus humanæ sapientiæ verbis fundatam, sed in offensione spiritus sancti & virtutis Divinæ, ut fides novitiorum non sit in sapientia hominum, sed in virtute Dei. Item dictus Magister novitiorum debet habere sapientiam quam possit loqui inter perfectos, hoc est inter tales viros qui in observantia & vita regulari perfecti consummati; sunt, debet inquam habere sapientiam non hujus sæculi, sed sapientiam Dei in mysterio, quæ abscondita est, quam prædestinavit DEUS ante sæcula in gloriam nostram, & quam nemo Principum hujus sæculi cognovit.

*2do Magister novitiorum debet habere scientiam eradicativam vitiorum in novitiis quæ in sæculo contraxerunt, seu debet habere talem scientiam, vi cuius sciat & perfecte noscat quomodo vitia cum quibus adhuc in sæculo contractis in Religionem venerunt, eradicanda sint ac extripanda; sicut enim Christus Dominus veniens in mundum, protestatus est quod non venerit vocare iustos*

justos sed peccatores, ita quælibet Religio imitando Christum Dominum, non intendit principaliter gremio suo incorporare justos, sed peccatores, & variis defectuum morbis obnoxios, qui ut sanentur, in qualibet Religione præficitur illis Magister, tanquam medicus. Proinde ut dictus medicus spiritualis possit eos rectè sanare, debet omnino habere scientiam eradicativam vitiorum seu morborum, quibus novitii alterantur. Medicus corporalis suscipiens curam infirmi, utiq; sine dubio debet scire principia, modos, & omnia cogitabilia media, quibus infirmus sanari possit, & morbus ejus eradicari, quod si non habeat, & infirmi curam suscipiat; eundem non sanat, sed propria manu occidit: pari modo discurrendum est de spiritali medico curam infirmorum novitiorum suscipiente, quod nimirum debet habere perfectam notitiam principiorum regularum & omnium cogitabilium mediorum, quibus morbi sanari valeant, quod si illâ careat, novitios suos in anima ægrotos, non tam sanat, quàm potius occidit; vel majoris morbi periculo exponit.

3tio Novitiorum Magister debet habere scientiam instructivam, ædificativam & plantativam virtutum, seu talem vi cuius sciat plantare virtutes in novitiis. Fundamentum hujus sicut & prioris scientiæ in Magistro admittendæ est hoc, quia finis & officium Magistri novitiorum est non tantum eradicare, evellere, destruere, & dispergere vitia, sed etiam instruere, plantare & ædificare virtutes in iisdem novitiis, sed de hoc jam infra diximus.

4to debet habere scientiam probativam novitiorum, seu talem vi cuius sciat probare novitios. Principalis enim finis principale officium & munus Magistri est, probare spiritum suorum novitiorum, hunc ergo finem ut rectè, utiliter & fructuose impleat, debet habere perfectam scientiam probandi. Ex defectu hujus scientiæ in Magistro novitiorum multa eveniunt detrimenta Religionibus. *Primum est* quod multi novitii non potentes sustinere imperitiam Magistri, nescientis probare, deserunt vocationem suam, & egrediuntur ex novitiatu. *Secundum detrimentum est hoc, quod*

quod qui sub tali Magistro persistunt & perveniunt ad Professionem, rarò fiunt boni Religiosi, cum enim in novitiatu non fuerint bene probati in spiritu; nec plene ita sicut oportebat mortificati, ideo si post Professionem mortificantur, aut saltem ad ordinaria onera applicantur valde citò resistunt superioribus, vacillant in spiritu, de transitu ad alias Religiones cogitant, Professioni suæ se posse reclamare minantur, ex hoc loco in alium transferri cupiunt, & cum nullibi superiorem ad suum gustum inveniunt, iterum vel ad priorem redeunt, vel sub hoc tristes vel incontenti miserabilem vitam ducunt. *Tertium detrimentum* est afflictio & tortura illorum superiorum, sub quorum jurisdictionem veniunt post novitiatum, novitii malè in novitiatu probati, qui enim in novitiatu probati malè sunt; defacto malè probati sunt, vel in obedientia paupertate & castitate, vel in patientia, humilitate, subjectione, oratione, moderatione, inedia, frigore &c: Si malè probati sunt in obedientia: sine dubio non erunt suo Prælato obedientes perfectè

fectè, vel si obedient in aliquo, obedient in eo quod eis placebit: si malè probati sunt in castitate defacto etiam sub alio superiore laxi & impudici erunt: si malè probati sunt in paupertate; tunc quando cunq; illis deerit aliquid; ægrè ferent; si in patientia, humilitate & in aliis pariter insufficientem institutionem acceperunt, nihil pati volent, obsequia humilitatis respuent, tempus orationis, meditationis, & aliarum devotionum fugient; si tandem in frigore vel inedia malè probati sunt, commoditates varias præterdent, & cum saturati non fuerint, murmurabunt: quidquid deniq; zelosus, prudens, & rectus Superior imperabit quod illi in novitiatu non probarunt, hoc totum vel eis grave videbitur, vel novum vel excogitatum à Superiore fingentur. Hos omnes defectus suorū subditorum malè olim in novitiatu probatorum si viderit superior, impossibile est ut non affligatur, consequenter ex mala & insufficiente novitiorum probatione seu ex defectu scientiæ probativæ in Magistro, sequitur afflictio & crudelis tortura Superiorum ad quorum jurisdi-

jurisdictionem tales novitii post novitiatum veniunt.

5to Magistrum novitiorum decet quidem Theologiæ Scholasticæ scientia, tamen ex vi officii ejus, hæc in ipso non requiritur: cæterum notitia Theologiæ moralis ita est in ipso necessaria, ut sine illa muneri suo satisfacere nequeat. Prædictus enim Magister est Judex, superarbiter, & ordinarius moderator conscientiarum suorum novitiorum, quod judicium siquidem nullo modo potest esse legitimum, sine adminiculo Theologiæ moralis, ideo hæc simpliciter est necessaria dicto Magistro. Ad Magistrum prædictum pertinet dubia novitiorum resolvere, inanes scrupulos sedare, perplexitates reparare, anxietates dissipare, probabilitates decernere, quid in quo casu sequendum sit ostendere? hæc autem omnia quomodo implere poterit, si Theologiæ moralis notitiâ destitutus fuerit.

6to Quilibet Magister novitiorum debet habere, omnem illam scientiam quam vult & tenetur. suis novitiis communicare: nemo enim dat quod non  
habet,

habet, ut supra innuimus; si itaq; Magister novitiorum non habeat aliquam scientiam spectantem ad ejus officium, sine dubio non possiet illam dare, proinde ut illam det, necessariò debet illā ipse pro priori habere.

7mo novitiorum Magister debet habere scientiam ac notitiam eorum Conciliorum, ac Decretorum à Summis Pontificibus latorum, in quibus descripta sunt illa omnia, quæ spectant ad reformationem Regularium, & piam institutionem novitiorum: sed de hoc jam supra innuimus.

#### § IV.

*Quid in omni Probatione novitiorum debeat indispensabiliter servare Magister eorum.*

Multa sunt, quæ in probatione novitiorum debeat servare Magister eorum, & de his jam multa diximus, sed illud adhuc dicendum censeo, quòd ultra hæc omnia quæ jam innuimus, debeat adhuc servare Magister, in omni probatione virtutē discretionis seu prudentiæ. *Discretio enim ( ut docet Sanctus*

ctus Bernardus) est quedam moderatrix  
 & auriga virtutum, ordinatrixq; affectuum  
 & morum doctrix: Tolle hanc & virtus  
 vitium erit, ipsaq; affectio naturalis in  
 perturbationem magis pervertetur, exter-  
 miniumq; nature. Jam autem juxta Cas-  
 sianum discretio est non mediocris quæ-  
 dam virtus, quæ nec humanâ passim  
 valeat industriâ comprehendi nisi Divi-  
 na fuerit largitate collata. Hæc igitur  
 discretio ita est necessaria in Magistro  
 Novitiorum, ut si illa careat absolute  
 Magister esse non possit: discretio namq;  
 seu prudentia (juxta Sanctum Augusti-  
 num) est illa virtus quæ bona discernit  
 à malis, ut in illis appetendis istisq; vi-  
 tandis nullus error obrepit; quomodo  
 autem Magister discernet bonum à ma-  
 lo, si careat virtute discretionis & pru-  
 dentia. Quodam tempore convene-  
 runt plurimi seniores Patres ad B. An-  
 tonium in Thebaidis partibus commo-  
 rantem. Cumq; à vespertinis horis  
 protracta fuisset spiritualis collatio,  
 quaestio de discretione maximum noctis  
 spatium consumpsit. Quærebatur autem  
 inter eos, quænam virtus & observatio  
 virum

irum Religiosum à laqueis Diaboli  
offit custodire illæsum, vel ad Deum  
recto firmoq; tramite perducere. Cūq;  
pro captu sui intellectus unus quisq;  
proferret sententiam in medium, & alii  
quidem hoc in jejuniorum vigiliarumq;  
studio, alii in nuditate & contemptu  
rerum collocarent, alii remotiorem vi-  
am & secreta eremi esse petenda cense-  
rent, nonnulli autem imprimis sectanda  
esse charitatis & humanitatis officia de-  
cernerent, cumq; in hunc modum pia  
contentione decertarent, jamq; maxi-  
mum noctis tempus in hoc esset con-  
sumptum; tandem B. Antonius respon-  
dens universis dixit: *Omnia quidem hæc  
que dixistis necessaria sunt & utilia si-  
cientibus Deum, sed his principalem tri-  
buere gratiam, nequaquam nos innume-  
rabiles multorum fratrum casus & ex-  
perimenta permittunt: nam sæpe videmus  
fratres tenentes has observationes, re-  
pentino casu deceptos fuisse, eò quia ca-  
suno quod cæperant, discretionem minime  
enuerint. Nec enim alia causa lapsus  
eorum deprehenditur, nisi quia minus à  
senioribus instituti, nequaquam potuerunt  
rationem*

rationem hujus discretionis adipisci, quæ  
 viâ Regiâ docet. incedere, & nec excessu  
 continentia modum transire permittit, ne  
 deflectere ad vitia concedit.

Ex dictis immediatè patet B. An-  
 tonium totam causam lapsus ruinæ  
 spiritualis, refudisse in id quod mult  
 viri spirituales minus perfectè institut  
 fuerint à senioribus de virtute discre-  
 tionis: quare ut hic lapsus & ruina a-  
 vertatur, seniores & Magistri novitio-  
 rum debent eosdem Novitios instituer  
 ac instruere de virtute discretionis, u  
 autem bene instituunt & instruunt ip  
 eadem virtute discretionis debent esse  
 præditi.

Ut autem hujus discretionis fa-  
 cilius usus habeatur, sciendum est in quo  
 illa consistat. Discretio ergo superio-  
 rum & Magistrorum imo consistit in ho-  
 ut ita bonum discernant à malo ut neq  
 in bonis svadendis, neq, in malis dis-  
 svadendis error ullus subrepere possit  
 unde inquit Granatensis. Sicut Diale-  
 ctica ad hoc potissimum inventa est, ne i  
 veritatis inquisitione deciperemur, & u  
 vera ex verisimilibus discernemus, ita  
 nobis

obis pro Dialectica discretio esse debet,  
 et veram virtutem a falsa virtute specie  
 disjungamus, ne videlicet quod multis  
 contingit, vitium virtutis specie nos fallat.  
 Et hæc Dialectica est maximè necessa-  
 ria Magistro, ut in novitiis sciat discer-  
 nere veras virtutes à falsis; si enim fal-  
 sas virtutes pro veris judicabit, & se-  
 ipsum & Religionem decipiet, judican-  
 do eos verè virtuosos, qui falso virtuosi  
 sunt, seu judicando eos capaces insti-  
 tuti Religiosi, qui à parte rei incapaces  
 sunt.

2do discretio consistit in hoc ut ni-  
 hil præcipitanter, nihil impetuosè, nihil  
 furibundè agat, vel ordinet, sed omnia  
 naturè, prævia ratione, consilio, ac de-  
 liberatione. Talis discretionis erat S.  
 Ignatius Fundator Societatis JESU qui  
 (ut ait Historia) Ratione & consilio  
 plurimum utebatur, crebro usurpans à  
 belluis hominem sola ratione differre,  
 Unde ipse in omni actione, & finem actio-  
 nis & media modosq; perfectissimos, eas  
 perficendi excogitabat. Bene monet  
 Thomas à Kempis; Magna sapientia est  
 non esse præcipitem in agendis nec periti-

*Magistri novitiorum  
naciter in propriis stare sensibus.* Lib  
I de Imit: C: 4. §. I.

3tio discretio Magistri vel cujus-  
cunq; alterius superioris consistit in  
hoc, ut Magister discernat & cognoscat  
quantum unusquisq; ex subditis sustine-  
re, portare & pati possit. Et talem se  
Magistrum exhibuit ipse Christus Do-  
minus ut de se testatur Math: 10 dicens:  
*Ego sum Pastor bonus, & cognosco oves  
meas, & cognoscunt me mea. Et alias  
oves habeo quæ non sũnt ex hoc ovili, &  
illas oportet me adducere, & vocem me-  
am audient,*

4to discretio Magistri consistit in  
hoc ut suis subditis non inponat onera  
nimis gravia & insubportabilia, sed  
nonnisi talia ad quæ ferenda potentes,  
capaces, & sufficientes sunt. Et talem  
discretionem servabat ipse Christus Do-  
minus respectu Apostolorum, ut con-  
stat ex illius verbis ubi inquit ad Apo-  
stolos. *Tollite jugum meum sup̄ vobis:  
jugum enim meum suave est & onus meum  
leve.* Unde Mathæi 23 reprehendit  
tales Magistros qui suis subditis onera  
insubportabilia imponunt, dum inquit:

*Super*

*Super Cathedram Moysi sederunt Scribæ  
& Pharisei. Omnia ergo quæcunq;  
dixerint vobis servate & facite, secun-  
dum opera vero eorum nolite facere, dicunt  
enim & non faciunt. Alligant autem onera  
gravia & importabilia, & imponunt in hu-  
meros hominũ; digito autem suo nolunt ea  
movere.*

*isto discretio Magistri consistit in  
hoc ut dum Novitiis imponit aliquod  
onus grave, statim eisdem provideat &  
porrigat media ad ferendum illud vel  
ipse illud una cum Novitiis ferat: Et  
hanc discretionis speciem, servavit Chri-  
stus Dominus cum Apostolis, quibus  
imposuit quidem aliqua onera ex parte  
gravia, cæterum simul providit illis  
media ad illa ferenda, nempe subministra-  
vit illis auxilia supernaturalia, gratiam  
sanctificantem, habitus infusos, item  
gratias prævenientes, comitantes, sub-  
sequentes, &c: quibus omnibus adjuvi  
Apostoli, omnes difficultates & pericula  
vicerunt. Unde quando eos mittebat  
ad prædicandum Evangelium, prohibuit  
de hoc cogitare quid corã infidelibus illis  
essent locuturi. Nolite cogitare quomodo*

aut quid loquamini non enim vos estis qui loquimini sed spiritus Patris vestri qui loquitur in vobis: & simul addit: dabitur enim vobis in illa hora quid loquamini. Non solum autem providit illis media supernaturalia sed etiam naturalia & ordinaria sic ituris in orbem universum, prohibuit ut neq; aurum neq; argentum neq; pecuniam in zonis, neq; peram in via neq; duas tunicas, neq; calceamenta, neq; virgam portarent: sed simul ita ordinavit ut illis necessaria omnia ad victum & amictum ubiq; darentur dicendo. *Dignus enim est operarius cibo suo:* Sicut autē illis providit media in utroq; ordine tam naturali quam supernaturali, ita onera illis imposita cum illis portavit eosq; in illis ferendis adjuvit, ut constat ex illis ipsius verbis: *sine me nihil potestis facere:* & ex illis: *vobiscum sum usq; ad consummationem seculi.* Hanc totam discretionem juxta sphaeram suam debet servare quilibet Magister, & ita se cum Novitiis gerere, sicut se aliquando prudentes gerunt Professores cum Discipulis, quibus dum arduas difficultates resolvendas objiunt, tum ipsi quoq;

quoque; demonstrant viam, modum, & rationem, qualiter eas difficultates discipuli resolvere possint.

*oro Discretio Magistri* in hoc consistit, quod dum novitii in aliqua re vel negotio delinquant, non semper omnino exigat pœnam vel satisfactionem ad æqualitatem, hoc est in omnibus & super omnia tantam, quantum est delictum, sed delinquentes aliqua ex parte arguat, aliqua ex parte puniat, aliqua parcat, aliqua dissimulet, aliqua quasi non videret fieri permittat. Hęc discretionis formâ usus ipse Christus Dominus cum Apostolis. Satis graviter deliquit Petrus quando suum Magistrum ter abjuravit, & tamen Christus Dominus non damnavit eundem in instanti, nec detrussit ad infernum, nec delevit ex Collegio Apostolico, sed eum benignè respexit, & Petrus fleuit amarè, istoque fletu & pœnitentiâ contentus erat Christus Dominus pro peccato contra se commissio. Pari modo Judas graviter peccavit qui proprium Magistrum suum JESUM prodidit, & vendidit ad mortem. Cæterum JESUS ineffabili discretionē usus est

erga

erga ipsum: nam imo cum federet ad mensam cum aliis Apostolis in cœnaculo, licet sciverit de prodicione futura per ipsum perpetranda, tamen ipsi suum corpus & sanguinem sicut & cæteris Apostolis concessit, pedesq; ipsius sicut & aliorum lavit: nec manifestè exprobravit Judæ dicendo v.g. Ego scio quod me traditurus sis, ego certus sum quod tu sis futurus proditor meus &c: sed valde discretè monuit Judam dicendo in communi. *Unus ex vobis me tradet.* Tandem cum idem Judas venerit cum legione militum, ad tenendum JESUM, non confudit eum JESUS, nec duris vel asperis verbis increpavit, sed ei Paternum osculum præbuit, eumq; nomine amici compellavit dicendo: *Amice ad quid venisti.* Similem discretionem servavit Christus Dominus cum illa muliere comprehensa in adulterio, contra quam dum instarent scribæ & Pharisæi dicentes: *Magister hæc mulier modo deprehensa est in adulterio, in lege autem Moyses mandavit nobis, hujusmodi lapidare.* Tu ergo quid dicis? JESUS autem inclinans se deorsum scribebat in terra. Cū

ergo

ergo perseverarent interrogantes erexit se & dixit eis. Qui sine peccato est vestrum primus in illam lapidem mittat, & iterum se inclinans scribebat in terra. Audientes autem hæc, unus post unum exhibant incipientes à senioribus & remansit solus JESUS & mulier in medio stans, erigens autem se JESUS dixit ei, mulier ubi sunt qui te accusabant? nemo te condemnavit? Quæ dixit nemo Domine. Dixit autem ei JESUS: nec ego te condemnabo. Vade & jam amplius noli peccare. O quam pulchrum discretionis exemplum in Christo Domino: hunc igitur imitentur Magistri, hunc sequantur superiores ac Prælati, & nunquā in regendo errabunt. Quando igitur continget aliquem accusari, tunc Magister antequam puniat, in omnes partes oculos convertere debet, & discernere circumstantias, occasiones, & qualitates delictorum & delinquentiū, an ex infirmitate an ex malitia peccaverint, quibus omnibus bene perspectis, quantum fieri potest sphæram discretionis non excedat. Quod autem in puniendis, idem proportionatè servandū est in arguendis, admonendis, & corrigendis

gendis subditis: aliqui enim magis ægrè ferunt durum indiscretum & scommaticum verbum, quam severam & rigorosam pœnam, proinde in arguendo etiã verbis ut nummis utendum est, & sic omnia temperanda, ut in singulis Paterna discretio emineat.

*7mo discretio Magistri* consistit in hoc, ut se non exhibeat horridum, tristem, & continuo asperum, sed affabilem & omnibus se accommodantem. Talis discretionis erat S. Ignatius, qui triste, & horridam sapientiam semper vitabat, quantum potuit se ad communem consuetudinem accommodans, ita ut ejus mores primâ fronte intuentibus, unus aliquis è populo videretur esse.

*8vo discretio Magistri* consistit in hoc ut non sit valdè suspiciosus, vel timidus, ita tamen circumspectus, ut in nullo negotio ordinando & disponendo circa Novitios, possit errare. Talem discretionem adhibebat S. Augustinus ut colligi potest ex illius verbis: *Ecce quomodo venimus? nulli liceat in Societate nostra habere aliquid proprium sed si forte aliqui habent, nulli licet. Bene autem sentio*

*Sentio de Fratribus meis, & semper bene credens ab hac inquisitione dissimulavi, quia ista querere, quasi male sentire mihi videbatur. Noveram enim & novi omnes, qui mecum viverent, nosse propositum nostrum, nosse legem vitæ nostræ. Eandem discretionem practicabat S: Ignatius, qui non erat quidem in agendo cum aliis suspiciosus aut timidus, attamen valde circumspectus ac providus, ut illi non facile quisquam posset imponere.*

*Primo discretio Magistri consistit in hoc, quod dum aliquis Novitius videtur, non posse, vel nolle rigorem vitæ Religiosæ sustinere, eum non cogat, nec violenter illi persuadeat, sed spectatis circumstantiis Personarū, permittat illi suum velle agere. Hac discretionis methodo utebatur Sanctus Augustinus ut ipse testatur dicens: Sanè hoc etiam noverit charitas vestra, dixisse me Fratribus meis, qui mecum manent, ut quicumq; habet aliquid aut vendat, aut eroget, aut donet, & commune illud faciat, Ecclesiam habet per quam DEUS nos pascit. Ego dedi dilationem usq; ad epiphaniam, propter eos qui vel cum Fratribus non divise sunt*

runt, & dimiserunt, quod nunc apud fratres suos vel nondum de re sua aliquid fecerunt, quia expectabatur etas legitima. Faciant inde quod volunt, dum tamen sint pauperes, mecum simul expectantes misericordiam Dei: si autem nolunt, qui forte nolunt, cerè ego sum qui statueram sicut nōstis, nullum ordinare Clericum, nisi qui mecum vellet manere: aut si vellet discedere a proposito, cerè illi tollerem Clericatum, quia desereret Sancte Societatis promissum, captumq: consortium. Ecce in conspectu Dei, & vestro, muto consilium. Qui volunt habere aliquid proprium, quia non sufficit DEUS & Ecclesia sua, manent ubi volunt, & ubi possunt, non eis aufero Clericatum. Nolo habere hypocritas, malum enim esse quis nescit? malum est cadere à proposito, sed pejus simulare propositum. Taliter sibi procedat Magister, cum novitiis, quando videt, quod aliqui vacillent; pervadeat leniter quantum potest: quodli pertinaces fuerint in suo placito, permittat ut maneant ubi volunt, & redeant qui volent, melius est illis in Societate carere, quam habere, & hypocritas esse.

10 discretio Magistri in hoc consistit, ut dum circa Novitios eorumq; vocationem occurrit aliquid decernendum, non faciat hoc in instanti, sed ad aliud tempus reservet; & tali modo, quod ratio nequit, sæpe sanabit mora. Hanc discretionem in praxi tenuit S. Ignatius, de quo Ribadeneira testatur. *Acena in sequentis diei negotia disponebat. Cum omnia pietatis opera ad salutem proximi spectantia complecti non posset, magno delectu præferebat publica privatis, perpetua iis, quæ ad tempus sunt, certa incertis, secunda periculosis: neq; tam videbat, quanta res ipsæ essent quam quantum spei ad eas conficiendas ostenderetur. Hinc agebat, non res nobis, sed nos rebus accommodari debere.*

Lib: 3:  
C. II.

imo Discretio Magistri consistit in hoc ut Novitios de aliquib; vitiis in seculari vita contractis, non violentè arguat vel corrigat sed leniter & paulatim: laudando eos interim si quæ bona fecerint, & post modum ad corrigenda vitia sensim descendendo. Taliter faciebat idem S. Ignatius, ut de ipso testatur Historia Societatis: *In vocandis hominib; ad virtutē suis armis petendum sathanam*

dicebat; sicut enim ille animam iusti, non continuo apertis armis & insidiis, sed recto oppugnat, nihil primo bonis actionibus ad- versando imo multa quæ honesti speciem præbent, suggerendo, Donec tandem incautum decipiat; ita in alliciendis ad salutem animis, laudanda prudenter initio in hominibus, quæ sunt recta, vitiis parumper intactis, ac leniter in eorum gratiam irrependum. quâ conciliatâ, tum demum admovendam medicinam. Aiebat sanctitatem per se solam valere plurimum, sed nisi cum prudentia, agendiq; cum hominibus modo, conjuncta sit; mancam fere ac infirmam, plusq; sæpe exquisitam cum mediocri sanctitate prudentiam, in Gubernatore efficere, quàm sanctitatem majorem, cum prudentia minori. Censebat eos, qui in rebus Divinis nimis prudentes esse volunt, haud sæpe magna præstare: nunquam enim se ad ea quæ pulcherrima sunt, amoturum illum, qui earum difficultates & ancipites eventus scrupulosè cogitat aut inde nimis reformidat. Et certè si tali discretionem utentur Magistri cum suis Novitiis, majorem orbis partem traherent ad suam institutum, sicut

ficut traxit S. Ignatius. Hac discretione adhuc ante S. Ignatium videtur usus fuisse Sanctus Paulus dum inquit: *Ego vos non gravavi, sed cum essem astutus, dolo vos capi.* Taliter astuti debent esse Magistri novitiorum (& omnes superiores) ut qui apertè in rete Christi piscari non possint, dolo eos salvari capiant, & lucrentur animas eorum

12mo Discretio Magistri consistit in hoc, ut si novitii ab initio tententur, in parvis; ea parva vel minuta concedat, servatis tamen ex Regula servandis; postquam autem contraxerint Religionis consuetudinem, ad communem sortem & praxim eos reducat. Talis discretionis erat S. Franciscus Borgias, de quo testatur Historia: *Si qui Societati nomen dare vellent, minimisq; rebus (ut fit) initio urgerentur, quominus se totos addicerent largiri illis minuta funemq; concedere, salva tamen Religione, & spe commodi majoris solebat: gnarus futurum ut tempore ipso, exigua illa & parva, veluti nebule dissiparentur.*

13 Discretio Magistri consistit in hoc ut non credat omnibus illis quæ

Y

de novi-

de novitiis referuntur, sed ipsam rem bene scrutetur & investiget antequam credat hoc præcavet Thomas à Kempis: *non est credendum omni verbo & instinctui: sed cautè longanimitè res est secundùm Deum ponderanda.*

1410 Discretio Magistri consistit in hoc, ut coram novitiis nihil leviter, nihil temere, nihil inconsideratè loquatur, donec prius bene recogitet, quid inde secuturum sit. Rex quidam Iuvenis cum nundinas transiret, forte senem conspicatus vacuæ mensæ assidentem, quid ibi ageret? interrogavit: cumq; is sapientiam se venalem habere dixisset; gavissus responsò, pro centum marcis sibi sapientiam vendi petiit. Cui senex,

*Canti-* Unum (inquit) tibi pro statuto pretio  
*prata-* dicam, quod si bene tenueris optimè  
*mus lib.* regeris & reges. *Temere nihil loquaris,*  
*2. C. 43. temere nihil attentes, nisi prius cogites,*  
*p. 3. quid sequatur.* Quod ubi Rex audivit,  
mox pretium solvi, & verba hæc omnibus januis superliminaribus, & vasis inscribi iussit, sapientissimèq; populum sibi subjectum gubernavit. Quia vero plebè  
ab

ab injusta vexatione liberare statuerat, illi in seditionem versi, Tonsorem pecuniis corruperunt, ut Regem rasurus, novacula ei guttur abscinderet. Quod cum ille constituto die jam jam moliretur, lecta in pelvi sententia: *Temere nil attententes prius, quam consideres quid sequatur?* cohortuit: causamq; horroris dicere à Rege iussus, cum sponte nollet, per tormenta fateri coactus est. Rex ergo sic liberatus à morte, consilium à Philosopho datum amplius suspexit, ejusq; auxilio feliciter gubernare perrexit: Rex præfatus tantum centum marcas pro sapientia regendi dedit: ego darē miliones infinitos marcarum si hanc sapientiam, discretionem regendi acquirere vellent omnes Magistri: si ergo illi bene regere volunt & regi, hoc semper præ oculis habeant: *Temere nil loquaris, temere nil attententes nisi prius cogites quid sequatur:* Et sic & se ipsos à periculo liberabunt, & novitios non scandalizabunt totumq; suum regimen feliciter administrabunt.

1520 Discretio Magistri consistit in hoc: ut tunc dū ei tentationes suas credunt

Novitii sciat eis occurrere, & tentatos leniter consolari studeat, alias si nesciet, & crude se vel aspere cū illis geret, citius Novitios ad desperationem, quā ad perseverantiam deducet. Testantur Vitæ P.P. Parte 2da libro contra fornicationem: quod quidā Frater cum valde à fornicationis Dæmone turbaretur, venerit ad quendam senem & retulerit ei cogitationes suas. Senex hoc audiens indignatus est, & miserabilem dicebat esse Fratrem illum, & indignum habitu Monachi, quod tales cogitationes reciperet. Et hæc audiens Frater, desperans se ipsum, reliquit propriam cellā, & ad sæculum jam redibat. Secundum autem dispensationem & providentiam Dei, occurrit ei Abbas Apollo, & videns eum perturbatum, nimiumq; tristem, interrogavit eum dicens: Fili quæ est causa tantæ tristitiæ tuæ? ille autem ex multa confusione animi sui non respondit ei quidquam. Cum autem multum rogaretur à sene, quæ circa se agerentur, confessus est dicens: quia cogitationes fornicationum inquietant me, & confessus sum seni illi, & secundum  
verba

verba ejus jam mihi spes salutis non est, desperans ergo me ipsum, ad sæculum redeo. Hæc autem P. Apollo audiens velut sapiens medicus; multum eum rogabat & monebat dicens: noli mirari fili neq; desperes de te ipso, ego enim in hac ætate atq; conversatione, valde ab hujusmodi cogitationibus inquietor: nè ergo deficias in hujusmodi occasione, quæ non tam humana sollicitudine, quam Dei miseratione curatur: tantum hodie dona mihi quod peto, & revertere in cellam tuam. Fecit autem ille Frater sicut petebatur: Abbas autem Apollo discedens ab eo, perrexit ad cellam illius senis, qui ei desperationẽ fecerat, ac desperationis ejus causa fuit: & stans foris deprecatus est Dominum cum lachrymis dicens: DEUS qui tentationes utiliter infers, converte bellũ quod patitur Frater ille, in hunc senem, ut per experimentum discat in Senectute sua, quando per tam longum tempus adhuc non didicit, quomodo debeat compati illis, qui talibus tentationib9 perturbantur. Dum ergo Abbas Apollo orationem complevisset, vidit Æthyopẽ

stantem juxta cellam, & sagittas dirigentem contra illum senem, quibus ille senex quasi perforatus statim tanquam ebrius à vino, huc atq; illuc ferebatur. Et cum non posset tolerare præfatam tantationem, egressus est de cella sua eadem via, qua & ille Iuvenis ad sæculum redibat, Abbas autem Apollo intelligens quid factum fuerat, occurrit ei & accedens ad eum dixit: quo vadis & quæ causâ perturbationis tuæ quæ obtinuit te? Ille autem sentiens quod intellexisset Sanctus Vir, quid ei evenerat, præ verecundia nihil dicebat. Dixit autem ei Abbas Apollo, revertere in cellam tuam, & de cætero agnosce infirmitatem tuam, & cogita apud temet ipsum quia ignotus fueris à Diabolo, usq; autem modo impetitus es ab ipso, propter quod nec meruisti secundum vires virtutum habere contra diabolum luctamenta. Quid autem dico luctamenta? qui nec una die aggressionem diaboli portare potuisti? hoc autem tibi ideo contigit quia Iuvenem illum à communi adversario impugnatum, cum debuisses contra diabolicum

certa-

certamen verbis consolatoriis menere  
& confortare, tu eum in desperationem  
perduxisti: non cogitans illud sapien-  
tissimum præceptum, quo iubemur eri-  
pere eos qui ducuntur ad mortem; &  
iterum non negligas redimere occiden-  
dos, sed neq; parabolam Salvatoris no-  
stri dicentis: arundinem quassatam non  
debere confringi, & lignum fumigans  
non extingvi. Nemo enim ferre posset  
insidias adversarii, neq; ebullientis na-  
turæ ignem extingvere vel retinere,  
nisi Dei gratia conservaret infirmitatem  
humanam, quæ in nobis salutari dispen-  
satione cuncta disponit; omnes ergo  
Dominum deprecemur, ut & adversū  
te dimissum flagellum avertat, quoniam  
ipse & dolere facit & iterum salutem re-  
stituit: percutit & manus ipsius sanat,  
humiliat & exaltat, mortificat & vivifi-  
cat, deducit ad inferos & reducit. Hæc  
dicens orationem implevit, & statim  
ab illato sibi bello senex ille liberatus est,  
quem admonuit Abbas Apollo, ut  
peteret sibi dari linguam eruditā, qua-  
tenus sciret tempus quo operteret loqui  
sermonem.

Quod contigit huic feni tentationum carnalium ignaro & inexperto, hoc plerumq; contingit Magistris nondum perfectè versatis in via spirituali: veniunt ad eos Novitii & credunt tentationes suas quibus impugnantur, Magistri autem ac Directores eorum, in talibus tentationibus nondum practici, audita eorum relatione indignantur, & indignos habitu religioso pronunciant: Novitii autem taliter confusi de sua perseverantia desperant, & plerumq; ex occasione Magistrorum indiscretorum ad sæculum redeunt; Ne igitur Magistri sint causa desperandi vel egrediendi Novitiis, debent esse cauti & orare Deum optimum Maximum, ut illis det linguam eruditam, quomodo sibi debeant procedere cum Novitiis in tentationibus eorum, quomodo & quid coram illis loqui debeant, alias si hoc non curaverint, digni sunt ut DEUS permittat in illos tales tentationes & angustias, qualibus impugnantur & ipsi novitii.

Scribit S. Joannes Climacus de Joanne Abbate; Grad: 4to de obedientia folio

folio 83 quod cū aliquando idem Abbas  
Joannes sederet in Monasterio S. Sabbæ,  
acceserunt ad eum tres adolescentes  
discipuli illius fieri volentes, quos con-  
tinuo hospitio lætissimè suscepit, omni-  
busq; humanitatis officiis profecutus  
est, volens illos ex itineris labore recrea-  
re. Post diem ergo tertium dicit eis  
senex: Ignoscite mihi fratres, quia homo  
malignus sum, nec possum ex vobis  
quempiam suscipere. Illi vero nihil-  
ominus scandalizati non sunt, sciebant  
enim senis opera. Sed cum maximis  
precibus, ut se susciperet, obtinere non  
possent, prostrati jam ante pedes ejus  
obsecrabant, ut vel vivendi normam eis  
traderet, quo in loco & quomodo ha-  
bitare debuissent. Cessit Senior  
sciens, quod cum humilitate ad obtem-  
perandum parati id peterent. Aitq;  
uni. *Vult Dominus te ô fili in solitariis  
locis, cum Patre in subjectione persistere.*  
Secundo autem dixit: *Abi vende volunta-  
tes tuas & Domino da, & tollens Crucem  
tuam persiste in Conventu & cœnobio fra-  
trum & omnino habebis thesaurum in cœlo.*  
Deinde dicit & tertio: *Assume in animo*

*tua insuperabiliter & tota intentione verbum illud: Qui perseveraverit usq; ad finem hic salvus erit.* In intimis visceribus reconde, abiensq; si fieri potest eum exercitationis tuæ in Domino ducem ac Magistrum quære, quo in omniū mortalium natura nullus sit asperior aut gravior, sub quo perseverans jugiter objurgationes, & irrisiones quotidie ut mel vel lac bibe. Ad quem Frater ille inquit: Si hujusmodi negligens fuerit, quid facio Pater? & si fornicari inquit illum videris, noli discedere, sed ad te conversus dic. Amice ad quid venisti? Tunc aspicias tumore tuæ mentis dissipari, excandescentiamq; mitescere. O! si modo tales invenirentur Magistri ac Directores qui venientes ad Religionem adolescentes sufficienter instruere possent, eorumq; spiritum ita discernere, cognoscere, ac penetrare valeant, ut ex primo eorū intuitu sciant & percipiant, ad quid unusquisq; illorum propensus & inclinatus sit? defacto sub talibus Magistris & Religiones feliciter ampliarentur, & Novitii uberrimè proficerent, fieretq; tandem ut Monasteria & convento  
tali

tali modo purgarentur, vel potius præservarentur à discolis, scandalosis, refractariis, ebriosis, laxis, & distortis subjectis: quæ si aliquando in aliqua Religione comperiantur, hoc potissimum & originaliter provenit, ex defectu discretionis in Magistris Novitiorum, quod hi non discernant naturas & inclinationes subjectorum, eaq; multa sine omni delectu ac differentia suscipiant.

1010 Discretio Magistri consistit etiam ut in correctione, admonitione, & omni instructione Novitiorum à verbis duris, scommaticis, crudis, sæcularibus, & laxis absteineat: & talem discretionem demandat Sanctus Augustinus dicens in Regula sua. *Proinde vobis à verbis durioribus parcite, quæ si emissa fuerint ex ore vestro, non pigeat ex ore ipso proferre medicamenta unde facta sunt vulnera.* Potest quidem aliquando etiam Magister uti verbis asperioribus & ponderosis exemplò Christi discipulos euntes in castellum Emmaus, increpantis, *O stulti & tardi corde ad credendum.* Et exemplo S. Pauli Galatas arguentis. *O insensati Galatæ quis vos fascinavit non obedire*

*obedire veritati! sic stulti estis ut cum spiritu ceperitis, nunc carne consummemini!* Ceterum quantum fieri potest, potius verbis lenibus, blandis, suavibus quàm asperis, utatur, juxta monitum Regulæ Sancti Augustini: *Plus tamen à vobis appetat amari quam timeri.*

Pro complemento dictorum de discretione adfero hic verba S. Gregorii Homilia in Ezechielem 22 qui loco præfato sic inquit: *Sepe contingit ut Doctor regulam discipline quam scit docere, nesciat tenere: cum aut nimio Zelo motus, minùs se per mansuetudinem temperat, aut nimia mansuetudine placidus minùs se contra vitia, per zeli stimulum inflammat. Magna enim consideratione debemus pensare quod scriptum est. In vasis enim templi, inter coronas & plectas, boves & Leones & Cherubin exculpta sunt. plectæ autem concordie unanimitatem significant: Cherubin vero plenitudo scientie dicuntur. Sacerdotes enim & Doctores inter coronas & plectas, idest inter fortitudinem boni operis, quo ad victoriam currunt, & Charitatis concordiam, qua à se vicissim non discrepant, per boves & leones atq; Cherubin*

*Cherubin designati sunt, quoniã inter plenitudinem scientiã quam habent, necesse est ut & bouum mansuetudinem habeant, & fervorem leonum: quatenus ad disciplinam, quam prædicant, & ex sancto zelo accensi sunt, & ex poterna dulcedine tranquilli. Quibus etiam subter se lora dependeant, ut disciplinæ suæ retinacula quibus ipsi ligati sunt etiam subjectis suis sollicitè impendant, super eos enim lora dependere, est custodiæ vincula in subditis tenere. Quæ tunc rectè servantur, cum nec bouum mansuetudo, in zeli fervore amittitur, nec leonum terror in mansuetudinem declinatur. Tanta quippe debet esse discretio, ut nec disciplina nimia, nec ipsa quoque misericordia sit remissa ne si inordinate culpa dimittitur, is qui est culpabilis, in reatu gravius astringatur. Et rursus, si culpa immoderate retinetur: tanto qui corrigitur fiat deterior, quanto erga se nihil ex benignitatis gratia agi considerat: exhibenda itaque gravis est asperitas in ostensione: caritas in mente: ut & dura ostensio delinquentem cõerceat, & caritatis gratia mercedem Mansuetudinis non amittat.*

*Ecce dum hæc loquor, Joseph animũ  
pub*

pulsat, ut ad ostendenda quæ dico ipse testis veniat certe somnium, quod de profectu suo viderat fratribus narrans, per hoc quod innocenter retulit, malitiæ contra se stimulos excitavit. Idem à Fratribus venditus Ismâelitis, & in Ægyptum ductus mira Dei omnipotentis dispensatione, in Ægypto prælatus est. Cumq; in terra Chanaan fames exsurgeret, fratres ad Ægyptum venientes, Joseph prælatum Ægypto reppererunt, eumq; submissis ad terram cervicibus adoraverunt: quem ne adorarent ideo vendiderunt: adeo consiliū Dei mutari non valuit. Tunc Joseph spiritu discretionis plenus, cognovit fratres non cognitus, Sed memor culpæ & remissor injuriæ, mala fratrum nec reddere studuit, nec sine castigatione laxare. Nam suspecta voce protinus dixit; Exploratores estis ut videatis infirmiora terræ venistis. O jaculum in corde! Peregrini venerant famis periculum fugiebant: frumenta quæ querebant non acceperant, & feriri se in super jactatione criminis videbant. Inter hæc ducuntur ad carcerem, & post triduum adhuc in eadem asperitate tenentur. Iam reditur ad cor, jam culpæ memoria pulsat animum: atq; inter se invicem loquuntur.

Merito hæc patimur, quia peccavimus n fratrem nostrum, videntes angustias anime illius, cum deprecaretur nos & non audivimus; id circo venit super nos ista tribulatio. In his autem cor Joseph amore vincitur, secessum petit, solvit flendo, quod pietati debuit. Severus ad fratres revertitur, ut cruciatus eorum animas à culpa liberaret. Post hæc unus relinquitur in vinculis, dimittuntur cæteri cum frumentis, ut unus frater veniat quem minimum habere se dixerant, qui etiam postmodum venit. Vincebat mentem pietas, cum frater innocens videretur. Sed permanebat in ostensione asperitas, ut fratres noxii purgarentur. Frumenta dantur, scyphus in sacco Benjamin absconditur, furti post eos questio movetur. Mittitur ut reducantur in servitutem, decernitur apud quem scyphus fuisset inventus: in sacco Benjamin invenitur, tunc Benjamin reducitur, afflicti omnes fratres, sequuntur. O tormenta misericordie! cruciat & amat. Reversi igitur in terrã cū lachrymis, prostrati veniã postulant. Memores enim quid de illo Patri promiserant, merore intolerabili tabescebant. Tunc se ultra cohibere non valens pietas clausa, prorupit in medium,

& excussit caritatis lachrymas de vultu  
 severitatis. Detersa est ira, que appare-  
 bat, & non erat; ostensa est misericordia  
 que erat, & non apparebat. Sic vir san-  
 ctus facinus fratrum suorum & dimisit  
 & vindicavit. Sicut rigore clementiam te-  
 nuit, ut delinquentibus fratribus non sine ul-  
 tione pius existeret, nec sine pietate distri-  
 ctus. Ecce hoc est in Magisterii disciplina:  
 ut culpis & discrete noverit parcere & eas  
 pie refecare. Qui autem discretionem spiritus  
 non habent, ut sic dimittant peccata ut non  
 corrigant, aut sic quasi corrigendo feriunt  
 ut non dimittant. Hactenus dicta de Pro-  
 batione activè sumpta, sufficiant, de Pro-  
 batione autem passivè sumpta, seu de eo  
 quomodo Novitii debeant se ipsos pro-  
 bare & absolvere Novitiatum, agatur in P:  
 3tia Vitæ Apostolicæ.

Protestatio Authoris.

Sicut firma fide credo, quod sancta Ro-  
 mana Catholica & Apostolica Ecclesia  
 sit infallibilis Interpres & Judex omni-  
 um veritatum in quacunq; materia ad-  
 feribilem; ita quæcunq; hinc dicta sunt,  
 omnia volo intelligere juxta sensum  
 sanctæ Apostolicæ Ecclesiæ, illiusq; su-  
 premo Judicio omnia subjicio.

F I N I S.

## Errata Typi sic corrige.

Paginâ 2. Versu 6: probatiane lege: probatiane.

p. 3. V. 9 manifestare l. manifestare.

p. 2. v. 8 sub jungit l. subjungit.

p. 24. v. 18 superbi l. superbia.

p. 35. v. 7. accefferis l. accesseris.

d. 40. v. 20. sectiones l. puncta.

p. 69. v. 17. toto: corde tuo l. toto corde tuo;

p. 94. v. 10. factum est ipsiq; l. factū ipsius;

p. 116. v. 24. Deniq; l. Deniq;

p. 122. v. 26. DDUS l. DEUS.

p. 122. v. 18. appropinquabit l. appropinquavit.

p. 134. v. 25. ordinarit l. ordinavit.

p. 143. v. 5. quod l. quò.

p. 159 v. 22. investigabunt l. investigabunt.

p. 161 v. 12. si l. sint.

p. 165 v. 7. Belila l. Belial.

p. 185 v. 25. venia l. venit.

p. 189 v. 11. & l. ei

p. 191 v. 12. anicuiq; l. unicuiq;

p. 213 v. 8 sicut l. sit, ut;


p. 228 v. 23. credent l. credant.

p. 229, v. 1 Gide l. Fide.

p. 248 v. 6. Regum l. regnum

Z

p. 248




- p. 248 v. 15 Magisteri: l. Magistri  
p. 317 v. 1. instruendo l. instrnendi.  
p. 323 v. 25 Urbini l. Urbani,  
p. 328 v. 6 ita l. itaq,  
p. 328 v. 8 sommo l. somno  
p. 329 v. 2 muns l. munus  
p. 333 v. 12 censefo l. censeo  
p. 339 v. 20 sincerea l. sincera.  
p. 341 v. 21 addiscendi l. addiscendæ.


*Reliqua, præsertim minora, quæ oculis  
fugerunt, assequetur facile ac corriget  
Lector Benevolus.*



i  
di.

nda.  
ulum  
iget





Biblioteka Jagiellońska



stdr0005368

